



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

GRAD
EREN
105
BUHR

B 1,215,385



Cicero's

Cicero, Marcus Tullius .265
Haghags Palshachits...

ՄԱՐԿՈՍԻ ՏՈՒՂԱԴՈՍԻ

ԿԻԿԵՐՈՆԻ

ՅԵՂԱԳՈՐԾ ՊԵՏՇԵՆԻՑ



ԹԱԳՄԱՆՈՒԹԻՒՆ

153 p.

ՏԵԱՌՆ 4. ՄԿՐՏՉԻ ԱԻԳԵՐԵԱՆ

ԱԹՈՌԱԿԱԼ ՎԱՐԴԱՊԵՏԻ

ՄԻԹԱՐԵԱՆ ՈՒԽՏԻՆ



Ի ՎԵՆԵՏԻԿ

Ի ՏՊԱՐԱՆԻ ՄՐԲՈՅՆ ՂԱԶԱՐՈՒ

1845 — ՌՄՂԴ

Grad.
EREN

105
BUHR

ՅԼՈՒՆՔԼԻՒՆ

ՊԵՐՃԱՌՈՍՈՒԹԵԱՆ արուեստին և հռովմէական իմաստասիրութեանն գերազոյն վարժապետ՝ Սարկոս Տուղլիտս Լիկերոն, հոյակապ անուամբն քաջածանօթ էր ցայսօր և մերումն ազգի. իսկ անմահական գրչութեանցն ճաշակաւ ոչ նոյնպէս : Հանգոյն իմն մերոց եւրասաշնորհ թարգմանչաց՝ և սա ինքն յԼԹեհնացւոց քաղաքի ընկարաւ գիւրոց մարդիցն զկատարումն. և բնաւոր հանձարովն և աննկուն ուսումնասիրութեամբ վեհագունիցն Հեղինացւոց լեալ նախանձաւոր, ՚ի հոետորականսն ժամանեաց Վեմութենեայ կալ զուգալէիւ, և յիմաստասիրականն Պլատոնի հանգիտապատիւ և մրցակից, ոճոյն յստակութեամբ թերեւս սուղ ինչ և քան զնա առաւելեալ. իսկ յաշխոյժս մտացն և ՚ի խորագնին դատմունս և յարտասանութեան հնարս ամենեցուն իսկ հեղեն և հռովմայեցի որերոյ գերազանց :

Ըրդարեւ յիրաւի է մեզ աւաղել, զի ոչ յաջողեաց Հարանցն մերոց՝ և հռովմէական բարբառոյն լինել հետամուտ. ապա թէ ոչ, աներկմիտ վստահութիւ մարթէր մեզ ակն ունել ՚ի լատին լեզուէ յառաջ քան զամենայն ճաշխարհիկ երկասիրութեանց մեծի մատենագրիս թարգմանութեան. որով և բարբառս մեր ՚ի վերայ բնիկ վեմութեան գեղցն և զհռովմայեցի պատմութեանին զխրոխտ պերճանացն առնոյր զգարդարանս : Եւ զի մեք վերջացաք յայնպիսոյ ակնկալութենէ, և դարձեալ զի ցանկալի մերազնեայց գիտեմք զվեհի մատենագրին զիմաստս, ընծայեմք աւասիկ ուսումնասիրու-

Թեան նոցին մերովս Թարգմանութեամբ զՊատշա-
ճիցն, կամ որպէս այլք անուանեն զՊաշտամանց գիրս,
որ 'ի հիացումն կրթեալ են զդարս և զազգս ամե-
նայն՝ աղնուական և յստակ ոճովն, և ուղղադատ և
ազդողական և լուսաւոր վարդապետութեամբն՝ որպի-
սի չէր իսկ արդեօք կարծելի 'ի հեթանոսական հան-
ճարոյ :

Հատուցուք աստէն համառօտիւ և զպատճառս մա-
տենիս : Օ հետ բռնամահ վճարելոյ 'ի կենաց (Եւրդի-
սի Վեսարու, իբրև Սարկոս Նշտոնիոս խոյլ հարեալ
'ի Ժողովրդեանն Հռովմայ՝ կենախուզ կամէր լինել ո-
րոց գործակից սպանութեանն եղեն, Վիկերոն ևս ըստ
այլոցն օրինակի խոյս ետ 'ի քաղաքէն յերկիր կալուա-
ծոց իւրոց . անդ յանդորրաւէտ տեղին առաւել ևս պա-
րապով յիմաստասիրականն միտ եղեալ, մատենա-
դրեաց և զՊատշաճիցն գիրս երեսին յառանձին պէտս
որդեկին իւրոյ, որ յԹէնս էր 'ի Ժամոն՝ Վրատիպ-
պեայ աշակերտեալ ճեմական իմաստասիրի : Եւ կալա-
իւր յայտմ օրինակ առաւելապէս զՊանետիոսի հոռ-
դացոյ զմատենան որ (Յաղազս Պատշաճին մակա-
գրեալ իսկ յերրեակ դասուց բարոյախօսից Ժամանակին,
Վլադեմեանցն ասեմ և Ղեմականաց և Ստոյիկեանց,
որք Թերևս բանիւք չափ և եթ հակառակէին (յար-
դիւնսն միաբանեալք) Թէ զինչ համեստն և վայելուչն
իցէ կամ պատշաճ, սա զՍտոյիկեանցն ընտրեաց զկար-
ծիս : Եւ յառաջնում անդ 'ի գրոցն աւանդեալ զսահ-
ման պատշաճիցն և զբաժանումն, յերկրորդումն յայտ
առնէ եթէ զինչ ինչ օգտակար իցէ և կամ վնասաբեր .
և յերրորդին 'ի կշիռ ընդ միմեանս արկեալ զվայելուչն
և զօգտակար, 'ի քնին առնու եթէ զոր ինչ 'ի նոցանէ
ընտրել առնուլ պատշաճ իցէ՝ յորժամ հակառակել
ընդ միմեանս Թուիցին :

ՄԱՐԿՈՍԻ ՏՈՒՂԱԴՌՈՍԻ

Կ Ի Կ Ե Ր ՈՆԻ

ՅԼՂԼԳՄ ՊԸՏՇԼՆԻՑ

ԱՌ ՄԱՐԿՈՍ ՈՐԴԻ ԻԻՐ



ԳԻՒԳԻ ԼՈՒՆՅՈՒՆ

Ա. ԹԻԳԻՏ ԵՒ ՔԵՂ, ՍՊԱՐԿԻԷ ՈՐԴԵԱԿ, ՈՐ յԱՄԷ
ՀԵՏԷ աշակերտեալդ ես առ ոտս Երատիպպոսի՝, և այն
յԼԹԷՆԱ, պէտք էն ճոխանալ խրատութ և մարդիւք ի
մաստասիրութեան՝ և՛ յաղագս ծայրացելոյ վարժապե-
տիդ և քաղաքին մեծութեան, յորոց մին գիտութիւն
և միւսն օրինակօք բարգաւաճ՝ զքեզ առնել կարող
են, սակայն զոր օրինակ ես ինքնին առ իմ օգուտ միշտ
զլատինականն ընդ յունականին լծորդեցի՝ ոչ միայն յի-
մաստասիրութեան մասին, այլ և՛ ի կրթմանս պերճախօ-
սութեան, ՚ի դէպ և քեզ զնոյն վարկանիմ՝ գործ, զի
համազօր գտանիցիս յերկաքանչիւր բանասացութեան
հանդէսս: Եւ առ այս մեք, որպէս Թուի, մեծապէս
օճան մատուցաք մերազնեայ որերոյն. որպէս զի ոչ միայն
հետեւեալքն ՚ի հելլեն դպրութիւնս, այլ և որ ներհունքն
են՝ համարին զանձինս հրահանգեալս փոքր՝ ի շատէ և յա-
տենաբանել և՛ ի դատել: Սմին իրի ուսանելով ուսցիս ՚ի
պետէ անտի իմաստասիրաց ժամանակիս, և ուսցիս ցիւր-

1 Երատիպպոս հայրենեօք ՚ի Միտիլենեայ՝ երեւել էր յոյժ ՚ի ճե-
մականս ժամանակին:

չափ և կամիցիս . իսկ կամել ցայնվայր, զի որչափ և յառաջադէմ լինիցիս՝ մի գղջանայցես : Եւ սակայն ընթերցըիր և զմերս , որ ոչ կարի օտարանան՝ ի ճեմանկանացն . քանզի ըստ նոցա և մեք սոկրատեան և պղատոնական կամիմք գոլ : Եւ գործս ըստ քումդ կշռութեան վարեսըիր , չարգելում . իսկ ի լատին վարժս վերծանութեամբ մերոցս ևս քան զևս յառաջադէմ զարգացիս : Եւ մի յանդգնութիւն քեզ բանս թուեսցի . քանզի զիմաստասիրելոյցն զգիտութիւն չնորհելով իմ բազմաց , եթէ անձին պահիցեմ զսեպհականն ատենախօսի , ըզխօսեն ասեմ վայելուչ՝ յստակ և պերճ , քանզի ի դոյն քանս զկեանս իմ ծախեցի , թուիմ զիմ իրաւունս պահանջել :

Եւ ասն որոյ մեծապէս յորդոր քեզ լինիմ Սիկերոնդ իմ, զի ոչ միայն զատենախօսութիւնս իմ, այլ և զայսոսիկ զյաղազս իմաստասիրութեան գիրս որք զուգահաւասար են գոգցես նոցունց՝ ընթերցցիս մտադիւր : Եւ քանզի թէպէտ և առաւելագոյն կորով է բանից , սակայն և զայս ազգ բանախօսութե գլայեցականն և զչափաւոր՝ արժան է պատուել . և յայս իսկ ոչ զգրի Յունաց տեսանեմ ցարդ ձեռն արկեալ, զի նոյն այր յերկաքան չիւր մասին երկասիրիցէ , և զհետ լիցի ատենաբանութեան , և միանգամայն այսմ խաղաղաւետ վիճաբանութեան ազգի : Եւ այց եթէ յայս թիւ համարոյ գրեսցէ որ զՎեմտորիոս փաղերացի՝ , զվիճաբանն նրբախօս , զհռետորն ոչ այնչափ հզօր՝ որչափ քաղցր ի բանս . որով զիւրաւ ճանաչի լիւրիւրաստեայ լինել աշակերտ : Եւ թէ մեք որքան գտաք յերկաքանչիւրումն յառաջադէմք , այլոց իցէ դատել . այս ինչ հաւաստի է , զի յերկաքանչիւրն իսկ պարապեցաք :

Եւ պարէն և Պղատոնի , որպէս կարծեմ , եթէ կամեցեալ էր ատենախօսութեան պատկառ կալ , կարող էր վսեմութեամբ և ճոխաբար ճառել . և Վեմոսթենեայ եթէ զոր միանգամ ի Պղատոնէ ուսեալն էր՝ պինդ ի մտի կալեալ էր , և կամեցեալ բարբառել յայտնի , պերճ և շքեղ կարող էր զբանն յորինել : Եւ նոյն է ինձ ասել և զՄիստոտելէ և զՍոկրատեայ . յորոց մէն մի

1 Դեմտորիոս փաղերացի գիւնանապետ էր Պողոսեայ արքայի եղբայրասէրն կոչեցելոյ :

իւրովն զուարճացեալ ուսմամբ՝ ապախտ զմիւսովն արար :

Բ. Եւ իսկ այն ինչ եղի 'ի մոի գրել զարգիս առ քեզ ինչ ինչ, և առ յապա զբազում ինչ, կամ եղև ինձ յայն մանէ մանաւանդ առնել սկիզբն, որ քումդ հասակի և իմումն աշտիճանի իցէ քաջավայելուչ: Օ ի թէպէտ բազում ինչ իրք են յիմաստասիրութեան ծանր ծանր և պիտանացու, զորոց գեղեցիկս և ճոխագոյնս ճառեցին իմաստասէրք, սակայն արձակածաւալ ինձ թուին որ ինչ միանգամ 'ի նոցանէ պատուիրանաւ աւանգեցան յաղագս Ստաշաճից: Վանգի չիք և ոչ մի ինչ կենաց մասն, ոչ 'ի հասարակացն և ոչ յառանձին գործս, ոչ յատենի և ոչ յառտնին իրս, եթէ դու քեզնէ ինչ գործիցես, և եթէ ընդ այլում դաշնաւորեսցիս, որում հնար իցէ անբաժ լինել 'ի պատշաճէն. և յայդմ իսկ հաստատեալ է ամենայն լաւութիւն կենաց, որպէս և յանտեսն առնել՝ վատթարութիւն:

Եւ սոյն այս խնդիր՝ հասարակաց է ամենայն իմաստասիրաց: Ս ամն զի ո՞ր այն ոք իցէ, որ առանց աւանդիչ լինելոյ իրիք 'ի պատշաճից՝ իմաստասէր զանձն համար ձակեացի անուանել: Բայց են և խրատք ինչ վարդապետութեան, որ յառաջի առնել անդ զբարեաց և զչարեաց զվախճանս՝ վեր 'ի վայր առնեն զպատշաճն գլխովին: Օ ի որ զգերագոյն բարին այնպէս սահմանիցէ, մինչև չունել նմին ընդակցութիւն ինչ ընդ առաքինութեան, և զայն յանձին դիւրութենէ չափիցէ, և ոչ 'ի լաւութենէ, այնպիսին եթէ սնդեացի յիւր կարծիս, և ոչ յաղթահարեացի երբէք յերեսաց բնութեանն լաւութեան, չէ և չէ կարող՝ ոչ բարեկամութեան լինել սպասահարկու, ոչ արդարութեան և ոչ առատաձեռնութեան: Եւ որ զգաւն ծայրացեալ ինչ չարիս վարկանիցի, անհնար է այնպիսւոյն քաջարի լինել ամենեւին. որպէս և ոչ բարեխառն՝ որ զփափկութիւնն ծայրագոյն գրեացէ բարի:

Եւ յամենայն թէպէտ և քաջայայտ, և անկարօտ բազում խնդրոյ, սակայն ընդ խնդրով արկաւ 'ի մէջ յայլում վայրի՝: Եւս ուրեմն եթէ վարդապետութիւն պղպիսիք զհաստատութիւն կամիցին առնուլ 'ի բանս

1 Ի Տուսկուղ. խնդ. գիրք Դ. ևս և 'ի գիրսն յաղագս վախճանի բարեաց և չարեաց:

իւրեանց, անմարթ է նոյա ճառել ինչ զպատշաճից : Եւ չէ իսկ հնար եթէ աւանդեսցին պատուէրք պատշաճից հաստատունք, կանդաղեալք, և համեմատք բընութեանն օրինաց, բայց միայն 'ի նոցունց՝ որք զառաքինութիւն և եթ, և կամ յայնցանէ որք զառաքինութիւնն առաւելապէս ասացին ցանկալի ըստ ինքեան լինել : 1) ասն որոյ և տըւչութիւն պատուիրանիդ ստոյիկեանց, աւաղեմեանց և ճեմականաց է անկ . վասն զի վաղ իսկ հերքեալ են Միստոնին, Սիւտնի, և Ներիլայ կարծիք . և էր արդեօք և սոցա ունել ինչ իրաւունս ճառելոյ զպատշաճից, եթէ թողեալ էր նոցա ընտրական ինչ 'ի բնութեանն իրս առ 'ի մարթելոյ մատչել 'ի պատշաճիցն գիւտս : Եւ արդ յառաջիկայս ինդիր զհետ երթիցուք առ այժմ՝ առաւել ստոյիկեանց, ոչ որպէս թարգմանք, այլ որպէս մերս է սովորութիւն՝ յաղբերաց անտի նոցա մերովս հանելով խորհրդով և ընտրութեամբ որչափ և որպէս ինչ հաճոյ թուեսցի :

Եւ որովհետեւ ինդիրս ամենայն զպատշաճէն հանդերձեալ է լինել, բարուք թուի յառաջագոյն սահմանել՝ զինչ պատշաճն իցէ . և զարմանամ եթէ զիարդ զանց զսովիմք արար Սանեստիոս . վասն զի ամենայն վարդապետութիւն յամենայն 'ի ինդիրս բանի 'ի սահմանէ պարտի յառաջ խաղալ, որպէս զի ծանիցի եթէ զինչ այն իցէ զօրմէ ինդիր յուզիցի :

Գ . Եւ ինչն ազգք են ինդրոց որ զպատշաճէն . մի՝ որ բերի 'ի վախճան բարեաց . և միւս ևս որ հաստատեալն է 'ի պատուէրս՝ որովք մարթ իցէ կենցաղական վարուց ամենայն ունտեք պատսպարել : Եւ օրինակք այս են առաջնոյ ազգին . արդեօք ամենայն գործք որ ընդ պատշաճն գրին՝ անթերիք իցեն, և իցէ՞ արդեօք գործ քան զգործ մեծ, և որ 'ի սոցին սակի : Եւ այնք 'ի գործոց զորոց աւանդին պատուէրք, թէպէտ և 'ի վախճան բարեաց ունիցին զգիտումն, բայց ոչ յոյժ յայտնապէս երևին իրքդ . քանզի թուին մանաւանդ բարեկարգութեան հասարակաց վարուց լինել պատկանաւոր . և զայնցանէ առաջի կայ մեզ 'ի գիրս յայս տալ տեղեկութիւն :

Եւ միւս ևս բաժանումն պատշաճից . քանզի է որ միջասահման ասի, և է որ կատարեալ : Կատարեալն և

կամ արդար՝ ուղղութիւն՝ վերաձայնի ըստ Յունաց . իսկ որ հասարակն է՝ պատշաճ՝ և կամ արժանի՝ : Եւ զայսոսիկ այսպէս սահմանեն . իբր զի որ ինչ ուղիղն է՝ նոյն և կատարեալ է գործ . և միջասահման զայն ասեն , զորոյ հնար է տալ զհաւանելի պատճառս գործելոյն :

Եւ արդ երբեակ է ըստ Պանետիոսի խորհուրդ ձեռն 'ի գործ առնելոյ : Եւ իսկ երկմտել , արդեօք վայելուչ իցէ գործն առաջիկայ , եթէ դժպատեհ ինչ խորհուրդ . և յայսմ մտածութեան բազում այն է՝ զի միտք 'ի կարծիս հակառակս տարուբերին : Եւ ապա՝ կամ անձամբ հետազօտել , և կամ խորհուրդ հարցանել , եթէ արդեօք առաջարկեալն խորհուրդ սաստար լինիցի՝ 'ի դիւլութիւն կենաց և 'ի զուարճութիւն , 'ի շահաստացութիւն և 'ի փարթամութիւն , 'ի մեծութիւն և յիշխանութիւն , որովք և անձին և իւրայնոց լինիցի որ պիտանացու . և այս ամենայն խորհրդածութիւն յօգտակարութիւն իրացն ունի զակնարկութիւն : Եւ որորդ ազգ երկմտութեան է , յորժամ դիմանարտ տեսանի ընդ վայելեալանին՝ այն որ օգտակարն երևի . զի որովհետև օգտակարութիւնն յինքն թուի յանկուցանել , և նմին հակառակ՝ վայելութիւնն առ ինքն ձգել , դէպ լինի 'ի խորհրդածութեան անդ յայսկոյս և յայնկոյս տարուբերիլ հոգւոյն , և 'ի վարանս հոգոց անկանին միտք :

Եւ յայդմ բաժանման զերկու ինչ իրօք զանց արարեալ է (ուր զանց առնել զիւրք 'ի բաժանելն թերութիւն մեծ է) : Եւ ամն զի խորհել բնաւորեցաք՝ ոչ միայն եւ 'ի արդեօք 'ի դէպ իցէ՝ եթէ դժպատեհ , այլ և 'ի յանդիման լինել երկուց վայելեալանաց՝ ճիւղ այն յերկուց անյոյսի վայելագոյն իցէ . ըստ նմին օրինակի , և որ այն յերկուց օգտակարացն իցէ օգտակարագոյն : Եւ այսպէս , զոր նա երբեակ վարկաւ լինել զբանն՝ մեք 'ի հնգեակ մաստոնս զնոյն հարկ համարիմք տրոհել : Եւ ամն որոյ ճառեցուք նախ զվայելեալանէն , բայց կրկնակի . ապա նոյնօրինակ զօգտակարէն , և 'ի վերջէ զհամեմատութենէ նոցուն :

Ի . Եւ իսկ քան զամենայն , կենդանեաց ամենեցուն տուեալ է 'ի բնէ՝ պաշտպանել անձին և կենաց և մար-

1 Κατόρθωμα.

2 Καθήκον.

մնոյ, և խորշէլ խորոց քանակաւ երեւին, և հանդերձեւ խնամով քանակաւ կարեւորս առ 'ի կեանս, զոր օրինակ զճարակ և զյարկ, և որ սոցին նման են: 'Խարձեալ, հասարակ է կենդանեաց ամենայնի իղձ զուգաւորութեան՝ ծննդագործութեան աղաքաւ, և ծննդոցն խնամարկութիւն: 'Ալ ընդ մարդ և ընդ անասուն այս մեծապէս է խտիր, զի անբանք որովհետեւ զգայութիւն շարժին, յայն ինչ և եթ զանձինս յարգարեն՝ որ մերձ և առաջի կայ նոցա, և կարի նուազ զգան զանցելոցն կամ զհանդերձեւոց ինչ իրաց: 'Իսկ մարդ՝ քանզի բանի է հազորդական, որով նկատէ զհետեւորդս, և զիրացն տեսանէ զպատշառս, և ոչ անգիտանայ զնոցին յառաջատուութիւն և զյառաջ խաղացմունս, և զնմանութիւն անգամ համեմատէ, և ընդ առաջիկայն զհանդերձեալս լծորդէ. սմին իրի դիւրաւ տեսանէ զընթացս բովանդակ կենացն, և կանխաւ պատրաստէ զպէտս կարեւորս առ նորին պահպանութիւն:

'Եւ ինքն բնութիւն բանականութեանն զօրութիւն ընտելացուցանէ զմարդ ընդ մարդոյ, և 'ի միաբանութի կրթէ բանից և կենաց, և բնաւորէ զառաջինս սէր իմն ազգողազոյն առ ծնունդս անձին, և սաղրէ յօժարել 'ի համախմբութիւնս և 'ի հանդէսս մարդկան, և անձամբ լինել հանդիսատես. և վասն այսորիկ փութայ հանդերձէ զոր ինչ միանգամ արբանեկէն 'ի պաշտել և 'ի կենցաղել միանգամայն. և ոչ անձին միայն, այլ և կնոջ և զաւակաց և այլոց ևս սիրելեաց խնամ ունել պարտ վարկանի: 'Եւս փոյթ պնդութեան է որ զարթութեանն զոգիւն և 'ի մեծամեծս տայ ձեռնարկել:

'Իսկ առաւել քան զայն ամենայն սեպհական է մարդոյ ճշմարտախնդիր լինել, և ճշմարտութեան խուզարկու: 'Սորին վասն յորժամ թափուր իցեմք 'ի կարեւոր ինչ գործոց և 'ի հոգոց, յայնժամ իղձ լինիմք տեսանել ինչ կամ լսել և կամ ուսանել, և հարկ համարիմք առ երանելի կեանս զիրացն ծանօթութիւն՝ զգաղտնեաց և զգարմանալեաց: 'Յորմէ ունիմք իմաստասիրել, եթէ որ ինչ ճշմարիտ է և պարզ և յստակ՝ նոյն և յանկաւոր ամենայնիւ բնութեան մարդոյ:

'Եւ այսմ բաղձանաց տեսանելոյ զճշմարտութիւն կից է և յօժարութիւն իմն իշխանական. որով հոգին

բարիորդ կերպարանեալ 'ի բնութենէ՝ չկամի հնազանդել ումեք, բայց այնմ որ օրինադրէ կամ ուսուցանէ, և կամ օգտի աղագաւ՝ իրաւամբք և օրինօք լինի հրամանատար. յորմէ 'ի վեր երևի մեծանձնութիւն, և մարդկեղէն իրաց արհամարհութիւն:

Այ փոքր ինչ զօրութիւն է և այն՝ բնութեան և բանականութեան, զի այս և եթ կենդանի իմանայ՝ զինչ կարգն իցէ, զինչ վայելչականն, և զինչ յեղանակ բանից և գործոց: Սորին վասն և 'ի նոսա գլխովին որք ընդ զգայութեամբ անկանին տեսանելեաց, ոչ այլ որ 'ի կենդանեաց իմանայ զգեղեցկութիւն, զվայելչութիւն, և զմասանց համեմատութիւն: Եւ զայս նմանութիւն բնութիւնն և բանականութիւն յաչաց յոգին փոխաբերեալ՝ զևս առաւելագոյնն 'ի դէպ վարկանի պահել զգեղեցկութիւն, զանայլայլութիւն, և զկարգ 'ի խորհուրդս և 'ի գործս, և զգուշանայ չառնել ինչ անվայելուչ և կանացի. նոյնպէս և յամենայն կարծիս և յարարուածս չխորհել ինչ կամ չգործել մեղիութիւն: Ի սոցունց աստի իրաց շարադրեալ՝ զայ յերևան ինդրելն մեր վայելչականն. որ թէ և չիցէ աղնուացեալ, բայց վայելուչ իցէ. և այն իսկ է զոր 'ի բնէ գովելի ասեմք, թէպէտ և չգովիցի յումեք:

Եւ Եւ արդ աւասիկ զկերպարանն գողցես, որդեակ Սարկիէ, և իբրու զգէմն իմն տեսանես զվայելչականին. որ եթէ առ աչս լինէր նկատելի, սխրալի սիրով յինքն ձգէր զամենեսեան, որպէս ասացն Սղատոն: Եւ որ ինչ միանգամ վայելչականն է՝ 'ի միոյ անտի ծագէ 'ի քառեակ մասանցն. վասն զի կամ յածի 'ի քաջ դիտողութեան ճանարտութեան և յաչարջութեան, կամ 'ի պահել զմարդկան ընկերութիւն, և 'ի հատուցանել իւրաքանչիւր զիւրն, և 'ի հաւատարմութեան ուխտից և դաշանց. կամ 'ի մեծանձնութեան և յարութեան քաջութեան վսեմ և անպարտելի ոգւոյ, և կամ յամենայն բանից և 'ի գործոց 'ի կարգն և յեղանակ, յորս հաստատեալ է պարկեշտութիւն և չափաւորութիւն:

Եւ սոքա չորեքեան թէպէտ և կապեալ են ընդ իրեարս և աղխաղխեալ, բայց մի մի 'ի նոցանէ ծնանին զանազանեալ ազգս պատշաճից. զոր օրինակ յառաջնոյ անտի մասնէ յորում կարգեալ դնեմք զիմաստութիւն

և գիտհականութիւն, ծնանի խոյզ և խնդիր և գիւտ ճշմարտութեան . և այնմ առաքինութեան այս պաշտօն է սեպհական :

Եւ որ ոք նրբատես լինիցի եթէ զինչ ստուգադոյն կայցէ յիրս իւրաքանչիւր, և կարող գտանիցի սրատես լինել պատճառաց, և արագ արագ բացատրել, զնա օրէն է խոհականագոյն և իմաստնագոյն քան զամենեսեանս ասել : Եւ որին աղագաւ ճշմարտութիւնն ներքոյ անկանի նմա իբրեւ նիւթ ինչ զորմէ ճառէ և 'ի նմին դեգերի :

Եւ երից այլոց առաքինութեանց հարկք առաջի եղան պատրաստել և պաշտպանել զայն ինչ իրս՝ յորս գործք կենաց բովանդակին . զի միաբանութիւն մարդկութեան և զօդ՝ անբակ պահեսցի, և շուք և մեծութիւն անձին փայլեսցէ եթէ 'ի յաճախել զգոյս, և 'ի հանդերձել զշահեկանս անձին և իւրոցն, և եթէ ևս առաւել՝ յարհամարհել զսովիւրք : Եւ կարգ և անայլ ալլուութիւն և յեղանակ, և որ սոցա նման են, յայն ազգ պարապին՝ յորում պէտք են 'ի կիր արկանել զարդիւնս ինչ իրաց, և ոչ զմտածութիւն և եթ :

Վանգի յորժամ իրացս այսոցիկ որովք վարիմք 'ի կենցաղումն՝ զյեղմնակ ինչ և զկարգ զնեմք առնութեւր, կայ և պահի արժանն և վայելական :

2. Եւ չորից անտի տեղեաց՝ յորս զվայելականին բընութիւն և զգօրութիւն բաժանեցաք, նախկինն այն որ հաստատեալ է 'ի գիտութեան ճշմարտութեան՝ յանկաւորագոյն է մարդկեղէնս բնութեան : Եւ ասն զի աւմենեքին ձգիմք 'ի ցանկութիւն ճանաչման և դիտութե, և 'ի նմին գերազանց հանդիսանալ գեղեցիկ վարկանիւմ . իսկ սայթաքել, սխալել, տգիտանալ և խաբիլ՝ և չար համարիմք և նախատինս : Եւ սմին կարգի, որ և բնաւորական է և վայելական, յերկուց զգուշալի է մեզ թերութեանց . մի՛ զի մի զանձանութեան իբրու ծանուցեալս ինչ համարեսցուք, և յանխորհուրդս հաւանութիւն ընծայեսցուք նոցա . և որ կամի խորշել 'ի թերութենէ աստի (և պարտի իսկ կամել ամենայն ոք), հարկ է նմա ծախել և զժամանակ և զփոյթ ջանից 'ի խորհել զառաջիկայ իրաց :

Եւ իւս ևս թերութիւն այն է, զի ոմանք փոյթ մեծ

յոյժ և ճիգն բազում ցուցանեն յորում թե՛նք և դժուարինա, թեպէտ և ոչ հարկաւոր ինչպէս իսկ խուսափեալ միանգամ 'ի մոլութեանց աստի, որչափ ինչ ջան և հոգ դիցե՛ դք յիրս լաւութեան և արժանիս գիտութեան, գովելի է իրաւամբք. որպէս յաստղաբաշխութեան լուսաք զՎայիտս Սուրբիկիտս', և յերկրաչափութեան մեզէն ծանեաք զՍեքստոս Պոմպէոս'. դարձեալ և զյոլովս 'ի տրամաբանականն, և զյորունս 'ի քաղաքական իրաւունս : Եւս ամենայն արուեստք դեգերին 'ի քննութիւն ճմարտութեան. այլ առ այսպիսոյ ուսումնասիրութեան խափանիլ 'ի կարեւոր գործոց՝ հակառակ է պատշաճից : Վանգի առաքինութեանն գովութիւն բովանդակ յարդիւնս անդ է. և սակայն ստեպ լինի յուլանալ յայնմանէ, և ստեպ ստեպ դառնալ անդրէն յուսումն. այլ և յոյգք մտաց որ ոչ երբեք հանդարտեն՝ կարող են զմեզ 'ի փոյթ գիտութեան մարդէլ նաև առանց մերոյ աշխատութեան : Եւրդ ամենայն մտածութիւն և շարժութիւն ոգւոյ յաճի կամ 'ի խորհել բուռն հարկանել զիրաց պատշաճից և զյանկաւորաց առ բարոյք և երջանկաւէտ կեանս, և կամ 'ի փոյթ գիտութեան և ծանօթութեան : Եւ յաղազս առաջնոյ աղբեր պատշաճից շատ լիցին ասացեալքս :

Ե. Եւս վասն երկնց մնացելոց ինքնին իսկ յայտ յանդիման երեւին պատճառք՝ որովք ընկերութիւն մարդկան ընդ միմեանս, և կենաց իմն կցորդութիւն սահմանեալ բովանդակի : Եւ մասունք նորա երկու. արդարութիւն՝ յորում մեծապէս փայլէ առաքինութիւն, և անտի առնուն զանուն արք բարիք. և սմին լծակից՝ բարերարութիւն, զոր և անխտիր օրէն է մարդասիրութիւն և կամ առատաձեռնութիւն յորջորջել : Եւս արդարութեան գործ է նախկին, զի ոչ դք ոչ ումեք վնասեացէ՛ եթէ ոչ հարստահարեալ յանիրաւի. և երկրորդ, զի

1 Կայիտս Սուրբիկիտս Գաղղոս, այլ ճոխ գիտութեամբ ճարտարիօսութեան և քերթողութե, և ևս առաւել աստեղաբաշխութեան, որիբուն լեալ զօրաց յամին 898 շինութեան հռովմայ, զհաւարմանէ լուսնի գուշակ եղև զօրականին յառաջ քան զճակա-

տամարան որ ընդդէմ՝ Պերսեյս. և զպատճառուն ևս նորանչան երեւմանն 'ի մէջ բերեալ՝ աներկիւզ յայնմանէ զմարտիկան արար :

2 Սահօրեղայր է մեծին Պոմպէի, բազմահմուտ իմաստութիւն մանաւանդ՝ քան քաղաքական արութեամբն հռչակեալ :

զհասարակաց զհասարակաց 'ի կիր արկանիցէ, և զառանձնակեանքս զիւրս ինչ:

Իսկ առանձնական 'ի բնէ կայ և ոչ ինչ. այլ կամ վաղեմի ժառանգութեամբ, որպէս որք երբեմն 'ի ձեռս բերին զանգործ վայրս, կամ յաղթութեամբ՝ որպէս որք պատերազմաւ տիրեցին. և կամ օրինօք, դաշամբ, պայսմանաւ և վիճակաւ: Իստի յայսմանէ անդն Լըրպինեան՝ Լըրպինայց ասի, Տուսկուղեանն Տուսկուղեանց: Իստ այսմ օրինակի է և առանձին կալուածոց սահմանադրութիւն: Եւ արդ քանզի այր իւրաքանչիւր իւրացուցանէ զայս ինչ և զայն՝ որ 'ի բնէ հասարակացն էր, որ ինչ առն առն հանդիպի՝ զայն պինդ կաշի իւրաքանչիւր դը. սմին իրի այր աւելախնդիր խանգարէ զիրաւունս մարդկեղէն ընկերութեան:

Եւ քանզի, որպէս գեղեցիկ գրեաց «Պատոն», ոչ մեզ միայնոյ ծնաք, այլ մասն ինչ ծագման մերոյ՝ հայրենեաց է անկ, և մասն ինչ բարեկամաց. վասն որոյ հաճոյ թուի ստոյիկեանց ասել՝ թէ ծնունդք կամ բերք երկրի 'ի պէտս մարդկան գոյաւորին բովանգակ, իսկ մարդիկ մարդկան աղաքաւ են ծնեալ, որպէս զի միմեանց և այլոց օգտամատոյց լինել մարթասցին: Եւ այսմ մասին պարտ է մեզ զհետ երթալ առաջնորդութեան բնութեան, և զհասարակացն օգուտ մատակարարել փոփոխ պաշտամամբք, առիւ և տրով. և եթէ արհեստիւ իցէ, եթէ աշխատութեամբ և կամ գոյիւք ընչից զօղել 'ի միաբանութիւն զմարդիկ:

Հիմն ամենայնի է հաւատք արդարութեան. այս է հաստատութիւն և ճմարտութիւն բանից և դաշնաւորութեանց: Եւ ասն որոյ թէպէտ և խիստ թուեսցի ումբ բանս, բայց համարձակեսցուք նմանող լինել ստոյիկեանց, որք մեծաւ պնդութեամբ հետաջօտեն՝ թէ ուստի սկիզբն առին բանքն. և հաւատասցուք աւսուանեալ հաւատոց կամ հաւատարմութեան, զի եղիցի որ ասացաւն: Իսկ անիրաւութեան կրկին ազգք են. մի այնոցիկ որք զրկենն, և միւս ևս այնոցիկ որք ոչ 'ի բաց վանեն զանիրաւութիւն՝ յորժամ ձեռնհաս իցեն՝ 'ի զրկելոց անտի: Եւ ասն զի որ դը յանիրաւի յարձակի

1 Ի թուղթն Թ, առ Ըրբիտաս տարեհասացի:

յուրուք վերայ բարկութիւն, և կամ այլով իւրք յուզմամբ զրգուեալ, այնպիսին ձեռս ամբառնալ թուի 'ի վերայ ընկերին. իսկ որ ոչն պաշտպանէ, և ոչ դիմաւ կալէ անիրաւութեան յորժամ կարող իցէ, նոյնչափ ևս ընդ ստգտանօք է՝ որչափ եթէ որ անտես առնիցէ զծրնոցս կամ զբարեկամս և կամ զհայրենիս:

Ի պաքէն այն անիրաւութիւնք զորս կամաւ որ առնէ փնասելոյ վասն, բազում անգամ յերկիւղէ զան յառաջ. ուր որ խորհի փնասել այլում՝ երկնչի զի մի՛ զուցէ յոչն առնել զայդ՝ ինքն տուժեացի իւրք: Ի այց մեծաւ մատամբ յանիրաւել բերին մարդիկ, զի ստասցին որում ցանկացեալն են. և յայտմ վատթարութեան մեծապէս 'ի վեր երեւի ազահուութեանն ախտ:

Ը. Եւ ինդրին մեծութիւնք՝ նախ 'ի պէտս հարկաւորս կենաց, և երկրորդ 'ի վայելք փափկութեց: Յայր մեծանձն արծաթսիրութիւնն վերածի 'ի ճիւղութիւն և 'ի կարողութիւն պարզեալաշխութեան. զոր օրինակ 'ի մօտոյ Երարկոս Կրասոս՝ վկայէր, թէ ոչ մի ինչ ընչաւետութի շատ զրեացի այնմ որ իշխան լինել կամիցի հասարակաց, և արդասեօք նորին չկարիցէ դարմանել զզօրն: Օ ուարձալի իսկ են մեծալայելուհ հանդերձանք, և սպասք չքոյ սլանծալիք և հարուստք, և 'ի սու ցանէ ծագեցաւ անչափութիւն ընչասիրութե: Եւ սլար սաւելի ինչ է մեծութիւն ազգատոհմի ուրուք՝ որ ոչն ստնանիցէ ումեք. այլ խորշելի է միշտ անիրաւութիւն:

Ի այց նոցին առաւելապէս 'ի մոռացօնս լինի արդարութիւն, որք անկանին յիշխանասիրութիւն, 'ի պատուասիրութիւն և 'ի փառասիրութիւն. քանզի քսալայտ է զրեալն առ Եննիոսի.

Իւրիրական չիք պետութեանց ուխտ սիրոյ,

Չիք և հաւատ իշխանական որեւոյ:

Եւ ամն զի յոր ինչ միմնդամ ոչ կարեն բազումք վերադոյն հանդիսանալ, անդ լինի ստէպ կագ և կռիւ այնպիսի՝ մինչև ամենայնիւ դժուարանոյ սուրբ պահել զընկերութիւն: Օ գոյն յայտ արար այժմիկ ձեռնների.

1 Մ. Կրասոս փարթամագոյն 'ի հռովմայեցիս գտեալ՝ մեծատուն կոչեցաւ: Սա ինքն ընդդէմ Պարթևաց երթեալ անկաւ 'ի մար.

տի: Չարծաթսիրութենէ նորա ճոխաբար ճառեն Պրուտարքոս և Դիոմէ և Ապոլիանոս:

ցութիւն յայիտսի յեւարու, որ վեր 'ի վայր արար զամենայն իրաւունս զաստուածային և զմարդկային՝ 'ի պատճառս իշխանութեան, զոր մոլար կարծեօք սեպհա կանեաց անձին: Եւ Երեւելի է յայտմ կարգի այն՝ զի 'ի վսեմական և 'ի զգօնագոյն ոգիս առաւել ևս զտանին ցանկասիրութիւնք պատուոյ և իշխանութեան, զահու և փառաց: 1) ամս որոյ և առաւել հարկ է զգուշանալ չյանցանել իւր յայդմ մասին:

Եւ յամենայն իսկ անիրաւութիւնս խոր մեծ է 'ի յեղանակս անիրաւելոյն. և արժան է միտ դնել եւ թէ արդեօք յամբոխմանն՝ իմեմնէ ոգւոց, որ բազում անգամ սուղ է և առժամեան, եթէ կամաւ և խորհրդով գործիցի: Վրանգի թեթեւագոյնք են որ յեղակարծ ինչ գրգռութեամբ պատահեն՝ քան զորս խորհրդածութեամբ և պատրաստութեամբ ներգործին: Եւ յաղաքս անիրաւելոյ առ այլս այսքան:

Թ. Խալ զանց զպաշտպանութեամբ առնելոյ, և թողլոյ զպարտուպատշաճ պաշտօնն՝ բազմապատիկ պատահեն պատճառք: Վրանգի են որք չկամին յանձն առնուլ զթնամութիւնս կամ զաշխատութիւն կամ զծախս. և են որք անհոգութեամբ, յուլութեամբ, դանդաղութեամբ և կամ ուսումնասիրութեամբ և այլովք ևս զբաղանօք խափանեալք՝ թողուն լքանեն զորս պարտական էին պաշտպանել: 1) մին իրի պարտ է տեսնել, գուցէ անբաւական իցէ ասացեալն 'ի «Ղատոնէ»՝ յաղաքս իմաստասիրաց, թէ 'ի քննութիւն ճմարտութե դեգերին, և քամահեն զերօք յորս յոյովք անյազարար բերին, և արեամբ չափ զնոցանէ կուլին ընդ միմեանս. և զի յոչինչ համարին զայս ամենայն, վասն այնորիկ արդարք են: 1) ամս զի զհետ երթեալք առաջնոյ և եթ ազգի արգարութեան, այս ինքն զգուշացեալք չգրկել զոք անիրաւութեամբ, 'ի միւսն անկանին անիրաւութիւն. քանզի ուսումնասիրութե խափանեալք՝ անտես առնեն զոր պարտ էր նոցա պաշտպանել: 1) ամս

1 Զաստուածայինս, իբր զի զմեհանս դիցն և զվապիտոյիս կողպտեաց. և զմարդայինս, զի զբաղաքս աւերեաց, և զգաւառս և զպետութիւնս արծաթոյ վաճառեաց:

2 Յղ. Հասարակ.

Գիլք Զ. ուրանօր բացայայտագոյնս է տեսուինել զայս իմաստ Կիկերոնի:

որոյ և 'ի գործակալութիւն հասարակաց իրաց մնասցել ոչ արժան գրեն' նոցա, բայց առ հարկի բռնադատութեամբ. ուր արդարացի ևս էր կամաւոր լինել իրացդ քանզի գործ ուղղութեան այդուիկ իսկ արդար է, եթէ կամաւոր իցէ:

Եւ և որ առ փութոյ զառտնին իրս հոգալոյ, և կամ առ մարդկան ինչ ատելութեան, զիւրեանցն ասեն գործել գործ, զի մի երեւեցին անիրաւել յոք. և այսպիսիք 'ի միոյ ազգէ անիրաւութեան ազատացեալք' 'ի միւսն գլին զանձինս. վասն զի թողուն բաննն զընկերութիւն կենաց, և ոչ ինչ փոյթ տանին այնմ, ոչ աշխատութիւն և ոչ ինչս ծախեն 'ի նոյն:

Եւ քանզի երկուս ազգս անիրաւութեան եղեալ առաջի՝ զպատճառսն ևս սուրնթեր կարգեցաք միոյ միոյ, և յառաջագոյն սահմանեցաք՝ թէ որովք իրօք արդարութիւնն պարագրի, դիւրաւ կարող եմք այսուհետեւ դատել զպատշաճն իւրաքանչիւր ժամանակի, միայն թէ մի լիցուք կարի անձնասէրք:

Ու ասն զի դժուարին է օտարին հոգ: (Թէպէտ և Տերենտեանն այն 'Բրեմէս' զմարդկայինս ամենայն ոչ ինչ օտար յիւրմէ համարի. բայց սակայն, որովհետեւ զայն ինչ իրս առաւել ըմբռնեմք և յանձին գգամք՝ որ միանգամ կամ աջող և կամ ձախող մեզ հանդիպին քան այլոց, զի զնոսին իբր մեծաւ անջրպետեալ միջոցաւ տեսանեմք, այլազգ գատեմք զայլոց քան զմէնք: Սորին աղագաւ բարոք իրատ տան՝ ոչք արգելուն չառնել ըզգործ ինչ՝ զորոյ յերկբայս իցես զիրաւացի կամ զանիրաւ լինելոյն. քանզի իրաւացին ինքնին արտափայլէ. իսկ երկմտութիւն զանիրաւախոհութե տայ զնշանակ:

Ի. Եւ հանդիպին բազում անգամ ժամանակք այն պիսիք՝ յորս որ ինչ իրք արժանաւորք երևին առն արդարոյ, և մարդ բարի 'ի մէջն անուանելոյ, փոփոխին, և հակառակքն գործին. զոր օրինակ հատուցանել զաւանդն, զխոստմունսն կատարել, և որ այլ ինչ այսպիսիք իցեն՝ որ առ ճմարտութիւն և առ հաւատս ակնարկեն, զսոսին յեղաշրջել ըստ տեղւոյն, և ոչ պահել:

1 Բրեմէս ոմն դերասան 'ի րանի զայս բան, 'ի քրքիջ մեծ ծաւիռմ 'ի կատակերգութեցն Տէրենտեան զանկնդիրսն ասի զարթուրենտեայ բարբառեալ 'ի տեսացեալ:

արդարացի լինի գործ : Այն զի վայել է վերածել 'ի հիմունս անդր արդարութեան՝ զորս 'ի սկզբն անդ եղի առաջի . նախ՝ զի մի լիցի ումեք փնասել . և երկրորդ՝ զի 'ի պետոս գայցէ հասարակաց օգտի : Ի փոփոխել ժաւմանակաց՝ փոխի և պատշաճն , և չմնայ միշտ նոյն : Վանդի է երբեք զի խոստումն ինչ և դաշն՝ չէ ինչ օգուտ թէ կատարեսցի . անօգուտ կամ այնմ՝ առ որ խոստումն եղև , և կամ այնմ որ խոստացան : () Ի եթէ որպէս յառասպելն ասի , Պոսիդոն չառնէր զոր խոստացան (Ժ)սէնոսի , (Ժ)սէնոս ոչ որքանայր յորդոյ իւրմէ Հիպոդիտայ . քանզի յերկց անտի ըղձութեանց , ըստ գրեցելումն երրորդ այն էր՝ զի 'ի ժամ բարկութե խնդրեաց զկորուստ Հիպոդիտայ , և 'ի կատարման անդ իրացն սուգ մեծ զգեցաւ : Ի պա և ոչ այն խոստմունք պահելն են , որ անօգուտ իցեն որում խոստացարդ . և ոչ այնդքիկ՝ որ առաւել փնասեն քեզ՝ քան թէ օգտեն որում խոստացարն : Հակառակ պատշաճից է՝ ոչ նախապատիւ արնել զմեծն քան զփոքր . զոր օրինակ եթէ եղեալ իցէ քո քանս՝ գալ 'ի փաստաբանութիւն առաջիկայ դատիդ , և յայնմ վայրի որդին քո ըմբռնեսցի 'ի ծանր խօթութիւն , ոչ է հակառակ պատշաճից՝ չառնել զոր խօսեցարն . մանաւանդ անպատշաճ գործէ այն որում խոստումն եղև՝ եթէ տրտնջեսցէ որպէս լքեալ առ 'ի քէն : Ի չս առաւել , ոչ զիտիցէ եթէ չէ արժան կատարել զայն խոստմունս՝ զորս արարեալ իցէ ուրուք բռնադատութեամբ երկիւղի , և խաբանօք դաւանաց . և յորովք ազատ կացուցանին 'ի սոցանէ դատաւորական իրաւամբք , և կէսք օրինօք :

Ի խաղում այն է զի անիրաւութիւնք գործին և խարդախանօք իւրիք , այս է ճարտարարուեստ և խորամանկ թարգմանութեամբ իրաւանց . ուստի յառակա եղև աւել . « () այրազոյն իրաւունք՝ ծայրազոյն է անիրաւութիւն » : Ի չս այսու օրինակաւ բազում ինչ լինի յանցանել 'ի հասարակաց պետութեան . որպէս այն՝ որ վամն զի երեսուն տիւ սահմանեալ էր պարսպոյ հաշ-

1 Թեսէոս հրաման առեալ 'ի Պոսիդոնէ՝ խնդրել զինչ և կամեսցի , հայցեաց՝ ասեն առասպելք՝ զերիս զայսուսիկ . և , զի գարձ ա-

րացէ 'ի սանդարամետաց . ք , զի 'ի բաւիդն արձակեսցի . և ք , զի մեռցի որդին իւր Հիպոդիտոս՝ որ զըպարտեալն էր 'ի փեզրայ :

տուութեան ընդ թշնամոյն, գիշերի ասպատակէր յանդաստանս նորա. զի ոչ վասն գիշերոյ, այլ վասն տուրնջեան էր ասէ պայմանն¹: Եւ ոչ մերն է գովելը² (եթէ ճշմարիտ իցէ) թէ Լուինտոս Փաբլիոս Լաբէոֆն³, կամ թէ այլ ոք (զի 'ի լոյս և եթ Տամբաւոյ ունիմ զայդ) դատաւոր առաքեցաւ 'ի ծերակուտէն վասն որոշման սահմանաց 'Եղացւոցն և 'Եապօլեցեաց. արդեկեալ (ասեն) 'ի տեղին, ուրոյն ուրոյն խօսեցաւ ընդ կողմանսն երկոսին, զի մի ինչ ազահեցեցն և մի աւելախընդիր լինիցին. այլ լաւ համարեսցին յետս ընկրկել քան յառաջ խաղալ: () այս իբրև արարին երկոքեան, անդաստան ինչ թողաւ 'ի միջավայրին: Եւ զոցա սահմանս՝ որպէս նոքայն անդէին որոշեաց, և զոր 'ի միջոցին թողաւ՝ ժողովրդեանն Հռովմայեցւոց սեպհակա նեաց: Եւ արեւ է այդ, և ոչ դատ առնել. վասն որոյ յամենայնի զգուշանալ արժան է յայդպիսեայ խորամանկութենէ:

ԺԱ. Եւ ինչ ինչ 'ի պատշաճից և ընդդէմ այնոցիկ 'ի գործ արկանելիք՝ յորոց զըկանս ինչ ընկալար. զի գոյ յեղանակ և վրիժուց և պատժոց: Եւ ոչ գիտեմ, եթէ բաւական իցէ հարստահարողին զղջալ ընդ անիրաւութիւնն զոր գործեաց, որով յայնմ հետէ չառնիցէ նա ինչ յայնպիսեաց անտի, և այլք դանդաղագոյնք գտանիցին յանիրաւութիւն:

Եւ հասարակաց պետութեան առաւելապէս խնամ ունել հարկ է իրաւանցն մարտի. զի որովհետև կրկին ազգք են կռուելոյ, է որ կագելով և է որ բուռն առնելով, յորոց առաջինն մարդումն է սեպհական, և երկրորդն գազանաց, յայնժամ օրէն է յերկրորդն դիմել՝ յորժամ անմարթ իցէ առաջնոյն վարել:

Եւ մին իրի յայն սակս և եթ 'ի պատերազմն օրէն է ձեռն արկանել՝ զի զերծ 'ի զըկանաց 'ի խաղաղութեան լիցի կեալ: Եւ յետ 'ի գլուխ տանելոյ զյաղթութիւն՝ պարս է խնայել 'ի նոսա որ չեղենն անագորոյնք կամ ապառումք 'ի պատերազմի. զոր օրինակ մերս նախնիք

1 Քանզի 'ի լատին լեզու նոյն բառ dies, զորև և զօր նշանակէ անխոր:

2 Հռովմայեցի այր:

3 Լաբէոֆն հիւպատոս հաւալեալ է որպէս այր բանաստեղծ և իմաստուն և պերճախօս:

զՏուսկուղացիս, զԵկուղացիս, զԼիւսկեանս, զԼաբի-
նացիս և զՀերնեանս՝ ի քաղաք անգամ ժողովեցին.
բայց զԼաբեդոն և զԼոմանտիա ՚ի հիմանց տապալե-
ցին. իցէ՝ թէ ոչ և զԼորնթոս. այլ կարծեմ թէ ինչ
մի իմացան նոքա վասն յաջողակութեան տեղւոյն ա-
ռաւելապէս, զի մի լինիցի երբեմն յորդոր պատերազմ
յարուցանելոյ տեղին գլխովին : Բայց ըստ իմումս խոր
հրդոյ, լաւ է միշտ հաշտութեան լինել ՚ի խնդիւ՝ ուր
չգուցէ կասկած դաւաճանութեան : Յորում մասին ե-
թէ ինձ անսպին, ունել ունէաք՝ եթէ ոչ զամենեւին
լաւն, գէթ տէրութիւն ինչ հասարակաց, որպիսի
չիք զարդիս և ոչ մի : Եւ ընդ այնոսիկ որոց յաղթե-
ցերն զօրութեամբ՝ բարիոք պարտ է վարել. որպէս և
որք զհնրնկէց անձնատուր լինին ՚ի սպարապետն, սի-
րով են ընդունելի, թէպէտ և մանգղիոնի նոցա խախ-
տեալ իցէ զպարիսպն : Յայսմ կարգի այնչափ խնամով
արդարութիւն ՚ի մերոցս պաշտեցաւ, զի որք քաղաքաց
և ազանց յաղթեալ մարտիւ պատերազմի՝ ընդ հովա-
նեաւ ընկալան զնոսա հաւատարմութեան իւրեանց,
պաշտպանք կացին նոցա ըստ նախնեացն օրինի :

Բայց քաղ ուղղութիւն պատերազմի կարի սրբաբար
օրինադրեցաւ յիրաւունս հռովմէական ժողովրդեան՝
լինել բանիւ իրաւաբան վճռատուի : Յորմէ ՚ի դէպ է
իմաստասիրել՝ թէ չիք պատերազմ արդար, բայց որ
կամ ՚ի դարձ լինի փոխարինաց, և կամ վաղագոյն ազ-
դի և հրատարակի : Պոմպիդիոս՝ սպարապետ ընդ ձե-
ռամբ ունէր գաւառ, և ՚ի գնդի նորա զինուորեալ էր ՚ի
համբակաց կարգի որդին լատոմի : Եւ որ յորժամ հա-
ճոյ թուեցաւ Պոմպիդիոսի ՚ի բաց արձակել զլեզէոն
մի, արձակեաց և զլատոմի որդին՝ որ յայնմ լեզէոնի
էր զինուորեալ : Եւ ի կալ մնալ նորա ՚ի զօրու պա-
տերազմասէր մտօք, գրեաց լատոմի առ Պոմպիդիոս,
զի թէ յանձն առնու մնալ նմին ՚ի զօրու անդ, պալ-
տաւոր արասցէ զնա կրկին երդմամբ զինուորութեան :

1 Ազգք կամ տոհմք ազանց որ ՚ի
հնումն ՚ի լատիոն բնակեալ մարտ
ընդ հռովմայեցիսն յաճախ յօրի-
նէին :

2 Լաւ ևս թուի հնախօսից Պ .

Եւ ի իւր ընթեռնու կամ իմանալ
աստանօր. զի նա սպարապետ ա-
նուանի եկաց մակեդոնական պա-
տերազմին. իսկ Պոմպիդիոսն անուն
օտարոտի իմն թուի ասեն :

իբր զի կորուսեալ միանգամ զառաջինն՝ ոչ ևս կարէր իրաւամբք մարտնչել ընդ Թշնամիս :

Եւ յաբան էր աշարուրջ զգուշութիւն 'ի յարուցանել զպատերազմ : Կայ նամակ ծերոյն Սարկոսի Կատողնի առ Սարկոս որդին, յորում գրէ . Եւսմ, զի 'ի բաց արծակեալ է զքեզ հիւպատոսն՝ երբ զինաւորն էիր 'ի Սակեդոնիա 'ի պերսեան մարտին . և արդ ազդ առնեմ զգոյշ լինել քեզ չմտանել 'ի պատերազմ : զի չէ օրէն որոց չիցեն 'ի զինուորութեան՝ մարտ դնել ընդ Թըշնամուց :

ԺԲ . Եւ զայն ևս յուշ առնեմ, զի որ անձամբ անձին մարտիկ հանդիսանայր, այնպիսին հիւր կոչէր՝ մեղմու Թեամբ ձայնին զիրացն դժնդակութի ամոքելով : Բան զի զոր այժմ հիւր կամ օտար ձայնեմք, առ նախնեօք պանդուխտ անուանէր : () այդ յայտ առնեն երկոտասան տախտակքն, յասել անդ . « Կամ օր սահմանեալ ընդ օտարի » . և դարձեալ, « Ինդդէմ օտարականի մշտնջենաւոր իրաւունք » : Եւ զինչ աւելի հեզաբանութիւն քան զայդ կայցէ . ընդ որում մարտ մղես՝ այդպիսի մեղմական վարել յորջորջումն . միայն Թէ զայդ անուան տակաւ 'ի խստագոյնն վերածեաց հնութիւնն . զի 'ի նժդէհին անձնէ հեռացեալ, մնաց յայնմ՝ զոր զի նուք ընդդէմ ուրուք ամբառնայ :

Եւ եթէ յաղաքտ պետութեան իցէ կռիւն, և մարտիւ պատերազմի խնդիր փառաց, տակաւին հարկ է զի գտցին 'ի նմա այն պատճառք՝ զորս խուն մի յառաջ ասացի լինել արդարացի պատճառա պատերազմաց : Եւ կայն պատերազմունք որ յաղաքտ զփառս տէրութեանն խնդրելոյ գործիցին, ոչ այնչափ դառնութեամբ են մղելի : Բանզի զոր օրինակ այլ ազգ մաքառիմք ընդ քաղաքացւոյ՝ եթէ Թշնամի իցէ, և այլ ազգ՝ եթէ պահանջող . ընդ առաջնոյն միցումն է պատուոյ և իշխանութե, և ընդ երկրորդին վէճ՝ զգլխոյ և զհամբաւոյ . սոյնպէս ընդ Կիւղտիբերեայսն և ընդ Կիւմբրացիս՝ իբրև ընդ Թըշնամիս էր մեր պատերազմ, որպէս զի կացցեն և երկու

1 Քանզի ըստ լատին բարբառոյ hostis հիւր է Թշնամի միանգամայն նշանակէ . իսկ զպանդուխտս peregrinus կոչեն :

2 Կիւղտիբերեայս զՍպանիացիս պն կոչէին նախնիք . Կիւմբրացիս զհիւսիսաբնակ ազգին Գերմանիոյ :

քեան, բայց ոչ երկոքեան ևս իշխեսցեն. իսկ ընդ Ստինս, ընդ Սաբինացիս, ընդ Սամիացիս, ընդ Փիլիսիկեցիս, և ընդ Պիլոտսի՝ յաղագս տէրութե էրմաքառումն: Փիլանիկեցիք ուխտադրութեք, Ննիբաղ առաքոյցն, այլք արդարագոյն: Վեղեցիկ են յոյժ Պիլոտսին ասացուածք յաղագս դարձուցանելոյ զգերեալն:

Այն ոսկի ինձ խնդրեմ, ոչ գինս 'ի ձէնջ արծաթոյ:

Այն մարտի սակարկուս, այլ ըզբաջաց ոյժ ազդոյ:

Երկաթով, ոչ ոսկով աղէ լիցուք դիմագրաւ,

Եւ թէ մեզ տացէ զթագ կի՞թ թէ ձեզ բախտ վիճակաւ, Օրութեք փորձեսցուք: Եւ հակիրճ ձեզ այս իմ բան:

Երոց բախտն անխայեաց 'ի մեծ կորով զօրութեան, Եւ նոցին անխայեամ յազատութիւն անկասկած:

(Ին առէք 'ի պարգև, տամ ես ընդ զիցն մեծաց:

Երդարեւ թագաւորական, և այստեան տոհմին արժանաւոր վճիռ:

ԺԳ. Եւ թէ մի մի յըմբռնելոցն ըստ ժամանակին՝ խոստացեալ ինչ իցեն թշնամոյն, պարտ է հաւատարիմ 'ի խոստմունսն լինել: Օր օրինակ յառաջնումն պունիկեան մարտի Հռեգուլոս ձերբակալ 'ի Փիլանիկեցոցն եղեալ, յորժամ 'ի Հռովմ արձակեցաւ վասն զգերիս փոխելոյ, երդումն տուեալ վասն դարձի, նախ ընդ գալ իւրում յայտ արար յատենի ծերակուտին՝ թէ ոչ բարւոյք ինձ թուի յետս տալ զգերեալն. և ապա մինչդեռ մերձաւորքն և բարեկամք պինդ ունէին զնա, ըստրեաց դարձ առնել 'ի պատուհասի տեղին՝ քան 'ի հաւատարմութենէ խոստմանն տուեցելոյ առ թշնամին վրիպել:

* 2 Իսկ յերկրորդումն պունիկեան պատերազմի ըզհետ լաննեայ ճակատամարտին, արս տասն արձակեաց Ննիբաղ 'ի Հռովմ, երդմնի արարեալ զնոսա, զի թէ ոչ յաջողեսցին փրկանաւորել զգերեալն, անդէն զնորաւ եկեսցեն. և համարակալքն 'ի հասարակաց գամնուց դարմանեցին զամենեսեան զնոսա ցորչափ կեցինն, ևս և զմին 'ի նոցանէ՝ որ երդմնազանց գտեալ

1 Իմա զկարբեդոնացիս, որ բազումն 'ի գրչագրաց, և յերկուս Պունիկեանք ևս կոչին:

2 Աստեղանիչս այս հատուած վաստութիւն բանին:

էր : Վրանգի հրամանաւ Ննիբաղայ ելեալ նորա ըստ բանակն , և յետ սուղ ինչ պահու անդրէն դարձաւ , որպէս թէ զմոռացեալն ինչ կամէր ասել . ապա միւս ևս անգամ մեկնեալ 'ի բանակէն՝ ազատ յերդմանէն զանձն իւր համարէր . այլ բանիւք չափ էր ազատու թիւնն այն , և ոչ արդեամբք . իսկ 'ի հաւատարմութեան իրս ցանգ 'ի միտս քո պարտիս ուշ ունել և ոչ 'ի բանսդ : Եւ օրինակ մեծ յոյժ թողին մեզ նախնիք զարդարութեան 'ի վարել ընդ թշնամիս , այնու՝ զի յորժամ այր փախստեայ 'ի Պիւռոսէ առ ծերակոյտն եկեալ՝ բան տայր դեղամահ սպանանել . զաղբայ , ծերակոյտն և Լ . Փաբրիկիոս ետուն զփախստեայն 'ի ձեռս Պիւռոսի : Եւ յսպէս և ոչ զառն թշնամուց և հզօրի և անպատճառ 'ի մարտ մատուցելոյ զկորուստն յանձն առին դաւով լինել * :

Եւ յաղաքս պատերազմական պարտեաց և պատշաճից այսչափ ինչ հերիքացի :

Յուշ լիցի մեզ , եթէ առ անաւագս անգամ արդարութիւն է պահելի : Եւրդ անաւագ աշտիճան և վիճակ՝ ծառայիցն է : Սչ անբարիս օրինադրեն՝ ոյք հրա մայեն այնպէս վարել ընդ սոսա , որպէս ընդ վարձկանս . այս ինքն է զգործ պահանջել , և զարդար առնել զհատուցումն : Եւ քանզի կրկնակի լինի անիրաւ , այս է , կամ բռնութեամբ և կամ նենգաւ , նենգն աղուխու զողջես անկ , բռնութիւնն առիւծու . երկոքեան իսկ օտար ամենայնիւ 'ի մարդոյ , այլ նենգն առաւել ատել լութեան արժանաւոր : Վրան զամենայն անիրաւութիւս գլխաւորագոյն այն է , զոր առնիցէ դը սակս երեւելոյ այր բարի : Եւ յաղաքս արդարութեան շատ լիցին ասացեալքս :

ԺԴ . Եւ յամ է այսուհետեւ ասել ըստ խոստացելոյ կարդիս՝ յաղաքս բարերարութեան և առատաձեռնութեան , քան զոր չէք ինչ յանկաւորագոյն բնութեան մարդոյ . սակայն և աստ բազում զգուշութեան պէտք են : Վրանգի նախ զառաջինն պէտք են հայել՝ զի մի 'ի փնաս լինիցի բարերարութիւնն , եթէ այնոցիկ՝ որոց մարդասիրեն կարծեմք , և եթէ այլոց : Եւրկրորդ՝ զի մի առաւելագոյն իցէ մարդասիրութիւնն քան զկար զօրութեան : Եւ երրորդ , զի ըստ արժանեաց իւ-

րաքանակը լինիցի : Վանդի այս հիմն է արդարութե՛ ,
յոր արժան է և զամենայն վերածել : Ասան զի որը
միանգամ չնորհ այնպիսի առնեն ումեք , ուստի քնաս
հասանիցէ նմա փոխանակ օգտի , ոչ բարերարք և ոչ
պարզեւատուք են համարելի , այլ մարդահաճոյք քնա-
սակարք : Այլ որը ոմանց քնասեն՝ զի այլոց բարերարես-
ցեն , ՚ի նմին անիրաւութեան են , որպէս այն թէ զօ-
տարինն յիւրեանս ձգիցեն : Վազումք այնորիկ են , և
առաւել փառասէքք և պատուախնդիրք , որք ՚ի կիսոց
յափշտակեն՝ զի յայլս առատաձեռնեսցեն . և այսպի-
սիք համարին , յանձինս՝ եթէ բարերար առ բարեկամն
իւրեանց երեւեսցին , եթէ հարստացուսցեն զնոսա ու-
րով օրինակաւ և իցէ : Ասկ այդ այնչափ օտար է ՚ի պատ-
շաճից , զի և չկարէ լինել ինչ այնպէս հակառակ պատ-
շաճից : Այլա ուրեմն պէտք են տեսանել զայնպիսի վա-
րել մեզ առատաձեռնութիւն , որ օգտեսցէ բարեկա-
մաց , քնասեսցէ և ոչ ումեք : Ամին իրի զԱղղային և
զԱեսարու զփոխաբերութիւն ընչից յարդար տերանց
առ օտարս՝ ոչ առատաձեռնութիւն արժան է կարծել-
զի չէ և չէ ինչ ազատական՝ որ ոչն իցէ և արդար :

Այլա ևս կարգ զգուշութեան էր՝ չանցանել մար-
դասիրութեան ըստ չափ կարողութեան և գոյից . զի
որը մարդասիրապոյն կամին լինել քան զարժանն , նախ
այնու իսկ յանցանեն՝ զի անիրաւին առ մերձաւորս .
վասն զի որչափ ինչ ՚ի սոսա մատակարարել և թողուլ
իրաւացի էր , առ օտարս զնոյն փոխանցեն : Այլ է յայդ-
պիսում առատաձեռնութեան բազում անգամ զօշա-
քաղութիւն և կեղեքումն անիրաւ , որպէս զի ունի-
ցին ինչս բաւական ՚ի պարզեւաբաշխութիւն : Այլ է
իսկ տեսանել զյոքունս յայնցանէ որ ոչ այնչափ ՚ի բնէ
են առատաձեռն , քան ՚ի փառամոլութենէ , բարերարս
երեւելոյ զի բազում ինչ առնեն՝ առաւել առ աչս մարդ-
կան , որպէս թուի , քան ՚ի յօժարութենէ կամաց :
Ասկ այդպիսի կեղծաւորութիւն կից է մանաւանդ ընդ
ունայնութեան՝ քան ընդ ազատականութեան կամ
ընդ համեստութեան :

Արբորդ ինզրելին էր , զի ՚ի բարերարութեան ընտ-
րութիւն արժանաւորութեան լինիցի . և յայսմ մասին
պարտ է հայել ՚ի բարս նորս՝ ում բարերարեմքն , և

ի սիրտ նորա ՚ի մեր կոյս, և ՚ի կենաց կցորդութիւն և ՚ի քաղաքավարութիւն, և ՚ի ծառայութիւնս նորա առաջինս վասն մերոյ օգտի: Արդ ըղձալի է զի այս առ մենայն միահամուռ գտցին. ապա թէ ոչ՝ յողովագոյն և մեծահարկի պատճառք կայցեն ՚ի միջի:

ԺԵ. Եւ քանզի կեամք ոչ ընդ արս կատարենալ և տիրապէս իմաստունս, այլ ընդ այնոսիկ որոց բարիս առնել գովելի է, եթէ իցեն ՚ի նոսա կերպարանք առաքինութեան, վասն որոյ լաւ վարկանիմ յուշ առնել և զայս, թէ չէ՛ արժան անտես առնել և ոչ զոր՝ յորում նշմար ինչ առաքինութեան երևեսցի. այլ առաւել այնպէս պարտ է պատուասիրել զիւրաքանչիւր դր, զի իւրաքանչիւրն առաւել իցէ զարդարեալ թեթեւագունիւքս այսոքիմք առաքինութեամբք, համեստութեամբ, բարեխառնութեամբ, և սովին այսու՝ զորմէ բազմօք խօսեցաք ցայս վայր, արդարութեամբ: Վասն զի քաջասրտութիւն և մեծասրտութիւն յայր ոչ կատարեալ և ոչ իմաստուն՝ բազում անգամ եռանդուն ևս է. իսկ այդ առաքինութիւնք յայր բարի մանաւանդ յարեանալ երեւին:

Այսոքիկ ՚ի մերմէ կողմանէ բարեւաւութիւնք: Եւ ըստ բարեսիրութեան այլոց առ մեզ՝ նախ այն իսկ է ՚ի պատշաճից սակի, զի շատ երախտապարտ ըցուք այնմ որ շատ սիրէ զմեզ. այլ զբարեսիրութիւն ոչ ըստ օրինի երիտասարդագունից կռեցցուք վառմամբ իւր սիրոյ, այլ առաւել հաստատուն և անյողդող մնօք: Ապա եթէ կայցեն արդիւնք, փոյթ մեծ պիտի՝ ոչ զի սկսցուք, այլ զի հատուցուք և շնորհս. զի չիք ինչ պարտուպատշաճ ծառայութիւն կարեարժեք և զշնորհահատոցն լինել:

Օ ի թէ զյանօթ առեալ իրս՝ մեծաւ ևս չափով, եթէ կարող միայն իցես, հատուցանել հրամայէ Եւսիողոս՝, զինչ ոչ պարտիմք առնել ընդ երախտօք զրաւեալք. ոչ ապաքէն արժան է նմանողս լինել անդոց պտղաբերաց, որ բազմօք առաւել տան՝ քան զոր առնուն: Օ ի եթէ զնոսա յորոց ակնունիմք օգտից ինչ հանդիպել ոչ ինչ դանդաղիմք պատուասիրել, հրապէս

1 «Նովին չափով, և լաւագոյն թէ մարթիս». Եփե. Գ. րծ. և Տիմ.:

վարիցիմբ ընդ որդիքն որք արդէն օգտեցին : () ի ուր կրկին ազգք են արդարականութեան , մին երախտիս առնելոյ , և միւրիւ երախտահատոյց լինելոյ , առնելն կամ չառնել զերախտիս ընդ մերով իշխանութեամբ է . իսկ չհատուցանելն՝ ոչ է օրէն առն բարւոյ , միայն թէ առանց անիրաւութեան զայդ առնել կարող իցէ :

Եւ յընդունելութեան երախտեաց արժան է ընտրութիւն առնել . վասն զի չիք տարակոյս , թէ մեծագոնին առաւելապէս եմբ պարտապան . բայց յայսմ նախ պէտք են կշռադատել՝ թէ իւրաքանչիւր որ որով ոգւով և փութով և բարեսէր կամքք արարեալ իցէ :

() ի բազումք բազում ինչ առնեն յանխորհուրդոյ , առանց կշռութեան կամ չափու և եղանակի , յամենայն մարդիկ բերեալք յեղակարծ իմն յարձակմամբ ոգւոյ՝ որպէս հողմով . արդ այսպիսի երախտիք ոչ նոյն պէս մեծ ինչ են գրելի , որպէս որ գիտութեամբն լինին և խորհրդով և հաստատուն մտօք : Եւ յերախտահատոյցն լինել և ի չնորհակալիս , եթէ այլով մասամբ հաւասարք իցեն , այս է առաւել ի պատշաճից սակի , զի ըստ առաւել կարօտելոյ իմիք առն առն՝ առաւելապէս լինիցի որ նպաստամատոյց . զորոյ զհակառակն գործեն յոլովք . զի յուսմն առաւելագոնի իմիք ունին ակն , թէպէտ և անկարօտ իցէ նա , սակայն նմին սպասահարկեն առաւելութեամբ :

ԺԶ . Կեղեցիկ պահի մարդկան ընկերութիւն և ընդակցութիւն , եթէ ըստ առաւելագոյն մերձաւորութեան՝ յաճախագոյն ցուցցի ումեք մարդասիրութիւն . այլ արժան թուի խորագոյնս հետազօտել , թէ որ այն իցեն ի բնէ սկզբունք հաղորդակցութեան և ընկերութեան մարդկութեանս : Եւ անդի առաջին այն է՝ որ նըշմարի ի միաբանութեան համբռն ազգի մարդկան . և սորայս զօդ է բան և բանականութիւն , որ ուսուցանելով , ուսանելով , հաղորդելով , պայքարելով , դատելով՝ դաշնաւորէ զմարդիկ ընդ միմեանս , և զօրէ գնոսս բնաւորական իմն ընկերութեամբ : Եւ ոչ այլով իւրք այն չափ հեռի դտանիմբ յանբանիցն ի բնութենէ յորս ստեպ ստեմբ թէ գոյ արիւնութիւն՝ զոր օրինակ ի ձիս

1 Մանաւանդ ի լատին բար թիութիւն է և ուժեղակութիւն : բառ , զի առ նոսա fortitudo և ա

և յառիժունս . իսկ արդարութիւն , ուղղութիւն և բարութիւն՝ ոչ երբէք , վասն զի անբանք են և անխօսունք :

Եւս ճոխափայլ ընկերութիւն մարդոյ ընդ մարդոյ , և ամենեցուն ընդ ամենեսին այն է՝ յորում պարտ է պահել զհաղորդութիւն իրաց ամենայնի , զորս ընձեռեաց բնութիւնն՝ ի պէտս հասարակաց . իբր զի որ միանգամ զրեալ կան յօրէնս և ի քաղաքական իրաւունս՝ այնպէս պահեսցին անդապէս , որպէս և սահմանեալ իսկ է , և ի սոցունց աստի այլքն այնպէս տնօրինեսցին՝ որպէս առաին է Հելլենացոց . “ Բարեկամաց ամենայն ինչ հասարակաց է , , : Բրդ ամենայն ինչ մարդկան հասարակ՝ այն իբր թիւին , որ են յայնմ ազգէ՝ որ յձննիոսէ յայս ինչ իրի սահմանեալ մարթի ի բազումս փոխաբերի .

Որ ուղեցոյց մոլորելոյն սիրով կայ ,

Որ առեալ գողցես լոյս ի լուսոյն իւրմէ տայ .

Որպէս զի ոչ պակասեսցէ լոյս նրմա :

Ի միոյ աստի բանէ շատ իսկ խրատ ընծայի , զի զոր ինչ առանց ֆնասու մարթ է յանութ տալ՝ տայուք զայն և անծանօթին :

Բնտի և այն հասարակաց բանք . մի արգելուր զջուր ինքնահոս : Թողացո հուր ի հրոյ լուցանել թէ կամիցի որ : Տուր վարանելոյն խորհուրդ հաւատարիմ . որք օգտակար են որոց առնուն , և ոչ ծանր որոց տանն : Որ ասն որոյ և զայսոսիկ արժան է ի կիր արկանել , և միշտ մատուցանել ինչ մի յօգուտ հասարակաց : Եւ քան զի չափ փոքր է իւրաքանչիւր անձին , իսկ կարօտելոյն անչափ է բազմութիւն , ուսկական առատաձեռնութիւնն վերածելի է յայն սահման յձննիոսի . “ Որպէս զի ոչ պակասեսցէ լոյս նրմա , , . իբր զի մնասցէ կարողութիւն առատաձեռն առ մերսն լինելոյ :

ԺԵ . Իսկ աստիճանք ընկերութեան մարդկան բազումք են . քանզի առ խորշելոյ յանբաւութենէ անտի՝ հպաւորագոյն է ընկերութիւն նոյն ազգի , գրոհի , լեզուի , որով առաւել միանան մարդիկ : Սերձաւորագոյն ևս իմն է՝ նորին քաղաքի լինել քաղաքացի . վասն զի բազում ինչ իբր են հասարակաց առ քաղաքակիցս , հրապարակ , տաճարք , ճեմեր , ճանապարհք , օրէնք ,

իրաւունք, դատաստանք, քուեայք . ևս և սովորութիւնք, ընտանութիւնք, և բազմաց ընդ բազումս բանք և դաշինք : Եւ ևս անձուկ կապակցութիւն ընկերութեան է 'ի մէջ ազգականաց . զի յամբարութենէ անտի ընկերութեան մարդկային ազգի 'ի դոյզն ինչ և 'ի նեղազոյն ամբոյնի :

Օ ի որովհետեւ 'ի բնէ հասարակ է այս կենդանեաց, ունել զորդեծնութեան ցանկութիւն, առաջին ընկերութիւն 'ի լծակցութեան անդ է . յետ նորա 'ի զաւակս . այնուհետեւ 'ի միում տան ամենայն ինչ է հասարակաց : Եւ այս իսկ է սկզբնաւորութիւն քաղաքի, և որպէս թէ սերմնարան տէրութեան հասարակաց : Յետոյ գան ընդակցութիւնք եղբարց, ապա եղբորորդւոց և քեռորդեաց, որք իբրեւ չկարեն 'ի միում տան օժանդակիլ, 'ի սունս բաժանին իբրեւ հատուածք զաղութականութեան : Օ հետ գան ամուսնութիւնք և խնամութիւնք, և 'ի սոցանէ ևս բազմապատիկ տոհմակցութիւնք : Եւ այս սերունդ և զաւակագործութիւն սկիզբն է պետութեան հասարակաց : Եւ արեան մեր ձաւորութիւն զօդէ զմարդիկ սիրով և մարդասիրութեամբ : Օ ի մեծ ինչ է զնոյն ունել յիշատակս (կամ զշիրին) նախնեաց, զնոյն պահել կրօնս, և հասարակաց ունել զգերեզմանս :

Եւ յամենայն ընկերութեանց միջի չիք այնպէս գերապանծ, և ոչ այնպէս հաստահիմն, որպէս յորժամ արք բարիք համաբարոյք միացեալ իցեն ընտանութեամբ : Եւ ամսն զի պատշաճն այն՝ զոր ստէպ յեղեղեմբ, թէպէտ և յայլում ումեք 'ի մէջ նշմարեսցի, սակայն և զմեզ շարժէ, և բարեկամս զմեզ առնէ ընդ նմա՝ յորում երեւի այդ լինել :

Եւ թէպէտ և ամենայն առաքինութիւն յինքն զմեզ յանկուցանէ, և տայ մեզ սիրել զայնոսիկ յորս ինքն գտանել թուի, սակայն առաւելապէս զսոյն ներգործէ արդարութիւնս և առատաձեռնութիւն . վասն զի չիք ինչ այնպէս սիրելի և շաղկապիչ, որպէս համաբարոյնութիւն լաւաց . քանզի յորս նոյն փոյթք են և նոյն կամք, յայնպիսիս զուգապէս այր ընդ եղբոր զուարթանաց որպէս ընդ անձին . և եղանի այն ինչ զոր Պիւթագորասն կամի 'ի բարեկամութեան, միութիւն 'ի բազմաց

լինել: Ս'եծ է և հաղորդութիւն ծագեալ յերախտեաց առ միմեանս եղելոց. որք յորժամ փոխադարձք իցեն և ձրի յերկաքանչիւր կողմանց, զօգեն զնոսա հաստատուն ընկերութեամբ:

Եւ յորժամ ընդ ամենայն յաժեսցիտ մտօք և բանիւ, յամենայն ընկերութեանց միջի չիք այլ ծանրագոյն և պատուական իբրեւ զայն, որ ընդ հասարակութիւն և ընդ իւրաքանչիւր ոք 'ի մէջ: Աիրելի են ծնողք, սիրելի զաւակք, տոհմակիցք, ընտանիք. այլ զւորորն բոլորեցիւնց սէր՝ միակ հայրենիք բովանդակեալ ունի. ոյր փոխանակ ո՞ր 'ի լաւաց դանդաղեսցի 'ի մահ դիմել, եթէ ունիցի օգուտ գործել նմա: Սմին իւրի ևս քան զևս անբերելի է անագորոյն բարք նոցա, որք հերձիչք եղեն հայրենեաց ամենայն ժանտագործութեամբ, և 'ի բնաջինջ առնել զայն 'ի հիմանց պարապեցան և պարապին:

Եւ այց եթէ խնդիր ընկիցի և զուգակշռութիւն, ոյց ոմանց առաւել պարտ իցէ հատուցանել զպաշտօն պատշաճից. նախապատիւ եղիցին հայրենիք և ծնօղք, որոց երախտապարտ եմք առաւել. ապա զաւակք և տունս համօրէն՝ որ 'ի մեզ և եթ պատկանի, և չկարէ ունել զայլ ապաստան. յետոյ կարեօր մերձաւորք, ընդ որս կից է բազում անգամ և բախտ մեր հասարակաց: Ս' անս այսորիկ զհարկաւոր նպաստս կենաց՝ սոցա պարտիմք առաւել զորս ասացիդ. իսկ կենսք և կենաց կրցորդութիւն, խորհուրդք, զըոյցք, յորդոր, մխիթարութիւն, է զի և յանդիմանութիւն, 'ի բարեկամութիւնս մանաւանդ ունին զտեղի. և այն բարեկամութիւն է զուարճալի քան զամենայն՝ զոր համաբարոյ բնութեան զուգեալ իցէ:

ԺԸ. Եւ յայս ամենայն պարտուպատշաճ՝ ծառայութիւնս՝ տեսանել արժան է, եթէ զինչ ինչ առաւել հարկաւոր իցէ իւրաքանչիւր ումեք. և զինչ ինչ իւրաքանչիւր 'ի նոցանէ առանց իսկ մեր կարող իցէ ածել զբաւմբ, և կամ ոչ կարիցէ: Եւ այսպէս ոչ նոյն աշտիճանք ընին կարեաց՝ որպէս ժամանակաց: Եւ ծառայութիւնք՝ որք առաւել ոմանց քան այլոց պիտին. զոր օրինակ դրացւոյն վաղագոյն օգնեա 'ի ժողովել զսրտուղս, քան եթէ եղբօր կամ ընտանւոյ. ապա ե

Թէ վէճ՝ իցէ 'ի դատաստանի, մերձաւորիդ և բարեկամիդ առաւել պաշտպան կաց քան զբացւոյն : Օպտտիկ՝ և զայսպիսին պարտ է քաջ դիտել յամենայն դործս պատշաճից, և սովորութիւն առնել կրթմանօր, որպէս զի մարթացուք բարւոք մատակարար լինել պատշաճիցն, և յաւելլով և կարճելով տեսանել զոր մնայն բովանդակութիւն . յորմէ 'ի միտ առնուցուս, Թէ սրչափ ինչ պարտմք իւրաքանչիւրոց :

Ըսլ զոր օրինակ ոչ բժիշկք, ոչ զօրավարք և ոչ փաստաբանք, Թէպէտ և հմուտք իցեն կանոնաց աւրուեստին, կարող ինչ են առանց մարդից և վարժութեան 'ի գլուխ տանել գործ արժանաւոր գովութեան մեծի, սոյնպէս և կանոնք պահէրց զպատշաճն աւանդել աւանդին, որպէս և մերս առնեմք, այլ մեծութի իրացն պահանջէ և զմարդս և զվարժութիւն : Բայց արդ ըստ բաւականին գոգցես ասացաք՝ եթէ յիրաց եղելոց յիրաւունս մարդկային ընկերութեան որով օրինակաւ քաղի վայելուն, յորմէ և պատշաճն յարդարի :

Ետանօր պարտ է խելամուտ լինել, եթէ 'ի քառեակ տեսակաց միջի նախակարգելոց՝ յորոց յառաջ զայ համեստութիւն և պարտուպատշաճ ծառայութի, առաւել քան զառաւել սրանծաղի տեսանի այն որ եղանի 'ի մեծանձն սրտէ, որ վսեմամիտ իցէ և արհամարհող մարդկային իրաց : Սին իրի գիւրապատրաստ նախատինք են մեծ՝ զոր դէպ լիցի ասել՝ .

Երիտասարդք դուք կանացիք,

Օպդ առնացի կին տեսիք :

Եւ կամ զայս օրինակ² .

Հապա յաւար, ո՛ր Սաղմակեան,

Բանց քրտանց և արեան :

Օտրին հակառակն է տեսանել 'ի գովեստս . զի ըզդործս մեծանձնութեան և զարիական քաջութեան և զվէհապանծութեան՝ չգիտեմ՝ որպէս լիաբերան դրուա տեմք : Յայսմանէ է ընդարձակն այն ասպարէզ բանից հոետորայ զՍարաթովնէ, զՍաղամինեայ, զՂզատէայ, զԹերմուպիղայց, և զԷկտրայց : Ետի և մերս Վոկ

¹ Ըստ Եննիոսի, կամ այլում բիա, զորմէ վիպեն առասպելք՝ ումք քերթողի : կնատիչ ունել զօրութիւն :

² Սաղմակիս աղբիւր էր 'ի Կա

դէս, աստի՛ Վեկոսեանք, աստի՛ Սկեպիոնեանք՝ ինէոսն և Պոքղիոս, աստի՛ Սարկոս Սարկեղոս, և այլ ևս ան թիւք, ևս առաւել ժողովուրդն հռովմէական ինքնին զլիովլին գերազանց գտանի մեծանձնութեամբ։ Վոյթ պատերազմական փառաց յայտնի լինի և յայնմ, զի զանդրիս իսկ տեսանեմք իբրև ՚ի զարդ զխուռուրութե կանգնեալս։

ԺԹ. Եւ այն փրացումն ոգւոյ որ ՚ի վիշտս վտանգի և ՚ի վաստակս երևեալ, եթէ անմասն իցէ յարդարութենէ, և մաքաւիցի ոչ վասն հասարակաց փրկութե, այլ վասն անձին օգտաշահութեանց, մոլեկան է։ Սի ոչ միայն չէ այդ ՚ի սահմանի առաքինութեան, այլ մանաւանդ անագորոյն մտաց է, որ զամենայն ցրէ ըզմարդկութիւն։ Սորին վասն իմաստութեամբ սահմանի արիութիւնն ՚ի Ստոյիկեանց, յորժամ ասեն զայն Սաքինութիւն մրցական ՚ի կողմանէ արդարութեան։ Սասն այսորիկ ոչ ոք է որ զարիութեան ստացաւ ըզփառս դաւաճանութեամբ և չարութեամբ, և գովութեան եղև ժառանգորդ. զի չէ հնար վայելչական լինել իմիւր, որ անմասն է յարդարութենէ։

Վեղեցիկ ուրեմն է Պղատոնին առասացութիւն. Ոչ միայն, ասէ, գիտութիւնն որ հեռի իցէ յարդարութենէ՝ խորամանկութիւն առաւել քան իմաստութիւն է յորջորջելի, այլ և անձն պատրաստական դնել զինքն ՚ի վտանգ, եթէ առ ՚ի յիւրմէ դրդի ցանկութե, և ոչ ՚ի հասարակաց օգտէն, յանդգնութեան ժառանգեսցէ զանուն քան զարիութեան։ Սորդ այսուհետև կամիմք, զի արի և մեծանձն մարդիկ՝ իցեն միանգամայն բարի և անկեղծ. ճմարտասէրք լինիցին, և ոչ խաբեբայք. որ են ՚ի մասնէ բուն գովեստից արդարուն։

Եւ այն իսկ է դժոխքներ, զի յայսպիսի վտանգութեան ոգւոյ և ՚ի մեծութեան սրտի՝ կարի հեշտեալ դարանի կամակորութիւն և իշխանասիրութիւն յոյժ։ Վանգի զոր օրինակ ըստ Պղատոնի՝ ամենայն բարբառակեղեմնազոց վառեալ էր ցանկութեամբ յաղթող լինելոյ, սոյնպէս որչափ ոք առաւելու պանծալի մեծանձնութեամբ, նոյնչափ առաւել կամի ամենեցուն իշխան լինել, մանաւանդ թէ միայն լինել։ Սորդ դժուարին է ՚ի ցանկալ անդ գեր ՚ի վերոյ լինել ամենէն։

ցուն՝ պահել զհաւասարութիւն, որ յոյժ է յանկաւոր արդարութեան : Իստի յայսմանէ լինի, զի ոմանք ոչ պայքարաւ, և ոչ որ և է իրաւամբ՝ որ հասարակաց, որ օրինաւոր, յաղթիլ յանձն առնուն . և գտանին ՚ի ժողովրդեան յորվակի կաշառատութեւ և եղեռնագործք, որպէս զի առաւել մեծութիւնս ստացին, և առաւել վերագոյնք իցեն բռնութեամբ՝ քան հաւասարք արդարութեամբ : Իսլ որչափ դժուարին է իմն, նոյնչափ և գովելի . զի չիք ժամանակ, որում օրէն իցէ անբաժ յարդարութենէ լինել :

Եւ արդ արի և մեծասիրտ են համարելի՝ ոչ որ առնեն, այլ որ վանեն զանիրաւութիւն : Իսկ ճշմարիտ և իմաստուն մեծանձնութիւնն զհամեստն զայն՝ որում առաւել զհետ երթայ բնութիւնս, ՚ի գործս հաստատեալ գիտէ, և ոչ ՚ի փառս . և առաւել կամի լինել՝ քան երևել իշխան : Իսկ անզի և որ կախի զտգէտ խառնաղանձին մոլորութենէ, այնպիսին մի գրեցի ՚ի թիւս վեհիցն արանց : Եւ կարի իսկ դիւրագոյն դրդի ՚ի գործս անիրաւ՝ որչափ որ բարձրամիտ է և փառասէր : Եւ այս է ապաքէն դիւրագայթ վայր . զի դժուարաւ որ գտանի, որ յետ յանձին կրելոյ զվաստակս, և ՚ի վտանգո լինելոյ միջամուխ, ոչ ցանկանայցէ փառաց որպէս վարձուց գործոց իւրոց :

Ի . Իմենայնիւ արին և մեծասիրտն՝ երկգրումք ի ըօք առաւել ՚ի վեր երևի . յորոց մին հաստատեալ է յանտեսն առնել զարտաքին իրօք, ուր դնէ որ ՚ի մոտի՝ թէ չէ արժան մարդոյ զարմանալ կամ ցանկանալ կամ զհետ լինել իմիք, բայց միայն որ համեստն իցէ և վայելչական . և ոչ ներքոյ անկանել ոչ մարդոյ, ոչ խռովութեան ոգւոյ, և ոչ բախտի : Իսկ միւսն է, զի յորժամ զայդ սիրտ ունիցիս զոր ասացիդ, գործս գործիցես ոչ միայն մեծամեծս և կարի օգտակարս, այլ և դժուարինս յոյժ և տարժանաւորս, և լիս վտանգօք կենաց, և յղբունց իսկ իրաց՝ որ կենաց են անկ :

Եւ այս երկուց իրացս բովանդակ պարծանք և մեծութիւն, ըստ նմին և օգտակարութիւն, ՚ի վերջնումն անդ է . իսկ պատճառն և բան որ առնէ զոր այր մեծ՝ յառաջնում անդ է : Եւ ասն զի յայնմ է բանն, որ առնէ վեհանձնեայ և արհամարհող մարդկեղէն իրաց :

Եւ այս տեսանի յերկուս՝ եթէ զայն եւթ բարի համարիցիս որ համեստն է, միանգամայն և յամենայն ամբողջմանէ սրտի ազատ իցես: Վանգի և զորս գերապանծ և զարմանալի բազմաց թուին՝ դուզնաբեայ ինչ վարկանել, և քամահել զնորքք անայլայլակ և հաստատուն խորհրդով, գործ է քաջատրուութեան և մեծանձնութեան. և զորս դառն թուին, ուր բազմապատիկ և պէսպէս հանգիստին այդպիսի զեանք կեննաց և ընչից մարդկան, այնպէս տանել զի ոչ իւրք օտարանայցես՝ ի պայմանէ բնութեան կամ՝ ի պատուոյ առն ի մաստնոյ, արիական ոգւոյ է գործ և մեծամուր հաստատութեան:

Եւ ոչ իսկ վայել է այնմ՝ որ ոչ խորտակի յերեսաց երկիւղի, լուծանիլ ցանկութեամբ, և անպարտելոյն ի վաստակոց՝ յողթիլ ի փափկութենէ: Ամսն որոյ և ի սոցանէ է զգուշալի, և խորշելի յարծաթսիրութենէ: Օ ի չիք ինչ այնպէս նշանակ փորձողի անձին՝ որպէս սիրել զմեծութիւնս, և ոչ այնպէս համեստագոյն և մեծավայելուչ, որպէս արհամարհել զինչս՝ եթէ չունիցիս, և ի բարերարութիւն վարել և յառատաճեռութիւն՝ եթէ ունիցիս: Օ գուշանալ պարտ է և ի փառասիրութենէ, ըստ որում ի վեր անդր ասացի. վասն զի կապտէ ի բաց զազատութիւն, ոյր վասն պարտի լինել բովանդակ ճիգն մեծանձն արանց: Այլ արժան հետամուտ լինել և իշխանութե. մանաւանդ թէ արժան է կամ երբեմն չառնուլ յանձն, և կամ երբեմն և հրաժարել:

Վատարկանալ պարտ է և յամենայն ամբողջմանէ սրտի, եթէ ի ցանկութենէ և յերկիւղէ, և եթէ ի վատաստութենէ և ի հետախտութենէ և ի բարկութենէ. որպէս զի առննթեր կացցէ հանդարտութի և աներկեանութիւն, որ բերէ ընդ իւր զանայլայլութիւն միանգամայն և զարժանապատուութիւն: Եւ առ ևս այնք են և եղեն, որոց ցանկացեալ հանգարտութեանն զոր յիշեցի, ի զբաղմանց հրաժարեցուցին զանձինս, և յանգործութիւն եղեն ապաստան: Եւ որոց սակի և ազնուական փիլիսոփայք և կարի ականաւորք, և ոմանք ոմանք արթունք մտօք և ծանրաբարոյք ի մարդկանէ, ոչ զամբոխին և ոչ զիշխանաց զբարս կարող ե-

դէն բառնալ, և բնակեցին ոմանք յագարակս՝ զբռնեալք յառանին իրս : Սոցա այն էր միտք՝ որ ինչ և թագաւորաց . իբր զի կարօտասցին և ոչ իմիք, հնազանդեսցին և ոչ ումեք . այլ ազատութեամբ վարեսցին, որում անկ է ըստ կամի կեալ :

ԻԱ. Եւ որովհետեւ միօրինակ այդ է ՚ի կարողութեան ցանկասիրաց և հանդարտելոց, նոքա կարծեն ՚ի ձեռմ բերել զայդ՝ եթէ ինչս բազումս ունիցին . սոքա՝ եթէ շատացեալ գտցին իւրոյին իրօք և սակաւուք : Աւր և ոչ միւսն կարծիք է ամենայնիւ անգոմանելի . այլ հանդարտելոցն կեանք է առաւել հեշտ և ապահով, և ոչ այնչափ ծանր կամ դժկամակելի այլոց . իսկ որոց տան զանձինս ՚ի զբաղանս տէրութեան և ՚ի գործել զմեծամեծս, է առաւել բարեբեր մարդկան ազգի, և ճահողազոյն առ պայծառութիւն և ՚ի տարածութիւն :

Սմին իրի և այնոցիկ թերեւ ներել արժան է յոչն առնուլ յանձինս զհոգ տէրութեան հասարակաց, որք գերապանծ ուշիմութեամբ ճոխացեալք՝ ՚ի վարդապետութիւն զանձինս ետուն . և այնոցիկ՝ որք կամ առ նուազութեան առողջութեան, և կամ յայլ ևս ծանր պատճառաց խափանեալք, ՚ի բաց հրաժարեցին ՚ի հոգոց հասարակաց, այլոց թողլով զկարողութիւն և զգուրութիւն տնտեսութեան սոցին իրաց : Իսկ որոց չկայցեն պատճառք այսպիսի և ոչ մի, եթէ ապիցեն՝ թէ ինքեանք արհամարհեն զայն ինչ իրս՝ որ զարմանալի թուին բազմաց, իշխանութիւնք և պետութիւնք, զայն սիսիս ոչ միայն չգովեմ, այլ և պարսաւանաց գրեմ արժանի : Եւ պարէն անմարթ է չհաւանել դատաստանի այդպիսեաց յայնմ՝ զի զփառս արհամարհեն և յոչինչ համարին . այլ սակայն երեւին յաշխատութեանց և ՚ի տաղտապանաց՝ եթէ վնասուց և եթէ հերքմանց՝ զանգիտել իբրեւ ՚ի վատանունութենէ և ՚ի չարահամբաւութենէ : Օ՛ի են որ ՚ի ձախողակս վերսկսին, զփափկութիւն՝ ՚ի սպառ անգոմանեն, ՚ի ցաւս են թուլամորթք, անտես առնեն զփառս, վատահամբաւութեամբ կործանին . և յայսոսիկ ևս յողորմիկ մտօք :

Եւ որոց տուեալ է ՚ի բնութենէ աջողակութիւն գործոյ, առանց ընդ բանս ինչ ածելոյ պարտ է նոցա ունել զգատաւորութիւն և զգործակալութիւն ՚ի տէ-

րութեան հասարակաց: Օ) Ի և ոչ այլ ազգ մարթ է յոտին կալ քաղաքի, որպէս և ոչ հանդիսանալ մեծանձնութեան: յԵ որոց յանձն առնուն զհոգ տէրութեան՝ ոչ ինչ ընդհատ յիմաստասիրաց, չասացից թէ առաւելագոյն իսկ, պէտք են նոցա ՚ի կիր արկանել զմեծավայելուչ բարս և զարհամարհութիւն մարդկեղէն իրաց, և զոր ստէպն երկրորդեմ՝ զհանդարտութի սրտի և զաներկեանութիւն. վասն զի չէ պարտ նոցա նեղսրբտութեամբ վարիլ, այլ ծանրութեամբ և անայլայլակ ոգւով կեալ:

Եւ այսոքիկ այնչափ առաւել դիւրագործ են իմաստասիրաց, որչափ նուազ հանդիպին ՚ի կեանս նոցա իրք՝ զորս բախտն հարկանիցէ դժբախտութեամբ, և որչափ նուազ ունին կարօտութիւն. թող զի եթէ և ձախող ինչ իրք դիպեսցին, ոչ այնպէս չարաչար կործանին նոքա: Սկիւն իրի ոչ անպատճառ զմեծագոյն յուզմունս շարժութեան սրտի կրեն, և մեծագունի աշխատութե ունին պէտս հոգաբարձուք տէրութեան քան զհանդարտեալսն. վասն որոյ պարտ է սոցա մեծ ևս մեծանձնութիւն յանձին բերել, և ազատութիւն յանձկութեանց կրից:

Իսկ որ մնտչին ՚ի գործակալութիւն, զգոյշ լինիցի՝ ոչ լոկ նկատել զի իրքն համեստ իցեն, այլ զի և ունիցի կարողութիւն ձեռն ՚ի գործ արկանելոյ: Եւ և զայն պէտք են դիտել, զի ոչ վայրապար յուսահատ լիցի առ վատութեանն, և ոչ կարի յանձնապաստան առ ցանկութեանն: Եւ յաւանայն իրս՝ նախ քան զմիջամուխն լինել, պիտոյ է արթուն պատրաստութիւն վաղագոյն:

ԻԲ. Իսոյց քանզի բազումք են որ զպատերազմական իրս մեծ քան զքաղաքականս համարին, Ժամ է մեղմել զայդ կարծիս: Ս ասն զի յոլովք ՚ի խնդիր եղեն բազում անգամ պատերազմաց առ փառասիրութեան. և այս ստէպ պատահէ ՚ի մեծանձն և ՚ի բազմահանձար անձինս, ևս առաւել՝ եթէ աշողակք իցեն ՚ի գործ զինուորութեան և պատերազմասէրք: Սակայն եթէ կամիցիմք ճմարտութեամբ դատել, բազում ինչ իրք քաղաքականք՝ մեծ ևս գտան և պայծառ ևս քան զպատերազմականսն: Օ) Ի թէպէտ և Կ) Եմիտոկէս իրա-

ւամբք գողի, և սրայծառաւիայլ է անուն նորա՝ քան ըզ-
Սողոնին, և վկայ 'ի մէջ բերի Սաղամիս քաջաւիայլ
յաղթութեանն, իբրու նախապատիւ քան զխորհուր-
դէն զայն Սողոնի, որով զառաջինն կարգաւորեաց զԼ-
րիսպազացիս . սակայն ոչ փոքր մեծագործութիւն զայս
քան զայն ասել արժան է . վասն զի այն մի անգամօգ-
տեաց քաղաքին, իսկ սա յաւեժաբար օգտեցէ . սովին
խորհրդով օրէնք Լթենացոց պահին, սովին և առաջ-
նոցն սահմանք : (Թող զի (Թեմիստոկղէս չունի ինչ ա-
սել, եթէ այսու օգնեցի Լրիսպազին . բայց նա իրա-
ւամբք ասացէ, եթէ յինէն օգնականութիւն եղիտ
(Թեմիստոկղէս . վասն զի պատերազմն մըլեցաւ խորհր-
դով ծերակուտին՝ որ 'ի Սողոնէ էր հաստատեալ :

Օնոյն օրէն է ասել և յաղաքս Պաւսանեայ և ի
սանդրի . զի թէպէտ և գործովք արութեան սոցա ընդ-
արձակեալ կարծի իշխանութիւն լակեղեմնացոց,
սակայն և ոչ դոյզն մնասմբ 'ի համեմատութիւն բե-
րել արժան է գնոսա ընդ լիւրդութիւն օրինաց և վար-
դապետութեան : Եւ զի յայդց պատճառաց զխնովին ե-
ղև նոցա ունել զօրականս հլուս և առաքինիս : Եւ պա-
քէն և ինձ այնպէս թուէր, թէ ոչ յաւուրս մանկու-
թեան մերոյ Ս . Սկաւրոս 'ի վայր գտանէր քան զՎայ-
իոս Սարիոս, և ոչ 'ի ժամանակին յորում դեզե-
րէաք 'ի գործ տէրութեան, ի . Սատուղոս քան զՍ .
Պոմպէոս : Ս ասն զի ապիկար են զէնք արտաքոյ, եթէ
չգուցէ խորհուրդ առնին : Եւ ոչ աւելի օգուտ պե-
տութեանն գործեաց Լիբիկանոս, այրն անհամեմատ և
զօրաւար քաջ, 'ի յատակել սատակել անդ զԼուամն-
տիա, քան եթէ 'ի նմին ժամանակի Սաթիկա այր
ստակական, յորժամ զՏիբերիոս Վրակքոս սպան . միայն
թէ վերջինս այս չէ լոկ գործ առնին, այլ 'ի պատե-
րազմական անդր հայի . որովհետև զօրութեամբ բազ-
կի ել 'ի գլուխ . բայց սակայն և այդ խորհրդով գոր-
ծեցաւ քաղաքականաւ առանց զօրու :

Լյն ինչ է քաջալաւ, որ որպէս լեւմ՝ մախացողս
ունի յարձակեալս յիւր վերայ յաջաղանօք .

Տեղի տուք զէնք պատմութեանին,

Տեղի տացէ պերճախօսի սարդենին :

(Թողից զայլս . ոչ ապաքէն 'ի անտեսել մեր անդ զտե-

ըռութիւն հասարակաց՝ զէնք տեղի ետուն պատմունքանաց. զի ոչ երբէք այնպէս ծանր վտանգ եղև հասարակաց իրաց, և ոչ այնպէս հանդարտութիւն։ Այս օրինակ խորհրդով և հանձարով մերով արագ արագ ՚ի ձեռաց անտի յանդուգն քաղաքացւոց ՚ի վայր անկան զէնք գլխովին։ Արդ ուր ուրէք ՚ի պատերազմի այս պիտի գործեցան գործք մեծամեծք. ո՞ր այն յաղթանակ սմին զուգական՝։ Վանգի ինձ օրէն է, որդեակ իմ II) արկոս, պարծել քո առաջի, որում անկ է և ժառանգութիւն փառացն, և գործոց հետեւութի։ III) տուգութեամբ ասեմ, զայս պատիւ ինձ արար լու ՚ի լու բազմաց ինէոս IV) ամպէոս այրն փառաւորեալ բազմադէմ գովութեամբք պատերազմականօք, յասել անդ, [թէ I] զուր ինձ ինէր յաղթանակ ՚ի մէջ ածել երրորդ, եթէ չունէի տեղի յաղթանակի քոյովդ առ տէրութիւն երախտաւորութեամբ։ V) պա ուրեմն ոչ փոքր են առտնին արիութիւնք քան զգլխուորականս. և առաւել իսկ ՚ի նոսա քան ՚ի սոսա պիտոյ է փոյթ և խընամ ունել։

ԻԳ. VI) նշուշտ համեստն այն՝ զոր պահանջեմք ՚ի վըսեմ և ՚ի մեծագործ անձնէ, ներգործի ոչ մարմնոյ այլ հոգւոյ զօրութեամբք. բայց պարտ է կրթել զմարմինն, և այնպէս տնօրինել, զի մարթասցի հպատակել խորհրդոյ և բանի՝ ՚ի կատարումն գործոց և ՚ի տանել վատակոց։ VII) համեստն զորոյ զհետ ելեալ եմք, հաստատեալ է ամենայնիւ ՚ի ճիգն հոգւոյ և ՚ի մտածութե, յորում ոչ դոյզն օգուտ մատակարարեն պատմունքանազգեացքն վերակացուք տէրութեան՝ քան զորս պատերազմ մղեն։ VIII) այսպէս բազում այն է զի ըստ նոցին խորհրդոյ կամ ոչ յանձն առնուն զպատերազմն կամ վճարեն, և է երբէք զի ինքեանք հրատարակեն. զոր օրինակ II) արկոսի I) ատոմնին (խորհրդով) այն երրորդ պատերազմն պունիկեան. յորում մեռելոցն անգամ զօրեաց հրամանատարութիւն։

I) ասն այսորիկ ըղձալի է առաւել բանն ընտրողութեան քան զքաջութիւն պատերազմական. բայց ըզ

1 Անարկէ ՚ի գաւառանուծին
վատիկնայ, զոր մեծաւ արթնութեամբ և խոհական խորհրդով

ցրեաց Կիկերոն. այլ կարի են պանծանքն, [թէպէտ և առ որդին աւսացեալ։

դուշալի չառնել զայդ առ խորշերց մանաւանդ 'ի պատե-
րաղմէ՝ քան օգտի աղագաւ : Այնպէս սլարտ է յանձն
առնուլ զպատերազմ, զի ոչ ինչ այլ, բայց միայն
խաղաղութիւն երեւեցի ինդրել : Իսկ արիական և
հաստատուն սրտի է գործ՝ ոչ խռովիլ 'ի դժուարինս .
և ոչ ամբոխմամբ՝ ըստ առածին 'ի սանդղոց և 'ի վայր
կործանիլ, այլ վարիլ խոհական մտայն խորհրդով, և
ոչ 'ի բանէն օտարանալ :

II 'իայն թէ այս սրտի է գործ, և այն մեծի հանձա-
րոյ, յառաջագէտ լինել մտօք լինելեայն, և իւրք իրօք
կանխել կարգաւորել՝ զինչ ինչ մարթի պատահել եր-
կաքանչիւր կողման, և զոր պարտ իցէ առնել՝ եթէ դի-
սկեսցի ինչ . և չառնել ինչ, զորմէ հարկ լիցի երբեմն
ասել . Ոչ կարծէի : Այսպիսի են մեծ և վսեմ ոգւոյ
գործք՝ խոհական խորհրդով յանձնադաստան եղերց :
Իսկ անխորհրդաբար 'ի ճակատ մտանել և ձեռներեց
լինել, բախիլ ընդ թշնամոյն, ապառու՛մ մտաց է և
զազանակերպ : Այլ ուր ժամն և հարկն պահանջիցէ,
ձեռն 'ի գործ առնել սլարտ է, և նախասլատիւ համա-
րել զմահն քան զծառայութիւն և զլատթարութիւն :

Ի՞նչ . Իսկ յաւեր և յաւար քաղաքաց քաջ միտ դնել
սլարտ է, զի մի լիցի ինչ յահուր և անագորոյն մտօք :
Եւ այս է առն մեծի, կշռել զիրան, և ըստ այնմ զչա-
րադործան սլատիւ, զխառնիճաղանճն սլահել . յամե-
նայն յաջողուածս զուղիղն և զհամեսան պլինդ ունել :
Վանգի զոր օրինակ են որ ըստ յառաջագոյն ճառե-
լոցս՝ զպատերազմական իրս նախապատիւ համարին
քան զքաղաքականս, սոյնպէս գտանիցես զյորովս՝ որոյ
առաջի պանծալիք և մեծամեծք թուին վտանգաւոր և
ջերմ մտածութիւնք քան զհասունս և զհանդարտս :

Ոչ երբէք ոչ ուրեք 'ի վտանգէ խուսափել արժան
է, որով անզօր և վատասիրտ երեւիցիմք :

Այլ արժան է խոյս տալ և յայտմանէ, մի անձամբ
զանձինս 'ի վտանգ արկանել անպատճառ . քան զոր ոչ
ինչ է անմտաբոյն : II ամն այնորիկ 'ի բերիլ 'ի վտանգս՝
զբժշկայն սովորութեան 'ի դէպ է զհետ երթալ . որք
զթեթեւ խօթացեալս մեղմով Գարմանեն, իսկ ցաւոյն
ծանրադունից հարկին ածել զվտանգաւոր և զանստոյգ
գարմանս : II ամն որոյ 'ի հանդարտութեան՝ հակառա-

կաց ցանկալ միրկաց՝ անմտի է . իսկ հնարս հայթհայթել միրկի զիարդ և է օրինակաւ, իմաստնոյ . և այնչափ ևս, որչափ առաւել շահել ունիս զբարիս յերս գործոյն, քան զչարիսն՝ ի կալն յերկուսնալի վիճակի : Այլ վտանգքն իրաց կէս մի՝ ի գլուխ միջամուխ եղերոցն գտն, և կէս մի տերութեան հասարակաց . և դարձեալ են՝ ի գործոց որ ի վտանգ կենաց կարգին, և են որ փառաց և երախտեաց քաղաքացւոց . արդ առաւել դիւրապատրաստ պարտիմք լինել ի վտանգ անձանց՝ քան հասարակացն . և կամակար մարտնչիլ ի սակս պատուոյ և փառաց՝ քան վասն այլոց ինչ դիւրութեանց :

Բազումք գտան որք պատրաստ էին ոչ զինչս ևեթ, այլ և զկեանս անգամ տալ վասն հայրենեաց . որք և ոչ փորք զեան բերել իւրեանց փառացն յանձն առնուին, նա և ի պահանջել անգամ տերութեն : () որ օրինակ լալ լիկրատիդաս զօրավար եղեալ | աղեղեմննացւոց ի պեղոպոնեսեան պատերազմի, յետ բազում գործս արութեան ի գլուխ տանելոյ՝ յեղծումն դարձոյց զամենայն, յոչն անսալ խորհրդոյ նոցա՝ որք աւելին ի բաց հեռացուցանել յԱրգինուսայ զտորմիղ նաւաց, և ոչ միսել ի մարտ ընդ Աթենացիս : Արոց ետ նա պատասխանի . | աղեղեմննացիք կարօղ են ի կորուսանել զայն նաւատորմիղ՝ միւս ևս պատրաստել . այլ ես չկարեմ ի փախուստ դառնալ առանց խայտառակութե : Բայց այս հարուած | աղեղեմննացւոց չափաւոր եղև . այլ մահառիթն այն է, բախին լղէտմբրոտայ անխորհրդաբար ընդ Ապամինոնդայ՝ առ երկիւղի նախանձարկութեան, յորում | աղեղեմննացւոցն յոյս ի գետին անկա : Բանիօն լաւ է |) պըսիմոս, զոր մէ այսպէս խօսի Աննիոս .

Այլաց այր որ մերոց չարեաց ի դարմանս հանդարտ ի գործ ուանձայն յառաջ քան զփրկանս . |) եծ ևս ի փառս արդ նա փայլէ առ յապայս :

Այս ազգ սխալանաց խորշելի է և ի քաղաքականս . զի են որոց խորհուրդք բարի են յոյժ, այլ առ ահի նախանձու ոչ համարձակին ասել :

ԻԵ . Այլ միանգամ առաջնորդ լինել հանդերձեալ են ժողովրդեան, ամենայն իրօք զՊլատոնին կալցին խրատըս կրկին . մի՞ զի այնպէս խնամ ունիցին օգտի քա-

զաբացաց, զի զինչ և առնեն՝ ՚ի նոյն հայեցուցեն, զանձանց դիւրութիւն մոռացեալք. միւս ևս՝ զի զւրորդ զմարմին հասարակաց խնամարկեսցեն. և մի յորժամ զմասն մի հոգան, զայլն անտես առնիցեն : Եւ ամս զի զոր օրինակ զհովանաւորութի որբոց, նոյնպէս և զտրն տեսութի ժողովրդեան՝ պարտ է վարել յօգուտ յանձնելոցն ՚ի խնամն, և ոչ որոց հաւատացան խնամքն : Իսկ որք զմասն մի քաղաքացւոց յանձանձեն, և զմի մասն անտես առնեն, զեան մեծ յոյժ փաստոց ածեն ՚ի քաղաքն, զապստամբութիւն և զերկպառակութիւն. որով կէսք՝ ռամկաց կուսակիցք երեւին, կէսք թեալիցք աւագաց, սակաւք հասարակաց բոլորից :

Հայսմանէ առ Մթենացիս մեծամեծ երկպառակութիւնք. իսկ ՚ի մերում միջի ոչ միայն հերձուածք, այլ և մահառիթ մարտք քաղաքականք. յորոց պարտի խորշիլ մերժիլ քաղաքացի ծանրաբարոյ և քաջ՝ արժանաւորն վերակացութեան ՚ի ժողովրդեան, որ և անձնատուր լինիցի բոլորովին ՚ի խնամն հասարակաց. ոչ ընչից և ոչ իշխանութեան լեալ ՚ի ինդիր. և այնպէս պաշտպանեսցէ ամենեցուն, զի ամենեցուն օգտեսցէ : Եւ մի զոր սուտ զբարարութեամբք յատելութիւն կրթեսցէ կամ ՚ի մախանս. և յամենայնի այնպէս փոյթ կալցի արդարութեան և համեստութեան, մինչև եթէ զէպ լիցի յանձին կրել ՚ի պէտս պահպանութեան սոցա ծանր ծանր վիշտս, ընտրեսցէ մեռանել առաւել քան թողուլ ՚ի ձեռանէ զորս ասացիդ :

Չուառական է ստուգապէս ամբարհաւաճութիւն և փառամոլութի. զորմէ գեղեցիկ գրէ նա ինքն Պղատոն և ասէ. Եւ միանգամ մի զմիով ելեւելս առնեն, թէ ո՞ւր առաւել տնտեսեսցէ զժողովուրդն, նման է գործ նոցա նաւավարացն կազելոց, թէ ո՞ր նոցանէ ղեկավարեսցէ : Այն սա պատուիրեաց, զի համարեսցուք ոսոխս զնոսա ոչք զէն առնուն այր ընդդէմ եղբօր. և ոչ զորս լատ ընտրութեան իւրեանց կամին տնօրինել զիրս ժողովրդեան. որսիսի եղև հակառակութիւն անկուիւ ընդ Մարիկանոս և ընդ Մետեղոս :

Եւ արժան լսել և նոցա, որք արժան համարին ծանրացասունն լինել թշնամեաց. և զայդ վարկանին գործ մեծասիրտ և քաջի առն : Ինչպիսիք ինչ առաւել գո-

վելի, և մեծի և պատուական ան արժանաւոր՝ որպէս քաղցրաբարոյութիւն և գթութիւն։ Իսկ ՚ի ժողովուրդ ազատ և ՚ի հաւասարադատութեան իրաւանց պարտ է վարել նաև զգլխաւոր ունկնդրութիւն, և զանուանեալն մեծանշնութիւն։ զի մի, եթէ բարկացուք կամ մատուցելոյն ՚ի տարաժամու և կամ անպատկառ ժտելեացն, լիցի մեզ անկանել ՚ի դաժանութիւն անպէտ և ատելի։ Եւ սակայն այնպէս պարտ է վարիլ հեզութիւն և գթութեամբ, զի խառնեցի ՚ի նոսա ՚ի պէտս հասարակաց օգտի և խստութիւն, առանց որոյ անհնար է լինել տնտեսութեան քաղաքի։

Իայց ամենայն պատիժ և պատուհաս պարտի լինել առանց թշնամանաց։ և ոչ ՚ի շահ նորա որ պատուհասէն զօր կամ յանդիմանէ՝ վերածեսցի, այլ առ հասարակաց օգուտ։ Եւ ևս զգուշանալ արժան է, զի մի լինիցի պատիժն մեծ քան զյանցուածն։ և մի յաղազս նոյնատիպ փնասուց լինիցի զոմանս տանջել, իսկ զոմանս և ոչ ՚ի դատ կոչել։

Եւ ծապէս սանձել պարտ է զբարկութիւն ՚ի պատուհասելն։ զի ոչ երբէք որ ցասմամբ բերի ՚ի պատժել, կացցէ ՚ի չափաւորութեան՝ որ ընդ մէջ առաւելոյն և նուազին, ընդ որ ճեմականք հաճին։ և իրաւամբք հաճին, միայն թէ չգովէին զբարկութիւն իբրև օգտակար ինչ բնատուր, որ՝ յամենայնի է հերքելի։ և ըզձալի, զի առաջնորդք հասարակաց նման գտցին օրինաց՝ որ բերին ՚ի պատուհասել ոչ բարկութեամբ, այլ արդարութեամբ։

Ի 2. Եւ ևս ՚ի յաջողուածս իրաց յորդելոց ըստ հաշոյս անձանց մերոց, մեծապէս խորշեսցուք յամբարտաւանութենէ, յարհամարհութենէ և ՚ի յանդգնութենէ։ Եւ ասն զի որպէս ՚ի ձախողութիւնս, նոյնպէս և ՚ի յաջողութիւնս ոչ կալ ՚ի չափուն՝ ծանծաղմտութիւն է։ զեղեցիկ և պատուական է հաւասարութիւն յամենայն ՚ի կեանս, և նոյն հանապազ դէմք կերպարանաց, և նոյն ճակատ։ զոր օրինակ զՍոկրատայ լսեմք և զԵրիստէ։ Ի պարէն զՍիլիպպոս մակեդոնացւոց արքայ, որ գործովք քաջութեան և փառք յաղթեալ

1 Ըստ Ստոյիկեանց։

տեսանի յորդոցն, 'ի հեղութեան և 'ի մարդասիրութեան գեր 'ի վերոյ տեսանեմ քան զորդին: Աման ուրոյ առաջինն միշտ մեծ դտաւ, և երկրորդն բազում մասամբ վատթար. մինչ զի ուղիւ պատուիրանադրել երևին որք խրատենն, զի որչափ բարձրագոյն դտանիմք, այնչափ ցածագոյն ցուցցուք զանձինս: Պանետիոս զԱփրիկանոսէ աշակերտէ և զընտանւոյ իւրմէ՝ սովոր էր, առէ, ասէլ. Օ որ օրինակ սովորութիւն է ըզձիս յանդգունս 'ի պատճառս ստէպ արշաւանաց պատերազմի խայտաղեակ՝ 'ի ձեռս սուլ սանձակոծիչ վարժողաց, զի մեղմասցին, և զիւրին լիցի վարել զնոսա. սոյնպէս և զմարդիկ որ յաջողութեամբ սոնքացեալք իցեն իբրեւ անսանձք և յանճնապատասնք, պարտ է ընդ կրկէսս բանի և վարդապետութեան շրջաբերել, զի քաջ տեսանիցեն զանհաստատութիւն իրաց մարդկութեանս և զայլափոխութիւնս բախտի:

Եւ զարձեալ յառաւել յաջողութիւնս առաւել 'ի ձեռս առնուլ պարտ է զխորհուրդ բարեկամաց, և մեծ ևս քան զոր յառաջն մեծարանս ընծայել նոցա: Սիւնս գամայն և զգուշալի, զի միշտ ունին մասուսցուք մարդահաճոյից, և մի թողցուք մարդերուղել մեղ. յորում զիւրին է պատրիլ. վասն զի յայնժամ սկսանիմք այնպիսի համարել զանձինս, իբրեւ զի իրաւամբք գովիցիմք: Յորմէ անթիւ ծնանին վնասք. որովհետեւ մարդիկ փրացեալք կարծեօք՝ ծաղր լինին ամօթով, և 'ի մեծաւ մեծ մոլորութիւնս շաղին: Այլ այսորիկ այսքան:

Եւ զայս այսպէս արժան է դատել, թէ մեծամեծ իրք և մեծասիրտ ոգւոյ գործք 'ի նոցանէ գործին՝ որք հասարակաց են առաջնորդք. զի սնտեսութիւն նոցա է համատարած և առ բազումս պատշաճեալ: Բայց կան և եղեն ևս մեծասիրտք բազումք՝ 'ի հանդարտութեան վարս. որք հետազօտեցին և կամ 'ի գլուխ հանին զիրս մեծամեծս, կալով 'ի վիճակի իւրեանց սահմանի. և կամ անցեալք 'ի դասս իմաստասիրաց և վերակացուաց տէրութե, բերկրական էր նոցա առտնին գործք. ոչ յանչափս յաճախելով զնոսին, և ոչ արտաքոյ թողլով զիւրեանցսն 'ի վայելից նոցին. մանաւանդ թէ և բարեկամաց մատակարարելով և հասարակաց՝ յորժամ պէտքն պահանջէին: Սիւնս թէ նսիս զա-

ուաջինն այն ինչք բարիքը ծնունդ ունիցին, և ոչ իւրեք երբէք յանիրաւ շահուց վատութեամբ . և դարձեալ յորովից իցեն 'ի շահ օգտի, և այն՝ արժանաւորաց . և ևս՝ զի աճեսցեն խելօք, արթնութեամբ և խնայութեամբ . և ոչ վատնեցին 'ի պէտս զեղիւութե և անսուսութեան, այլ առաւել առատաձեռնութե և բարերարութեան: (Ի զայս ամենայն պահիցէ, մարթէ այնպիսոյն կեալ մեծավայելուչ, ծանրաբարոյ և քաջասիրտ, միանգամայն և անկեղծ, հաւատարիմ և մոտերիմ ոգւով բարեկամութեան ընդ մարդկան:

Ի՛. Եւ ասել այսուհետեւ զմիոյ մնացեալ մասնէ համեստութեան, յորում փայլէ ամօթխածութի, և զարդ իմն գոգցես վարուց, բարեխառնութի և պարկեշտութիւն, և բովանդակ հանդարտութիւն ամբոխ մանց սրտի, և չափ և եղանակ իրաց: Ի՛. Եւ այն է որ 'ի Հելլենացոց և 'ի Հռովմայեցոց Եւ պելլական առձայնի: Եւ ճիգն սորա այն, զի ոչ 'ի վայր քան զհամեստն երևեսցի. վասն զի որպէս վայելականն է համեստ, նոյնպէս և համեստն վայելուչ:

Իսկ թէ զինչ խորի կայցէ ընդ համեստն և ընդ վայելուչն, դիւրագոյն է իմանալ քան ճառել: () Ի վայելուչն յայնժամ 'ի վեր երևի, յորժամ յառաջեսցէ համեստութիւնն: () Ինչ զի ոչ միայն յայնժամ մասին համեստութեան, զորմէ աստանօր 'ի դէպ է ժեզ խօսել, այլ և յերիս անդ նախաճառեալս փայլէ վայելութի: Եւ ասն զի եթէ բանականութեամբ վարիլ, և եթէ խոհական բանիւ, և զոր առնեսդ՝ խորհրդով առնել, և յամենայնի հայել և կալ պաշտպան ճշմարտին է վայելուչ. ընդ հակառակն՝ խաբիլ, սխալել, մոլորիլ, անկանել, այնչափ անփայելուչ է, որպէս զցնորին և 'ի մոռաց անկանի: Եւ ամենայն ինչ արդար՝ է և վայելական. և զսորին հակառակն անիրաւն, որպէս ամօթալի, նոյն և անվայել: () Նոյն իմա ինձ և զարիւթեանէ. զի որ ինչ գործի այրաբար և քաջասրտութեամբ, է գործ մարդոյ արժանի և վայելական. և որ ոչ այսպէս, յոռի է, ըստ նմին և անվայելուչ:

Ի՛. Եւ ուրեմն առ ամենայն ինչ համեստ է և վայելական. և այս այնպէս յայտնի, զի ոչ խոր իմն տեսութիւն խնդրէ, այլ ակն յանդիման կայ: Ի՛. Եւ ինչ

մասն վայելչականին զոր և յամենայն առաքինութիւն պարտ է իմանալ, որ առաւել 'ի միտս մարթի զանազանիլ յառաքինութենէն, քան եթէ իրօք: Օ որ օրինակ վայելչութիւն և գեղեցկութիւն մարմնոյ ոչ մարթի զատանիլ 'ի քաջողջութենէ. ըստ նմին՝ վայելչականն, զորմէ մեր բանքս են, բոլորովին արդեօք ընդ խառնեալ է ընդ առաքինութեան. այլ մտօք և խորհրդածութեամբ զանազանի:

Եւ է ստորագրութիւն նորին կրկնակի. վասն զի նախ հանրական իմն իմանամք վայելչականութիւն, որ յամենայն համեստութեան գտանի. և երկրորդ այլ նմին ներքոյ անկեալ, որ անկ է իւրաքանչիւր մասին համեստութեան: Օ առաջինն զայն զայս օրինակ գրեթէ սովորութիւն է սահմանել. վայելչականն է՝ որ յանկաւոր է գերազանցութեւ մարդոյն, յայնմ՝ յորում բնութիւն նորա տարբերիցի յայլոց կենդանեաց: Իսկ զմիւս մասն ստորանկեալ ընդ սեռիւ, այսգոյն սահմանեն. վայելչականն այն է ասեն, որ այնպէս յանկաւոր է բնութեան, մինչ զի 'ի նմին բարեկարգութիւն և չափաւորութիւն երևեսցի հանդերձ ազատական իմն ցուցիւք:

Իւ. Եթէ զայս այսպէս իմանալ իցէ պարտ, իմաստասիրել կարօղ եմք 'ի վայելչականէ անտի, որում քերթօղք երթան զհետ. զորմէ այլուր ձոխագոյն բանք լինին: Իսկ աբդ՝ յայնժամ պահեալ ասեմք 'ի քերթողաց զվայելչութիւն, յորժամ իւրաքանչիւր անձին զպատշաճականն տան գործել և աւել: Օ որ օրինակ, եթէ 'ի բերանոյ Երայսայ կամ Երնոյսայ ասասցէ ոք, լծող ատեսցեն, այլ երկիցեն, կամ Երն ծնողն է գերեզման ծննդոց.

Եւ վայելչութեւ երեւի, զի արդարս լուսք զնոցանէ լինել. և սակայն 'ի դէմն Երեմի 'ասացեալ ծափաճայն գովի. զի արժանի առնն են բանքս: Իսկ քերթողք թող զվայելչութեւն դատեսցին ըստ գէմն կերպարանաց. իսկ մեզ բնութիւնն ինքնին գլխովին ետ զիւրաքանչիւր դէմն, գերապանծ և գեղեցիկ վայելչութեւ քան զամենայն կենդանեաց:

Եւ մին իրի թող քերթողք տեսցեն 'ի բազմապատիկ

դիմանումութիւնս անդ և զայն, թէ զի՞նչ 'ի ճահ իցէ և զի՞նչ վայելչական նաև վատթարաց. այլ քանզի մեզ 'ի բնութենէ տուան մասունք զգօնութեան, չափաւորութեան, բարեխառնութեան և ամթխածութեան, և ինքնին բնութիւն ուսուցանէ ոչ անտես առնել զայնուիկ՝ թէ որպէս արժան իցէ քաղաքավարել առաջի մարդկան, զհետ գայ, զի և վայելչականն այն առ ամենայն համեստութիւն պատկանեալ՝ երեւոցի սիրեալ և տարած, որպէս և այն՝ որ նկատի յիւրաքանչիւր ազգս առաքինութեանց։ Վասնզի զոր օրինակ գեղեցկութի մարմնոյ վայելուչ քաղարկութեամբ անդամոց զօշոտէ զաչա, և զուարճացուցանէ դովին իսկ այդուիկ՝ զի ամենայն մասունք չքնաղ իմն յօրինուածով դաշնաւորեալ են ընդ իրեարս, նոյնպէս և վայելչութիւնն 'ի վարս փայլեալ ինքն յանկուցանէ զհաւանողական հաշութիւն այնոցիկ, ընդ որս քաղաքավարիցի որ կարգաւորութեամբ և զգօնութեամբ և չափաւորութեամբ բանից և գործոց։

Այս և արժան իսկ է ակնածութիւն իմն ցուցանել առաջի մարդկան, եթէ առ պատուականս և եթէ առ այլ։ Ասն զի անտես առնել՝ թէ որպիսի է զք յաչա այլոց, ոչ միայն յանդգնութիւն է, այլ և ամենեւին իսկ ցոյութիւն։ Այս է ինչ զանազանութիւն 'ի պատշաճական գնացնն որ առ մարդիկ, ընդ արդարութիւն և ընդ ակնածութիւն. արդարութեան մասին է՝ ոչ խուել զմարդիկ, ակնածութեան՝ ոչ դառնացուցանել. յորում առաւել քաջ տեսանի վայելչականին զօրութի։ Այսոսիկ առաջարկութիւնս, որպէս կարծեմ՝ ծանուցաւ թէ զի՞նչ այն իցէ ձայնեալն 'ի մէնջ վայելչական։

Իսկ գործ նորա պատշաճական նախ առաջին ընդ այս ուղղի ճանապարհ, որ առաջնորդէ առ պատշաճն և առ պահպանութիւն բնութե. որոյ առաջնորդութեն եթէ զհետ ընթացուք, ոչ երբէք խոտորեցուք։ Վարձեալ 'ի միտ առնուցումք որ ինչ սրատեսն է և նրբահայեաց բնութեամբ, և որ քաջայարմարն է առ մարդկան ընկերակցութիւն, նա և որ ինչ ուժաւորն իցէ և կորովին։ Այլ առաւելագոյն յարգ վայելչականին յայսմ մասին է՝ զորմէ ճառեմք։ Այս ոչ մարմնոյ միայն շարժմունք յարմարք բնութեան են ընտրելի, այլ ա-

ուսել ևս հոգւոյն՝ նոյնպէս բարեյարմարք բնութեան։

Վ) ամս զի կրկին զօրութիւն է հոգւոյ և բնութե. մի մասն 'ի յօժարութեան հաստատեալ՝ որ ցանկութիւն կամ կիրք ասի, որ տատանեալ յուզէ զմարդ. և միւսն 'ի բանն՝ որ ուսուցանէ և յարդարէ զինչ պարտ իցէ առնել և յորմէ՝ հրաժարել։ Մաս հարկ է, զի բանն առաջնորդեսցէ, և յօժարութիւնն հպատակեսցի։

ԻԲ. Մըդ ամենայն առնելութիւն պարտի անմասն լինել 'ի յանդգնութենէ և յանհոգութենէ. և չառնել ինչ, զորոյ չկարիցէ տալ զպատճառ հաւանելի։ () Ի այս խոյ է գրել է սահման պատշաճականին։

Եւ պարտ է գուն գործել՝ զի յօժարութիւնքն հնազանդեսցին բանին. ոչ յառաջ վաղեսցեն քան զնա, և ոչ լքանիցեն առ վատութեան կամ վատաստութեան. և իցեն հանդարտ և ազատ յամենայն ամբոխանէ սրտի, յորմէ 'ի վեր փայլեսցէ ամենայն զգոնութիւն և ամենայն բարեկարգութիւն։ Վ) ամս զի այն յօժարութիւնք որք հեռագոյնս թափառին, և որպէս խայտացեալք եթէ 'ի ցանկալն և եթէ 'ի խորշէն՝ ոչ ըստ բաւականին սանձեալ լինին 'ի բանէ, անշուշտ անցանեն ըստ սահման և ըստ չափ։ Վ) ամս զի ընթկէց լինին և զընկենուն զհնազանդութիւն, և ոչ հպատակեն բաւնի՝ որովհետեւ ներքոյ են անկեալ օրինոք բնութեան. ուրովք ոչ միայն ոգւոյն խռովութիւն հասանէ, այլ և մարմնոց։ Ի դէմս հայեաց բարկացելոցն, կամ յուզելոց 'ի ցանկութենէ իմեմնէ կամ յերկիւղէ, և կամ խրնծղելոց 'ի տարապայման հեշտութենէ. որոց այլատարազ են երեսք, ձայնք, շարժմունք և կացք։

Զորոց ունիմք իմաստասիրել առ օրէնս պատշաճից 'ի վեր երեալ՝ թէ պարտ է զամենայն յօժարութիւնս ամբոխել և ցածուցանել. և արժարժանել զուշ և ըզփոյթ պնդութե, զի մի ինչ յանդգնութեամբ և ըստ բերման, անխորհրդաբար և անհոգաբար գործեսցուք։ Վրանգի և ոչ ծնաւ զմեզ բնութիւնն զի երեսացուք առ խաղ և առ կատակ ստեղծեալ, այլ մանաւանդ 'ի լըմնութիւն և առ ծանր ծանր և մեծամեծ փոյթս։ () Ինչ է արդեօք 'ի կիր արկանել զխաղն զայն և զկատակ, այլ այնպէս՝ որպէս զհանգիստ քնոյ և զայլ դիւրութիւնս, յետ 'ի գլուխ տանելոյ զծանր իրս և զլը-

ջականա : Եւ նոյն իսկ խօսելն ընդ կատակս չարարտի լինել խեղկատակութեամբ և անպարկեշտութեամբ , այլ զգօն և զուարճալի : Վանգի զոր օրինակ տղայոց ոչ զամենայն խաղ խաղալոյ տամբ համարձակութիւն , այլ զայն որ չիցէ օտար 'ի համեստ շարժութեց , սոյն պէս և 'ի կատակս անդ պարտի փայլել նշոյլ իմն գեղեցիկ հանձարոյ :

Եւ պարզաբար՝ կրկին ազգ է կատակաց . մին գոեհկական , ժանտաժուտ , խենհշ , պղծալից . միւսն պանծալի , քաղաքավար , մտացի և քաղցրաբան : Եւ յայլսիք են ոչ միայն Պղատոսն մեր , և Մտտիկեցւոյն վաղեմի խաղք ծաղրաշարժք , այլ և սոկրատեան փիլիսոփայիցն մատենակը լի են , և բազումք են բազմաց զուարճախօսութիւնք . զոր օրինակ են նոքա , զորս լատովն ծերն հաւաքեաց , որ և առածք կոչին : Եւ այսպէս դիւրին է զանազանութիւնն մտացի և գոեհկական կատակաց . մին այն որ 'ի դէպ ժամու լինի և յոգւոյ զուարթացելոյ , վայելչական մարդոյ . իսկ միւսն և ոչ ազատ անձին յանկաւոր , եթէ ընդ իրացն դժպատեհութիւն խառնեացի և ցոփաբանութիւն : Եւ յիստի է և խաղալոյն չափ դնել , զի մի յանչափս մեղկացցուք , և զրգանօք զգուեալ 'ի վատթարութիւն ինչ անկղիտանայցեմբ : Իայց առաջի առնեն պարկեշտ օրինակս խաղուց Դաշտն՝ մեր և զբօսանք որսորդութեան :

Եւ Եւ առ ամենայն ինդիր պատշաճից պատկանի հանապազ որոճել 'ի միտս՝ թէ իրքան է գերազանցեալ մարդոյս բնութիւն քան զանասնոց անբանից և զգազանաց : Եւ ոչ ինչ զգան բաց 'ի հեշտութենէ , և 'ի նոյն բերին ամենայն ճգամբ . իսկ միտք մարդոյ ուսմամբ բուծանի , և խորհելով՝ միշտ զիմն կամ հետաքննէ , կամ առնէ , և զուարճութեամբ տեսոյ և լոյս բերի : Եւ զի՝ եթէ ոք փոքր մի աւելի հեշտասէր իցէ՝ միայն թէ չիցէ յանբանից ազգէ , զի գտանին և այնպիսիք 'ի մարդկանէ ոչ իրօք՝ այլ կոչմամբ . այլ եթէ իցէ ոք

1 Դաշտ , կամ Դաշտ Արեւեան կոչի 'ի հռոմ հրապարակն այն որ էր նուիրեալ Արեւի անուանելոյ առտուած պատերազմի . յորում մարզէին պատանիք հռոմ

մայեցւոց 'ի կիրթ զինուորութե . և այլ ամենայն խաղք հրապարակական հանգիսից անդէն կատարէին :

փոքր մի ուղղորդ, թէպէտ և ըմբռնեացի 'ի հեշտասիրութենէ, դուգակէ և թանգուզէ գլօթարութիւն ցանկութեան առ պատկառանաց: Յորմէ պարտ է 'ի միտ առնուլ, թէ ցանկութիւն մարմնոյ ոչ է լրին արժանի գերազանցութեան մարդոյս. և թէ պարտ է արհաւմարհել զայն և 'ի բաց մերժել: Իսկ եթէ դը տեղի տայ իւր ցանկութեան, պարտ է նմա զգուշեալ կալ 'ի չափն վայելից: Իսկ կերակուր և ըմպելի յառողջութիւն մարմնոյ և առ ոյժ պատկանիցին, և ոչ 'ի հեշտութիւն: Եւ ևս եթէ կամիցիմք խորհել թէ որքան է 'ի բնութեանս գերազանցութիւն և արժանապատուութիւն, խեղամտեմք թէ քանի անարգ է զեղիւիլ յանառակութիւնս, և մեղկ և գիրգ կեանս վարել. և քանի համեստ խնայութիւնն իցէ, ժուժկալութիւն, լըմնութիւն և սակաւապէտ կեանք:

Իսկ իմն այնպէս՝ եթէ բնութիւնն կրկին մեզ ըզգեցուցեալ իցէ դէմս. յորոց առաջինն է հասարակաց. այն զի ամենեքեան եմք հաղորդ բանի, և գերազանցութեան նորա՝ որով 'ի վեր եմք քան զանասունս. յորմէ ծագէ ամենայն համեստ և վայելչական, և 'ի նմանէ բղիւն բանն գտակ պատշաճից. և միւսն այն՝ որ միոյ միոյ առանձին է չնորհեալ: Վնասել զոր օրինակ 'ի մարմինս բազմադիմի են խտիրք. զի զոմանս տեսանեմք երագոտն յընթացս, զայլս զօրաւոր զօրութիւն 'ի մրցանս. որպէս և 'ի տեսիլ գեղոյ ոմն մեծարոյ 'ի բնէ, այլ դը չքնաղ. սոյնպէս և 'ի հոգիս են մեծ ևս զանազանութիւնք:

Ի՛) ուկիոս Երաստ և 'ի՛) : Փիլիպպոս էր չնորհ մեծ բանի. մեծ ևս ճարտարութիւն ոյժ 'ի Լ. Լեւար յորդին Դ ուկիոսի: Բայց զայնու ժամանակաւ 'ի Լ. Լեւարոս, 'ի Լ. Դ Կրուսոս երիտասարդ՝ անհամեմատ անաչառուի. 'ի Լ. Լ. Ելիոս զուարթուի շատ. յընտանին նորա 'ի Լեւարոս ամբարհաւաճութիւն մեծ, կեանք տխուր: Ի մէջ Յունաց յաղագս Լեւարոսայ լսեմք քաղցր լինել և քաղցրաբան և զուարճախօս, և յամենայն բանի քօղաւոր, ըստ յունական ձայնին ծաղրածու. ընդ հակառակն՝ Պիլոթագորաս և Պերիկղէս ամենեւին ծանրաբարոյք լինել ասին՝ առանց իրիւր զուարթութեան: Խորամանկ ասի լինել Իննիբաղ 'ի Պենագիս. և 'ի մե-

րոց զօրավարաց Կ. Սաքսիմոս ասեն գիտէր դիւրաւ վերարկել, լուել, պատրուակել, դարանիլ և գուշակել զթշնամեացն խորհուրդս : Յորում մասին Յոյնք վերագոյն քան զայլս դնեն զ(Ը)եմիստոկղէս և զփերէացին Յասոփն : Ըլաւել հնարագէտ և խորագէտ գործ է Սողոնի, որ ձեացոյց զանձն մոլեզնեալ առ ապահովել զկեանս, և աւելի ևս օգտել հասարակաց :

Իսպառք աննման գտանին սոցա այլք՝ անկեղծք և անպատրուակք, որք ոչն արժան համարին առնել և ոչ ինչ գաղտնածածուկ և դարանօք՝ ճմարտասէրք, նենգատեացք. դարձեալ և այլք՝ որք զամենայն ինչ յանձն առնուն կրել, և ամենայն ումեք ծառայել, միայն թէ հասցեն կամաց իւրեանց. զոր օրինակ տեսանէաք ըզ(Ս)իդդա և զ(Ս). Լրասոս : Յայսմ աւանդի զ(Ը)ուանդրէ լակեղեմոնացոյ կարի յոյժ աչալուրջ լինել և համբերատար. և հակառակ այնմ Կալիկրատիդաս, որ առաջնորդ եղև նաւական գնդի իսկ և իսկ զկնի Իլասանդրի : Եւ ևս գտանի այլ որք այլ, որ թէպէտ և աւագութեամբ ճոխացեալ, այլ ՚ի բանս իբրև զմի ՚ի բազմութենէ երևի լինել. զոր ՚ի Կատուղոս՝ եթէ ՚ի հայրն և եթէ յորդին, տեսաք. որպէս և ՚ի Կ. Սուկիոս Սանկիա : Եւ այլ գնոյն նոյնպէս լինել և յանդրաւ նիկն (Ը). Սիլիպիոն Լասիկա : Օնորին հակառակն՝ թէ հայր նորա, այն որ զՏիբերիոսի Կրակեոսի զմեասակար փութոյ վրէժս էառ, ոչ ինչ քաղցրութիւն ունէր խօսից : Որպէս և ոչ Կսենոկրատէս խտաբարոյն ՚ի փիլիսոփայս, որ և յայն սակս ասեն մեծանուն եղև և ականաւոր : Եւ ևս անթիւ խտիրք են բնութեան և բարոյից, որ ոչն են անգոսնելի :

ԼԱ. Ըրդ իւրաքանչիւր ումեք պարտ է զիւրն պահել բնութիւն, ոչ որ ախտաւոր՝ այլ որ սեպհականն իցէ. որով և հեշտեաւ պահի վայելչականն այն զոր խնդրեմք : Եւ ամն զի այնպէս պարտ է վարիլ, զի ոչ իւրեք ընդդէմ կըրեսցուք հանրական բնութեան. բայց յետ պահելոյ զայն՝ իւրական բնութեան զհետ եկեսցուք : Եւ ինչ զի թէ և իցեն այլք ոմանք առաւել ծանրաբարոյք և լաւաբարոյք, սակայն մեք զմեր փոյթ՝ բնութեան կանոնաւ չափեսցուք : Օ ի և չէ ՚ի ճահ դիմամարտիլ ընդ բնութեան, և ոչ զհետ վարիլ այնմ՝

որում ոչն առին հասանել։ Նորմէ առաւել 'ի վեր երեւի, թէ որպիսի ինչ իցէ վայելչականն այն . վասն զի ըստ առածին, Ոչ ինչ է վայելուչ յոչ կամաց լ'թեանա սայ . այս է՝ յորժամ ընդդէմ կայ և դիմամարտ յառնէ բնութիւնն։

Իսրաբէն եթէ կայ ինչ վայելչական, ոչ այլ ինչ է այն անշուշտ՝ բայց զուգակշռութիւն համօրէն կենաց, միանգամայն և իւրաքանչիւր գործոց . զոր անմարթ է պահել քեզ, եթէ այլոցն բնութեան զհետ կրթեալ՝ զքոյովդ զանց առնիցես։ Վանգի զոր օրինակ զայն բարբառ պարտ է մեզ վարել՝ որ գիտեղին է մեզ, զի միջ հանգոյն ոմանց որ զյուսական բառս 'ի ներքս մոծանեն՝ կարի իրաւամբ այսպանելի լիցուք, սոյնպէս և յաւարտաւծս և յամենայն վարս չարտիմբ այլափոխութիւն ինչ 'ի վերայ ածել։

Եւ այս պէսպիսութիւն բնութեանց այնչափ ունի զօրութիւն, մինչ զի ուր երբեմն պարտ թուի ումեք զիւրովին գնալ, այլում 'ի նոյն պատճառս չէ պարտ։ Ս'իթէ այլ պատճառք էին Ս'արկոսի Վատոմի, և այլ այլոց, որք անձնատուր եղեն Վեսարու յ'փրկէ։ Եւ թերեւս պարսաւելի իսկ ընէին այլք, եթէ անձամբ զանձինս սպանանէին . զի վարք նոցա ոչ խիստ էր, և բարք հեշտինք . իսկ Վատոմի քանզի անկարծելի իմն ծանրաբարոյութիւն առեալ էր 'ի բնութեան, և ինքն զնոյն հանապազորդեան տոկունութեամբ էր ամրացուցեալ, լաւ ևս թուեցաւ նմա մեռանել՝ քան զերեսս տեսանել զբռնաւորին։

Որչափ ինչ շատ կրեաց Ողիսեւս յայնմ անընդհատ մոլորութեան, յորժամ և կանանց ծառայէր (եթէ արժան իցէ կանայս անուանել զՎիրկէ և զՎալիպսով), և միանգամայն յամենայն 'ի բանս՝ ամենեցուն բարեմոյն և զուարթ զանձն կամէր ցուցանել . իսկ 'ի տան թշուա մանաց անգամ ծառայից և աղախնայց տարաւ, զի երբէք որում ցանկանայրն հասցէ։ Բայց Եւսքս անձնաւ մասն՝ բիւր անգամ ընտրէր մեռանել, քան զնոյն կիրս կրել։

Օ այսոսիկ զմտաւ ածեալ՝ պարտ է նայել, զինչ ինչ իւրական ունիցի իւրաքանչիւր ոք՝ և զնոյնս սնօրինել, և ոչ փորձել՝ թէ լիք վայելեն ինքեան օտարին իրք։

Ա) ասն զի այն ինչ տիրապէս վայել է առն իւրաքանչիւր, որ ինչ տիրապէս իւր է :

Ի՛նչպա ուրեմն զիւր ուշիմութիւն ծանիցէ այր իւրաքանչիւր, և անաչառ դատաւոր լինի լաւութեանց և պակասութեց իւրոց . զի մի իմաստնագոյնք քան զմեզ երկեայցին խուզարկութն թատերականք . քանզի նոքա ոչ եթէ զլաւս 'ի լաւաց, այլ զանձանց իւրեանց համաւ պատշաճ ընտրեն զառասպելս : Արք միանգամ զօրաւոր են ձայնիւ, զյայիգոնայս և զյոհոս կերպարանին . և որք շարժուածով, զյոհոս կենդիւպէ և զյիշտեմնեստրա : Հոռւպիղոս՝ զոր ենն յիշեմ, միշտ զյոհոսպաս ձեւացոյցանէր . ոչ ստէպ Լաւպոս զյոհաքս : Լաւ արդ եթէ կատակողն զայս քաջ դիտիցէ 'ի տեսարանի, իսկ իմաստունն ոչ կարիցէ դիտել 'ի կեանս : Ի՛նչպա ուրեմն յոր ինչ իրա քաջայարմար իցեմք, 'ի նոյնս վաստակեսցուք առաւել : Ի՛նչպա եթէ հարկն ուրեք երբեք յայնս ձգեսցէ զմեզ՝ որք արտաքոյ են մերուան ուշիմութեան, պէտք են 'ի մշջ առնուլ զամենայն փոյթ և զմտածութիւն և զճիգն, զի գնոսին՝ եթէ ոչ վայելուչս, գէթ նուազ անվայելուչս մարթացուք կատարել : Լա ոչ պիտի ջանալ այնչափ հասանել բարեաց՝ որ չեն մեզ տուեալ, որչափ խուսափել 'ի չարեաց :

ԼԲ . () Երկուս դէմն անդ կերպարանացն զորոց 'ի վեր անդր ասացի, յարի և երրորդ, զոր պատահումն ինչ կամ ժամանակն 'ի ներքս ածէ . որպէս և չորրորդ, զոր մեք մեզէն մերովս կամօք պատշաճեմք անձանց : Ա) ասն զի թաւաւորութիւնք, տերութիւնք, աւագութիւնք, փառք, մեծութիւնք, ճոխութիւնք, և որ սոցին են հակառակք, ընդ դիպուածով են, և 'ի ժամանակաց դեկավարին : Իսկ այն՝ եթէ զոր կերպարանս մեզ կամ իցէ առնուլ զանձամք, զմերոց կախի կամաց . և այսպէս են որ յիմաստասիրութիւն տան զանձինս, են որ 'ի քաղաքական իրաւունս, և են որ 'ի պերճախօսութիւն . և 'ի նոյն առաքինութեանց կարգի՝ է որ յայսմ և է որ յայնմ առաւել ընտրէ գերապանծ լինել :

ԼԳ որոց հարքն կամ նախնիք յառաքինութեան ի միք հանդիսացան, այնպիսիքն ջանան բազում մասամբ յայն ազգ գովութեան գերապանծ լինել . զոր օրինակ Լ . Ա) ուտիոս որդի Պոքղիոսի 'ի քաղաքական իրա-

ւունս, Մփրիկանոս որդի Պօղոսի 'ի զինուորութեան մասին: Այլ կէսք 'ի գովութիւնս անոր զոր 'ի հարց ընկալան՝ յաւելուն ինչ և յանձանց. որպէս սա ինքն Մփրիկանոս պերճախօսութիւն 'ի վերայ ած պատերազմական փառաւորութեան: Օնոյն և Տիմոթէոս արար իրենի որդին՝ որ ոչ ընդհատ գոլով 'ի հօրէն 'ի փառս մարտի՝ յաւել 'ի նոյն գովութիւն և զուսման և զուշիմութեան պարծանս: Ա երբէք զի ոմանք զանց զառաջնոցն արարեալ նմանութեամբ, անձանց իմն կարգէն սեպհական ընթացս. և առաւել յայսմ մասին ճգնին յօլովակի այնոքիկ՝ որ յաննշան նախնեաց ծագեալ, 'ի մեծամեծս դէտակն ունին:

Ի՞նչ զայս ամենայն, 'ի ինդրել մեր արդ թէ զինչ ինչ վայելուչ իցէ, պարտ է մեզ որոճել 'ի խորհուրդս և 'ի սրտի:

Եւ իս քան զամենայն պէտք են սահմանել անձին, թէ ո՞ր ոմանք և որպիսի կամիցիմք լինել, և յ՛որ պայման կենաց. որ է մտածութիւն դժուարին քան զամենայն: Ասն զի 'ի սկզբան անդ երիտասարդական հասակի, ուր առաւել տկարութիւն է խորհրդոյ, յայն ժամ այր իւրաքանչիւր դնէ 'ի մտի վարել զայն ընթացս կենաց՝ յոր առաւել հարեալ է սիրով. և այնպէս մինչ չե բաւական լեալ 'ի դատել՝ եթէ ո՞ր այն իցէ լաւն 'ի լաւաց, անձամբ զանձն պարաւանդէ յայս ինչ օրինակ ընթացից կելոյ: Օ ի զոր զՊոտրիկեանն Հերակլեայ ասէն, ըստ որում՝ է տեսանել առ Վսենոփոնի, թէ այն ինչ զառաջինն յարբունս հասանէր, որ է ժամանակ տուեալ 'ի բնութենէ առ ընտրելոյ զճանապարհ կենաց յոր և կամք իցեն ումեք մտանել, ել յանապատ ուրեմն առանձնութեան, և անդ նստեալ խորհէր ընդ միտս յերկար վարանմամբ, քանզի երկուս տեսանէր ճանապարհս, մի փափկութեան և միւս ևս առաքինութեան, յոր 'ի նոցանէ արդեօք լաւ իցէ ունիփոխ լինել. այդ ասեմ թերեւ Հերակլեայ մարթացաւ գէպ լինել Վիոսասերմանն. այլ մեզ ոչ նոյնպէս, որք զհետ երթամք որոց և հաճոյ թուիցի յաշ իւրաքանչիւր, և վարիմք զկնի ջանից նոցա և գնացից. և շատ ևս այն է՝ զի ծնողացն մարդեալ խրատութեամբ 'ի նոցուն բերիմք սովորոյթ և 'ի վարս: Այլք ձգին դատաստանաւ բազ-

մութե, և որ ինչ մեծագունի մասին գեղեցիկ թուի՝ այնմ առաւել իղձ լինին : Եւ այն ոմանք եթէ երջանիկ յաջողութեամբ, եթէ բնութեանն բարերարութիւն, և եթէ կրթանք ծնողաց՝ ընդ ուղիղն ընթացան կենաց ճանապարհ :

ԼԳ. Եւրի սակաւ է տեսանել, որք կամ մեծահրաշ ճանապարհ, կամ գերափայլ հմտութեամբ, և կամ երկոքումըն իսկ ճոխացեալ՝ գտին ևս ժամ պարապոյ առ ՚ի խորհել, թէ ընդ որ ընթացս կենաց առաւել կամիցին ճանապարհորդել . և յայսմ խորհրդեան զամենայն մտածութիւն պարտ է ժողովել առն առն յիւր բնաւորութիւն : () Ի որովհետեւ յամենայն ՚ի գործս, յեղանակէ անտի իւրաքանչիւր բնութեան՝ ըստ ճառելոցս ՚ի վեր անդր՝ հետազօտեմք եթէ զինչ ինչ իցէ վայելչական, ապա և ՚ի տնտեսել զկարգաւորութիւն բովանդակ կենաց՝ ևս քան զեւ հոգ ՚ի մտի դնել պարտ է վասն սոցին իրաց, որպէս զի մարթասցուք անձամբ յանձինս հաստատուն լինել ՚ի ճանապարհորդութեան կենաց, և ոչ ՚ի պարտապատշաճն կողայ ինչ երբեք :

Եւ քանզի առ այս բնութիւնն օգտէ մեծապէս, և ինչք կամ բախտ մերձաւորապէս, զերկաքանչիւրն իսկ քաջ պարտ է կշռել յընտրութեան անդ վիճակի կենաց, այլ առաւել զբնութիւնն . զի սա բազմօք հաստատագոյն է և անյեղ լի . ուր բախտն երբեք երբեք՝ ըստ որում ինքնին գլխովին մահկանացու և կորստական, մեքառել երեւի ընդ անմահ բնութեան : Եւս ուրեմն որ միանգամ զամենայն խորհուրդ կելոյ վերածէ յեղանակ իւրոյին բնութեան որ չիցէ ախտաւոր, այնպիսին հաստատութիւն ունի . քանզի այդ է կարի վայելչականն . եթէ ոչ՝ ՚ի միտ առնուցու արդեօք, եթէ սխալեաց յընտրութեան անդ վիճակի կենաց : Եւ եթէ հանդիպեսցի այս, որպէս և մարթի իսկ հանդիպել, պարտ է փոփոխումն առնել վարուց և գնացից : () Այս փոփոխումն, եթէ ժամանակն լիցի ձեռնառու, դիւրագոյն և հեշտեաւ առնեմք . ապա թէ ոչ՝ մեղմով և ոտն առ ոտն պիտի առնել . զոր օրինակ զբարեկամութիւնս ոչ այնչափ հաճոյականս և ոչ այնչափ հաւանելիս՝ տակաւ քակել վայելուչ դատին իմաստունք, քան եթէ յանկարծակի խզել :

Իսկ յետ փոխելոյ զվարուց յեղանակ, ամենայն իւրօք պարտ է գուն գործել, զի ցուցցուք՝ եթէ բարի խորհրդով արարաք զայն :

Եւ քանզի խուն մի յառաջ ասացաւ, եթէ արժան է նախնեաց լինել նմանող, նախ զայն ի բաց ձգել ուրտ է, զի մի պակասուածեանց նոցա լիցուք նմանողք. երկրորդ՝ եթէ բնութիւնն ոչ տանիցի նմանել ինչ ինչ իրաց, զոր օրինակ յառաջասացեալ Միքիկանու որդին՝ զոր հայրն յորդեգիրս էտ Պօղոսի, առ տկարութեանն առողջութեանն ոչ կարաց հօրն լինել նմանող, որպէս նա նմանող լեալ էր հօր իւրում. արդ ասեմ, եթէ չկարիցէ դատից պաշտպան կալ, կամ բեմբասացութեամբ խաղաղել զժողովուրդն, կամ մարտ յարդարել, սակայն զայն ինչ պարտ է ՚ի գործ արկանել որ ընդ իւրով իցէ. կարողութեամբ, զարգարութիւն իման, զհաւատս, զմարդասիրութիւն, զհամեստութիւն, ըզպարկեշտութիւն. որով ոչ ևս պահանջիցի ՚ի նմանն՝ որ ինչ պակասի : Իսկ ժառանգութիւն ամենալաւ ՚ի հարց յորդիս աւանդի, քան զամենայն գանձ պատուական, պարծանք առաքինութեան և գործոց լաւութե. զոր յանարդութիւն դնել՝ գործ անարժանութեան և ամաւարչտութեան պարտ է համարել :

Եւ քանզի գործք պատշաճից ոչ նոյն գրին այլ և այլ հասակաց, են որ երիտասարդաց անկ, և են որ ծերոց, արժան է ասել ինչ մի և յաղապս զանազանութեանս : Բոլոր երիտասարդին անկ է յերիցադունից պատկառել. և ՚ի նոցանէ ընտրել զառաւել լաւն և զփորձս՝ առ ՚ի յենուլ ՚ի նոցուն խորհուրդ և յակնարկութիւն : Աման զի անդիտութիւն խակ տիոց իմաստութեամբ ծերոց կարգաւորեսցի և ուղղեսցի : Եւս առաւել ՚ի հեշտախտութեանց պարտ է արգելուլ զայդ հասակ, և կրթել յաշխատանս և ՚ի վշտակրութիւնս հոգւոյ և մարմնոյ, զի քաջախայլեսցէ ճարտարութիւն նոցա ՚ի պատերազմական և ՚ի քաղաքական հանգիսի : Եւ ՚ի կամեն իսկ թոյլ առնել անձանց և խորխանալ զգոյշ լիցին յանգստութենէ. յուշ լիցի նոցա պարկեշտութիւն, որ զիւրաւ յաջողէ՝ եթէ յայնպիսիս կամիցին զի առաջիկայ գտցին և երիցագոյնք :

Իսկ ծերոց արժան թուի մեղմել զաշխատութիւնս

մարմնոյ, և ևս առաւելուլ զհոգւոյն կրթութիւն: Պարտ է նոցա գուն գործել նպաստամանտոյց լինել և բարեկամաց և երիտասարդաց, և առաւել տէրութեան հասարակաց՝ խորհրդով և իմաստութեամբ՝ ըստ կարի և առաւել քան զկար: Այլ ինչ այնպէս զգուշալի է ծերութեան, որպէս չտալ զանձն 'ի թուութիւն և 'ի յուրութիւն: Այլ վախճանութիւն՝ որպէս ամենայն հասակի դժպատեհ է, նոյնպէս յետին դարձութիւն է ծերութեան: Կա եթէ յաւելցի և անժուժութիւն տուփանաց, կրկին են չարիք. զի ինքն ծերութիւնն ազգեղանայ, և զերիտասարդացն անժուժութիւն առնէ անամօթագոյն:

Այլ ինչ օտար 'ի կարգէս ասել և զպաշտամանց աւագաց, սոսկականաց, քաղաքացեաց, և օտարականաց: Երբ սեպհական պաշտօն աւագութեան է 'ի միտ առնուլ՝ թէ ինքն յանձին բերէ զդէմն քաղաքին, և պարտական է պնդագոյնս պահել զնորուն պատիւ և զվայելութիւն. պահպանել զօրէնս, և զիրաւունս մատակարարել. յիշել՝ թէ ինքեան է հաւատացեալ աւանդ սոցա: Այլ սոսկականին պարտ է զղբ և կշիռ իրաւամբք կեալ ընդ քաղաքակիցսն. ոչ նկուն լինել և ընկեցիկ, և ոչ սոնք փրացեալ. որպէս և 'ի տէրութեան հասարակաց զայն ինչ իրս կամել՝ որք խաղաղութեան մասին են և համեստութեան: Այլ զայնպիսին բնաւորեցաք իմանալ և կոչել բարի քաղաքացի:

Այլ օտարականի և նժդէհի գործ է՝ ոչ ինչ այլ իրս առնել, բայց զիւրն տուրեւառս. ոչ ինչ հետազօտել զայլմէ, և ոչ իւրք հետաքրքիր յօտար տէրութեան լինել: Այսօրինակ գոգցես է գտանել զխնդրելին զայն՝ թէ զինչ իցէ վայելական, և զինչ յանկաւոր անձանց, ժամանակաց և հասակաց: Այլ այլ ինչ այնպէս վայելուչ, որպէս յամենայն 'ի գործս և 'ի խորհուրդս պահել զանայնյութիւն:

ԼԵ. Եւ քանզի վայելականն այն յամենայն 'ի բանս և 'ի գործս՝ նկատի և 'ի մարմնոյ շարժուածս և 'ի կայս. և այն հաստատեալ է յերիս, 'ի գեղապաշտ շաճութեան, 'ի կարգաւորութեան, և 'ի բարեվայելուչ գնացս. դժուարինք այսօրիկ 'ի ճառել. շատ լիցի գիտակ լինել: Այլ երիս յայսոսիկ բովանդակի և փոյթն

լինելու յաչա այնոցիկ՝ ընդ որս և առ որս կեամք : Եստու
ցուք սակաւութիւն և զսոցանէ :

Եւ նախ բնութիւնն ինքնին մեծապէս երեւի խնամ
կալեալ մարմնոյ մերում : զի զդէմս կերպարանաց մեզոց
և զայլ ևս համաձեւութիւն՝ որ յանդիման առնել պար
տէր զտեսիլ համեստ , զայն յերեւելի վայրի եզ . իսկ
զմասունս մարմնոյ՝ զտուեալս ՚ի կարին բնութեան , որոց
էր լինել ՚ի տեսիլ անգեղեայ և դժպատեհ , զնոսին
պատրուակեաց և զուղակեաց : Եւ յամ և այսպիսում
ճարտարարուեստ կազմութեան բնութեան զհետ չու
քաւ ամսութիւնութիւն մարդկան : Եւ ամսն զի զորս բը
նութիւնն ծածկեաց , զնոյնս ամենայն ողջամիտք տա
րամերժեն յաչաց . և ՚ի հպատակել անգամ կարեաց
բնութեան՝ ջանան ըստ կարի գաղտնածածուկ օրինա
կաւ առնել . և զմասանց մարմնոց որոց կարեւոր են պետ
քնն , չտան զանուն , ոչ զմասանցն և ոչ զպիտոյիցն . և
զոր ինչ գործեն չէ գարշելի միայն ՚ի ծածուկ , այն և
՚ի խօսս է ցոփութի : Եւ ինչ զի ոչ յայտնի գործականու
թիւն իրացդ այդոցիկ , և ոչ ցոփաբանն լինել ազատ է
՚ի շամբշութենէ :

Եւ չէ արժան ունին դնել Շ նականաց , և կամ ե
թէ եղեն Խոյիկեանք ոմանք ոչ ինչ ընդհատ ՚ի Շ նա
կանաց , որք եպերեն և այսպանեն զայն , զի մեք զայն
ինչ իրս որք չեն իրօք վատութար , անշնորհ համարիմք
՚ի բերան առնուլ և անուանել . իսկ զգործս վատութա
րութե՝ սեպհական անուամբք յորժորջեմք : Եւ զազակել ,
դաւաճանել , շնալ , է գործ վատութարութեան . այլ տալ
զանուն սոցա չէ ցոփութի : Եւ զդեծնութե գործ՝ է գործ
համեստ . այլ անուանել զիրսն՝ է ցոփ : Եւ զուլ և այլ
ինչ ՚ի դէմս մեզ ածեն նոքա վասն սոցին իրաց ընդդէմ
պարկեշտութեան . այլ մեք զբնութեան զհետ եկես
ցուք , և յամենայնէ՝ զոր ոչ տանին տեսանելիք և լսե
լիք , փախիցուք :

Եւ յալ , ընթանալ , նիստ և հանգիստ , երեսք և աչք ,
շարժմունք ձեռաց , սոքա իցեն ՚ի վայելչականն յայն :

Եւ յորս յերկուց իրաց պարտ է խորշել առաւել . զի մի
ինչ լինիցի կանացի կամ մեղի , և մի ինչ խիստ կամ
շինականագոյն : Եւ չէ իսկ ներքել զաւելջտարարաց և
ատենախօսաց՝ զի յանկաւոր ինքեանց համարեացին ,

զորս մեզ ցոյութիւն վարկանիմք : Սատակողացն 'ի
 [Թատրոնի սովորութիւն այնչափ յինքեան բերէ ամօթ-
 խածութիւն ըստ հին կանոնի, զի ոչ ոք 'ի հանդէս ե-
 լանէ խաղու առանց անդրաձարտեաց, խիթացեալք՝ զի
 մի յանկարծ բացմամբ անդամոց՝ անպարկեշտ տեսիլ
 երևեցուցեն :] Եւ ըստ մերում սովորութեան որդիք
 չափահասք չերթան 'ի բաղանիս ընդ ծնողաց, որպէս
 և ոչ փեսայք ընդ աներաց : [Եւր պարտ է պահել զայս
 ազգ պարկեշտութեան, մանաւանդ ուր բնութիւն ինք-
 նին է վարդապետ և առաջնորդ :

ԼԶ.] Եւ քանզի գեղեցկութեան երկու ազգք են,
 մին չքնաղ, և միւսն պերճ, զչքնաղութիւնն պարտիմք
 կանացի գրել, զպերճութիւնն առնացի . վասն որոյ և
 արժան է յանձնէ 'ի բաց տարագրել զամենայն զարդ՝
 առն մարդոյ անվայել, և զգուշանալ յայսպիսի պակա-
 սութեանց նաեւ 'ի գնացս և 'ի շարժմունս : Վասնզի և
 կրկիսական շարժուածք բազում մասամբ են ատելի . և
 կատակողաց ծեծծեքմունք ինչ անպատեհք դառնացու-
 ցանեն զհանդիսականս . և յերկաքանչիւրոն բնականն
 և պարզն գովին : Իսկ պերճութիւն 'ի դէմն լաւութե-
 գունոյն երևի . և գոյնն կրթութեամբ մարմնոյն : [Եւ
 ժան է և ևս հոգ յանձին ունել 'ի լինել յարդարուն
 որ չիցէ ատելի, և ոչ յոյժ իննամեալ այնչափ զի հեռի
 իցէ 'ի գեղջուկ և յանմարդի անհոգութենէ :] Եւ
 օրէնս պարտ է պահել և 'ի զգեստս . յորում, որպէս
 և 'ի յօլովագոյն իրս, չափաւորութիւնն է լաւ քան զա-
 մենայն :

Եւ ևս զգոյշ լինել պարտ է, զի ոչ կարի յամրա-
 շարժ լիցուք մեղկութեամբ 'ի ծանր գնացս, մինչև ե-
 րևել նման բառնալեաց զգահաւորակս՝ 'ի հանդիսի, և
 ոչ յերագել անդ շտապեսցուք խուճապմամբ . մինչև
 հեալ և այլագոծիլ դիմաց և ծամածուիլ բերանոյ :
 [Եւ բազմեք առաւել պարտ է իննամ ունել, զի մի
 շարժմունք հոգւոյն օտարանայցեն 'ի բնութենէ . և այս
 յաջողէ եթէ զգոյշ լինիցիմք՝ զի մի անկանիցիմք յաւ-
 բոխմունս կրից և 'ի սրտաթափութիւնս . և պինդ կալ-
 ցուք զուշ մտաց 'ի պահպանութիւն վայելչականին :

1 Գահաւորակք յածեցուցաւ նեալ իրս յամրագնաց յոյժ :
 նէին զկուռս և զարբաղան անուա

և յահանայս եկեացուք և 'ի հարկէ եւթ' եթէ ոչ ինչ այլ դեղ դարմանայ դտանիցի . այլ սակայն մի ընդ խառնեացի ցասուան, ընդ որում անհնար է ուղիղ ինչ առնել և կամ խորհրդով :

Սեփա մասամբ օրէն է գթութիւն խառնել 'ի պաւտոհասն, բայց կից ընդ ծանրութեան . զի և անաշտ խստութիւն ցուցցի, և մի լինիցի արհամարհութիւն : Եւ զայն ևս պարտ է ցուցանել՝ թէ զայդ դառնութիւնս կշտամբութե 'ի պատճառս կշտամբելոյն յանձին կալք : Վործ ուղղութեան է՝ և 'ի կազո կուոյ անգամ որ ընդ յետին թշնամիս լինին, թէպէտ և զանկայելն մեղ լուիցուք, ծանրութիւն պահել, և զարտմութիւն մերժել յանձնէ : Օր որ ինչ ամբոխմամբ իւր լինի, այն ոչ կարէ կալ 'ի հաստատութեան, և ոչ յիւրաւունս 'ի մերձ կացելոյն գրի : Տարադէպ է և զանձնէ քարոզ լինել, մանաւանդ ստութե, և հանդերձ ծաղու լեւեաց, նմանող լեալ խնայարծ Օրականին :

ԼԹ . Եւ քանզի զամենայն ինչ հետազօտեմք, կամիմք իսկ ստուգապէս, ասելի է և ևս թէ որպէս արժան իցէ լինել տան առն պատուականի և իշխանի, որ կանգնի 'ի բնակութիւն . առ որ պարտ է յարմարել զստորագրութիւն շինութեանն, բայց լեալ մտադիր պատուոյ և դիւրութեան : Եւ իսկ Նոկտաւիոսի, որ եղև առաջին հիւպատոս յազգատոհմէ անտի, որպէս լեւմք, շինելն նորա 'ի Պալատիոն՝ տուն հոյակապ և մեծաշուք, եղև նմա 'ի պատիւ . զոր տեսեալ ամբոխին՝ համարէին 'ի դէպ՝ զի տէր նորա, թէպէտև նոր այր, 'ի հիւպատոսութիւն 'ի վեր ելցէ : Օր քաւեալ Սկաւրոսի՝ մեծացոյց յաւերուածովք զիւրն ապարանս : Բայց նա եղև առաջին՝ որ զհիւպատոսութիւնն 'ի տուն իւր ած : Եւ սա որդի առն մեծի և աւանաւորի՝ 'ի տուն անդր ընդարձակեալ ոչ միայն արհամարհութիւն եբեր, այլ վատանտնութիւն և թրշուաւութիւն միանգամայն :

Եւ թժանապատուութեանն պարտ է առնուլ յաւերուածս զարդուց և 'ի տանէն, այլ ոչ եթէ միայն 'ի տաւ

1 Անարկէ զԹրասոյն Տերեն .
տիոսի 'ի Ներքինի, և զՊերգոպո .
լինիկէ Պաւտեայ :

2 Անուանեալ Լեւոն Պաւ .
տիոն 'ի Հոռով :

հէն ակն ունել զամենայն : () ի ոչ եթէ յանուն տան տէրն , այլ յանուն տեառն տունն է բարեհամբաւելի : Եւ զոր օրինակ յայլ իրս ոչ զանձին և եթ , այլ և զայլոցն պարտ է հոգալ , սոյնպէս և 'ի տան պայծառ առն որ ասպնջական ունի լինել բազմութեան հիւրից , և ընդունարան բազմութեան յամենայն վիճակէ մարդկան , արժան է հոգ տանել ընդարձակութեան : Եւ պարտ է ոչ տուն ընդարձակ 'ի նախատինա տեառն իւրոյ լինի յողովակի , եթէ միայնութիւն է 'ի նմա . մանաւանդ եթէ երբեմն ընդ օտար տերամբ իցէ յաճախեալ : () Ի զի անարգանք են լսել յանցաւորաց .

Բաբէ , որպիսի , վաղեմի դու տուն

Եւ իսկ 'ի տեառնէ ընդդիմակ նախնոյն .

զոր առ մեօք զյողովից տանց 'ի դէպ է ասել :

Եւ և զգուշանալ պարտ է , մանաւանդ եթէ դու քեզէն շինեսցես , զի մի ծախիւք և մեծագործութիւն ըստ չափն ելանիցես . և յայսմ մասին և բազում չարեաց օրինակք կան առաջի : () ասն զի յողովք փութով պնդութեան առաւել յայդմ մասին նախանձաւոր լինին գործոյ իշխանաց . զոր օրինակ () . () ուկուղոսի առն ծայրացելոյ ո որ եղև առաքինութեանն նախանձաւոր . բայց քանիք դաստակերտացն մեծագործութեց : Եւ քաբէն յայստակ պարտ է չափ դնել և 'ի չափաւորութեան կալ . և զնոյն չափաւորութիւն յամենայն պէտս և 'ի սպաս կենաց պարտ է երևցուցանել : Եւ յսոքիկ այսքան :

Եւ ձեռն արկանել 'ի գործ յամենայնի պարտ է հրակել յերիս . նախ զի յօժարութիւն բաղձանաց հպատակեսցի բանին . քան զոր չիք ինչ յանկաւորագոյն 'ի պահպանութիւն պատշաճից . երկրորդ զի յուշածցուք որչափ ինչ իցէ այն զոր կամիմք կատարել . զի մի աւելի կամ պակաս փոյթ և խնամ յանձին կալուք քան զպէտան պահանջեալ . երրորդն է զգուշանալ զի կարգեալքն 'ի շուք և 'ի պերճութիւն մի երեսն ըստ չափ : Եւ չափն ընտիր է կալ 'ի վայելչականին , զորմէ կանխեցաք ասացաք , և ոչ հեռագոյնս օտարանալ : Եւ այց գերագոյնն երիցս այսոցիկ է հպատակել բանի զբաղձանս :

Եւ . () Եւ և այսուհետև ասել զկարգաց իրացն , և

զդիպողութենէ ժամանակաց : Ի սմին դիտութեան բռնականի անուանեալն՝ ի Հունաց բարեկարգութիւն . ոչ զոր մեքս չափաւորութիւն թարգմանեմք , յորում չափ ի մէջ բերի՝ . այլ այն է բարեկարգութիւն՝ յորում տեսանի պահպանութիւն կարգի : Եւթմութեան և մեք համեստութիւն յորջորջեցեմք զնոյն , զայս օրինակ սահմանեն զայն Ստոյիկեանք . Բարեկարգութիւնն է դիտութիւն առնելեաց կամ ասելեաց ի պատշաճ տեղի սեպհական : Եւ այսպէս նոյն երեւի ունել զօրութի կարգն և պատշաճողութիւն տեղաց : Բանգի և ըզկարգն այսպէս սահմանեն . Հարմարումն իրաց ըստ յանկաւոր և պատշաճաւոր տեղեաց : Եւ զտեղին գործողութեան՝ զիպողութիւն ժամանակի ասեն լինել : Իսկ ժամանակն առնելոյ՝ յունարէն ասի Դէպ ժամանակ . և լատիներէն՝ Պատեհ՝ : Եւ ըստ այսմ (բարեկարգութիւն) համեստութիւնն , ի մէջն այսպէս թարգմանեալ , ըստ ասացելոցս՝ լինի Դիտութիւն զիպողութեան ժամանակաց պատշաճելոց ի գործել : Եւթմութի նոյն լինել խոհեմութեանն սահման , զորմէ ի սկզբան անդճառեցաք . այլ յայսմ վայրի ինդիր մեր է յաղագս չափաւորութեան և բարեխառնութեան և զհանգու նաւիպ առաքինութեանց : Եւթ պատշաճականքն խոհեմութեան առանձին՝ յիւրում տեղոյց յուցան . այլ զանկաւորացն առաքինութեց , զորոց առաջիկայ բանս է , որ և հային ի պարկեշտութիւն , և ի հաճութիւն այնոցիկ ընդ որս քաղաքավարիմք , ասասցուք ի մօտոյ :

Եւթ կարգ այնպիսի պարտ է ունել ի գործս , զի որպէս ի ճառ իմն հանդերձեալ , սոյնպէս և ի վարս՝ առնեալն ինչ իրք իցեն սրտականեալք և յարմարեալք ընդ իրերաց : Որպէս և անպատեհ է և յոյժ անտեղի՝ ի կարեւոր ինչ գէպս ի վերայ բերել զասացուածս ինչ խրախականս , կամ զբան ինչ մեղկ : Պերիկղէս ընդ Սոփոկլի բերթողի իւրումն գործակցի ի դատարանի , ի պարապել երկոցունց ի հասարակաց ծառայոյն , գէպ եղեալ անցանել ընդ այն գեղեցիկ մանկան , և յասել

1 Modus է Եզանակ կամ չափ .
 և Modestia Չափաւորութի , կամ
 համեստութիւն :

2 Յունականն Εὐταξία, Բարե-

կարգութիւն , ի ձայնիցս 'Εὖ, բարի • τάττεσθαι, կարգել :

• 3 Յն, Εὐκαιρία. Լտ, Occasio.

Սովորողի, բանի՝ գեղադէշ է մանուկդ Պերիկլէս, նա քաջիկ ետ պատասխանի. Սովորողէ, վայել է առն դատաւորի ոչ միայն զձեռն անարատ պահել, այլ և զաչս։ Բայց թէ Սովորողի զայն բան ասացեալ էր՝ ի գովութի ըմբշամարտկաց՝, ազատ լինէր յարդարացի կտամբանաց։ Եւ յաբան է զօրութի տեղւոյ և ժամանակի։ Օ որ օրինակ եթէ որ որ ունիցի դատ վարել յատենի, զձառնապարհայն կամ՝ ի ճեմել իւրում՝ անձամբ յանձին որոճեսցէ զխորհուրդս, կամ զայլ ինչ խորհեսցի ուշի ուշով, չէ ստգտանաց. սակայն եթէ ի սեղանի առնիցէ զայդ, տմարդի որ ցուցեալ լինի՝ անգիտութեամբն դէպ ժամանակի։

Եւ որ ինչ միանգամ կարի օտարանան՝ ի մարդկութենէ, զոր օրինակ ի հրապարակի երգել, կամ այլ ինչ մեծ իմն անպատեհ գործ, դիւրաւ յայտնի լինին, և ոչ շատ կարօտին խրատուց և կանոնաց։ Եւ որ փոքր թուին յանցանք, և ոչ ի բազմաց մարթին խելամուտել, ի նոցունց պարտ է խտորիւ մեծ ևս իմնամով։ Օ որ օրինակ ի սրինգս կամ ի փողս՝ թէպէտ և դոյզն լինիցի անհամաձայնութի, բայց իմանան հմուտքն արուեստին. նոյնպէս պարտ է զգոյշ լինել ի վարս, զի մի գուցէ անհամաձայնութիւն ցուցցէ որ յանձին. և այնչափ առաւել յոյժ, որչափ մեծ և լաւ է ներդաշնակութիւն գործոց քան զձայնից։

ԽԱ. Եւ արդ զոր օրինակ ի լարս քնարերգուաց լսել լիքն զգան և զկարի դուզնաբեայս, ըստ նմին և մեք եթէ սրագոյնք և արթունք կամիմք լինել, և ուշադիրք պակասութեանց, բազում անգամ զմեծամեծս ի փութունց ունիմք իմաստասիրել։ Եւ յաչաց հայեցուածոյ, ի պարզելոյ յօնից կամ ի կծկմանէ, ի թախծութենէ, ի զուարթութենէ, ի ծիծաղմանէ, ի խօսելոյ, ի լռելոյ, ի սաստկութենէ և ի թուլութենէ բարբառոյ, և ի սոցին նմանեաց հեշտեալ ունիմք դատել, որ ի սոցանէ օրինօք լեալ իցէ, և զի՛նչ ինչ խտորեալ ի պատշաճից և ի բնութենէ։ Եւ յայտոսիկ չէ ինչ դժուարին՝ զորպէսն և զգիարդն նոցունց յայլոց անտի դատաստան առնել. զի թէ ինչ մի անվայել երևեսցի յայլս,

1 Նստեալ հանգիստանս դուպարուց մերկամիջանակ ըմբշաց։

խորշեսցուք մեք մեզէն։ Վ) ասն զի չգիտեմ որպէս յայլ առաւել նշմարեմք քան յանձինս՝ զսխալմանս։ (Լատի կարի յոյժ դիւրաւ ուղղին աշակերտք, զորոց զթերութիւնս նմանողօրէն յանձինս բերցեն վարդապետք խրատելոյ աղաղաւ։

Եւ չէ տարադէպ՝ առ ընտրութիւն իրաց, որք տալակուսանս ՚ի մէջ բերեն, ՚ի ձեռն առնուլ զգիտնաւոր կամ զփորձ մարդիկ, և ստուգել զինչ հաճոյ թուիցի նոցա յազգա ազգա պատշաճից։ Վ) ասն զի բազմագոյնք բնաւորեալ են յայն հակամիտել, յոր ՚ի բնութիւն անտի առաջնորդին։ Եւ յայսպիսիս արժան է տեսանել ոչ միայն թէ զինչ ասէ այր իւրաքանչիւր, այլ և յինչ միտս իցէ, և յինչ պատճառս իցէ յայն միտս։ Վ) ասն զի զոր օրինակ նկարիչք և արձանագործք, և բանաստեղծք գլխովին, կամին՝ զի ամբոխն լիցի զննիչ գործոյ իւրեանց իւրաքանչիւր. որպէս զի եթէ ինչ մի եպերեսցի ՚ի յօլովագունից, այն ինչ ուղղագրեսցի. որ և յիրերաց նաւ յայլոց հարցանեն, զինչ պակասութի կայցէ յայս գործ. ըստ նմին օրինակի անկ է և մեզ բազում ինչ առնել կամ չառնել, փոխել կամ ուղղել դատաստանաւ այլոց։

Իայց որ ինչ միանգամ գործին սովորութեամբ և քաղաքական օրինօք, զայնցանէ չէ օրէն կանոնս աւանդել. զի ինքնին իսկ կանոնադրեալ են այնորիկ. և չէ պարտ ումեք բերիլ յայս վրիպակ կարծիս եթէ Վ) ուկրատէս կամ Վ) ըխտիպպոս գործեցին երբէք ինչ մի և կամ խօսեցան հակառակ քաղաքական վարուց և սովորութիւն, նոյն և ինքեան օրինաւոր իցէ։ Երբա յայսմ աղատութեան վայելեցին առ մեծամեծ և անչափ լաւութեանցն։ Իսկ զՇ՝ նականացն կարծիս ՚ի սպառ հերքել արժան է. վասն զի թշնամի է պարկեշտութեան, առանց որոյ ոչ կարէ լինել ուղիղ ինչ և համեստ։

Իսկ զայնոսիկ որոց վարք արտափայլեն ՚ի համեստ և ՚ի մեծամեծ իրս և բարեխելք են առ հասարակաց տէրութիւն, և բարեացապարտք, կամ բարեաց արժանաւորք, պարտիմք մեծարել և պաշտել հանգոյն պերճացելոցն իւրք պատուով կամ իշխանութեամբ. որպէս և յարգ մեծ ընծայել ալեաց, տեղի տալ դատաւորաց, ընտրութիւն առնել քաղաքակցաց և օտարականաց, և

յօտարականս իսկ ընդ ինքնեկս՝ և ընդ եկս հասարակաց հաճութեամբ։ Եւ պարզաբար, զի մի զմիոյ միոյ ճառեցից, պարտ է մեզ զհամբրէն ազգի մարդկան զընդհանուր դաշնաւորութիւն և զմիաբանութիւն պաշտել, պաշտպանել և պահպանել։

ԽԲ. Իսկ յաղաքո արուեստից և վաճառաշահոց, որ այն ազատականք իցեն, և որ այն սինըորք, ասասցուք արդ։ Եւ յաւ արհամարհ են այն վաճառաշահք, որք ատելութի ծնանին առ մարդիկ. որպէս մնքստառուացն և վաշխառուաց։ Եւ ծառայական և անարգ շահք են վարձկանաց, և ամենեցուն նոցա, որոց գործքն և ոչ ճարտարութիւնք գնոց գնին։ Եւ այն իսկ վարձքն է նոցա հաստահիմն նշանակ ծառայութեան։ Յանարգս պարտ է համարել և զնոսա, որք գնեն 'ի վաճառակահաց՝ առ 'ի վաճառել անդրէն այլոց փութապէս. զի ոչ ինչ օգտին՝ եթէ ոչ ստեցեն գլխովին, և չիք ինչ վատութարագոյն քան զխարդախութիւն։ Եւ գործաւորք առ հասարակ են յանարգ արհեստէ. զի ոչ ինչ հանձարաւոր մարթի գտանել 'ի գործարանի։ Եւ բնաւին գովելի և այն արհեստք որք փափկութեանց ծառայեն, կիտորսակք, սպանդարարք, խոհարարք, պարարտաբոյծք, ձկնորք, ըստ Տերենտիոսի ասելոյն։ Եւ յաւել, եթէ կամք իցեն, իւղեփեացք, կաքաւիչք, և ամենայն խաղ վիզաց կամ քուեսայց։

Եւ այց այնքիկ արհեստք՝ յորս են կամ առաւել հանձար կամ ոչ սակաւ պիտանութիւն, որպիսիք են բժշկականն, ճարտարապետականն, և ուսումն իրաց համեստից, այսորիկ գան 'ի ճահ այնոցիկ՝ որոց վիճակին են վայելչական։ Իսկ վաճառականութիւնն, եթէ դուզնաբեայ ինչ է, ընդ անարգս է գրելի. ապա եթէ մեծ և առատ, բազում ինչ բերելով յամենայն կողմանց, և բազմաց բաշխող անխարդախ, չէ 'ի սպառելիքի։ Եւ ևս եթէ ոք յագեալ 'ի շահոց, մանաւանդ թէ շատացեալ, որպէս ստէպ 'ի խորոց 'ի նաւահանգիստ, նոյնպէս և 'ի նաւահանգստէ անտի յաղարակս իւր և 'ի կայուածս զանձն ժողովեսցէ, այնպիսին թուի կարի քաջ իրաւամբք արժանի գովութեան։ Եւ մեջ ամենայն շահաբերաց չիք լաւագոյն քան զերկրագործութիւն, և ոչ պողաբեր, և ոչ քաղցր. և ոչ իսկ առա-

ւել վայելական մարդոյ, մանաւանդ առն ազատի: Եւ քանզի զայսմանէ լիով ասացաք 'ի ճառն Խատովնի մեծի, անտի առնուցուս որ ինչ հայի յառաջարկութիւնդ:

Իսկ լքող շատ իսկ բացադրեալ տեսանի, եթէ զհարդ յառաջագոյն պատշաճականքն 'ի մասանց անտի հաւմեստութեան: Իսկ յաղազս բուն իսկ համեստից մարթի պատահել բազում անգամ վէճ՝ եթէ յերկուց հաւմեստից որ այն իցէ համեստագոյն. զորով զանց արար Պանետիոն՝: Օ ի որովհետեւ ամենայն համեստութի ողջոյն 'ի չորս ամփոփեալ է մասունս. որոց առաջինն է ճանաչողութիւն, երկրորդն հաղորդակցութիւն, երրորդն մեծօրոշնութիւն և չորրորդն չտիաւորութիւն, հարկ է սոցա 'ի բազմատութիւն գալ ընդ միմեանս յընարութեան անդ պատշաճից 'ի գործս:

Եւ արդ ես այնպէս համարիմ՝ եթէ յանկաւորագոյն են բնութեան գործքն պատշաճից՝ յառաջ եկեալքն 'ի հաղորդակցութենէ, քան որք 'ի ճանաչմանէ. և զայս մարթ է հաստատել ձեռնարկութեամբս. զի եթէ և զի պեսցի իմաստնոյ կեանք այնպիսի, մինչ զի լցեալ առատութեամբ ամենայն պիտոյից, 'ի խոր հանդարտութե նկատող լեալ անձամբ յանձին խոկայցէ զկարեւորն գիտութեան, սակայն եթէ այնչափ իցէ առանձնութի, մինչև չկարել տեսանել մարդ զոք, զրկի և 'ի կենաց: Եւ է իսկ իշխան ամենայն առաքինութեանց իմաստութիւն, անուանեալն 'ի Հունաց σοφία, զանազանեալ 'ի խոհեմութենէ զոր φρόνησις, կոչեն Հոյնք. որ է զի տութիւն բաղձալեաց և խորշելեաց: Իսկ իմաստութիւն այդ զոր իշխան կոչեցի, է գիտութիւն աստուածեղինաց և մարդկեղինաց, յորում փակի աստուածոց և մարդկան հաղորդակցութիւն և ընկերութիւն ընդ իրերաց: Եւ արդ եթէ մեծ է այս քան զամենայն, որպէս և է ըստուգապէս, հարկ է ապա լինել մեծ քան զամենայն՝ պատշաճին այնմիկ որ 'ի հաղորդակցութենէ ունի զծա գումն: Եւ ասն զի ճանաչումն և նկատումն բնութեան թերակատար ունի լինել իւրիք իրօք, և սկսեալ և եթ, եթէ ոչ 'ի վերայ գայցէ առնելութիւն ինչ իրաց. իսկ

1 Ստոյիկեան. զի ըստ այնմ՝ մենայն, որպէս և չարիք ամենայն: Գալոցի հաւասար գնին բարիք ա.

առնեցու թիւնդ այդ առաւել 'ի վեր երեւի 'ի հոգալ ըզմարդկան պէտս :

Այդ ուրեմն պատկանի առ ընկերութի ազգի մարդկան, սմին իրի պարտ է վերադաս առնել զայս քան ըզճանաչումն . զոր և իւրաքանչիւր որ յառաքինեաց արդեամբք ցուցանէ և հաւատարմացուցանէ : Այսն զի ո՞ր որ է այնչափ յառեալ 'ի տեսութիւն և 'ի ծանօթութիւն բնութեան իրաց, զի 'ի զննել և 'ի նկատել նորա զիրս ամենայնիւ արժանաւորս գիտութեան, եթէ յանկարծակի հասցէ նմա լուր վշտաց վտանգի հայրենեաց՝ որում կարող իցէ սատար լինել և ձեռնառու, ոչ թողուցու բռնիցէ զայն ամենայն, թէ և եղեալ իցէ 'ի մտի կարող լինել զաստեղս թուել, կամ զչափ առնուլ մեծութեան աշխարհի : Օնոյն առնիցէ և 'ի կալիս կամ 'ի վտանգո ծնողին և բարեկամին :

Այդոց լինի իմաստասիրել, թէ քան զուսմունս և ըզպաշտօնս գիտութեան նախապատուել արժան է ըզպաշտօնս արդարութեան՝ կարգեալս յօգուտ մարդկան . քան զոր ոչ ինչ այլ կարեւոր պարտի լինել մարդոյ :

Ի՞նչ . Ահայն և նոքա, որոց ուսումն և ամենայն կեանք ծախեցաւ 'ի ճանաչումն իրաց, ոչ օտարացան 'ի յաճախելոյ զօգուտս և զպէտս մարդկան : Այսն զի վարժեցին ուսմամբ զբազումս, զի լինիցին լաւագոյն քաղաքացիք, և օգտակարագոյնք հասարակաց . որպէս ի իսիս պիւթագորեան զթեբայեցին, յաւամբնոնդաս, և յղատոն զսիրակուսացին՝ Վիոֆն, և բազումք այլք զբազումս, և մեք իսկ գլխովին՝ որ զինչ շահ օգտի տուաք հասարակաց տէրութեան, եթէ տուաք ինչ, 'ի գիտնոց և 'ի գիտութենէ հրահանգեալք և կահաւորեալք մատեալք 'ի նոյն :

Այս ոչ միայն առ կենդանութեամբ և յառաջիկայութեան մարդէն և ուսուցանեն զուսումնասէրս, այլ և վնոյն 'ի գլուխ տանին յետ մահու արձանագրութեամբ տառից : Այս ոչ թողաւ 'ի նոցանէ բան ինչ պատկանեալ կամ առ օրէնս, կամ առ վարս, կամ առ հրահանգս վարդապետութեան հասարակաց . որպէս այն թէ զիւրեանցն հանդարտութիւն նուիրեալ իցեն 'ի մեր պէտս : Այս այսպէս ինքեանք զանձինս տուեալ յուսումնասիրութիւն և յիմաստասիրութիւն՝ բոլորովին 'ի

մարդկան, օգուտ կարգեցին զհանձար և զուշիմութիւն իւրեանց : Սորին ազադաւ լաւ ևս է առատ լինել 'ի խօսս բանից , միայն թէ իմաստութեամբ , քան թէ առանց բանի կարի իսկ նրբատես լինել մաօք : Ասան զի մտածութիւնն ինքն յինքեան առնու շրջան . իսկ պերճախօսութիւնն յինքեան պարագրէ զնոսա՝ ընդ որս զօդեալ եմք հաղորդակցութեամբ :

Եւ զոր օրինակ մեղուացդ պարբ ոչ 'ի կազմել ըզխորիսիս մեղու համահաւաքին , այլ քոնզի հաւաքական են բնութեամբ՝ խորիսիս կազմեն . սոյնպէս և առաւել ևս մարդիկ բնութեամբ համահաւաքեալք՝ փոյթ 'ի մօի գնեն խորհելոյ և գործելոյ : Այս ուրեմն առաքինութիւնն այն , որ հանդերձի 'ի հոգալոյ զմարդկան պէտս , այս ինքն յընկերութենէ ազգի մարդկան , եթէ ոչ միասցի ընդ ճանաչման իրաց , երևի ճանաչումն ցուրտ և թափառական : Արպէս և քաջարտութիւնն , եթէ բարձցես զմարդկային հաղորդութիւն և զընկերութի , դազանութիւն իմն է և ամարդութիւն : Եւ այսպէս միաբանութիւն և հաղորդակցութիւն մարդկան յաղթական դտանի փութոյ ճանաչման :

Եւ չէ ճշմարիտ ասացեալն յոմանց յաղագս կարեաց կենաց , թէ ոչ կարող էաք զկարիս բնութեան 'ի ձեռս բերել և զլիաւորել առանց այլոց , և վասն այն եղև այդ հաղորդութիւն և ընկերութի ընդ մարդիկ : Այնպէս զի ամենայն ինչ որ միանգամ կարեորք իցեն 'ի թռչակ կենաց , եթէ աստուածային գաւազանաւ՝ ըստ առածին՝ մեզ մատակարարէր , յայնժամ ամենայն մտացի թողեալ զամենայն զգործս՝ անձնատուր լինէր բոլրովին 'ի ճանաչումն և 'ի գիտութիւն : Բայց չէ այդ այդպէս . նա և այնպէս յառանձնութենէ փախչէր , և ընկերակից ուսման ինդրէր՝ եթէ ուսուցանել և եթէ ուսանել կամէր . ասել՝ միանգամայն և լսել : Այս ուրեմն զամենայն գործ պատշաճից՝ կարգեալ 'ի պէտս կցորդութեան և ընկերութեան մարդկան , արժան է նախապատիւ առնել քան զայն՝ որ յածի զճանաչմամբ և զգիտութեամբ :

Այս է ըստ մերում՝ ուսմական առածին՝ Եթէ իջանէր յերկնից պարկաւ : Այսինքն՝ ինքնին մեզ

մատակարարէր առանց մերոցս վաստակոց :

ԽԵ. Թեքրեա զայն արժան իցէ քննել՝ թէ արդեօք հաղորդութիւնս այս քաջադէպ բնութեանս, իցէ՞ նախապատուելի միշտ և քան զչափաւորութիւն և զհամեստութիւն: Եւ ոչ հաճոյ թուի բանդ. վասն զի են ինչ ինչ այնպէս պժգալի, և այլք այնպէս եղեռնաւոր, մինչ զի պարտ է հրաժարել յայնմանէ իմաստնոյն՝ թէպէտ և ՚ի պէտս պահպանութեան իցէ հայրենեաց: Եւ ատ ինչ յայսպիսեաց աստի ժողովեաց Պոսիդոնիոս. այլ են ՚ի նոսին իրք ինչ այնպէս դժպատեհք և զազիրք, զի և ասել անգամ անարժան երեւին: Եւ զայսպիսիս չունի յանձն առնուլ վասն հասարակաց օգտի. և ոչ հասարակութիւնն կամի զի որ յանձին կայցի վասն իւր: Եւ ևս զիւրազոյն է լուծումն այդորիկ երկմբութեան. քանզի ոչ պատահէ երբեք լինել պէտք առնելոյ ինչ յայնպիսեաց անտի առն իմաստնոյ յօգուտ հասարակաց:

Եւ արդ արդարացեալ ուրեմն է՝ թէ յամենայն գործրս պատշաճից գերապանծ է քան զայլսն այն որ կարեւորն իցէ ընկերութեան մարդկան: Վասնզի և ճանաչման և խոհականութեան զհետ գայ գործ խորհրդածեալ. ուստի մեծ ևս է խորհրդով գործելն՝ քան խոհեմութեամբ խորհել: Եւ այսորիկ այսքան. զի յայտ յանդիման ցուցեալ եղև ինդիրս՝ թէ չէ դժուար ըին ՚ի հետազօտել անդ զպատշաճ՝ դիտել, թէ զինչ քան զինչ ինչ իցէ նախապատիւ: Եւ ընկերութեան իսկ անդաշտիճանք են գործոց պատշաճից, յորոց մարթ է ՚ի միտ առնուլ թէ զինչ քան զինչ իցէ յարգի. զոր օրինակ առաջին պաշտօնն անկ է աստուածականին. երկրորդն հայրենեաց. երրորդն ծնողաց. սոյնպէս և այլքն հետ զհետէ՝ ըստ կարգի:

Եւ համառօտ բանիցս ասացելոց՝ ՚ի դէպ է իմաստասիրել թէ մարդիկ ոչ միայն յերկբայս լինին, արդեօք այս ինչ համեստ իցէ եթէ տարադէպ, այլ և ՚ի յանդիման լինել երկուց համեստից՝ թէ որ այն համեստագոյն ևս իցէ. զորով որպէս ասացի, զանց արար Պանետիոս: Եւ մեք յառաջիկայսն ընթացուք:



ՄԱՐԿՈՍԻ ՏՈՒՂԱԴՌՈՍԻ

Կ Ի Կ Ե Ր ՈՆԻ

ՅԼԴԼԳՍ ՊԸՏՇԼՈՒՑ

ԱՌ ՄԱՐԿՈՍ ՈՐԴԻ ԻՐԻ



ԳԻՐԻ ԵՐԿՐՈՐԻ

Ա. ՕՆԵ, [Ե որով օրինակաւ, Սարկոս որդեակ, գործք պատշաճից ծագեն 'ի համեստութենէ և յամենայն ազգէ առաքինութեան, որպէս կարծեմ՝ փոքր 'ի շատէ ցուցաբ յառաջին գիրս։ Սնայ ինձ անցանէլ ընդ ազգո ազգո պատշաճից՝ որ հային 'ի կենցաղս և 'ի վայելս բարեաց զոր 'ի կիր առնուն մարդիկ, որք են ինչք և իշխանութիւն։ Յորում ըստ ասացելոցս լինի խնդրել, զինչ իցէ օգտակար, և զինչ անօգուտ և յօգտակարս անդ զինչ օգտակարագոյն, կամ զինչ ամենասօգտակար. զորոց բուն հարից ասել, յետ ասելոյ կանխաւ սուղ ինչ զկանոնադրութենէս և զդատաստանէ մտաց։

Ս ան զի [Եպէտ և գրեանք մեր զբազումս զարթուցին ոչ միայն յընթերցասիրութի, այլ և 'ի սէր գրութեան, այլ տակաւին երկնչիմ մի արդեօք ոմանց ոմանց 'ի լաւ արանց դժկամակ [Եռեսցի փիլիսոփայութեանն անուն, և զարմանայցեն ընդ ծախելն իմ զայնչափ փոյթ և զժամանակ։ Երդ ցորչափ առաջնորդէր հասարակաց տէրութիւնն յարանց որոց էր հաւատացեալ խը

նամքն, ես յայնժամ զիմ զամենայն ջան և զմտածութիւն 'ի նոյն ծախէի. այլ յորժամ ամենայն ինչ անկաւ ընդ ձեռամբ տիրապետութեան միոյն և ոչ մնաց տեղի խորհրդակցութեան կամ իշխանութեան, կորուսեալ իմ նա և զգործակիցս 'ի պաշտպանութի հասարակապետութեան՝ զընտիր որեալն, ոչ ևս ետու զանձն իմ 'ի վիշտս վտանգի, յորս Թակարդապատեալ լինէի՝ եթէ ոչ զգէմ ունէի նոցա, և ոչ դարձեալ անձնատուր եղէ 'ի մեղկութիւնս՝ առն գիտնաւորի անվայելս :

Եւ եթէ կայր մնայր տէրութիւն հասարակաց 'ի վիճակին յորում 'ի սկզբանն էր, և չանկանէր 'ի ձեռս մարդոց՝ որք ոչ այնչափ իղձ լինին 'ի փոփոխել զիրս՝ որչափ հիմն 'ի վեր շրջել : Վնանդի նախ, որպէս սովոր էաք առնել 'ի ժամանակի հասարակաց տէրութեան, առաւել 'ի գործել քան 'ի գրել խնամ տարեալ. երկրորդ 'ի գիր իսկ անցուցանէաք՝ ոչ զայժմուս, այլ զանցս գործոց մերոց. զոր օրինակ բազմօք արարաք : Եւ այց յորժամ հասարակաց տէրութիւնս 'ի չիք դարձաւ գրել խովին՝ յոր ծախէի զամենայն զիմ փոյթ և զխորհուրդ և զգործ, լռեցին այնուհետեւ գրուածքն այն՝ եթէ աւտենականք և եթէ ծերակուտականք : Եւ զի ամենարթ էր անգործ լինել հոգւոյս 'ի սպառ, որովհետեւ անդատին 'ի մանկութենէ յուսմունս յայտոսիկ դեգերեալ էր իմ, համեստութեամբ փարատել զտաղտկութիւնս հնաբաւոր գոլ վարկայ, եթէ 'ի փիլիսոփայութիւն անդրասեմ զանձն իմ դարձուցից : Եւ յոր Թէպէտ և յերիտասարդութեան բազում ժամանակս ծախեցի՝ առ ուսանելոյ, բայց յորժամ սկսայ արբանեկել չքոյ փառաց, և բոլորովին ետու զանձն իմ 'ի գործ հասարակաց տէրութեան, այնչափ մնայր տեղի փիլիսոփայութեան, որչափ ինչ յաւելոյր 'ի ժամանակէն բարեկամաց և հասարակութեան : Եւ զայն ևս բովանդակ ծախէի յընթեռնուլ, և ոչ գոյր պարապ գրելոյ :

Բ. Եւ արդ 'ի մեծամեծ չարեացս միջի գէթ զայս ինչ բարի, որպէս կարծեմ, 'ի ձեռս բերաք, զի 'ի գիր դրոշմեսցուք զայն ամենայն՝ որ ոչ ըստ բաւականին ծանօթ էին մերայոց, և ամենեւին իսկ արժանիք էին գիտութեան : Եւ ամն զի զինչ է, զն և զն ասեմ, ցանկալի

առաւել քան զիմաստութիւն . զինչ այլ գերապանծ , զինչ այլ լաւագոյն մարդոյ , և զինչ առաւել վայելչական մարդկութեանս : Եւ ահա այսմ ցանկացողք՝ փիլիսոփայք՝ անուանին . զի և ոչ այլ ինչ է փիլիսոփայութիւն , եթէ թարգմանել կամիցիս , բայց իմաստասիրութիւն : Իսկ իմաստութիւնն է՝ ըստ որում՝ ի հնոց անտի սահմանեցաւ յիմաստասիրաց , գիտութիւն աստուածային և մարդկային իրաց , և պատճառացն՝ յորոց այսոքիկ յառաջ գան : Եւ եթէ որ զսորին ուսումն անգտնէ , չգիտեմ զինչ այլ գովելի Կտանիցէ :

Օ ի եթէ զգլխարձութիւն ասիցես ոգւոյ և զհանգիստ ի հոգոց , ո՞ր գտանիցի համեմատ ուսումնասիրութեան այնոցիկ՝ որ միշտ ի խնդիր են տենչանօք իրաց որ ի դէպ են և առաջնորդեն առ բարիօք և երանելի կեանս . և եթէ խնդրի սկիզբն անայլայլակ վարուց և առաքինութեան , կամ այս արհեստ է , և կամ չիք այլ բնաւին՝ որով ժաման լիցուք այդոցիկ : Չիքն ասել բնաւին արհեստ մեծամեծացն , ուր և ոչ մին ի կարի փոքունց է առանց արհեստի , այնոցիկ է որ առանց խորհրդոյ բարբառին , և ի մեծամեծս սխալին : Իպա եթէ կայցէ ուսումն ինչ սուրբինութեան , ո՞ր գտցես , եթէ յայս ազգ ուսմանէ օտարասցիս : Եւ զայսցանէ լաւ և ա ճառք ի մէջ անկանին ի յորդորանս անդ իմաստասիրութեան , զոր յայլում մատենի արարաք . բայց ի ժամուս այնչափ ինչ մեզ յայտնաբանել պէտք եղեն , թէ հիմ ի վերջանալ ի պաշտամանց տէրութեան հապարակաց՝ ի սոյն ուսումնասիրութիւն առաւել եղաք միջամուխ :

Եւ որ ի դէմն մեզ ածեն , և այն՝ գիտնաւորք և ուշիմք , խնդրելով իմն՝ եթէ իմաստութեամբ կարծիցեմք գործել մեք , որք յետ ասելոյ՝ թէ անիմանալի է ամենայն ինչ¹ , վիճել սկսանիմք զիրաց իրաց , որպէս և ի ժամանակի աստ յայսմիկ բերիմք կանոնս աւանդել ըզպատշաճից : Եւ որք կամիմ , զի գիտելի լիցի մերս մտածութիւն . զի ոչ եմք յայնցանէ որոց միտք թափառի մոլորական , և չգտանէ ինչ յոր հաստատեցի : Օ ի

1 Ի հայ բան՝ իմաստասէր :

2 Վիկերոն էր հետեող աղանդոյն Աղադեմականաց , ասել . Ոչ

ինչ է հաւաստի՝ այլ ամենայն ինչ հաւանական . վասն որոյ և ասէին ոչ ինչ գիտել մարդոյ :

որպիսի միտք լինէր այն, մանաւանդ թէ որպիսի կեանք, յառնելն անտես ոչ միայն զօրինաբար հետազոտութեան, այլ և վարելոյ զկեանս: Իսկ մեք՝ յասել այլոց զիրս իրս ստոյգ և զայլս անստոյգ, որոշեալք ՚ի նոցանէ՝ ՚ի կարծիս՝ ասեմք. է ինչ հաւանելի, և այլ ինչ անհաւանելի:

Եւ արդ զինչ է որ զիս արգելուցու զհետ երթալ որոց հաւանելի ինձ երեւին. և զսոցին հակառակն մերժել, և խորշելով ՚ի համարձակախօսութենէ՝ փախչել ՚ի յանդգնութենէ, որ օտար է յոյժ յիմաստութենէ: Եւ զամենայնէ վէճ ինչորոց յարուցանեն մերայինք. զի հաւանելիդ այդ չկարէր նշողել, եթէ ոչ յերկուց կողմանց յուզումն լինէր պատճառաց. այլ այսոքիկ մեկնեցան յակադեմեան գիրս մեր, որպէս կարծեմ, ըստ կարի լըմտութեամբ: Եւ քեզ լիկերոնդ իմ, որ թէ՛ պէտ և ՚ի վաղեմի և յազնուական իմաստասիրութեան՝ դեգերիս առաջնորդութեամբ Լրատիպոսի, որ նմանեալն է այնոցիկ որ ծնօղք եղեն այդգ գերապանծ իմաստից, սակայն և մերումն այսոցիկ՝ ձերումդ մերձաւորին, ոչ կամիմ անծանօթ լինել քեզ: Եւ անցցուք ՚ի բուռն հարեալն մեր:

Գ. Եւ քանզի հինգ եղանակք առաջի եղան գիւտի պատշաճից, յորոց երկուքն առ վայելութիւն և համեստութիւն բերին, երկուքն առ կենաց դիւրութիւնս, որ են ինչք և իշխանութիւնք և կարողութիւնք, և հինգերորդն առ դատաստան ընտրութեան, եթէ երբէք զորս ասացիդ, հակառակիլ երեւցին իրերաց, ապաքէն կատարեցաւ մասն համեստութեան, որում ցանկամ ըզքեզ քաջ լինել խելամուտ: Իսկ որ յայժմուս առաջի կայ մեզ ճառել, այն իսկ է որ օգտակարն կոչի կամ պիտանի: Եւ որում մասին խոտորնակ սովորութիւնն շեղեցաւ ՚ի ճանապարհէ, և առ փոքր փոքր յայն վայր եհաս, մինչ զի զհամեստութիւնն զատուցեալ յօգտակարութենէ, եւ թէ կայցէ համեստ որ ոչ օգտակար իցէ, և օգտակար որ ոչ համեստ. մեծ ևս վնաս քան զայս բերել մարդկան վարուց չէր կարելի:

Եւ այրագոյն անշուշտ իշխանութեամբ, և այն՝ անաշտ և համեստ կարգօք, զանազանեն իմաստասէրք

1 Պերիպատետիկեան, այս ինքն ձեմական:

զերիս զայսոսիկ կախեալս զմիմեանց յիմաստսն . վասն զի զոր միանգամ արդարն է՝ զայն և օգտակար գոլ վար կանին . և զհամեստն՝ նոյնգունակ արդար . յորմէ յայտ է թէ համեստն է և օգտակար : Եւ զի վատատեսքն աչօք բազում այն է զի ընդ չարարուեստ և ընդ խորամանկ անձինս պշուցեալք՝ զչարութիւնն իմաստութիւն համարին , զնոցա զմոլորութիւն պարտ է՝ ի բաց փաւատել , և համոզել զմիտս նոցա յայս՝ եթէ զամենայն զոր կամին կարող են ի ձեռս բերել համեստ խորհրդովք և արդար գործովք , և ոչ խաբէութեամբ և չարութեամբ :

Եւ զկարգեալքն ի պէտս կենաց մարդոյն կէս մի անշունչք են . զոր օրինակ ոսկի , արծաթ և բերք երկրի , և որ նման են սոցա . և կէս մի չնչաւորք կամ կենդանիք , որոց են սեպհական յօժարութիւնք և ըղձութիւնք իրաց , և ի սոցանէ են որ անբանք են , և են որ բանականք : Եւ անբանք , ձի , արջառ և այլ անասունք , մեղուք՝ որոց վաստակօք լինի ինչ ինչ պիտանացու ի պէտս և ի կեանս մարդկան : Իսկ բանաւորաց երկու ազգք գրին . մի՝ աստուածոց , և միւս ևս՝ մարդկան : Օ աստուածս հաշտ առնէ բարեպաշտութիւն և սրբութիւն . յետ նոցա և ըստ նոցա մարդ մարդոյ մեծապէս օգտել կարող է :

Եւ փնասակարաց նոյն բաժանումն է . այլ քանզի համարին եթէ աստուածքն ոչ փնասիցեն , զնոսա զատուցեալ՝ կարծեն եթէ մարդ մարդոյ բազմօք կարէ փնասել կամ օգտել : Եւ ասն զի զորս անշունչս ասացաք բազում մասամբ ձեռագործք են մարդկան . զորս ոչն ունէաք՝ եթէ ձեռն և արհեստ ոչ տատարէին . և ոչ ի պէտս վարէաք զնոսին առանց մատակարարութեան մարդկան . վասն զի ոչ բժշկութիւն , ոչ նաւարկութիւն , ոչ երկրագործութիւն , և ոչ արմտեաց և այլ ևս պտղոց ստացումն և պահպանութիւն ունէր լինել երբէք առանց գործակցութեան մարդոյ : Եւ պարէն և արտաքս տանել զուսուրեալսն մեզ , և ի ներքս բերել՝ որոց կարօտիմքն , լինէր յայսոցիկ և ոչ մին , եթէ ոչ տային մարդիկ զանձինս յարբանեկութիւն սոցին իրաց : Եւ լին պատճառաւ և ոչ քնարինս լինէր հատանել յերկրէ կարեորս ի պէտս մեր , և ոչ երկաթ և պղինձ ,

ոսկի և արծաթ 'ի ծոցոյ հողոյ 'ի վեր բերել առանց աշխատութեան և ձեռին մարդոյ :

Դ. Իսկ յարկք բնաւ՝ առ զդէմ ունել սաստկութեցրտոյ և մեղմել զնեղութի տապոյ, ուստի էր 'ի սկըզբան անդ հայ(Թ)հայ(Թ)ել ազգի մարդկութեանս, կամ զկնի գտանել 'ի կարիս, յետ կործանելոյ նոցա կամ յօղոց բռնութենէ կամ յերկրի սասանութենէ և կամ յերեսաց հնութեան, եթէ միաբանական կեանք չէր ուսեալ օգնականութիւն առ 'ի մարդկանէ ինդրել վասն այսոցիկ :

Ո՛ր թողից զջրանցս, զգետոց ածանցն, զանդոց ուռգմունս, զպատուարս ընդդէմ ալեաց, զձեռագործ նաւահանգիստս . զի ուստի կարող էաք ունել զայտոտիկ առանց գործակցութեան մարդկան . յորոց քաջայայտ է, որպէս և յայլ բազում գլխոց, թէ որչափ ինչ որ տուղս և օգուտս քաղեմք յանշունչ իրաց, անմարդ էր մեզ բնաւին 'ի ձեռս բերել զնոյնս առանց ձեռին և վաստակոց մարդոյ : Եւ զոր օգուտ կամ զդիւրութիւն 'ի կենդանեաց հնար էր մեզ քաղել, եթէ ոչ էր ձեռն տուեալ մարդկան . քանզի և որք նախգիւտ եղեն իւրացս՝ թէ զոր օգուտ յորմէ անամնոյ մարդ իցէ ունել մեզ, ապաքէն մարդիկ էին . և ոչ իսկ զարգիս կարօլ եմք առանց գործակցութեան մարդկան կամ արածել զնոսա, կամ ընդեւացուցանել, կամ պահպանել և կամ զ'ի դէպ ժամու զարդիւնսն ժողովել . նոքին դարձեալ զվնասակարս 'ի նոցանէ սպանանեն, և զպիտանացուս որսան :

Եւ զի է ինձ 'ի համար բերել զարհեստից զբազմութիւն, առանց որոց անմարդ էր բնաւին կեանս ունել : Օ՛ր ո՛ր էր որ դարմանէր զհիւանդս, իւր յանձանձել զառողջս, որ այն պարէնք և սպասք, եթէ ոչ սատար մեզ ինչէին արհեստք բազմապատիկ : Սորօք յարդարեալ կեանք մարդկան՝ այսչափ զանազանի 'ի պարենից և 'ի վարուց անբանիցն : Եւ քաղաքք ոչ կանգնէին և ոչ լնուին երբեք առանց ամբոխի մարդկան, որք զօրէնս և կարգս հաստեցին . յորոց՝ և իրաւանց արձանագրութիւն արդար, և սահմանեալ կանոն կենաց : Ո՛րոց զհետ եկն և հեղութիւն բարոյից և պարկեշտութիւն . կեանքն եղև ամբապահեստ . որպէս և տալով

և առնելով և փոփոխելով զինչս և զպէտս առն ընդ եղբոր իւրում, կարօտիմք և ոչ իմիք :

Ե . () Երկարաբան աստանօր գտանիմք քան զարժանն . զի ո՞ն է որում չիցեն քաջայայտ բազմապատիկ բանիւք երկրորդեալն 'ի Պանետիոսէ՝ Թէ () Է որ , ոչ զօրավար պատերազմի , և ոչ տանուտէր տան կարօղ եղև գործս կատարել մեծամեծս և փրկարարս առանց սատարու . Թեան մարդկան : Ի՞նչ 'ի նմանէ յիշատակին () Եմիս տողէս , Պերիկլէս , Սկրոս , Իգեսիդայոս , Իգեքսանդր , որոց անհնար էր ասէ այնչափ ինչ առնել առանց ձեռնտուութեան մարդկան : () Նստարակուսելիսն վկայս՝ յաճախէ անհարկաւորս :

Ի՞նչ որպէս մեծամեծ օգուտս քաղեմք 'ի համաշունչ լինելոյ մարդկան և միախորհ , նոյնպէս չիք և ոչ մի սրաժուութիւն այնչափ ժանտաբեր մարդոյ քան զհասեալն 'ի մարդոյ : Եւ յայ մատեան Վիկէարքոսի ճեմական առն մեծի և ճոռումխօսի յաղազս կորստեան մարդկան . ուրանօր հաւաքեալ 'ի մի զայլ պատճառս որ 'ի հեղեղէ , 'ի սրաժութենէ , յամայութենէ , և 'ի յեղաւարծ բազմութենէ գազանաց , յորոց 'ի յարձակմանց ծախեցան՝ ասէ , ազգք ինչ մարդկան , յետ այնորիկ գայ 'ի բաղդատել՝ Թէ որչափ առաւել բնաջինջ եղեն մարդիկ 'ի յարձակմանէ մարդկան , այս ինքն յերեսաց պատերազմաց կամ խռովութեանց , քան յայլ ամենայն աղետից :

Ի՞նչ քանզի ոչ տանի ճառս երկբայութիւն՝ Թէ մարդ մարդոյ մեծապէս օգտէ և փնասէ անխտիր , սեպահական գործ ասեմ զայդ լինել առաքինութեան միաբանել զողիս մարդկան և զուգաւորել 'ի պէտս միմեանց : Ի՞նչ որ ինչ միանգամ յանշունչս և 'ի կիրառութեան անասնոց անբանից գործին յօգուտ կենաց մարդկան , վաստակասէր արհեստից են գործ . իսկ ջանք մարդկան կազմք և՛ պատրաստք առ 'ի պայծառազարդութիւն մերոցս իրաց՝ արծարծանին իմաստութեամբ և առաքինութեամբ գերապանծ արանց :

Ի՞նչի և առաքինութիւն առ հասարակ յերիս գողցես յածի . յորոց առաջինն է նկատող լինել զինչ ինչ յիւրաքանչիւր գործ ճշմարիտ և անկեղծ իցէ , զինչ համապատշաճ միոյ միոյ , զինչ հետեւորդ , ուստի՛ իւրաքան

չիւր ինչ ծնանիցի, և զի՞նչ պատճառ իցէ իւրաքանչիւր իրաց : Եւրկորորդն՝ սանձել զամբոխեալ շարժմունս հոգւոյն, որ ՚ի յունաց παθή' յորջորջին, և զյօժարութիւնս՝ զոր նոքա ὁρμας՝ անուանեն, հնազանդել բանին : Եւրկորորդն՝ ընդ այնոսիկ ընդ որս գումարիմք, բարեմարդութեամբ վարիլ և զգաստութեամբ, որոց գործակցութիւն զընութեան պէտս լի և անթերի ունիցիմք. և դարձեալ եթէ վիշտք ինչ մեզ հասանիցեն, ՚ի ձեռն նոցա ՚ի բաց վանեացուք, և վրէժս առցուք յորոց մեզս փնասել հնարեցան. և այնչափ ինչ տուգանս ՚ի վերայ ածցուք, որչափ ինչ ներեն արդարութիւն և մարդասիրութիւն :

Զ. Բայց եթէ իւ իւրք մարթասցուք տոանալ զայս կարողութիւն զընամբ ածելոյ և պահելոյ զմարդկան ձեռնտուութիւն, ասացուք ՚ի մօտոյ. այլ կանխաւ կա միմ' ասել սակաւուք : Եթէ որ ոչն գիտիցէ, եթէ մեծ զօրութիւն է բախտի ըստ երկաքանչիւր կողման, ըստ յաջողութեանց և ըստ ձախողութեանց. զի ուր աջողակ չնչէ, նաւարկեալ բերիմք յեր ցանկալիս, և յընդդէմն չնչել՝ տագնապիմք : Եւրդ ՚ի սոյն այս բախտ են դիպուածք որք դուն ուրեք պատահեն. զոր օրինակ են նախ յանչնչից՝ միրիկք, օդոց խռովութիւնք, նաւաբեկութիւնք, կործանմունք և հրկիզմունք, և երկրորդ ՚ի զազանայ՝ հարուածք, խայթուածք և յարձակմունք. այլ այսոքիկ՝ որպէս ասացի, դուն ուրեք երբեք :

Բայց կորուստ զօրաց՝ որպէս եղև ոչ բազում աւուրբք յառաջ երից բանակաց, յաճախ ևս բազմաց. կոտորած զօրավարաց, որպէս արդ ևս գերապանծ և անհամեմատ առն'. և դարձեալ յաչաղանք ամբոխին, և առ մախաւ նաց տարազրութիւնք, թշուառութիւնք և փախուստք բարեաղապարտ քաղաքացեաց յոլովագոյն : Եւրպէս և յաջողութեամբ, փառք և պատիւ, իշխանութիւնք, յաղթութեամբ, թէպէտ և դիպուածոյք են, բայց սակայն առանց գործակցութեան և ձեռնտուութեան մարդկան

1 Կիրք կամ Ախտ :

2 Բազմանք կամ Իզք :

3 Աւաջին մեծին Պոմպէի ՚ի Փարսաղիա. երկրորդ Գ. Մետեղիս Պիոսի Սկիպիոնի յԱփրիկէ,

պարտեալ ՚ի Կեսարէ. երրորդ որդւոյն Պոմպէի ՚ի Կեսարէ ՚ի Սպանիա :

4 Պոմպէոսի մեծի :

ոչ յայս և ոչ յայն կողմն մարթին բերիլ : Յետ խելամուտ լինելոյ այսմ՝ ժամ է ասել, թէ որով օրինակաւ հնար իցէ զմարդկանն ստորութիւն յօգուտ մեր ամօքել և զարթուցանել . յորում եթէ յերկարեսցի ճառս, ի բաղդատել անդ ընդ առաւելութեան օգտութեանն՝ թերեւ և համառօտագոյն երեւեսցի :

Երբ զոր ինչ միանգամ ընծայեն մարդիկ մարդոյն ի մեծացուցանել զնա և ի պատուասիրել, կամ ի շնորհս բարեկամութեան զայդ առնեն՝ երբ տիրեն զօք վասն իրիք պատճառի, կամ առ պատուելոյ՝ զառաքինութիւն նորա նկատեալ, արժանաւոր զնա դատին մեծաց բարեբախտութեանց, կամ հաւատս ունին ի վերայ նորա, համարին՝ թէ զբարին իւրեանց խոկայցէ նա յոյժ . կամ զանգիտեն ի կարողութենէ նորա . և կամ զսորին հակառակն՝ յորոց ակնկալութիւն է իմիք . զոր օրինակ յորժամ թագաւորք և իշխանք ժողովրդեան պարգևս իմն խոստանան . կամ ևս ի սէր դրամոց և վարձուց յօժարին յայն, որ է անարժան անարգագոյն քան զամենայն պատճառս՝ եթէ այնոցիկ որ այնու պարտ յանձին ունիցին, և եթէ այնոցիկ՝ որ ի նոյն ջանայցեն ապաստան լինել :

Ուսն զի չարաչար են իրքդ՝ յորժամ զոր պարտն էր առնել առաքինութիւն, դրամովք դժ փորձի առնել : Եւ քանզի երբեմն և այս ստորութիւն է հարկաւոր, ըզգիարդն վարելոյ նովաւ ասացուք՝ յետ խօսելոյ կանխաւ զմերձաւորագունիցն առաքինութե : Եւ ևս ներքոյ արկանեն մարդիկ զանձինս տէրութեան և իշխանութեան այլոյ՝ առ բազում պատճառաց . քանզի կամ ի բարեկամութե սաղրին, կամ ի մեծութենէ երախտեաց, կամ ի բարձրութենէ պատուոյ, կամ ի յուսոյ՝ թէ օգուտ ունի լինել անտի անձանց, կամ յերկիւղէ՝ գուցէ բռնութեամբ հարկեսցին հօգատակել, կամ յակնկալութենէ սրարգեաց և խոստմանց պարտնեալք . և կամ ի վախճանի, զոր շատ ևս ի մերում տէրութեան տեսանեմք, վարձուք վարձկանեալք :

Եւ Եւ քան զամենայն ինչ՝ չիք բարեպատեհ այլ ի պահպանել զիշխանութիւն և յապահովի կալ՝ որպէս սիրելին լինել . և ոչ դժպատեհ այլ՝ որպէս լինելն զանգիտելի : Եւ քանզի քաջ իսկ խօսեցաւ Եսայիս . Յոր

մէ երկնչին, ատեն. և զոր որ ատեայ, կորստեան նուրուն ցանկայ: Եւ թէ ոչ ինչ իշխանութիւն կարող է զգէմ ունել ատելութեանց, եթէ անգիտելի էր ժամանակաւ, զարդիս դիտելի եղև: Եւ ոչ եթէ սորին և եթ բռնաւորի զոր յանձին կարաւ քաղաքն զինուք նուաճեալ, կորուստն յայտնի առնէ՝ թէ որչափ բուռն է ատելութիւն մարդկան 'ի սատակումն, այլ և համանման ելք այլոց ևս բռնաւորաց. զի և ոչ մի 'ի նոցանէ գողցես վրէպ եղև 'ի նոյն օրինակ սատակմանէ: Եւ ան զի չարաչար պահապան է հանապազորդութե՝ երկիւղ. ընդ հակառակն՝ բարեհաճութիւնն հաւատարիմ է մինչև ցոյցնելնաւորութիւն անգամ:

Եւ այնոցիկ՝ որք բռնակալութիւն իշխեն, հարկ 'ի վերայ կայ դժնեայ լինել առ հպատակս, որպէս տեսարց առ ծառայս՝ եթէ չիցէ մարթ այլ ազգ ունել զնոսա 'ի հնազանդութեան: Եւ որ միանգամ յազատ քաղաքի կամին ահրնկէց լինել, չիք ինչ անմտազոյն քան զայդ: Եւ թէ և խորասուզեալ իցեն օրէնք յերեսաց իշխաւ նութեան ուրուք, թէպէտ և ահաբեկ լեալ ազատութիւնն, այլ գայ ժամանակ՝ զի գլուխ ամբառնան դոքա կամ զանխուլ դատաստանօք, կամ ծածուկ քուէարկութեամբ 'ի վերայ բարձի և պատուոյ: Եւ դժնեակ ևս են խայթուածք ազատութեանն նիրհեցելոյ, քան յոտին կացելոյ: Եւ որ քաջայայտ իսկ է և օգտէ ոչ միայն առ անձին պահպանութիւն, այլ և բազմօք առ կարողութիւն և առ իշխանութիւն, զայնու գիրկս արկցուք. այս է, 'ի բաց դիցի երկիւղ, և պինդ պահեսցի սեր. այսու օրինակաւ՝ հեշտեալ ունիմք 'ի ձեռս բերել զոր կամիմք, եթէ յառանձնականս, և եթէ 'ի հասարակացն տէրութեան: Եւ անգի և որ կամինն զի երկիւղալի լիցին այլոց, հարկ է նոցա երկնչել յերկուցելոցն յիւրեանց:

Եւ անգի զինչ կարծեմք զ՝ Վիոնեսիոնն զայն զծերն, յոր տաղմապ երկիւղի տանընդ. այն որ խիթացեալ յածելեաց վարսաւիրաց՝ շանթացեալ գործելեալ զիւրսն տաղեր գհերս: Եւ ինչ զ՝ քեքսանդրոս (ի երէացի, որպիսի համարիմք զկեանս նորա. որ՝ որպէս ընթեռ-

1 Ի մահուն կեսարու, քան և երկու հարուածս խոցից 'ի ծերակուտին ընկաւեալ:

նուրբ զնանսէ, թէպէտ և սիրել սիրէր յոյժ զկինն թեբայեցի, բայց յորժամ յետ ընթրեաց զայր առնա 'ի սենեակն, հրամայէր զի յառաջեսցէ քան զինքն խուժադուժ որ սուսերամերկ, և այն՝ որպէս սլատմի, ճակատադրոյմ թրակացի կիտուածովք. առաքէր և յառաջոյ յիւրոց թիկնապահաց՝ զննել զգզրոցս կանացիս, և հետախուզել զի մի՛ գտցի գաղէալ 'ի հանդերձս անդ գործի մահու։ Ո՛վ թշուառութեան չուռականիս, որ հաւատարիմ ևս համարէր զայր բարբարոս և զխարանաւոր՝ քան զիւր ըծակից։ Եւ ոչ 'ի դերեւել կասկածն. զի 'ի նմին իսկ 'ի կնոջն դաւեցաւ 'ի մահ, որ զայրն կարծէր բողարած լինել։ Զիք և ոչ մի զօրութիւն իշխանութեան՝ որչափ և զօրաւոր իցէ, որ ահարկութիւն կարօղ իցէ յերկարատեւ լինել։

Ո՛վ կայ է Փաղարիս, որոյ անդ թուութիւնն ազնուակա՜նութիւն զգեցաւ քան զայլոցն. որ ոչ դաւով սատակեցաւ, որպէս Մէքսանդրոսը՝ զորմէ այժմ առացի. և ոչ 'ի ձեռն սակաւաւորաց, որպէս այս մերն. այլ միա՜համուռ բազմութիւն Մկրագանդացւոյ գրոհ ետ 'ի վերայ նորա։ Ո՛չ ապաքէն և Սակեդոնացիք թողլին լքին զՎեմեսրիոս, և առ հասարակ առ Պիւռոս անդր դարձան։ Ո՛չ և զՎակեդեմոնացիս որք հարստահարութիւն սիրէին, յանկարծակի 'ի բաց լքին նիզակակիցք ամենայն, և անգործ հանդիսատեսք եղեն լեւկտրական աղետիցն։

Ը. Օարտաքինս մտադիւրագոյն յիշեմ յայդալիսի անցս՝ քան զառտնինս։ Բայց սակայն ցորչափ իշխանութիւն ժողովրդեանս հռովմայ բարերարութեամբք կայր և ոչ անիրաւութեամբք, պատերազմ մղէր կամ յաղաքս նիզակակցաց կամ յաղաքս տէրութեան, եւք պատերազմաց կամ մեղմ էին և կամ հարկաւորք. թագաւորաց, ժողովրդոց, ազգաց և ազանց նաւահանս գիստ էր ծերակոյտն և տեղի ապաւինի։

Եւ դատաւորք մեր և զօրագլուխք 'ի միոյն յայսմա նէ և եթ գովութիւնս մեծամեծս ջանային քաղել, 'ի պաշտպանելոյն զգաւառս և զնիզակակիցս արդարութիւն և հաւատով։ Ո՛ր ան որոյ ոչ այնչափ տէրութիւն էր կուլէ զայն, որչափ ճգրտագոյնս՝ հովանաւորութիւն տիեզերաց։ Բայց յառաջագոյն տակաւ թուլանայաք 'ի սո՜

վորութենէ աստի և 'ի վարդապետութենէ . իսկ 'ի յաղթութեան Սիդայի և այսր 'ի սպառ կորուսաք : Ս ամն զի ոչ ինչ անիրաւութեան ընդդէմ նիզակակցաց, յորժամ 'ի վեր երեւցաւ անչափ անպթութիւն ընդդէմ քաղաքացւոց : Վանդի յայնմ արդար պատճառէ՝ զհետ եկն անիրաւ յաղթութիւն : Ս ամն զի ձող կանգնեալ 'ի հրապարակի՝ 'ի վաճառ հանեալ զինչս արանցն լաւաց և փարթամաց և ստոյգ քաղաքացւոց, իշխեաց ասել . Ս աճառեմ զաւարն իմ : () հետ եկն այնր այլ ոք որ ձեռն էարկ ամբարշտութեամբ և ևս դժպատեհ յաղթութեամբ, ոչ միայն զիւրաքանչիւր ուրուք 'ի քաղաքացեաց զինչսն 'ի վաճառ հանել, այլ զհամբոյն նահանգս և զգաւառս 'ի մի և 'ի նոյն աղէտս մատնել :

Եւ այնպէս յետ հարստահարելոյ և կորուսանելոյ զազգս օտարս, տեսաք զի յօրինակ տերութեանն կորուսելոյ 'ի հանդէս ածաւ յաղթանակի Ս աստիլիա՝, և ձողեցաւ քաղաքն այն յաղթանակաւ՝ առանց որոյ ոչ երբէք յաղթանակող եղեն զօրավարք մեր 'ի պատերազմունս որ յայնկոյս յայեայ : () յորմս այլս ունէի յիշատակել ապիրատութեան գործս ընդդէմ նիզակակցաց, եթէ աւելի անարժան ինչ քան զմի զայս տեսեալ էր արեգական : () ի թէ ոչ անպատիւ թողուաք զյոքունց չարագործութիւն, ոչ երբէք յայնչափ ժպրհոթութիւն հասանէր այր մի, յորմէ առ սակաւս էանց ժառանգութիւն ստացուածոցն . այլ ժառանգութիւն յանկութեանց անց առ բազումս ապիրատս :

Եւ ոչ երբէք պակասեցի սերմն և պատճառ քաղաքական պատերազմաց, ցորչափ յիշեսցեն ալք անօրէնք զձողն զայն արինաթաթաւ և յուսացին . զոր յորժամ կռուեաց իբրեւ նիզակ Սիդայի Սիդայ 'ի դիւտատորութեան մերձաւորին իւրոյ՝, նա ինքն յետ ամաց երեսնից և վեցից ոչ յետս եկաց յևս անօրինապոյն ձողոյ : Եւ միւս այլ ոք՝ որ էր դպիր յայնմ դիւտատորութեան, յայսմիկ եղև զանձապետ քաղաքի :

1 Սիդայ ունէր իրաւունս գրգռելոյ 'ի պատերազմ, բայց ապա անիրաւութեամբ վտանգան արար պատերազմին :

2 Մաստիլիայի զկողմն ունէին

Պոմպեոսի, և Կեսար նուաճեաց, և 'ի յաղթանակին իւրում մուծաւ և պատկեր քաղաքին Մաստիլիա :

3 Դ . Կուռնելիոս Սիդայի :

Յորմէ պարտ է 'ի միտ առնուլ՝ թէ ուր առաջի դնին այդպիսի վարձք, ոչ երբէք պակասեացին քաղաքական մարտք։ Եւրդ պարիսպք քաղաքիս և եթ կան մնան, և նորքին փակ խիթալով ընդ յետին չարիսն վերահաս։ Իսկ զհասարակաց տէրութիւն՝ զայն 'ի վաղուց հետէ 'ի սպառ կորուսաք։ Եւ ահա յայսպիսի թշուառութիւն հասաք, զի ('ի նպատակ անդր մեր դարձցուք) ընտրեմք ահարկու լինել մանաւանդ՝ քան զհաճոյսնալն և լինել սիրելի։ Եւ եթէ այս անցք կարացին անցանել ընդ հոռութեան ժողովուրդ՝ յանիրաւ տիրապետել նորա, զինչ պարտի կարծել զանձնէ այր իւրաքանչիւր։ Եւ զի քաջայայտ է բանս՝ թէ մեծ է զօրութիւն բարեւեղ կամաց, իսկ երկիւղն՝ անզօր, զհետ գայ ճառել մեզ՝ թէ իւ իւր մարթիմք հեշտեալ զոր կամիմք զսէր՝ ստանալ ընդ պատուոյն և ընդ վստահութեան։

Եւ ոչ ամենեքեան միօրինակ այդմ կարօտիմք. վասն զի ըստ ընթացից կենաց իւրաքանչիւր անձին պէտք են չափել, 'ի բազմաց արդեօք եթէ 'ի սակաւուց կարօտի սիրել։ Եւրդ այս ինչ հաւաստի գրեացի, և այն իբրև առաջին և կարի կարևոր. ընտանութիւնս ունել հաւատարիմն բարեկամաց՝ զմեզ սիրողաց և զարմացողաց ընդ մերմն. քանզի այս մի ինչ է գլխովին՝ որ ոչ շատ խտրէ ընդ մեծամեծ և ընդ միջակ անձինս. որ և երկաքանչիւր գողցես կողման է պիտանի։ Պատուոյ և փառաց և մարդասիրութեան քաղաքակցաց թերևս ոչ ամենեքին միապէս կարօտին. այլ սակայն եթէ գտցին ըստ բաղդի առ ումեք, օգնեն իւրք՝ եթէ յայլ ինչ պէտս, և եթէ 'ի ստանալ զբարեկամութիւնս։

Բ. Եւ յաղաքս բարեկամութեան յայլում մատենի ասացեալ է, որ մակագրի Ելիոս։ Եւ յժմ ասացուք զփառաց. թէ պէտ և զայսց իրաց կան մեր գիրք երկու, բայց վերադարձցուք. զի մեծապէս օգտէ 'ի տրն տեսութեան իրաց մեծամեծաց։ Եւ արդ ծայրացեալ և կատարեալ փառքն սահմանի յերիս այսոսիկ. եթէ սիրէ բազմութիւնն, եթէ վստահի, եթէ զարմացմամբ իմն արժանիս պատուոյ վարկանի։ Եւ զայսոսիկ (մեկն և համառօտ ասել,) որպէս հնար իցէ ստանալ 'ի միոյն առանձին, նովիմք հնարիւք գողցիր և 'ի բազմութեանէ։ Եւ այց է և այլ իմն հնարք վասն բազմութեանն, զի

'ի սիրտ բոլորից որպէս եթէ ընդմտանել մարթասցուք։
 Եւ նախ յերից անտի զորս յառաջն ասացի, զաւ-
 րեհաճութեան կանոնս տեսցուք. զոր առաւել բարե-
 րարութեամբ մարթ է ստանալ։ Իսկ երկրորդ նա և
 միայն բարերարութեան կամօք շարժի բարեհաճութիւն,
 մանաւանդ եթէ չիցեն յաւելուածք ընչից (առ բա-
 րերարել)։ Եւ քան զևս սէր բազմութեանն արծ-
 արծանի 'ի համբաւոյ անտի և 'ի կարծեաց առատա-
 ձեռնութեան, բարերարութեան, արդարութեան, հա-
 ւասոյ, և համօրէն այն առաքինութեանց՝ որք յան-
 գին 'ի հեզութիւն և 'ի բարեբարոյութիւն։ Վանգի
 և բուն իսկ համեստն և վայելչականն 'ի մէնջ ա-
 նուանեալ, որովհետեւ ըստ ինքեան է մեզ հաճոյական,
 և զմիտս ամենեցուն շարժէ բնութիւն և պեղեցկութեամբ
 իւրով, և առաւելապէս փայլէ արդեօք 'ի ձեռն նախ-
 ասացեալ առաքինութեանց. սմին իրի զայնսիկ՝ յորս
 կարծեմք լինել զառաքինութիւնսդ զայդոսիկ, 'ի բնու-
 թենէ անտի ստիպիմք սիրել։ Եւս պատճառք են ազ-
 դոյք 'ի սիրել. զի մարթին լինել և այլք ոմանք թե-
 թեւագոյնք։

Իսկ արժանահաւատ ոք երկոքումբք իրօք մարթ է
 լինել. եթէ համարեսցին զմեզ ստացեալս զխոհեմութի
 զոգք ընդ արդարութեան։ Վանգի և նոցա հաւատս ըն-
 ծայեմք՝ զորս հանձարեղս քան զմեզ վարկանիմք և յա-
 ռաջատեսս հանդերձելոց, և կարօղս ելի աղաղս գտա-
 նել 'ի դժուարինս, և հնարս հնարել յանպատրաս-
 տից։ Օ ի զայս ամենեքին համարին օգտակար և ճմա-
 րիտ խոհեմութիւն։ Իսկ արդարոց և արժանահաւատ
 արանց, այս ինքն լաւաց, հաւատք ընծայի, առանց շփե-
 լոյ զնոքօք զկարծիս խաբէութեան և անիրաւութեան։
 Եւսին իրի ամենայնիւ արժանի համարիմք յանձն առ-
 նել 'ի նոցա ձեռն զկեանս մեր, զինչս մեր և զզաւակս։

Եւրդ յերկուց աստի արդարութիւնն է առաւելագոր
 'ի ստանալ զհաւատս. զի նա առանց խոհեմութեան
 իսկ ունի զիշխանութիւն բաւական. իսկ խոհեմու-
 թիւն առանց արդարութեան ոչ ինչ զօրէ առ արժա-
 նահաւատն լինել։ Եւս ան զի որչափ ոք է առաւել խո-
 րագէտ և խորամանկ, նոյնչափ ևս ատելի և կասկածե-
 լի՝ 'ի պակասել կարծեաց լաւութեան։ Եւս որոյ ար-

դարութի ընդեւելեալ ընդ հանձարոյ՝ որչափ և կամք իցեն մեծագոր դտանի առ արժանահաւատն լինել։ Այլ դարութիւն առանց խոհեմութեան առ բազում ինչ կարող է․ խոհեմութիւն առանց արդարութեան առ ոչ ինչ է կարող։

Ժ․ Այլ մի լիցի ումեք զարմանալ՝ թէ զի է զի ուր հաւատտի դատեալ է յամենայն իմաստասիրաց միջի, և յինէն ևս բազում անգամ յեղեղեալ՝ եթէ որ զմի ունի առաքինութիւն՝ զամենայն ունի յառաքինութեանց, զարդիս այնպէս տրոհեմ, որպէս թէ մարութից և ումեք արդար լինել առանց լինելոյ և խոհեմ։ Այլ է նրբութիւնն այն՝ յորժամ բուն ճմարտութիւն ընդ խարտոցաւ անկանի վիճաբանութեան, և այլ՝ յորժամ առ հասարակաց կարծիս ճահաւորի ճառն ողջոյն․ սուրին աղաղաւ, որպէս ռամիկն նոյնպէս և մեք խօսիմք յայսմ վայրի՝ յասել անդ, թէ ոմանք են արի, ոմանք բարի, և այլք խոհական։ Այսն զի ռամիկան և սովորական բանիւք արժան է ճառել ՚ի խօսեն զռամիկան կարծեաց․ զայդ և Պանետիոս արար այդպէս․ այլ մեք ՚ի նպատակ անդր դարձցուք։

Այդ յերից անտի պատկանելոց առ փառս՝ երրորդն այն էր, զի հանդերձ զարմացմամբ մարդկանն՝ պատուոյ արժանի առ ՚ի նոցանէ գրեսցուք։ Այդ զարմանան նախա առ հասարակ ընդ ամենայն՝ զոր միանգամ մեծ և ՚ի վեր քան զիւրեանց կարծիս տեսանեն․ իսկ ուրոյն ուրոյն յիւրաքանչիւրն, եթէ նկատեսցեն զանախնակալ ինչ բարիս։ Եւ այսպէս յայն անձինս ակնկաւոյց լինին և մեծամեծ գովութեամբք ամբառնան, յորս կարծեն նշմարել զի վեր քան զկար իւրեանց և անհամեմատ առաքինութիւնս․ և արհամարհեն և անգոմանեն յորս ոչ համարին լինել ոչ ինչ առաքինութիւն, ոչ ինչ հաստատութիւն և ոչ ինչ արիութիւն։ Օ՛ի ոչ զամենեսին զնոսա անգոմանեն զորոց չարաչար ունին կարծիս․ վասն զի զորս միանգամ ապիրապոս, հայհոյիչ և դաւաճանս վարկանին, և առ անիրաւել աջողակս, ոչ եթէ քամահեն գնդօք, այլ առ չարս ունին։ Այսն որոյ ըստ յառաջագոյն ասացելոցս՝ նորա են արհամարհք, որք ըստ առաձին՝ Ոչ անձանց և ոչ այլում․ յորս ոչ երկասիրութիւն ինչ է, և ոչ ճարտարութիւն, և ոչ փոյթ։

Սքանչանան ընդ նոսա՝ զորս տեսանէն գերազանցեալս զայլովք սուաքինութեամբ և ազատս եթէ յամենայն անվայելչականաց և եթէ ՚ի թերութեանց անտի՝ որոց այլք չեն բաւական դիւրաւ զդէմ ունել։ Քանզի և զրգանք՝ որպէս հրապուրիչ տիկնայք՝ զառաւելագոյն մասն հոգւոյն ՚ի բաց քեցեն յառաքինութենէ։ և ցաւոյն ջահք յորժամ մերձ մատչին՝ յանչափս զարհուրեցուցանեն զյորովս։ Անմբ և մահ, մեծութիւն և աղքատութիւն սասանեցուցանեն զամենայն մարդ։ Արդ որք միանգամ զայստիկ ըստ երկաքանչիւր կողման վսեմ ոգւով մեծանձնութեան արհաւիրհեն, ուր առաջի կայցէ նոցա այլ ինչ գերապանծ և առաքինական, զամենայն մարդ յինքեանս ձգեն և յաշուութիւն կրթեն։ և այն զի ոչ զարմասցի ընդ պայծառութիւն և ընդ գեղ առաքինութեան։

ԺԱ. Այլա ուրեմն և այս արհամարհութիւն անձին պատճառէ սքանչացումն։ ևս առաւել արդարութիւնն (յորմէ և եթ բարիք անուանակոչին մարդիկ), սքանչելի իմն երեւի յաչս բազմութեան՝ և կարի յիրաւունս։ Օ՛ի ոչ որ կարօղ է լինել արդար, որ միանգամ երկնչի կամ ՚ի մահուանէ, կամ ՚ի ցաւոց, կամ յաքսորանաց, կամ ՚ի չքաւորութենէ։ կամ որ զհակառակս սոցին նախապատիւ առնէ քան զուղղութիւն։ Այս քան զևս զարմանան ընդ նա որ դրամովք չարժի։ և զայրն յորում այս երեւի՝ համարին զնա հրով փորձեալ։ Այլա և գերիս զայնոսիկ՝ կարեւորքն առ փառս, արդարութիւն զլնովին ՚ի զլուս հանէ։ եթէ զբարեսէր կամն՝ ՚ի կամեն օգտել բազմաց, և եթէ այնր աղաղաւ՝ զվստահութիւն։ որպէս զսքանչացումն՝ յարհամարհելն և յանտեսել զայն ինչ իրս, յորս յորովք բորբոքեալ անյաղութեամբ բերին։

Այլ ըստ իմումս կարծեաց՝ ամենայն հանգամանք և բարեկարգութիւն վարուց պէտս ունի օգնականութեմարդկան։ նախ այն իսկ՝ զի իցեն ոմանք, ընդ որս յընտանի զրոյցս կայցես։ որ է դժուարին՝ եթէ ոչ զկերպարանս առն բարւոյ յանձին բերիցես։ Այլա և մենակեաց առն և յանդս բնակացելոյ կարեւոր է անուն ար-

դաբրութեան, և այնչափ առաւել՝ որչափ զի եթէ չու-
նիցին զայն, ընդ անարդարս գրեսցին. և անպատասպար
'ի ցանգոց՝ բազմապատիկ տուժեսցին:

Եւ դարձեալ և որոց վաճառեան, գնեն, վարձեն, 'ի
վարձու տան, և 'ի սակարկութիւնս թարթափին վա-
ճառաց, արդարութիւն է հարկաւոր առ 'ի զգործն կա-
տարել: Եւ այնչափ է սորայս զօրութիւն, զի և ոչ այնու-
քիկ որք՝ 'ի չարագործութեան և յեղեռն սնանին, կա-
րծող ինչ են կեալ առանց իրիք նշխարի արդարութեան:
Օ՛հ որ 'ի միողէ յաւազակակցացն գողնայ ինչ կամ
յափշտակէ, այնպիսին և ոչ յաւազակութեան ունիցի
տեղի: Եւ հինապետն՝ եթէ ոչ հաւասար զաւարն բնչ-
խեսցէ, կամ սպանանի յընկերացն, և կամ տարագրի:
Տինա ասի լինել և աւազակաց օրէնք՝ որոց հնազան-
դին և պահէն: Եւ ինչ զի յաղագս հաւասարաբաշխու-
թեան աւարին՝ Բարդիւղիս լիւրիկեցի աւազակ, զոր-
մէ է տեսնել առ Ստեփանայ, մեծ հարստութիւն
կալաւ. զէս մեծագոյն Եւ իրիատոս լիւսիտանացի՝ ո-
րում և զօրավարք զօրաց մերոց ակն ածին. զոր Եւ ի
լիւս դատաւոր, մանկանուանեալն զգօն, խորտակեաց և
նուաճեաց. և այնպէս սանձեաց զապարասանութիւն
նորա, մինչև թողուլ այլոց զանաշխատ իմն և եթ պատե-
րազմ: Եւ որովհետև այսչափ է զօրութիւն արդարութե,
մինչև և զաւազակաց անգամ զհարստութիւն յապա-
հովել և բարգաւաճել, որչափ համարեսցուք գոլ գնու-
րա զօրութիւն յօրէնս և 'ի դատաստանս 'ի բարեկարգ
տէրութեան:

ԺԲ. Սուրբ իմն ինձ այսպէս, եթէ ոչ առ Եւ արս և եթ՝
ըստ ասելոյ Հերոդոտոսի, այլ և առ մեր նախնին՝ Թա-
գաւորք կարգեցան երբեմն արք բարեբարոյք՝ 'ի պատ-
ճառս վայելելոյ յարդարութեան: Վանգի 'ի հարստա-
հարիլ աղքատ Ժողովրդեան յերեսաց փարթամաց՝ առ
ոմն ապաւինէին առաքինութեամբ վեհագոյն, որոյ պահ
պանեալ զանաւագոս յերեսաց զրկանաց, և արդարու-
թեան թեկն ածեալ՝ 'ի կշիռ իրաւունս պահէր զմեծա-
մեծս ընդ փոքունց: Եւ մի և նոյն եղև պատճառ կար-
գելոյ զօրէնս և զթագաւորս:

Վանգի միշտ խնդրեցան հաւասար իրաւունք. ապա
թէ ոչ ոչ ևս իրաւունք լինէր: Եւ որք եթէ գտանէին

զայդ 'ի ձեռն միոյ առն արդարոյ և բարւոյ, նովաւ շատանային . և իբրեւ այն ոչ յաջողէր, օրէնք հայթհայթեցան՝ զի ընդ ամենայնի հանապազ մի և նոյն բարբառով խօսեսցին : Բորդ այս ինչ քաջայայտ է, զի սովորութիւն եղև զայնոսիկ ընտրել յիշխանութիւն, զորոյ զարդարութենէ մեծ էին կարծիք բազմութեան : Բայ եթէ խոհական ևս զնոսա կարծէին, այնուհետև մարդիկ 'ի մտի դնէին՝ թէ չիք ինչ որում ոչ հասցուք 'ի ձեռն այսպիսի տերանց : Բորդ այսուհետև ամենայն իրօք պարտ և արժան է պաշտել և պահել զարդարութիւն . նախ՝ զնոյն վաճառ իւր ինքեան . ապա թէ ոչ ոչ ևս արդարութիւն լինէր . և ապա յաղագս մեծանալոյ պատուով և փառօք : Բայ զոր օրինակ զգրամս սովորութիւն է ոչ միայն ստանալ, այլ և 'ի վարձու տալ, զի սատար լիցի հանապազորդեան ծախուց՝ ոչ միայն կարևորաց, այլ և ազատականաց . սոյնպէս 'ի դէպ է և զփառս ստանալ միանգամայն և յարգել :

(Թ) Կէպէտ և Սոկրատէս գեղեցիկ ասէր, թէ այս ճանապարհ է դիւրամերձ առ փառս, և որպէս թէ 'ի կարճոյ . այսինքն ջանալ լինել այնպէս, որպիսի կամի որ համարիլ յայլոց . բայց թէ որ կեղծաւորութեամբ և մտտի ցուցակութեամբ, և ոչ միայն ստայօդ բանիւք՝ այլ և պատիր դիմօք համարեսցի հաստատուն փառաց զամազիւտ լինել, չարաչար սխալէ : Շմարիտ փառքն արմատս արձակէ և աճէ . կեղծեալքն նմա՝ արագ արագ որպէս ծաղիկ թօթափին . և չէ մարթ կեղծ բանի տևողական լինել բնաւ : Ս կայք են բազումք յոյժ յերկուց կողմանց ևս . այլ առ համառօտութեան շատ լիցի մեզ մի միայն տուն . քանզի Տիբերիոս Վրակքոս, Պուլլիոսի որդի, ցայն վայր գովեսցի, ցորչափ յիշատակ մընասցէ Հռովմայեցւոց . բայց որդիք նորա՝ և ոչ 'ի կենդանութե իւրեանց գովելի էին յաչս լաւաց . իսկ յետ մահուան իրաւամբք 'ի համարի գրեսցին մահապարտաց :

ԺԳ . Բայա ուրեմն որ ցանկայ ճմարիտ փառս ստանալ, յարգարութեան գործս պարապեսցի . իսկ թէ որ այն իցեն, 'ի նախընթաց գիրս անդ ասացաք :

Բայ որպէս զի դիւրագոյն այնպիսիք երևեսցուք՝ որ պիտի եմքն, թէպէտ և յայդմ է ամենայն ճիգն զի այնպիսիք լիցուք՝ որպիսի երևել կամիմք, սակայն ար-

ժան է տալ կանոնս քանի մի : Ասն զի եթէ որ անդրստին յառաջին տիոց ունի զպատճառս հռչակաւոր և անուանի գորոյ, և այս կամ 'ի հօրէն ընկալեալ (որպէս քեզ՝ ի իմն Սիկերոն կարծեմ հանդիպեալ), և կամ ըստ զիպաց և ըստ բախտի իմիք, յայնպիսին ձգին աչք ամենեցուն, և յայնպիսումն լինի հետաջնենէլ թէ զինչ առնէ և զիարդ կեայ . մինչ զի և ոչ մի բան նորա կամ գործ մարթի մնալ 'ի մթանս :

Իսկ որք 'ի յառաջին տիս առ նուաստութեան և անշուքութեան անծանօթք իցեն առաջի մարդկան, այսպիսիքս զոյգ ընդ զարգանալ տիօք՝ պարտին 'ի մեծամեծս անդր ակն դնել, և ուղիղ ջանիւք 'ի նոյնս նկրտիլ . զոր այնչափ առաւել անվրդով մտօք 'ի դէպ է նոցա առնել, որչափ զի ոչ միայն չնախանձի որ ընդ այն տիս, այլ և նպաստէ :

Երդ առաջին առիթ փառաց երիտասարդի այն է, եթէ մարթ իցէ նմա արիանալ 'ի պատերազմական գործս, յորում յոլովք հանդիսացան առ նախնեօք մեղովք . վասն զի գրեթէ անդադար պատերազմ կայր 'ի վերայ : Իսկ քոյին հասակդ այնպիսում հանդիպեցաւ պատերազմի, որոյ մի կողմն ապիրատութեամբ ականաւոր, և միւսն բարեբախտութեամբ աննշան : Եւկայն և յայրմ մարտի, յորում գրեզ Պոմպէոս գլուխ կացոյց միոյ 'ի թեոց, գովութեան հասանէիր մեծի 'ի մեծէ առնէ անտի և 'ի զօրաց՝ յաշտանակել յերիվար, 'ի ճօճել գնիզակ, և 'ի նետաձիգ լինել, և 'ի տանել ամենայն զինուորական աշխատութեան . բայց և այն քո գովեստ անկաւ 'ի գետին զոյգ ընդ տէրութեան հասարակաց : Եւլ առաջիկայս իմ ճառ ոչ վասն քո ինչ, այլ վասն բոլորից է . վասն որոյ և 'ի մնացուածս բանից եկեսցուք :

Եւ արդ զոր օրինակ յայլ իրս մեծ ևս են բազմօք գործք հոգւոյ քան մարմնոյ, սոյնպէս և իրքս այս զորս կատարեմք ուշիմութեամբ և բանիւ, յարդի են քան զեղեալն զօրութեամբ : Եւսր աղաքաւ առաջին գովասանութիւն ծագէ 'ի պարկեշտութենէ, 'ի բարեպաշտութենէ առ ծնօղս, և 'ի բարեսիրութենէ առ իւրսն : Եւ կարի դիւրաւ և 'ի լաւ անդր տան զոյս պաւտանիք՝ որք կրթին յոռոս բարեհամբաւ և զգօն արանց՝

զւարին հասարակաց խորհրդեաց . և եթէ հանապա-
զորդէն առ նոսա, կարծիս տան ժողովրդեան՝ նման նո-
ցա լինել՝ զորս ընտրեցին անձանց՝ զհետ երթալ նոցա :

Օ պատանեկութենէ Պորդիոսի հռութիղեայ՝ կար-
ծիս և անարատութեան և իրաւանց գիտութեան ըն-
ծայեցոյց տունն Պ . Սուկիոսի : Քանզի Պ . Արասոս՝
մինչդեռ տակաւին պատանեակ փոքր էր, ոչ այլուստ
մուրողութեամբ, այլ անձամբ անձին կալաւ զգովութի
մեծ յոյժ՝ ի ձեռն աղնուական և փառացի դատախա-
զութեան՝ և յայնմ հասակի՝ յորում որք կրթինն՝ սո-
վոր են գովեստ ընդունել, որպէս զ՝ Աեմոսթեանեայ լեմբ,
'ի նոյն եցոյց Արասոս՝ թէ ինքն յատեան հրապարակի
զայն ինչ առնէ՝ ըստ արժանւոյն, զոր ինչ մարթ էր
յայնժամ՝ ի տան խոկալ գովութեամբ :

ԺԴ . Բ.Ղ քանզի կրկին է եղանակ բանի, յորոց ի
միումն է զրոյց, և ի միւսումն վիճումն, չիք տարակոյս
թէ վիճաբանութիւնն է առաւելագոր ի փառաւորու-
թիւն . քանզի այդ իսկ է զոր ճարտարախօսութիւն
կոչեմք : Բ.Ղ անսպառնելի է՝ թէ որչափ զօրաւոր է ի
յանկուցանել զսիրտ մարդկան վայելչաբանութիւն և
բաղցրաբանութիւն ճառից կամ խօսից : Այն թուղթք
Փիլիպպոսի առ Բղէքսանդր, և Բնտիպատրոսի առ Աա-
սանդրոս, և Բնտիգոնոսի առ Փիլիպպոս, երկց հարց
գերզգօնից՝ զի այսպէս լուաք, առ որդիան . յորս պա-
տուիրեն՝ զի ամբք բանիւք ձգեսցեն զսիրտ ամբոխին ի
բարեսէր կամս, և զզօրականսն ողորական յորջորջ-
մամբ յանկուցեն :

Իսկ որ ի բազմութեան լինի ատենախօսութիւն վի-
ճաբանական, բազում այն է զի զամենայն բազմու-
թիւնն առ հասարակ զարթուցանէ : Ամսն զի մեծա-
պէս զարմանա յինքն բերէ ճիւղում և իմաստուն ճարտա-
րախօսն . զոր լեւիքն վարկանին նա և բազմահանձար
և բազմիմաստ քան զայլս լինել : Այա եթէ կայցէ յա-
տենաբանութեան անդ և ծանրութիւն կից ընդ պար-
կեշտութեան, չիք ինչ քան զայդ զարմացուցիչ . և այն
չափ առաւել՝ եթէ այդ ամենայն գտցի յերիտասարդ
անձին :

Բ.Ղ քանզի բազում ազգք են ինդրոյ որք ճարտա-

1 ի փաստաբանութեան :

ընդհատութեան պէտս ունին, և յոլովք յերիտասարդաց 'ի մերում տերութեան եթէ առաջի դատաւորաց, և եթէ առաջի ծերակուտին ատենաբանելով՝ գովութեան հասին, մեծ ևս զարմանք գործին 'ի դատս . որոց պատճառն է կրկին . վասն զի բաղկանայ յամբաստանութէ և 'ի ջատագովութենէ . յորս թէպէտ և առաւել գովելի է ջատագովութիւն, բայց և ամբաստանութիւնն բազում անգամ ընտիր գտաւ . ասացի խուն մի յառաջ վասն Կրասոսի, զնոյն արար և պատանին Ս'. Լնտոնիոս : Ղարաճեալ և ճարտարախօսութիւն Պ'. Սուլպիկիոսի յամբաստանութեան անդ պայծառացաւ, յորժամ 'ի դատ կոչեաց զՍ'. Երբանոս զայր խոտովարար և զանպիտան քաղաքացի :

Եւ զայս չէ արժան ստէպ առնել, նա ոչ երբէք, բայց միայն կամ 'ի պատճառս հասարակաց տերութեան, զոր օրինակ նորա՝ զորս կանխաւն ասացի . կամ որպէս երկղբեան Պ ուկուզոպ . կամ 'ի պաշտպանութեան սակս, որպէս մեք վասն Սիկելացոց, և Յուլիոս վասն Սարդիացոց : Յամբաստանել անդ զՍ'. Լուկիդիոս յայտնի ցուցաւ և ճարտարութիւն Պ . Փոսիոսի : Եւս ուրեմն միանգամ լիցի, կամ ստուգիւ ոչ բազում անգամ : Եւս եթէ իցէ ոք որում ստէպ զայս առնել հարկ 'ի վերայ կայցէ, զայդ նուէր մատուցէ տերութեան, զորոյ զթնամեաց քինախնդիր լինել ոչ է ստգտանելի . միայն թէ չափով լինիցի : Ս ասն զի խստասիրտ մարդոյ է, մանաւանդ թէ անմարդի առն, զլնապարտութիւն 'ի վերայ ածել բազմաց : Եւ ոչ միայն անձին վտանգ բերէ, այլ և կեղտ անուն համբաւոյն . յանձն առնուլ կոչիլ ամբաստանող . որ պատահեաց Ս'. Բրուտոսի որդւոյ, յագնիւ զարմէ, որ քաղաքական իրաւանց ներհուն գտաւ առաւել :

Եւ զայս ևս կանոն հարկի պաշտամանս պարտ է խնու մով պահել, զի մի զոք երբէք յանմեղաց լիցի քեզ գրել խապարտ առնել . զի զայդ առնել անմարթ է բնաւին առանց անօրէնութեան : Ս ասն զի զինչ այդպէս անմարդի գործ, որպէս զճարտարախօսութիւնն որ 'ի բնութենէ պարգեւեալ 'ի փրկութիւն և 'ի պահպանութիւն մարդկան, 'ի սատակումն և 'ի կորուստ ապականութե լաւացն յեղաշրջել : Սակայն թէպէտ և յայսմանն պարտ

է խորշէլ, բայց ոչ և զայն խղճել, ջատագովել երբեմն զայր փնտսապարտ . միայն թէ չիցէ ժանտաթուտ և անօրէն : Օ այդ կամի բազմութիւնն, ներք սովորութիւն, և տանի մարդասիրութիւն : Ղատաւորի է՝ միշտ ՚ի դատս զհետ երթալ ճմարտութեան . պաշտպանի՝ երբէք երբէք ջատագովել զճմարտատեսին, թէպէտ և ոչ այնչափ ճմարիտ իցէ . և զայս զրել ոչ համարձակէի՝ մանաւանդ ՚ի գրել աստ իմում զիմաստասիրութեանէ, եթէ չէր հաճոյական և Պանետիոսի ուշիմագունի ՚ի Ստրիկեանս : Եթէ փառք և եթէ չնորհ առաւել ծնալի ՚ի ջատագովութեանց . և այնչափ աւելի՝ եթէ դէպ լիցի ՚ի թիկունս հասանել այնմ որ երեւի սարաւանդէալ և հարստահարեալ նպաստիւք հզօրի ուրուք . որպէս մեքս արարաք բազում անգամ, եթէ յայլում նուազի, և եթէ յերիտասարդութեան ընդդէմ նպաստից տիրապետութեան Պ . Սիդլայի՝ ՚ի պաշտպանութիւն Ս . Հոսկիոսի ամերինու . և գիտես՝ զի կայ ճառն այն :

ԺԵ . Եւ յետ առաջի առնելոյ զպատշաճս երիտասարդական հասակի՝ բաւականս առ ՚ի զփառս ստանալ, այսուհետեւ ՚ի դէպ է ասել մեզ յաղագս բարերարութեան և առատաձեռնութեան . որոյ կրկին է եղանակ : Ս ասն զի կամ գործով լինի մարդասիրել առ կարօտեալ, և կամ դրամով : Երկրորդս այս զիւրազոյն է, մանաւանդ մեծատան . այլ առաջինն չքեղ և պանծադոյն, և առն քաջի և երևելոյ արժանաւոր : Օ ի թէպէտ և յերկոսեանն է ազատական կամք առնելոյ չնորհս, սակայն մին յարկեղէ ելանէ, և միւսն յառաքինութիւն . և առատաբաշխութիւն որ լինի յընչից, զաղբիւրն զըլխովին մարդասիրութեան ցամաքեցուցանէ, և այսպէս մարդասիրութեամբ բառնի մարդասիրութիւն . զոր որչափ ՚ի բազումն անդր ծախեալ իցէ քո, նոյնչափ և վերջացեալ գտանիս ծախել ՚ի յոքունս :

Բայց որ միանգամ գործով, այս է՝ առաքինութեամբ և ճարտարմտութեամբ բարերարք և ազատաբարոյք լինին, նախ որչափ յօլովագունից եղեն ձեռնտու՝ այնչափ ևս բազմադոյն ձեռնտուա ունիցին ՚ի մարդասիրել . և դարձեալ սովորութեամբ բարեգործելոյ ևս քան զկս պատրաստագոյնք գտանիցին, և որպէս թէ քաջաւարժք ՚ի բարեացապարտ լինել առ բազումն : Վեղեցիկ ամ

բաստան լինի 'ի նամակի միում զ՝ շեքսանդրէ զորդւոյ
իւրմէ Վիլիպպոս՝ վասն յինքն յանկուցանելոյ զսիրտ
Սակեղոնացւոց առատաբաշխութեւ. « Ո՞ր այն պատ-
ճառ՝ ասէ, ասա ինձ, յայդ ձգեաց զքեզ յակնկալու-
թիւն, մտերիմն քեզ կարծել գո՛ւ զորս կաշառաբեկ ա-
րարեր դրամովք: Ս'իթէ զայդ առնես դու, զի մակե-
ղոնացիք անն ունիցին լինել քեզ ոչ թագաւոր իւրեանց,
այլ սպասաւոր և մատակարար », : Դարւոք ասէ սպասա-
ւոր և մատակարար. զի անարգանք են այդ առն թա-
գաւորի. ևս բարւոք՝ զի զառատ բաշխոյս կաշառաբե-
կութիւն ասաց լինել: Ս' ասն զի վատթարագոյն ևս լի-
նի առողն, և միշտ 'ի նոյն ակնկալուի պատրաստագոյն:

Օ այս նա որդւոյն. այլ մեք կանոն համարեսցուք
բոլորից: Եւ այսպէս ոչ ինչ է երկբայելի՝ թէ մարդա-
սիրութիւնն որ 'ի գործոց և 'ի հայթհայթմանաց, հա-
մեստագոյն ևս է և արձակածաւալ, և կարող օգտել
բազմագունից:

Սակայն երբեմն արժան է և առատաբաշխ լինել, և
զայս ազգ մարդասիրութեան ոչ մերժել 'ի սպառ. և
լստէպ օրէն է և 'ի դէպ՝ մարդոց կարօտելոց յիւրական
ընչից մատակարարել, այլ արթնութեամբ և չափաւո-
րութեամբ. քանզի բազումք վատնեցին զինչս հայրենի՝
անխորհրդաբար առատաբաշխելով: Օ ի զինչ անմուս-
գոյն քան զայդ, ջանալ զի զոր մտադիւր առնեսդ՝ ոչ
ընդ երկար կարողասցիս առնել: Թող զի զհետ դան ա-
ռատ բաշխոյից և յափշտակութիւնք. զի յորժամ տա-
լով սկսանին չբաւորել, յօտարին ինչս հարկին ձեռն ար-
կանել: Եւ այսպէս ուր առ շահելոյ զսիրտ այլոց բա-
րերար կամէին լինել, ոչ այնչափ սիրոյ նոցա հանդի-
պին որոց ետունն, որչափ ատելութեան նոցա յորոց
կորզեցին:

Ս' ասն որոյ՝ ոչ այնպէս փակել պարտ է զդուռն իւ-
րոյին ընչից, որ անկարող լիցի մարդասիրութիւնն բա-
նալ զայն. և ոչ այնպէս բաց թողուլ՝ զի դիւրամուտ
լինիցի ամենեցուն: Պարտ է կալ 'ի չափու, և այն
լստ համեմատութեան գոյից: Ի՞նչնայն իրօք պէտք են
մեզ յուշ ածել զբանն ստէպ 'ի կիր արկեալ 'ի մեր-
ազնեայց և յառակս լեալ թէ Ի՞րատաձեռնութիւնն
անյատակ է: Բանգի և զիմոր չափ լինիցի, ուր որք

սովորեցանն՝ և որք ոչ նմին կարօտին :

ԺԶ. Տիրապէս երկու ազգք են առատաբաշխից . կէսը շուայլ, և կէսը առատաձեռն : Շուայլք՝ որք 'ի խրախոնս , 'ի բաժանմունս սպանդից և 'ի բաշխոյս ըմբշամարտկաց , և 'ի հանդերձանս խաղուց և որսոց վատնեն զդրամս յայնպիսիս , զորոց զսուղ կամ զոչ ինչ յիշատակ բնաւին ունին թողուլ :

Իսկ առատաձեռն նորա՝ որք ընչիւք իւրեանց կամ զգերեալս յասպատակաւորաց փրկանաւորեն , կամ ըզպարտիս յանձն առնուն զբարեկամաց , կամ նպաստամատոյց լինին 'ի տալ զօրիորդս 'ի հարսնութիւն , կամ ձեռնտու լինին եթէ 'ի շահել և եթէ յաճեցուցանել զինչս : Ասն որոյ զարմանամ թէ յինչ միտս (մէտփրաստոս՝ 'ի գիրսն՝ զոր գրեաց յաղագս ճոխութեանց , 'ի բազում պանծալիսն եղ զայս ինչ անտեղի . յաճախել գովութիւնս յաղագս մեծագործութեան և հանդերձանաց ժողովրդական ձրից . և զայնպիսի ծախուց կուտակութիւն՝ զարդիւնս համարել ճոխութեց : Իսկ ինձ պտուղն այն առատաձեռնութեան , զորոյ սակաւ օրինակս եղի , յոյժ առաւել մեծ և ստուգազոյն երեւի : Երովհետեւ Երիստոտէլ առաւել զգօնութիւն և ճիշմարտութեամբ ստգտանէ զմեզ՝ զի ոչ զարմանամք ընդ այս վատնումն դրամոց՝ որ լինին առ յանկուցանել ըզուսմիկն . բայց թէ պաշարեալքն 'ի թշնամոյն՝ ստիպեցին մնասի միոյ գնել զվեցերորդ մասն դորակի ջրոյ , այդ մեզ նախ անհաւատալի թուի , և ամենեքին զարմանան . այլ միայն 'ի դնելն միտ , ներել ներեն հարկի . իսկ յայսպիսի անհասարին տուգանս և յայնչափ ծախս ոչ շատ զարմանամք , մանաւանդ յորժամ ոչ գուցէ 'ի թիկունս հասանել կարեաց և ոչ առաւելուլ զշուք պատուոյ և զուարճութիւնն այն բազմութեան գլխովին առ սուղ մի և դուղնաբեայ ժամանակ իցէ , և այն սինքոր մարդկան . այն զի՝ զոյգ ընդ յափրութեան և յիշատակն շիջանի բերկրութեան :

Եւ բարւոք 'ի վերայ ածէ՝ թէ այսոքիկ տղայոց և կանանց և ծառայից և ծառայանման ազատաց են հաշոյականք . զոր այր մտացի և ողջմտութեամբ կշռադատող ոչ իւրեք առնուցու յանձն :

Եւմ ինչ անտեղեակ զի 'ի մերում քաղաքի արմա-

տացեալ է սովորութիւն 'ի վաղ ժամանակաց, պահանջել 'ի լաւ արանց զհանդէս գործակալութեան շինուածոց: Այսպէս և Պ. Արասոս մականուանեալն Ղոխ՝ որ և էր արդեամբք, արար զմեծաշուք հանդէս գործակալութեան. և սուղ ինչ յետոյ՝ Պ. Արասոս ընդ ի. Սկիոսի առն չափաւորի քան զամենայն, մեծագործ հանդէս արար գործակալութեան. յետ այնորիկ ի. Սկիոս որդի Սպարիոսի. և այլք յորումք զկնի, ի Եւկոլոսք, Հորտենսիոս և Սիլանոս. սոցա ամենեցուն յաղութեաց Պ. ի ենտուղոս առ հիւպատոսութեամբ իմով. զսորին կնի չորաւ Սկաւրոս. իսկ մերոյն Պոմպէի հանդէսք բաշխոյլց յերկրորդ հիւպատոսն գեր 'ի վերոյ մեծագործութեամբ քան զամենայն. այլ յայսմ ամենայնի տեսանես որ ինչ ինձ հաճոյ իցէ:

ԺԵ. Սակայն զգոյշ լինել արժան է և 'ի տալոյ կարծիս ազահուութեան: Սամերկոս այր մեծատուն յոյժ վառն հրաժարելոյ 'ի գործակալութենէ շինուածոց մեր ժեցաւ յաշտիճանէ հիւպատոսութեան: Ս ամն որոյ թէ պահանջեսցի 'ի ժողովրդենէ լաւ որեանն՝ եթէ ոչ ցանկանալով, բայց հաւանելով պարտին առնել. միայն թէ ըստ իւրեանց կարի, որպէս և մեք գլխովին արարաք. դարձեալ եթէ 'ի մեծամեծաց ինչ և յօգտակարաց իցէ շահել 'ի հանդիսական առատաբաղխութենէ, որպէս Սկլեատեայ արդի կոչուեք յանցս ճանապարհաց՝ անուամբ տասանորդի՝ 'ի մեծ պատիւ համարեցան: Եւ ոչ 'ի ստգիւտ եղև Սարկոսի անգամ Սկիոսի, յորժամ յաւուրս սովուն՝ դանկի միոյ տայր ժողովրդեան զբոռն. վառն զի 'ի մեծ և 'ի հնացեալ մարտաց զանձն ազատեցոյց, ոչ դժպատեհ տուգանօք և ոչ կարի մեծ, զի գործակալ շինուածոց էր: Այլ պանծալի շուք եղև յարդիս մերումն Սիլոնի, զի գնոց գնեալ զմեծամարտիկս 'ի պատճառս տէրութեան, զի 'ի մեր փրկանաւ էր նորայն, նկուն արար զամենայն հայթհայթանա և

1 Առ 'ի յաջորդել 'ի բազմանն էր սովորութիւն ուխտել Աստուծոյ զտասանորդս կմբքերոցն կամ զաւարին. և սա առ 'ի շահել ըզմիտս ժողովրդեան յրնարութիւն իւր յատենակալութիւն, ետ իւրն

ջոյս կոչնոց ժողովրդեան հառով մայ՝ յամենայն ճանապարհս քաղաքին սեղան պատրաստեալ իւրե տասանորդելով զիւր ստացուածն:

2 Յորենոյ:

զանլեզնութիւնս Պ. Նորդիոսի: Ի՛նչպիսիք ուրեմն այս պատ-
ճառք են ձրից բաշխման. հարկաւորն լինել կամ օգ-
տակար:

Եւ յայսպիսիս մի միայն գեղեցիկ կանոն է չափաւո-
րութիւնն: Ի՛նչպէն Պ. Փիլիպպոս, Լուինտոսի որ-
դի, այր հանձարեղ և անկանաւոր՝ սովոր էր պարծիլ,
թէ ես առանց բնաւին պարգեւաբաշխութեան ստացայ
զամենայն պատիւ մեծութեան: () Նոյն ասէր Պ. Լու-
սիոս: Եւ մեզ իսկ գլխովին ՚ի դէպ է իւրիք օրինակաւ
պարծիլ յայսմ մնասին: Ս՝ ասն զի առ համեմատութե-
մեծութեան բարձի և պատուոյ զոր ստացաք հաճու-
թեամբ բոլորից, ՚ի տարւոյ անդ մերում կարի յոյժ
նուազ ծախք եղեն գործակալութեան. որ ոչն յաջո-
ղեցաւ և ոչ միում ումեք՝ յորոց արդ անուանեցի:

Վարձեալ են գովելի ծախք ՚ի պէտս պարսպաց,
նաւուց, նաւահանգստից, ջրանցից, և ամենայն որ միան-
գամ ՚ի պէտս լինին հասարակաց: () Ի թէպէտ և ներ-
կայն որ իբրև ՚ի ձեռս չնորհի՝ անորժական ևս է, սա-
կայն այդորիկ ևս հաճոյական առ յապայս: () Թատ-
րոնս, զարահակս, զնորանոր մեհեանս՝ մեղմով սողաւ
նեմ ՚ի չնորհս Պոմպէի. բայց գիտնաւորք չհաւանին,
որպէս և նա ինքն Պանեատիոս, զոյր զհետ չգրայ բազ-
մօք ՚ի մատենի աստ, այլ ոչ եթէ թարգմանելով. և
Փաղերեւս Վեմետրիոս ստգտանէ զՊերիկղէս իշխան
Յունաստանի՝ զի զայնչափ դրամս վատնեաց ՚ի հոյա-
կապ նախադրուս անդր: Ս՝ յայսմ խնդրոյ ողջոյն
բանք եղեն քաջ զննութեամբ ՚ի գիրսն, զոր գրեցի
յաղագս հասարակաց տէրութեան: Եւ արդ իսկու-
թիւն այդպիսի բաշխմանց պարգեաց՝ ըստ ազգին է
պակասաւոր. ՚ի դէպ ժամու՝ կարևոր. բայց և յայն-
ժամ պարտ է կռել ընդ գոյիցն, և չափաւորութեամբ
տնտեսել:

ԺԸ. Իսկ ՚ի միւս ազգի պարգեւաբաշխութեան որ
յառաջ գայ յազատականութենէ, ոչ միօրինակ ունիմք
վարիլ ՚ի տարօրինակ դէպս: Ս՝ յառաճառ է նորա՝ որ
կայ ՚ի նեղութեան տառապանաց, և այլ նորա՝ որ զևո
լաւագոյնս խնդրէ՝ և ոչ մի ձախորդութիւն ունեւրով:
Ս՝ տաղիւրագոյն պարտի լինել մարդասիրութիւն առ
տառապեալս՝ միայն եթէ չիցեն արժանի տառապանաց:

Իսկ առ այնտիկ որք նպաստո խնդրեն, ոչ զի մի տա-
ռապանս կրեսցեն, այլ զի 'ի բարձրագոյն աստիճան ել-
ցեն, չէ պարտ մեզ 'ի սպառ կծկիլ. այլ փոյթ [և մտադ-
րութիւն ցուցանել յընտրութիւն ընտրելոց անձանց .
քանզի գեղեցիկ ասաց Եննիոս . Օ գործ երախտեաց
յանդէպս' 'ի գործս գրեմ ես չար :

Իայց պարգևեալն առն բարւոյ և երախտագիտի' է
չահեկան եթէ յանձին նորա, և եթէ յայլ : Օ ի ուր
չկայցէ շուայլութիւն՝ գեղեցիկ է առատաձեռնութիւն .
և այնչափ առաւել խնամով գովեն զայն յորովք, զի բա-
րութիւն առն մեծի է տեղի ապաւինի ամենեցուն առ
հասարակ : Ի՞րդ պարտ է ջանալ զի առ նոսա առաւել
բարեբարեսցուք՝ որոց յիշատակ յորդիս և 'ի [Թողունս
անցանէ, զի մի լիցի նոցա ապերախտ գտանիլ : Եւ ամն
զի ամենեքին ատեան զանյուշն երախտեաց . և 'ի կար-
ձել անդ առատաձեռին զձեռն իւր՝ զրկանս նաւ ան-
ձանց լեալ համարին . և զնա որ առնէ՝ [Թշնամի ասեն
լինել անաւագաց առ հասարակ :

Եւ այս մարդասիրութիւն օգտւո ևս է տէրութեան
հասարակաց . ազատել 'ի ծառայութենէ զգերեալս ,
հարստացուցանել զանաւագս, որ էր հանդիսացեալ
սովորութիւն 'ի մեզ յաստիճանաւորս, որպէս ճոխա-
գոյն տեսանեմք զրեալ 'ի Վրաստին աստենախօսութե :
Եւ ահա զայս սովորութիւն մարդասիրութեան բազ-
մօք նախապատիւ առնեմք քան զտուրս պարգևաց ա-
ռատս : Ի՞նչ է մտացի արանց և մեծաց . իսկ այս մար-
դելուզաց ամբոխին՝ իբրու գգուանօք զրգտողաց զխառ-
նիճաղանջին [Թեթեամտութիւն :

Իսկ վայելուչ [Թուի՝ որպէս 'ի տալն զուարթ լինել,
նոյնպէս և 'ի պահանջելն ոչ դառն . և յամենայն սակ-
արկութիւնս, 'ի վաճառել, 'ի գնել, 'ի վարձել, 'ի տալ
'ի վարձու, 'ի դրացութիւնս և 'ի սահմանակցութիւնս ,
արդարակորով և բարեմոյն բարուք . բազմօք բազմաց
տեղի տալ յիւրոց իրաւանց , և 'ի կագելոյ խորշիլ
լստ կարի, իցէ [Թէ և առաւել քան զկար . զի ոչ միայն
ազատաբարոյութիւն է երբէք փոքր մի յետնիլ յիւրոց
իրաւանց, այլ և երբեմն շահեկան գլխովին : Ի՞րժան
է արթուն կալ և 'ի վերայ ընչից տան իւրոյ, զոր [Թո-
ղու վատնել անզգամութիւն է . այլ այնպէս զի հեռի

իցէ կասկած կծծութեան և ազահուութեան : Վասն զի կարող լինել վարել զառատաձեռնութի առանց կապտելոյ յանձնէ զհայրենին ստացուածս , այդ իսկ է մեծն 'ի շահս դրամնոց :

Աւղղութեամբ 'ի գովեստ առեալ է 'ի (Թ)էոփրաստեայ նա և հիւրասիրութիւն : Վասն զի որպէս ինձ թուի , յոյժ է վայելչական՝ զի դրունք սրատուական ուրերոյ բաց գտցին սրատուական հիւրից , որ և այն զարդ է հասարակաց տէրութեան , զի մարդիկն օտարականք ոչ մնասցեն կարօտ այսմ ազգի ազատականութեան 'ի քաղաքի աստ մերում : Եւ մեծապէս ևս օգտակար այնոցիկ , որք յոյժ կամին համեստ օրինօք ստանալ կարողութիւն 'ի ձեռն հիւրից երեւել առաջի ազգաց օտարաց ճիւղ և պատուական : Ղրէ (Թ)էոփրաստոս՝ թէ Լիմոն և յԵթէնս անգամ ասպնջակրան եղև իւրոց գիւղակցաց Լակիադացոց . քանզի այնպէս կարգեաց ասէ և սրատուրեաց զաւառապետաց , զի ամենայն ինչ չնորհեցի առն լակիադացոյ որ 'ի գիւղ իւր լուծանիցի :

ԺԹ . Իսկ գործք որ ոչ առատաձեռնութեամբ՝ այլ բարեգործութեամբք վճարին , այդոքիկ 'ի դէպ վան և բովանդակ տէրութեան հասարակաց , և իւրաքանչիւր ումբք 'ի քաղաքացոց : Վասնզի ազգարար լինել յիւրառունս , խորհրդով նպատամատոյց լինել , և այս ազգ գիտութեամբ օգտել յողովագունից , մեծապէս սատար լինի առ առաւելու իշխանութեան և չնորհաց : Վ'ինչ զի որպէս բաղմնապատիկ գործք առաջնոց սանձալիք , նոյնպէս և հմտութիւն և լուծումն քաղաքական իրաւանց անտիւեղծ սահմանելոց՝ միշտ 'ի ծայրագոյն եղև պատուի : () որ յառաջ քան զայժմու խառնակութիւն ժամանակաց՝ ինքեանց գրաւեալ ունէին իշխանաւորք . իսկ այժմ որպէս պատիւք և ամենայն աշտիճանք չքոյ , սոյնպէս և փայլումն գիտութեանս շիջաւ . և այն այնչտի առաւել դժպատեհ , զի յայնպիսում ժամանակի այդ պատահեաց՝ յորժամ 'ի միջի կայր այրն՝ որ քան զամենայն զառաջնան , որոց պատուով էր հաւասար , գիտութեամբս քաջայաղթ էր հանդիսացեալ : Այս ու

1 Վասն ոյր ասիցէ զայս չէ հաւասար , զի յողովք էին յայնժամ աւանաւորք . թերևս Սերովիոս Սուր

պիկիոսն իցէ . բայց մարթ է կարծեւ և զՍկեւողա , կամ զԿ . Կառուղոս , կամ զՄ . Անտոնիոս :

րեմն արդէ այդ է հաճոյական բազմաց, և քաջայար-
մար յերախապարտ կացուցանել զմարդիկ :

Սմբն արուեստի է մերձաւոր մակացութիւն հռե-
տորութեան՝ առաւել յարգի, հաճոյական և չքնաղ :
Օ ի զինչ այլ գերապանծ քան զճարտարախօսութի, ի
զարմանցումն ունինդրաց, ի յոյս կարօտեց, և ի շնորհս
արդարացեաց : Սորին վասն և սմին տուաւ ի մերոց
նախնեաց պատիւ իշխանութեան պատմութեանազգեաց
չքով : Երդ պերճախօս առն աշխատասիրի, որ և դիտի-
ցէ ըստ հայրենի սովորութեան զդատս բազմաց արդա-
րացուցանել՝ առանց պահանջանաց և ձրի, յայտնի է
լինել նորա բարերար և պաշտպան :

Հարկ էր ինձ ողբալ աստանօր և զճարտարախօսու-
թեանն զդադարումն, չասացից՝ զկորուստն, եթէ ոչ
խիթայի, մի արդեօք թուեցայց անձամբ զանձնէ գան-
գատել իւրիք : Եւ սակայն տեսանեմք թէ որպիսի
հռետորաց եհաս վախճան, յորքան սակաւս իցէ յոյս,
յորքան սակաւազոյնս մակացութիւն, յորքան բազումն
զօրացաւ յանդուգն համարձակութիւն : Եւ այց քանզի
ոչ ամենեցուն է և ոչ իսկ բազմաց, կամ իրաւագէտ
լինել և կամ պերճախօս, սակայն օրէն է գործով օգ-
տել բազմաց, շնորհս խնդրել վասն նոցա, ընծայեցու-
ցանել դատաւորաց և ատենակալաց առաջի . տքնել
վասն իրաց ընկերին, աղաչել և գնոսին իսկ՝ որք կամ
խորհրդատու են և կամ քատաղով : Եւ ահա որք զայ-
ստիկ առնեն՝ շնորհ յոյժ գտանեն, և ծովացեալ ծա-
ւալի հանձար նոցա :

Եւ ինչ հարկ յայսմ վայրի ազդ առնել նոցա, քան-
զի մեկն և յայտնի կայ առաջի, զգոյշ լինել անձանց
զի մի՝ ի կամելն օգնել ունանց՝ զայլս դառնացուցանի-
ցեն : Սման զի բազում անգամ կամ այնոցիկ ստնա-
նեն, որոց չէր պարտ, կամ այնոցիկ՝ որոց չէր հարկ :
Եթէ յանգէտս, անզգուշութիւն է . եթէ գիտութե,
յանդգնութիւն : Երժան է և չքմեղութեամբ թողու-
թիւն խնդրել՝ զորս ակամայ դառնացուցեր, ըստ կարի
ցուցանելով՝ թէ ուստի հարկեցար զայդ առնել, և թէ
չէր ի քո ձեռս այլազգ առնել . բայց զփոխարէնն այլոց
գործոց և պաշտամանց պարտ է հատուցանել՝ որչափ
ինչ խանգարումն եղև :

Սանալ պէտք են յամենայնի զի մարմասցուք հա-
 ճել զամենայն ազգ մարդկան . բայց թէ ընդ խնդրով
 անկանիցին իրքդ , (Ը)Նմիստակեայ արդարեւ արժան է
 լինել նմանող . ցոր իբրեւ հարցին՝ թէ Լճդեօք առն
 բարւոյ և աղքատի ընտրէ տալ զգուստր իւր 'ի կնու-
 թիւն , եթէ մեծատան որ շատ ընտիր իցէ . ասէ , Լ ա-
 է ինձ մարդ զուրկ յընչից՝ քան ինչք զուրկ 'ի մարդոյ :
 Սակայն ապականեալ և խեղաթիւր բարք 'ի զարմա-
 ցումն հարեալ են մեծութեց . որոց առատութի զինչ
 օգտէ միոյ միոյ 'ի մէջը : (Ը)Երես օգտիցէ ստացողին .
 սակայն և ոչ այն միշտ . այլ գրեա թէ օգտիցէ . յի-
 րաւի լինի նա ընչեղ . բայց լինիցի և հանձարեղ : Լ
 պա եթէ իցէ և այր բարի , մի խափան լինիցին ինչքն
 առ 'ի նուազել զօգնութիւն մեր 'ի նմանէ . միայն
 թէ և ոչ ձեռն տայցեն յառաւելութիւն . և եղիցի ա-
 մենայն դատաստան՝ ոչ ըստ հարստութեան առն այլ
 ըստ որախտութեան : Ս երջին կանոն բարերարութեց
 և օգնականութեան ձեռին այն լինիցի՝ զի մի ինչ ընդ-
 դէմ հաւասարութեան վիճեցես 'ի դատոս , և մի ինչ
 յանիրաւի . վասն զի հիմն ամենայն գովութեան և բա-
 րեհամբաւութեան արդարութիւնն է , առանց որոյ ոչ
 ինչ մարթի գովելի լինել :

ԻԱ . Լճ քանզի ասացաւ զայնմ՝ ազգէ երախտեաց
 որ յանձն իւրաքանչիւր ակնարկէն , ժամ է այսուհետեւ
 ճառել զայլոցն որ հային առ բոլորեսին , և որ առ հա-
 սարակաց տէրութիւն : Լ յ 'ի սոցունց յայսցանէ կէս մի
 այնպիսիք են՝ որ առ համբունք քաղաքացիս պատկանին ,
 և կէս մի՝ որ առաւել հաճոյականք են , առ մի մի 'ի
 նոցանէ պատշաճին : Լ ճդ պարտ է ամենայնիւ փոյթ
 'ի մտի դնել եթէ հնար ինչ իցէ , բոլորից լինել օգտա-
 մատոյց , նա ևս ոմանց . այլ այնպէս զի գործն այն կամ
 յօգուտ իցէ , և կամ գոնէ ոչ 'ի վնաս հասարակաց տէ-
 րութեան : Լ յ . Վրակքոսի ցորենաբաշխութիւն էր յայն-
 չափս առատաձեռն , որով սպառէր զգանձն : Սպառէր
 էր Ս . Հոկտաւիսին , զիւրատար տէրութեան , և իւր
 ընտր ժողովքեան . և իւրապա փրկարար էր քաղա-
 քացեաց և տէրութեան :

Լ յ նախ պարտի արթնն լինել նա որ զմտեասու-
 թիւն յանձին ունի հասարակաց տէրութեան , զի իւ-

րաբանչիւր որ զիւրն կալցի և ոչ լիցի նուազումն ընչից առն առն 'ի պէտս հասարակաց : Վանդի ֆնասակար գտաւ Փիլիպպոս 'ի հազարապետութեան իւրում, յոր ժամ զանդաստանական օրէնս սահմանեաց . զի թէ պէտ և ինքն դիւրաւ յանձն էառ զխափանումն նորին, և յայնժամ կարի չափաւոր զանձն եցոյց, այլ յատենաբանել անդ բազում ինչ ըստ օրինի խաժամութին բարբառեցաւ, և չար ևս զայս բան . Չիք ասէ 'ի քաղաքիս երկու հազար արանց՝ որ զինչս ունիցին : Սահառիթ բարբառ, և առ հաւասարումն ընչից ասացեալ . և զինչ ակտ ժանտութեան ֆնասակարադոյն քան զայս : Օ՛ի վասն այդր իսկ տէրութիւնք հասարակաց և քաղաքք կանգնեցան առաւելապէս՝ որպէս զի այր իւրաքանչիւր զիւրն կալցի : Օ՛ի թէպէտ և առաջնորդութիւն բնութեան ժողով լինէր մարդկանն, բայց սակայն յուսով պահպանութեան ընչից իւրեանց խնդրէին զամբողջութիւնս քաղաքաց :

Եւ ևս ջանալ պարտ է, զի մի, որպէս ստեպ լինէր առ նախնեօք մերովք առ նուազութեմ զանձուն և յաւախութեան պատերազմաց, հարկ լիցի հարկապահանջութիւն . այլ զի մի այդ լինիցի, բաղմօք յառաջ պարտ է լինել նախատես : Վպա եթէ հարկ ինչ այսպիսի տրոց 'ի վերայ հասանիցէ իմիք տէրութեան, զի թէպէտ և առաւել զմերն խորհիմ, այլ ոչ զմերմէն խօսիմ՝ այլ զհամօրէն տէրութեանց, պարտ է գուն գործել զի աւանդեմքին 'ի միտ առնուցուն եթէ կեալ կամիցին՝ թէ հարկ է հնազանդիլ հարկաւորութեան :

Եւ դարձեալ տնօրէնք պետութեան պարտին ուշ ունել զի առատութիւն իցէ իրաց կարեւորաց . իսկ թէ որպիսի ունի և սովոր է լինել պատրաստութիւն՝ չէ հարկ ասել, զի ըստ պէտս է . միայն հարեանցի զայս ասել 'ի դէպ վարկայ :

Եւ որ զլուսն է յամենայն տնտեսութեան գործակալութեանց և պաշտամանց տէրութեան այն՝ զի 'ի բաց լիցի աղահաւթեանն դոյզն իսկ կասկած : Իցէ թէ, ասէր սամահացին Կ. Պրնտիոս, յայն ժամանակս զիս պահէր բախտն և յայնժամ ծնեալ էի՝ յորժամ հոռով մայեցիք սկսանէին երբէք կաշառս առնուլ . ոչ այնուհետեւ յերկար թողացուցանէի նոցա տիրել : Եւ և ոչ

դարուց բազմաց մնալ ունէր նա . զի ահա այժմ չարիքս այս զօրացան յայսմ տէրութեան : Ս ամն այն լաւ ևս եղև ըստ իս , զի Պոնտիոս յայնմ ժամանակի գտաւ , եթէ այնչափ զօրաւոր էր զօրութեամբ : Ա և են ամբ հարիւր և տասն յորմէ հետէ 'ի Ս . Պիսոպնէ օրէնք եւ դան կրկին պահանջման դրամոց . ուր ցայնվայր չէր լեալ երբէք : Ս և յետ այնորիկ այնչափ առաւելան օրէնք մի քան զմի խստագոյնք , այնչափ բազմացան յանցաւորք և յաճախեցին մահապարտք , այնչափ գրգռութիւն եւ ղև իտալական մարտից առ երկիւղի դատաստանաց , և այնչափ կեղեքումն և գերփումն ընկերաց առ 'ի չգոյէ օրինաց և դատաստանաց , մինչ զի տէրութեամբ այլոց՝ և ոչ մերով զօրութեամբ եմք հզօրացեալք :

ԻԲ . Պապն Պանտիոս զՍփրիկանոս առ ժուժկալութեանն . և զհարդ գովիցէ ոչ . այլ ևս մեծամեծք են 'ի նմա գործք : Ս ամն զի ժուժկալութեանն գովութի ոչ մարդոյն միայն է , այլ և ժամանակին : Ս մենայն դան ձուռն մակեդոնացւոց , որ էր հարուստ յոյժ , տիրացաւ Պօղոս . այնչափ ինչ կուտեայ 'ի դանձարանս դրամոց , մինչ զի միոյ սպարապետի աւարաւն դադար եղև հարկաց : Ս այց ինքն 'ի տուն իւր ոչ ինչ ած , բաց 'ի յաւերժական յիշատակէ անուան : Ս մանող հօրն գտաւ Սփրիկանոս՝ ոչ ինչ աւելի հարստացեալ յետ քանդելոյ զՍարքեզոն : Ս զինչ ևս յաւելից . միթէ գործակից նորա 'ի համարառութեան , Ս . Ս ումիոս , աւելի ինչ փարթամացաւ 'ի հիմն 'ի վեր տապալել զբազմահարուստն քաղաք : Ս աւ համարեցաւ զՍտալիա զարդարել քան զտուն իւր . թէպէտ և 'ի զարդարիլ Ստալիոյ , և տունն գլխովին թուի ինձ առաւել գեղազարդեալ :

Ս որդ դարձուցեալ զբանս ուստի խտորեցաւ , չիք մը լութիւն վատթարագոյն քան զազահութիւն . մանաւանդ յիշխանս ղեկավարս տէրութեան հասարակաց : Ս ամն զի 'ի զօջաբազութեան պէտս ունել զտէրութի ոչ միայն դժպատեհ է , այլ և ապիրատութիւն և ոճիր : Ս ինչ զի ուր Սպողոն պիւթիական պատգամ տայր՝ թէ ոչ այլով իւրե կորնչել ունի Սպարտիա , բայց ազահութեան :

Թէ, Թուի ինձ Թէ ոչ վասն **I** ալեղեմննացւոց միայն զայդ գուշակեալ իցէ, այլ և յաղագս ամենայն ազգաց փարթամաց: Իսկ ոչ այլով իւրի գիւրագոյն մարթին յինքեանս յանկուցանել զսիրտ ժողովրդեան վերակալ յուր տէրութեան հասարակաց, որպէս սակաւապէտութեամբ և ժուժկալութեամբ:

Իսկ որք բարեմարդիկ կամին լինել առ ժողովուրդն, և վասն այնորիկ կամ յանդաստանական իրս ձեռնարկեն ՚ի հանել զտեարս ՚ի կալուածոց, կամ լաւ համարին զի շնորհեսցին պարտապանաց փոխք դրամոց, այն պիտիքն զհիմունս խախտեն տէրութեան հասարակաց. և նախ զմիաբանութիւնն, որում անհնար է կալ ուր յոմանց կորզին և ոմանց շնորհին դրամք. և երկրորդ՝ զհաւասարութիւն՝ որ ՚ի սպառ կորնչի, եթէ չիցէ օրէն իւրաքանչիւր զիւրն ունել: Վասնզի որպէս ՚ի վեր անդր ասացի, այդ է սեպհական իսկութեան քաղաքի փոքուր կամ մեծի, լինել ազատ, և ոչ երկեղուկք պահպանութեան իրաց իւրաքանչիւր անձին:

(Խող զի ՚ի փնասել անդ հասարակաց տէրութեան՝ և ոչ այնմ շնորհի զոր կարծեն՝ հասանեն: Եւ ասն զի յորմէ կապտեցան ինչքն՝ Թշնամեայ, և որում տուան՝ կեղծաւորի զլիսովին՝ Թէ իւր կամեցեալ իցէ առնուլ. ևս առաւել ՚ի փոխ առեալ դրամս պատրուակէ զիւր ուրախութիւն, զի մի երևեսցի Թէ չունի կամս վճարելոյ. իսկ որ զրկեցան, և յիշէ և յանձին երևեցուցանէ զցաւ իւր: Եւ եթէ բազումք իցեն որոց չարաչար տուաւ, քան այնորիկ՝ յորոց յանիրաւի գրաւեցաւ, և ոչ այդուիկ բազմազօր ևս լինին նոքին. զի ոչ ՚ի Թուոյն պարտ է չափել, այլ Թէ որպիսիք ոմանք իցեն: Եւ զինչ այն արդարութիւն իցէ, զի զանդաստան յամաց բազմաց՝ զուցէ և ՚ի դարուց հետէ ժառանգեալ, կալցի նա որում ոչն էր, և նա որում էրն՝ կորուսցէ:

Ի Գ. Յաղագս այսգոյն անիրաւութեան մերժեցին **I** ալեղեմննացիք զ**I** իւսանդոս պարետ. և որ ոչն էր յառաջագոյն լեալ երբէք առ նոսա՝ զ**I** քիս արքայ խողխողեցին. և յայնմ ժամանակէ հետէ այնչափ երկպառակութիւնք յաճախեցին հետ զհետէ, մինչև յարեան բռնաւորք և սպառնսպուռ կորուսին զմեծամեծս, և կործան անկաւ պանծալին այն հասարակաց տէրութիւն:

Եւ ոչ նա միայն անկաւ, այլ և զմնացուածն խոնարհ տանի տւերեաց ժանտութեանցն շաղխմամբ, որ 'ի Լակեղեմոնացւոց սկիզբն առեալ՝ ընդ ամենայն կողմն ճարակեցան: Եւ զի ասեմ զնոսա. ոչ և զմեր Վրակքոս զՏիբերեայ Վրակքոսի զառն մեծի զորդիս, զԼ. փրիկանոսի թոռունա, կազք և կռիւք անդոց կորուսին:

Բայց իրաւամբք գովի Լ. քառոս սիկիոնացի, որ 'ի ժամանակին յորում զքաղաք նորա բռնաւորք ունէին զամս յիսուն, երթեալ յարգիացւոց քաղաքէ 'ի Ալիկոն, զանխուլ մոխք տիրեաց քաղաքին: Եւ յորժամ նկուն արար յանպատրաստից զԱլիկոկէս բռնակալ, դարձոյց անդրէն զվեցհարիւր արս յաքսորանաց՝ որք ճոխքն էին քաղաքին. և զարտեամբ իւրով ազատեաց զտէրութիւն հասարակաց: Լ. յԻբրեւ ետես զմեծ կնճիռն ինդրոց ընչից և ստացուածոց, քանզի զնոսա զորս ինքն դարձոյց 'ի տեղիս իւրեանց, զորոց զինչս այլք էին ժառանգեալ, մնալ 'ի չքաւորութեան կարի դժպատեհ համարէր, և զյիմնամեայ ժամանակաւ ստացուածս խախտել ոչ կարի իրաւացի դատէր, վասն զի յայնչափ ժամանակս երկարութեան բազում ժառանգութիւնք, վաճառք և օժիտք 'ի ձեռս անկեալ էին առն առն առանց անխրաւութեան, 'ի դէպ վարկաւ՝ ոչ 'ի սոցանէ կսպտել, և ոչ զնոսա որք բնիկ տեարքն էին՝ զուրկ թողուլ:

Լ. դ 'ի մոի հաստատեալ եթէ դրամոց պէտք են առ 'ի կարկատել զիրան, ասէ. Լամիմ ես յԵքեքսանդրիս երանել, և 'ի դարձին իմում իրքդ առցեն զկատարումն: Եւ յարուցեալ փութապէս գայ առ ասպրնջական իւր Պտղոմէոս, այն որ երկրորդ Թագաւոր էր յետ շինութե քաղաքին Եքեքսանդրացւոց. և իբրեւ յայտ արար նմա եթէ զհայրենիս խորհի ազատել և զպատճառան գեկոյց, դիւրաւ ընկարաւ զայս շնորհ այրն մեծ 'ի հարուստ Թագաւորէ անտի, զի ձեռնտու լիցի նմա առատ դրամովք: Եւ իբրեւ առեալ երեւ 'ի Ալիկոն, 'ի խորհուրդ կոչեաց հնգետասան իշխանա. ընդ որս հետազօտեաց զպատճառս նոցա՝ որք զօտարկին ունէին, և նոցա՝ որք զիւրեանցն էին կորուսեալ: Եւ սակարկեալ գնոց կալուածոցն, կիսոց հաւանեցոյց զի յանձն առցեն առնուլ զզրամ՝ հրաժեշտ տուեալ 'ի կալուա.

ծոց . և այլոց՝ զի հաճեացին ընդ վճարումն ինքեանց այսչափ դրամոց որչափ տեղիք իւրեանց արժէին , քան զգրաւումն անդրէն զիւրեանցն : Եւ այսպէս յանկ ելեալ իրացն՝ զօղիւ միաբանութե կապեալք անտրտունջ մեկնեցան ամենեքին :

Բարէ մեծի առնա , որում արժան էր՝ ի մերուս տէրութեան ծնանել : Եւ յսպէս անկ է վարիլ ընդ քաղաքակիցս , և ոչ՝ որպէս երկիցս տեսաք ցարգ՝ տիգաբուն հարստել ՚ի հրապարակի , և զինչս քաղաքացւոց ներքոյ արկանել մոռնետկաց ձայնի : Բայց նա այր հէլենացի ՚ի դէպ վարկաւ , (որպէս անկ իսկ է առն իմաստնոյ և պանծալոյ ,) զամենեսեան հաճել . և այդ իսկ է կատարեալ հանձար և իմաստութիւն բարի քաղաքացւոյ՝ չեղծանել զդիւրումի քաղաքակցաց , և զամենեսին ՚ի մի և ՚ի նոյն արդարութեան ունել : Եւ արդիկ ախորժէն , զի բնակեացեն անվարձ յօտարինն : Իսկ զհարգ . ես . քնեցի , շինեցի , պահեցի , ծախեցի . դու ընդդէմ ի մոցս քամաց յիման վայելեցես : Եւ զանազանից յոմանց զիւրն յափշտակել , և ոմանց զօտարինն տալ :

Եւ նոր իսկ տախտակք օրինադրութեց՝ զինչ ակնարկեցեն , բայց զի դու գետին զնեսցես իմովս դրամով , ստացիս դու զնոյն , ես ոչ ստացայց զիմ դրամն :

Ի . Եւ ասն որոյ պարտ է արթուն կալ՝ զի մի լեցի դրամ օտար մնասակար տէրութեան հասարակաց , յորմէ բազում օրինակաւ լինի զգուշանալ . և ոչ լինիցի փարթամաց կորուսանել զիւրեանցն , և պարտապանաց շահել զօտարինն : Եւ ոչ ինչ այլ քաջ պարսպեալ պահէ զհասարակաց տէրութիւն իբրեւ զհաւատարմութիւնն . իսկ այսմ անհնար է կալ երբէք՝ եթէ ոչ հարկ համարեցի հատուցումն փոխոյն առեցելոյ : Եւ երբէք այնպէս սաստիկ յուզեցաւ այս խնդիր , որպէս յիմեւն հիւպատոսութեան , զի մի լինիցի հատուցումն . զինուրդ ուղցես և ճակատուրդ չգնեցան մարդիկ յամենայն ազգէ և ՚ի վիճակէ . որոց այնպէս զգէմ կալայ , զի չարիքս այս մեծ բարձցի ՚ի տէրութենէ հասարակաց : Եւ երբէք այնչափ բազմացեալ էր դրամ օտար , և ոչ լաւ և զիւրին վճարումն երբէք եղեալ է : Եւ ասն զի ընդ կար-

1 Զօր հրատարակեցին վասն ազատ առնելոյ ՚ի պարտուց :

ձեւ յուսոյն խորելոյ, զհետ եկն հարկն վճարելոյ: ի այց
այժմուս այս յաղթող¹, որ յայնժամ յաղթեալ, զոր
խորհեալն էր կատարեաց. այլ ոչ եթէ արդ պետք ինչ
էին նմա: Իսկնչափ բերէր ՚ի մեղսասիրութիւն, զի
սոյն այս և եթ մեղանչեին հեշտալի էր նմա, թէ և ան-
պատճառ:

Իւրդ վերակացուք տէրութեան հասարակաց հեռի
լիցին յազգէ այտի առատաբաշխութեան, կիսոց տալ՝
յայլոց կորզել. և յառաջ քան զամենայն փոյթ կալցին
զի արդարութեամբ իրաւանց և դատաստանաց իւրա-
քանչիւր որ զիւրն կալցի: Ի անաւագք դաւաճանեսցին
առ նուաստութեան, և ոչ փարթամաց ստնանիցեն մա-
խանք՝ ունել զիւրեանցն կամ անդրէն զբռամբ ածել:
Իւր դարձեալ որով օրինակաւ և ձեռնհաս իցեն՝ եթէ
՚ի պատերազմի և եթէ ՚ի տան, բարգաւաճ՝ առնիցեն
զհասարակաց տէրութիւն իշխանութեամբ, ազարակօր
և հասիւք: Իսկս գործ է արանց մեծամեծաց, այս էր
յաճախեալ առ առաջնովք մերովք. և որ միանգամ
այս ազգ պատշաճից զհետ երթան, թող զօգուտն հա-
սարակաց զմեծ, չնորհս և փառս ստասցին և ինքեանք
մեծապէս:

Ի կանոնս օգտակարութեանց Ի նտիպատրոս տիւրա-
ցի ստոյիկեան, որ այն ինչ մեռաւ յԻթէնս, զերկուս
համարի ՚ի բաց թողեալ Պանետիոսի զհոգ առողջու-
թեան և դրամոյ. այլ որպէս ինձ թուի, խորհրդով
զանց արար զնորօք կատարեալ իմաստասերն, իբրև ըզ-
դիւրագունիւք: () օգտակարք են արդարև, բայց առող-
ջութիւնն դարմանի ծանօթութեամբ իւրական մար-
մնոյ, և դիտողութեամբ, որ այն իբր ընաւորեալ իցեն
օգտել կամ վնասել, և ժուժկալութիւն ՚ի կերակուրս
և ՚ի սպասս որ ՚ի պէտս դարմանոյ մարմնոյն. և անձնաւ
պահ լինելով ՚ի հեշտալեաց, և ՚ի վերայ ամենայնի ար-
հեստիւ այնոցիկ՝ որոց դիտութեան անկ են այդոքիկ:

Իսկ զառանձնական ինչս պարտ է շահել այնպէս՝
յորում չիցէ կծծութիւն. և պահպանել ինամով և
ինայովութեամբ, որովք լինի և աճումն: Իստ կարգի ճա-
ռեաց զիրացս Իսկնոսիս սոկրատեան ՚ի գիրն անդ,

1 Յուլիոս Կեսար:

որ մակագրի տնտեսական, զոր մեք յայնմ գողցես
հասակի՝ յորում դուդ այժմ գտանիս՝ ի յունէ՝ ի լա-
տին յեղաք :

ԻՅ • Ե՛յլ օգտակարացն համեմատութիւն, քանզի
այս է մասն չորրորդ՝ զորով զանց արար Պանետիոս, բա-
զում անգամ գայ ՚ի պէտս : Եւ ամն զի սովորութիւն է
համեմատել զմարմնոյ դիւրութիւնս ընդ արտաքինս,
և զարտաքինս ընդ մարմնոյսն. և դարձեալ զմարմնոյս
ընդ մարմնոյսն, և զարտաքինս ընդ արտաքնոցն : Ինդ
արտաքնոցն մարմնոյքն բաղդատին օրինակ զայս • Եւ զ
լինել կամիս եթէ ճոխ : Ինդ մարմնոյսն արտաքինքն
այսգոյն • Շոխ լինել ընտրեն եթէ ուժեղ : Եւ արմնոյքն
ընդ միմեանս այսպէս • Եւ ջողջութիւնն նախապատօի
է քան զհեշտութիւնս՝ և զօրութիւնն քան զարնգըն
թացութիւն : Եւ արտաքինքն ընդ իրեարս՝ զոր օրի-
նակ • Եւ են փառք քան զմեծութիւնս, և քաղաքական
հասք քան զգեղջկականս :

Յայս ազգ բաղդատութեան հայի բանն այն լատով-
նի առաջնոյ • որ իբրև հարցաւ՝ թէ Ո՞ր լաւ իցէ յառ-
տինն ինչս, ետ պատասխանի • Հարուստ խաշնադարման
լինել : Եւ զինչ զկնի նորա երկրորդ • ասէ • Բարեկե-
ցիկ խաշնադարման լինել : Եւ զինչ երրորդ • Եւ քա-
տիկ խաշնադարման լինել : Եւ զինչ չորրորդ • Եւ քորա
դիր լինել : Եւ յորժամ հարցօղն ասաց, Օ՞րնչ ապա
վաշխառուն լինել, յայնժամ լատովն • Օ՞րնչ ապա ա-
սէ, մարդաստան լինել : Եւ տի յայսմանէ և յայլ ևս
բազմաց պարտ է իմաստասիրել՝ թէ օրէն է բաղդա-
տութի առնել ՚ի մէջ երկուց օգտակարաց, և թէ իրա-
ւամբք յաւելաւ ՚ի մէջ ՚ի խնդիրս՝ այս չորրորդ ազգ
պատշաճից :

Ե՛յլ յաղագս բովանդակ այդր խնդրոյ, վասն շահե-
լոյ և ՚ի շահու զդրամն դնելոյ, որպէս և ՚ի կիր արկա-
նելոյ լաւ ևս ճառեն ոմանք ՚ի լաւ որերոյ՝ որ նստին ՚ի մի
ջալայրս Յանոսի՝ քան եթէ ՚ի փիլիսոփայից որ ՚ի դրպ-
րատան ուրեք : Եւ այց սակայն գիտելոյ արժանի են, քան
զի պատշաճին առ օգտակարութիւն, զորմէ յայս գիրս
ճառեցաւ : Եւ ցցուք ՚ի մնացորդս բանից :

1 Ի միջավայր հրապարակին էր պարտազանք և վաշխառութիւն :
տաճար Յանոսի, ուր ժողովէին

ՄԱՐԿՈՍԻ ՏՈՒՂԱԴՌՈՍԻ

Կ Ի Կ Ե Ր ՈՆ Ի

ՅԼԳԼԳՍ ՊԸՏՇԼՈՒՑ

ԱՌ ՄԱՐԿՈՍ ՈՐԴԻ ԻԻՐ



ԳԻՐԿԻ ԵՐՐՈՐԴ

Ա. ՊՈԲՂՈՍ Սկիպիոն, Սարկոս որդեակ, այն որ նախ ընկալաւ զԱ' փրիկեցին անուն, սովոր էր ասել ըստ զրելոյ Կատոմիւի գոգ ժամանակակցի . Ոչ երբէք այնպէս եղէ անպարսպ, որպէս յորժամ պարապեալ գտայ 'ի հանդարտութեան . և իչ այնպէս հեռի 'ի միայնութենէ, որպէս յորժամ միայնացեալ նստէի : Երգարե մեծավայելուչ բարբառ, և մեծի առն և իմաստնոյ արժանաւոր . որ է յայտարար՝ թէ նա սովոր էր և 'ի հանդարտութեան խորհել զգործոց գործելեաց, և յառանձնութեանն անձամբ անձին լինել խօսակից . մինչև չտալ դուլ և դադար անձին, և չկարօտել երբէք լինել խօսակից ընդ այլոմ : Եւ այսպէս երկուք այնքիկ, որք ձանձրոյթ ծնանին այլոց, զարթուցիւք էին նորա . պարապորդութիւն և առանձնութիւն : Եղէ թէ և մեզ օրէն լինէր զնոյն երկրորդել ստուգութեամբ . բայց թէ վերջանամք նմանող լինել հասանել յայդ գերապանծ ուշիմութիւն, այլ յօժարութեամբ մերձազոյնս մատչիմք : Վանգի և 'ի հասարակաց տէրութենէ և յատենական զբաղանաց, անօրէն զինուք և

բռնութեամբ արգելեալք՝ հանդարտութեան պարապեմք . և 'ի պատճառս այդարիկ թողեալ զքաղաք և 'ի գիւղս յածեալ՝ բազում այն է զի միայնացեալ գլտանիմք :

Եւ ոչ հանդարտութիւն մեր այս ընդ Բփրիկեցւոյն հանդարտութեան , և ոչ միայնութիւնս ընդ նորայումն 'ի բաղդաստութիւն ածիցի երբէք : Բանգի նա 'ի հանգիստ բերեալ , 'ի մեծապատիւ գործակալութեանց տէրութեան հասարակաց՝ պարապ առնոյր առ ժամանակ մի , և յամբոխէ մարդկան և 'ի խուռն խութելոյն իբրեւ 'ի նաւահանգիստ զանձն պատսպարէր 'ի միայնութիւն առ ժամն : Եւ մերս հանդարտութիւն առ 'ի չգոյէ գործոց՝ և ոչ 'ի փութոյ հանգստեան պատրաստեցաւ : Եւ ան զի յետ ծերակուտին շիջանելոյ և ատենի դատաստանաց բնաբարձ լինելոյ , զինչ վայելչական մեզ մարութասցուք առնել կամ 'ի զրան , կամ 'ի հրապարակ ատենի :

Եւ այսպէս՝ որ երբեմն մեծաշուք և նազելի յաջս քաղաքակցաց կեանս կէպք , արդ փախուցեալք 'ի տեսութենէ չարագործաց՝ որովք լի են վայրք ամենայն , թաքուցաք զանձինս ըստ կարի , և բազում այն է զի միայնիկ նստիմք : Եւ քանզի այսպէս ընկալաք յառանց գիտնաւորաց՝ թէ ոչ միայն 'ի չարեաց զփոքրագոյնս ընտրել պարտ է , այլ և 'ի չարէ անտի քաղել՝ եթէ կայցէ մասն բարւոյ , սորին ազազաւ և 'ի հանդարտութեան վայելեմ , թէպէտ և ոչ յայնմ՝ որ պարսն էր առն որ երբեմն հանդարտութիւն ծնաւ քաղաքին . և ոչ թողացուցանեմ անգործ զմիայնութիւնս զայս՝ յոր բերեալ եմ 'ի հարկէ և ոչ կամօք :

Եւ իայն թէ Բփրիկեցին և ըստ իմոց իսկ կարծեաց առաւել գովելի գտանէր . զի չիք նորա յեշատակ ինչ ուշիմութեան գրաւոր , և ոչ գործ ինչ պտուղ հանդարտութեան , և ոչ արգասիք միայնութեան . յորմէ պարտ է 'ի միտ առնուլ՝ թէ նա զմնութեամբ իրացն զորս մտածութեամբ գտանէր , ոչ պարապորդ և ոչ միայնիկ գտաւ երբէք : Եւ մեր՝ որ ոչ այնպիսի ունիմք զօրութիւն զի լոիկ մտածութեամբ զերծ լիցուք 'ի միայնութենէ , զամենայն իոյթ և զջան դարձուցաք յերկասիրութիւն գրութեանս . մինչ զի յօլովագոյնս

ի սուղ ժամանակի գրեցաք՝ յետ բարձման տէրութեան հասարակաց , քան ՚ի բազում ամս ՚ի կալ մնալ նորա :

Բ. ԼՆԼ զոր օրինակ բովանդակ իմաստասիրութիւն , Լիկերոնդ իմ , է արդիւնաբար և պողաբեր , և ճշ մի կողմն նորա է խոսքան և ամայի , սոյն օրինակ չիք և ոչ մի մասն ՚ի նմա այնչափ բերրի և արգաւանդ , որպէս անդամօր յորում յաղագս պատշաճից . յորոց առեալ լի . նին կանոնք զգծն և համեստ կենաց : Սորին վասն թէպէտ և վստահ եմ՝ թէ դու հանապազորդ ըես և ընդունիս զայսոսիկ ՚ի Լրատիպպոսէդ մերմէ՝ յիմաստասիրապետէ , բայց յօգուտ լինել համարիմ , զի այսպիսի ձայնք յամենայն կողմանց հնչեցեն շուրջանակի յա-կանջս քո . և եթէ հնար ինչ է՝ ոչ ինչ այլ լուիցեն քո լսելիք : Օ որ որպէս ամենեցուն արժան է առնել որ մի անգամ մտանել խորհին ՚ի համեստութեան վարս , նոյնպէս և չունիմ ասել՝ եթէ ումեք աւելի արժան իցէ քան քեզ : Բանդի յանձին բերես ակնկալութիւն ոչ սակաւ նմանող լինելոյ մերումն ճարտարութեան և մեծ պատուոյ և բարձի , և մեծի արդարեւ անուան : Բստանձնեալ ունիս և ևս զբեռն ծանր եթէ զ՝ թէն քաղաքի և եթէ զԼրատիպպոսի . և զի առ սոսա ընթա-ցար իբրեւ ՚ի Թանգարան վաճառաց սօգնիւ արհեստից , Թափուր յետս դառնալ յոյժ է անտեղի , որ անպատիւ առնէ զյարգ անուան և քաղաքիդ և վարդապետիդ : Ս ամս որոյ ծրչափ և կարող ես ժրաջան լինել ՚ի սրտէ և ճգնել աշխատութեամբ , (եթէ իցէ աշխատութիւն ուսումն . և ոչ հեշտութիւն ,) արա զի ժամանե-ցես ՚ի կատարելութիւն . և զի ամենայն ՚ի մեր կող-մանն ՚ի քո սակս տնտեսեցաւ , մի թողուցուս երևել դու քեզէն պակասեալ : ԼՆԼ այսգրիկ այսքան . զի բա-զում ինչ բազում անգամ գրեցի քեզ ՚ի յորգոր : ԼՆԺմ ՚ի մնացուածոյ մասն նախակարգեալ բաժանմանս եկեա-ցուք :

ԼՐԳ Պանետիոս , որ առանց ընդ բանս ինչ ածելոյ անվրէպ ճառեաց զպատշաճից , որում և մեք առաւե-լապէս՝ յաւելուածով իմն ուղղագրութեան զհետ չո-գաք , առաջի արարեալ գերիս տեսակս յորս բնաւո-րեալ են մարդիկ խորհել և խելամուտ լինել յաղագս պատշաճից , առաջին յերկուանալ անդ թէ արդեօք

Համեստ իցէ այն զորմէ է բանն, եթէ անարդ. երկրորդ՝ օգտակար իցէ եթէ անօգուտ. երրորդ՝ Համեստ երևեալն եթէ հակառակ ելանիցէ օգտակար թուեցելոյն, որով օրինակաւ պարտ իցէ որոշումն առնել նոցա. զերկոսին զառաջին տեսակս յերիս գիրս բացադրեաց. իսկ զերրորդէն ասէ գրել զինի. բայց ոչ կատարեաց՝ զոր խոստացան: Ինչ որ այնչափ առաւել զարմանամ, որչափ զի գրէ աշակերտ նորա Պոսիդոնիոս՝ թէ երեսուն ամ եկեաց Պանետիոս յետ ՚ի լոյս հանելոյ զայն գիրս: Եւ զարմանամ, զի զայս տեղի, ինքն Պոսիդոնիոս կարծ՝ ի կարճոյ նշանակէ ՚ի յիշատակարանս ուրեք. մանաւանդ զի գրեթէ չիք մասն այլ ՚ի բովանդակ փիլիսոփայութեան այսչափ հարկաւոր:

Եւ չեմ հաւան ընդ նոսա որք ժխտեն եթէ Պանետիոս զանց արարեալ իցէ զայնու մասամբն, այլ համարին խորհրդով ՚ի բաց թողեալ, զի և ոչ իսկ բնաւ մարթ երգրել. քանզի ոչ երբեք կարն ասեն օգտակարն հակառակ ելանել համեստի: Երրոց յետինն մարթի անկանել ընդ երկբայութեամբ՝ թէ արժան իցէ արդեօք յառաջ բերել զայդ տեսակ՝ որ երրորդ է ՚ի բաժանմանն Պանետիոսի, եթէ ՚ի սպառ զանց առնել. իսկ առաջինն է աներկբայելի թէ Պանետիոս յանձին կալաւ գրել, բայց եթող: Օ ի որ յեռամանեայ բաժանմանէ անտի զերկուս կատարեաց մասունս, հարկաւ կայր մնայր նմա երրորդն: Ի՞նչ զի ՚ի կատարած երրորդի գրոյն խոստաւ նայ ասել այնուհետև զերրորդ մասնէ աստի:

Եւ կայէ այսմ ճոխագոյն և Պոսիդոնիոս, որ յաւելու գրել ՚ի նամակի ուրեք թէ Պ. Հռուտիզիոս Հռուփոս՝ որ աշակերտեալն էր առ ոսոս Պանետիոսի, սովոր էր ասել. Օ որ օրինակ ոչ դժտաւ ՚ի պատկերահանից որ զառ ՚ի ՚Կլեգեսէ սկսեալ և թողեալ զմասն զայն ՚Քրոդիտեայ կովացոյ՝ աւարտեսցէ, վասն զի գեղեցկութիւն բերանոյն անյոյս առնէր զնոսա ՚ի նմանեցուցանել զմնացեալ մարմինն, ըստ նմին օրինակի զոր միման զամ Պանետիոս զանց արար և ոչ կատարեաց, ոչ դժ յառաջ տարաւ, առ գերապանծութեան կատարելոցն ՚ի նմանէ:

Գ. Եայս սակս անմարթ է երկբայելի ՚ի վերայ մտաց Պանետիոսի. այլ թէ իրաւամբք արդեօք մերձ եղ զեր-

ըորդ զայս մասն 'ի խնդիր պատշաճից եթէ ոչ, զայդ մանկ թերևս մարթի վէճ լինել: Ասան զի եթէ համեստն միայն իցէ բարի, որպէս հաճոյ թուի սոյդիկեանց. և եթէ այնպէս ծայրագոյն բարի իցէ համեստն, մինչ զի՝ որպէս կարծեն մերքն ճեմականք՝ այլ ամենայն ինչ 'ի միւս կողմն եղեալ և ոչ մէտ մի համարեալ է, ոչ մնայ տարակոյս՝ թէ ոչ երբէք մարթին հակառակել իրերաց օգտակարն և համեստն: Այս ըստ այսմ լսեմք՝ թէ սովոր էր Առկրատէս գաբչիլ 'ի նոցունց՝ որք զառաջինն երկիւնդկեցին կարծեօք զայսոսիկ 'ի բնէ զօղեալս: Արուսայնպէս ձայնակից են Ասոյիկեանք, մինչ և դնել թէ որ ինչ է համեստ նոյն և օգտակար, և չիք ինչ օգտակար որ չիցէ համեստ:

Օ ի թէ այնպիսի որ լինէր Ամնետիոս, որ զառաքինութիւնն յայն սակս ասէր պատուական՝ վասն զի է օգտաւէտ, որպէս այնորիկ որ զցանկալիս չափեն կամ 'ի հետուութենէ կամ յանցաւութենէ, 'ի դէպ էր նման ասել թէ օգտակարութիւնն հակառակ երբեմն ելանէ համեստութեան: Այլ քանզի սա զայն միայն բարի վարկանի՝ որ համեստն իցէ. և որք սմին ընդդէմ ելանեն կերպարանօք իւրք օգտակարութեան, ոչ յաւելուածով նոցա համարի լաւագոյն կենաց հանդիպեալ, ոչ պակասելովն՝ վատթարագանի, ապա և չէր նման պարտ զայնպիսի մտածութիւն 'ի ներքս մտածանել, յորում 'ի բաղդատութիւն ամօցի գրեալն օգտակար ընդ համեստի:

Քանզի վերաձայնեալն 'ի Ասոյիկեանց շայրագոյն բարի ըստ պատշաճի կեալ բնութեան, ինձ թուի՝ զայս ընծայեցուցանել միտս. միաձայնիլ ընդ առաքինութեան միշտ. իսկ զայլ ինչ իրս՝ որ ըստ բնութեան իցեն, այնպէս ընտրել առնուլ զի ոչ հակառակ ելցեն առաքինութեան: Այս զի այս պայտէս է՝ ասեն ոմանք, ապա ոչ ուղիղ 'ի վերայ ամի բաղդատութիւնդ այդ, և ոչ օրէն ինչ է զայս ազգ կանոնս աւանդել: Այս համեստն այն տիրապէս և ստուգապէս տնտեսեալ, յիմաստունս է և եթ, և ոչ երբէք մարթ է գատանել զայն յառաքինութենէ. իսկ յորս իմաստութիւն չէ կատարեալ, չէ և. չէ 'ի նոսա և կատարեալ համեստութիւն. միայն պատկեր իմն կարէ լինել համեստութեան: Այս պայտէս զայս ամենայն պատշաճ գործս զորոց 'ի

մնատենի աստ ճառեմք, Ստոյիկեանք Սիջասահմանաձայնեն, զի են հասարակք և յայտնիք. որոց և քաջութիւնութեամբ և ուսմամբ հասու լինին բազումք: Դակ պատշաճն այն զոր և նոքա Սղղութիւն կոչեն, կատարեալ է և լրացեալ. և որպէս նոքա ասեն, ամենայնս թուովք բոլորեալ է. և ոչ ումեք երբեք անկ՝ բայց միայն իմաստնոյ:

Եւ յորժամ գործի ինչ յորում երևեսցին միջասահման պատշաճութիւնք, այդ առաւելութեամբ առաջ երեւի կատարեալ. քանզի ռամիկն գրեթէ չիմանայ՝ որով պակասի առ կատարեալն. և որչափ ինչ իմանայ, այնու ոչ ինչ պակաս լինել կարծէ: Եւ յոր և ի բերթուածս և ի նկարս հանդիպի, և յայլ ինչ բազում. զի տգէտք զմայլին և գովեն զոչն գովելիս, թուի ինձ վասն այն, զի գտանի յայնոսիկ ինչ մի լաւ, որ զօշոտէ զաչս տխմարաց, որք անկարողք են դատել զպակասութեանց յիրս իւրաքանչիւր. այլ յորժամ ուսանին ի գիտնոց, դիւրաւ ի բաց կան ի կարծեաց անտի:

Եւ ահա զպատշաճս, զորոց խօսիմք ի գիրս յայնոսիկ, իբրու երկրորդական իմն համեստս ասեն լինել՝ ոչ իմաստնոց և եթ սեւչական, այլ համօրէն ազգի մարդկան յանկաւոր. մինչ զի ամենեքին յորս իցէ բնաււորութիւն առաքինութեան, շարժին սղբիմք: Եւ ոչ իսկ՝ յորժամ երկու՝ Վեկոսք, կամ երկու Սկեպիոնք, արք քաջք յիշատակին, կամ յորժամ Փաբրիկիոս և Երիստիդէս արդարք անուանին, և օրինակ ի մէջ բերի կամ արիութեան ի նոցանէ, կամ արդարութեան ի նոցանէ՝ իբրեւ յիմաստնոց: Օր ոչ որ ի նոցանէ է իմաստուն այնպէս, որպէս կամք են մեզ իմանալ զիմաստունն: Եւ ոչ նոքին գլխովին որք կարծեալ և անուանեալ իմաստունքն էին, Ս. Սատովն, և Ս. Ելիոս, իմաստունք գտան. ոչ և նոքին իսկ եթմանք՝. այլ ի յաճախութենէ անտի միջասահման պատշաճիցն, յանձին բերէին զպատկեր իմն և զկերպարանս իմաստնոց:

Ս ասն այնորիկ ոչ զայն ինչ որ ճմարտապէս համեստն իցէ, օրէն է ի բաղգատութիւն ածել ընդ դի-

1 Եթն իմաստասէրք Յունաստանի:

մամարտութեան օգտակարին . և ոչ զայն զոր ընդհանրապէս համեստ կոչեմք , այն իսկ է զոր յարգեն որք միանգամ կամին այր բարի երևել , արժան է 'ի բաղդատութիւն բերել երբէք ընդ շահակտութեան : Առորպէս մեզ պարտ է հոգալ և պահել զհամեստն զայն որում հասու լինիմք , նոյնպէս և իմաստնոց զայն՝ որ տիրապէս ասի և է ստուգապէս համեստ : Օ ի չէ մարթայլ աղգ կալ 'ի նմին՝ եթէ լեալ իցէ յառաջագիմութիւն ինչ յառաքինութեան : Արդ այսօրիկ յաղագս նոցա՝ որք պահպանութիւն պատշաճից արք բարիք ճանաչին :

Իսկ որ միանգամ զամենայն ինչ շահատացութեամբ և անձնդիւրութեամբ չտիեն , այլ ոչ կամին ծանրաւելիւ դնել զսոսին քան զհամեստութիւն , այնպիսիքն սովոր են 'ի մտածութեան 'ի բաղդատութիւն դնել զհամեստն ընդ օգտակարին . բայց արք բարիք ոչ բնաւ ընցան զայդ առնել : Աման որոյ ինձ այսպէս թուի , թէ Պանետիոս յասել անդ՝ եթէ սովոր են մարդիկ երկուսնալ յայդմ բաղդատութեան , յայն միտս էր որպէս թէ ասել . սովոր են միայն , բայց ոչ եթէ պարտին առնել : Աման զի ոչ միայն առաւել համարել զօգտակարն քան զհամեստն՝ անտեղի է յոյժ , այլ և բաղդատելն զլիսովին զայստիկ և երկմտել յայնս : Օ իմրդ ապա երբեմն տարակոյս 'ի մէջ բերել սովորեալ էր , որ և արժանի թուէր դնութեան : Ինձ այսպէս թուի , որպէս 'ի լինել երկմտութեան երբեմն , եթէ որպիսի ինչ իցէ այն՝ զորմէ կամիցիմքն խորհել :

Աման զի յաճախ ժամանակաւ դէպ լինի՝ զի որ յառաջն դժպատեհ բազմաց թուէր , չլինի դժպատեհ : Ղիցուք մերձ զօրինակն որով յայտնադոյնս ծանկոյցի : Օ ինչ այլ ապիրատութիւն մարթի լինել մեծագոյն՝ որպէս սպանանել զոր 'ի մարդկանէ , ևս առաւել ընտաւնի զոր : Արդ միթէ ապիրատ գտաւ , եթէ որ սպանող եղև բռնաւորի , թէպէտ և ընտանոց : Այսպէս թուի ժողովրդեանն հոլովմայ , որ օրինակաւ երևելի երևելի գործոց քաջութեան կարի իսկ վայելչական զիրսդ գրէ : Յաղթեաց ուրեմն համեստութեան օգտակարութիւնն . մանաւանդ թէ համեստութիւնն հետևորդ գտաւ օգտակարութեան :

Արդ առ 'ի կարող լինելոյ անմղար դատաստան առ

նեւ, ուր ուրեք հակառակել երևեսցի անուանեալն 'ի մէնջ օգտակար ընդ այնմ զոր համեստ դատիմք, պարտ է սահմանել կանոն ինչ՝ որում եթէ զհետ զնասցուք 'ի բաղդատութեան իրացս, ոչ խոտորեսցուք երբէք 'ի պատշաճից :

Եւ եղիցի կանոնդ այդ առաւել միաբան ընդ բանի և ընդ վարդապետութե Ստոյիկեանց. որում յայն սակս հետեւող լինիմք 'ի մատենի աստ, զի թէպէտ և ըստ հին ակադեմեանց և ըստ մերոցս ճեմականաց՝ որ երբեմն նոյն էին ընդ ակադեմեանս, համեստքն նախապատիւ համարեալ լինին քան զերևեալն օգտակարս, բայց յստակագոյն ևս ճառեն զիրացդ նոքա՝ որոց առաջի որ համեստն է՝ նոյն և օգտակար համարեալ է, և որ չիցէ համեստ՝ այն և ոչ օգտակար, քան զնոսա ըստ որոց է համեստ ինչ անօգուտ, կամ օգտակար ինչ անհամեստ : Եւ մեզ մերս ճեմարան համարձակութի տայ մեծ՝ զի որ ինչ առաւել հաւանելի ընդ առաջ ելանէ, օրէն իցէ մեզ անձնիշխանաբար ջատագովել : Եւ 'ի կանոն անդր եկից :

Եւ Բրդ յափշտակել ինչ յուսեքէ, և առն եղբօր իւրոյ մնասու զիւր օգուտն յաճախել, առաւել հակառակ է բնութեան քան դմահ, քան զաղքատութիւն, կամ զցաւ և կամ այլ որ ինչ միանգամարկածք մարմնոյ կամ արտաքին իրաց. վասն զի անդէն բառնայ զկենսակցութիւն մարդկային և զընկերութիւն : Սիս եթէ յայն միտս իցեմք հաստատեալ եթէ առ իւրոյ օգտի այր իւրաքանչիւր կողոպտեսցէ կամ յապականութիւն դիցէ զայլ որ, հարկաւ քակտի այն որ առաւել է ըստ բնութեան, այս է ընկերութիւն մարդկային ազգի :

Սոր օրինակ եթէ իւրաքանչիւր որ յանդամոց յայն խորհուրդ մտաբերէր, կարծեալ կարել զօրանալ եթէ զմտակայ անդամոյն զառողջութիւն յինքն փոխանցեսցէ, հարկ լինէր որջոյն իսկ մարմնոյ տկարանալ և կորնել. սոյնպէս եթէ իւրաքանչիւր որ 'ի մէնջ յինքն յափշտակեսցէ զայլոց դիւրութիւնս՝ կորզեալ զոր ինչ և կարէ 'ի միոյ միոյ առ իւրոյ շահասիրութեան, հարկ է հիմն 'ի վեր տապալել ընկերութեան և միաբանութեան մարդկան : Վասնզի այն զի իւրաքանչիւր որ առաւել յօժարեսցի անձին՝ քան այլում շահել զպէտս

կենցաղոյս, այդ ներեալ է, և ոչ հակառակ բնութեան. բայց ոչ տանի բնութիւնն զայդ, զի այլոցն աւարօք յաճախեսցուք մեզ զգոյս, զիշխանութիւնս և զհարստութիւնս :

Եւ այս ոչ եթէ 'ի բնութենէ եւթ, այս է յիրականաց ազգաց, այլ և յօրէնս ժողովրդոց որ 'ի տէրութիւն քաղաքի քաղաքի բովանդակեալ այսպէս կարգեալ է, ոչ լինել օրէն առ անձին դիւրութեան փնասել այլում: Վանդի յայս ակնարկեն օրէնք, և զսոյն կամին. անփնաս մնալ միաբանութեան քաղաքակցաց. զորոյ զքակտիչն մահուամբ և պքսորանօք, կապանօք և տուգանօք սանձահարեցեն: Եւս առաւել զգոյն պահանջէ նոյն ինքն սահման բնութեան, որ է օրէնք աւտուածայլին և մարդկային. և որ միանգամ հնազանդ լինել այնմ կամիցի, որպէս և հնազանդին իսկ՝ որ ըստ բնութեան կամին կեալ, ոչ երբէք յօժարեացի ցանկալ օտարին իմիք, և զառ 'ի յայլոց յափշտակեալն՝ իւրացուցանել:

Եւս զի յաւէտ ըստ բնութեան է մեծանձնութիւն և վսեմութիւն. որպէս և բարեբարոյութիւն, արդարութիւն, առատաձեռնութիւն՝ քան եթէ փափկութիւն, կեանք և ճիւղութիւն. զորս արհամարհել և յօժնչ համարել առ համեմատութեամբ հասարակաց օգտի՝ գործ է մեծանձն և վսեմ ոգւոյ: Իսկ յափշտակել զայլոցն 'ի պէտս անձնդիւրութեան՝ առաւել ընդդէմ է բնութեան քան զմահ, քան զցաւ, և զորս 'ի նոցին սակի են:

Եւս արձեալ առաւել ըստ բնութեան է, յաղագս հաւմօրէն ազգաց պահպանութեան կամ ձեռնտուութեան՝ եթէ մարթ իցէ՝ յանձն առնուլ մեծամեծ աշխատութիւնս և վիշտս, նմանող լինելով այնմ՝ զոր մարդկանն քարծիք առ յիշատակէ երախտեաց 'ի հոյս դասեցոյց երկնաւորաց, քան եթէ կեալ յառանձնութեան՝ ոչ անվիշտ միայն, այլ և 'ի մեծամեծ գրգանս փափկութեան, յորդեալ ամենայն լիութեամբ առատութեան. մինչև գերապանծ լինել և գեղով և ուժով: Սորին աղագաւ ամենայն մտացի և գերահանձար կարի յոյժ նախապատիւ առնէ զայն կեանս քան զայս: Աւտի յայտ է՝ եթէ մարդ հնազանդ բնութեմ մարդոյ փնասել ոչ ունի:

Եւ դարձեալ, որ այլում ստնանէ առ 'ի դիւրել անձին, կամ ոչ համարի գործել ինչ ընդդէմ բնութեան, և կամ առաւել չար համարի զմահ, զաղքատութիւն, զցաւ, որպէս և զկորուստ զաւակաց, մերձաւորաց և բարեկամաց, քան զանիրաւելն առ ոք: Եւ թէ չհամարի ընդդէմ բնութեան ինչ լինել զայլոց ստնանելն, զի է քեզ վիճել բնաւ ընդ նմա, որ 'ի սպառ բառնայ զմարդ 'ի մարդոյ. ապա եթէ գիտէ զի չար է այդ, բայց առաւել չարագոյն այլքն, այսինքն մահ, աղքատութիւն և ցաւ, մոլորի յայլմ: զի կարծէ զպակասութիւն ինչ մարմնոյ կամ ընչից՝ ծանրագոյն քան զհոգւոյ պակասութիւնս:

2. Եւ մի նպատակ պարտի լինել ամենեցուն. նոյն համարել զօգուտ անձին իւրաքանչիւր և զըտորեցուն. զոր 'ի յափշտակել յինքն առն իւրաքանչիւր՝ քակտի առ մենայն մարդկային միաբանութիւն: Եւ թէ թողից զայն, զի եթէ այս պատուէր է բնութեան, զի մարդ մարդոյ՝ ո՞րք և իցէ, վասն այսր իսկ պատճառի զի մարդ է՝ ըզբարին կամիցի, ապա ըստ նոյն բնութե օրինի՝ օգուտն ամենեցուն հարկ է զի լինիցի հասարակաց: Եւ եթէ այդ այդպէս է, ընդ մի և նոյն օրինօք բնութե փակեալ կամք ամենեքեան. և եթէ այս ևս այսպէս է, ապա և յօրինաց բնութեան արգելեալ է մեզ մնասել այլում: Եւ չձմարիտ է առաջինն, ապա և վերջինն:

Եւ նոյնի է ասելն ումանց, եթէ 'ի ծնողէ իւրմէ կամ յեղբօրէ չէ արժան ումեք գերփել ինչ առ իւրոյ դիւրութեան. բայց այլ ինչ այն իցէ մնացելոց քաղաքակցաց: Եւ յսպիսիք ոչ ինչ իրաւունս և ոչ ինչ ընկերութիւն լինել համարին ընդ քաղաքակիցս յօգուտ հասարակաց: Իսկ այդ կարծիք քայքայէ զամենայն ընկերութիւն քաղաքական: Եւ որ ասենն, թէ պարտ է ակն ածել քաղաքակցաց, այլ օտարաց ոչ, այնսիսիքն քակտեն զհասարակաց ընկերութիւն մարդկային ազգի. զոր 'ի բաց տարեալ, արմատաքի քանցի բարերարութի, առատաձեռնութիւն, բարութիւն և արդարութիւն: Իսկ որք զայդոսիկ բառնան, նա և ընդդէմ աստուածոց անմահից ամբարշտեալք համարեսցին, զի զառ 'ի նոցանէ սահմանեալ 'ի մարդիկ զընկերութիւնն տապալեն. ուր այդր ընկերութեան անխզելի կապ է, և առաւել

ընդդէմ է բնութեան՝ փնասել մարդոյ առ մարդ առ իւրոյ շահու, քան զկրեւն ամենայն փնասուց՝ եթէ արտաքնոց, եթէ մարմնոյ և եթէ անձին իսկ գլխովին ընդդէմ արդարութեան։ Վանգի այս մի միայն առաքինութիւն է տիրուհի և դէսոյ առաքինութեանց ամենայնի։

Իսկ երբ եթերեւ . իսկ արդ յորժամ նեղեացի իմաստունն ի սովէ, ոչ բառնայցէ զկերակուր առն այլոյ որ առ ոչ ինչ պիտանացու։ Եւ ոչ բնաւ երբէք . զի չէ ինձ կենանք իմ առաւել պիտանի՝ քան զայն զգացումն հոգւոյս թէ մի լիցի ինձ անիրաւել յոր առ դիւրեւոյ անձին։ Իսկ արդ զերբ . եթէ այր որ բարի կարող իցէ մերկացուցանել ի զգեստուց զՍաղարիս զդժնդակ բռնաւորն և զանագորոյն, զի մի ինքն պաղեսցի ի ցրտոյ, չիցէ՝ ի դէպ։

Վիւրին է յոյժ իրացդ ընտրութի։ Եւ եթէ ի մարդոյ անտի որ ոչ իւրք է օգտակար՝ ի քո օգտի սակս կորզեսցես ինչ, գործ անմարդի գործես և հակառակ օրինաց բնուէ։ Իսկ եթէ այնպիսի որ իցես դու, որ եթէ կենդանի մնայցես՝ կարող ես օգուտ շատ առնել հասարակաց տէրութե և միաբանութե մարդկան, ի կորզել անդ քո ինչ յայլմէ՝ ոչ ես ընդ ստգտանօք։ Իսկ եթէ այլ ազգ ինչ իցէ, առաւել պարտ է անցնիւր առն իւրոց վշտաց տանել՝ քան յայլոցն դիւրութենէ խորել։ Վանգի չէ առաւել հակառակ բնութեան հիւանդութիւն կամ չքաւորութիւն և կամ այլ ինչ յայտպիտեսաց աստի՝ քան զկողոպտելն կամ զցանկանալ ընչից օտարին։

Եւ թողու լբանել զօգուտն հասարակաց՝ հակառակ է բնութեան, և է անիրաւ։ Եւ որ նոյն ինքն օրէնք բնութե՝ որ զօգուտ մարդկան պահեն և պահպանեն, անշուշտ սահմանեն զի յանպիտան և յանօգուտ առնէ փոխանցեսցին պէտք կենաց առ այր իմաստուն, բարի և քաջ . յորոյ ի մեռանելն մեծապէս ստնանի օգտութի հասարակաց։ Եւ իայն թէ զգուշացի մի գուցէ լաւ զանձն վարկուցեալ և յանձնսսիրութե բերեալ, զայդ պատճառ ի ձեռս առնուցու յանիրաւել։ Եւ յսու օրինակաւ միշտ պատշաճից լիցի գործօնեայ, զօգուտն խորհելով մարդկան, և զոր ստէպ երկրորդեմ՝ ընկերութե մարդոյն։

Իսկ վասն Փաղարիսի բանից, դիւրին է յոյժ լուծումն : Օ՛ր չկայ ինչ մեր ընկերութիւն ընդ բռնաւորի, այլ մանաւանդ ծայրագոյն անջրպետութիւն : Եւ չէ իսկ հակառակ բնութեան կողոպտել զնա, եթէ կարող իցես, զոր խողխողէն է համեստ. և զայդպիսի ամենազան ժանտաժուտ անօրէնն պարտ է կարճել 'ի մարդկան միաբանութենէ :

Բանդի զոր օրինակ անդամք ինչ 'ի բաց հատանին եթէ սկսեալ իցեն անարիւն և անհոգի գլխովին երևել և փնասել այլոց մասանց մարմնոյն, սոյնպէս և զայսպիսի մարդակերպարան զազանութիւն և զզազանամիտ դժբն դակութիւնս որոշել պարտ է իբրեւ 'ի հասարակաց մարմնոյ մարդկութեան : Եւ այսմ ազգէ են և այն ամենայն ինդիրք՝ որ յաղազս պատշաճից ըստ ժամուն բերելոյ :

Եւ ի՞նչ որպէս կարծեմ, զայսպիսեաց աստի հանդերձեալ էր ըստ կարգի ճառել Պանետիոս, եթէ ոչ պատահարք ինչ կամ զբանքն նահանջէին զնա 'ի խորհրդոց իւրոց. բայց 'ի պէտս գիւտի նոցին իսկ իրաց 'ի նախնութեաց գիրս ինչ կանոն աւանդեալ է առ 'ի կարող լինելոյ նկատել, զինչ ինչ խորշելի իցէ առ անպատեհութեանն, և զինչ այն որ ոչ խորշելի, զի չէ 'ի սպառ անպատեհ : Եւ զգործս յոր բուռն հարաք, և մերձ 'ի վախճանն հասաք, առ 'ի յանկ հանել, զոր օրինակ երկրաչափից է սովորութիւն ոչ զամենայն ինչ ուսուցանել, այլ պահանջել զի չնորհեսցի ինքեանց ինչ ինչ, որով դիւրին ևս բացադրեսցեն զոր կամինն, ըստ դմին օրինակի և ես 'ի քէն պահանջեմ Վիկերոնդ իմ, զի լուիցես ինձ՝ եթէ կարես, թէ ոչ ինչ է ըստ ինքեան ցանկալի, բայց միայն համեստն : Եւ պա եթէ չտայ այդմ հրամանս Վրատիպպոս, անշուշտ ընդունիցիս զայն՝ թէ որ ինչ է համեստ, նոյն և առաւել ցանկալի ըստ ինքեան : Ինձ շատ է որ և է 'ի դոցանէ. և քանզի և այս և այն առաւել հաւանելի տեսնի, վասն որոյ ոչ ինչ արտաքոյ սոցա հաւանելի :

Եւ նախ յայսմ մասին արդարացեալ է Պանետիոս, զի ոչ ասաց՝ թէ օգտակարքն հակառակ ելանէն երբեմն համեստից, (որպէս և չէր իսկ նմա օրէն զայդ ասել) այլ թէ երևեալքն օգտակար : Եւ ինքն բազում անգամ վկայէ՝ թէ չիք ինչ օգտակար՝ որ չիցէ և համեստ.

և ոչ ինչ համեստ՝ որ չիցէ և օգտակար: Այս յաւելու
ասել՝ թէ չիք այլ ախտ առաւել մահաբեր շարժիւնեալ
'ի վարս մարդկան, որպէս զնոցայն վարդապետութիւն
որ զայստիկ զատանեն յիրերաց: Արդ ոչ որպէս զի նա
խապատիւ արասցուք երբէք զօգտակարս քան զհա-
մեստս, այլ զի անմոլար ընտրութիւն արասցուք՝ եթէ
ուրեք պատահեսցեն միմեանց, 'ի վերայ էած, թէ ըզ-
կարծեցեալն, և ոչ եթէ զեղեալն դիմամարտութիւն:
Այս ահա զայս մասն խնդրոյս ունիմք ընու, ոչ ձեռն-
տուութիւն ուրուք, այլ որպէս սովորուի է ասել 'ի ձեռն
մերոյն՝ Արեւիկ՝. զի ոչ ինչ բացադրութիւն զայսմ մաս-
նէ յետ Պանէտիոսի ճառեալ կայ որ զէթ ինձ հաւա-
նելի գտցի՝ 'ի մատեանսն յայնոսիկ հասեալս 'ի ձեռս իմ:

Ը. Արդ յորժամ յանդիման լինի քեզ երևոյթ ինչ
օգտակարութեան, հարկաւ շարժիս 'ի նոյն: Ապա ե-
թէ լեալ ուշադիր՝ անպատեհութիւն ինչ տեսցես
զուգորդեալ ընդ այնմ՝ որ զկերպարանս ունի օգտակա-
րութեան, յայնժամ ոչ եթէ զօգտակարութիւնն թո-
ղուցուս, այլ 'ի միտ առնուցուս թէ ուր անպատեհութե-
ան է՝ անդ լինել օգտակարութեան անհնար է: () Ի
եթէ չիք ինչ այնպէս ընդդէմ բնութեան իբրև զան-
պատեհութիւն (քանզի բնութիւնն սիրէ զուղղութիւն
և զպատեհութիւն և զանդրդուութիւն, և մերժէ ըզ-
հակառակն), և ոչ այնպէս ըստ բնութեան որպէս զօգ-
տակարութիւնն, ապա յայտ է եթէ չմարթի լինել 'ի
մի ինչ օգտակարութիւն և անպատեհութիւն միանգա-
մայն: Այս դարձեալ եթէ 'ի ծնէ և 'ի բնէ կարգեալ
եմք առ համեստութիւն, և այն կամ մի միայն է բաղ-
ձալի, որպէս () Էնոնի թուեցաւ, և կամ աներկբայ
ծանրակշիռ է և յարգի քան զամենայն ինչ այլ որպէս
Արիստոտելի կամք եղեն ասել, հարկ է ապա զի որ
համեստն է՝ լինիցի կամ մի միայն, և կամ ծայրա-
գոյն բարի. իսկ որ ինչ միանգամ բարին է՝ այդ և օգ-
տակար անշուշտ. ապա և որ ինչ համեստ, նոյն և օգ-
տակար:

Ս. Եւ որոյ սխալումն է մարդկան ոչ բարեկրաց, զի
ընդ ըմբռնել զիմն իբրև օգտակար, առեալ զայն իսկ և

1 Ինքնին աշխուժիւ մտաց:

իսկ զատանեն՝ ի համեստէն: Աստուած ծնանին սպանութիւնք, աստուած դեղատուութիւնք, աստուած սուտ վկայութիւնք. աստի գողութիւնք, հաղկահարութիւնք, աւարհարութիւնք, յափշտակութիւնք ընկերաց և քաղաքակցաց. աստուած իշխանութիւնք անչափ հարմուութեանց անբերելիք. հուսկ ապա և ցանկութիւնք թափաւորելոյ յազատ քաղաքս, քան զոր չէ մարթ զմտաւածել վատթարագոյն ինչ և անարժան: Ասան զի շահաւետութիւնս իմն յիրսդ տեսանեն միոյս մտօք. իսկ զպատիժն՝ չասեմ՝ օրինաց, զոր ստեպ եղծանեն, այլ զբուն իսկ զանպատեհութեանն՝ որ դառնագոյն ևս է՝ ոչ տեսանեն:

Ասան այսորիկ բարձցին՝ ի միջոյ այդ ազգ խորհելեացդ, (զի է զլիսովին ապիրատ և ամպարիշտ,) որք խորհին, թէ արդեօք զճէտ լինիցին այնմ՝ զոր համեստ գող տեսանեն, եթէ գիտութեամբ թարթափեսցին ի չարին: Ասան զի ի դմին իսկ երկմտութեան կայ դաւաճանիւ ժանտագործութիւն, թէպէտ և ոչ լինիցին այնմ ժամանակ: Ասան որոյ ամենեւին իսկ չէ արժան խորհել զայն ինչ՝ յորս խորհելն ինքնին անպատեհութիւն է: Եւ ևս յամենայն խորհրդոյ ի բաց հեռացուցանել պէտք են զոյս և զկարծիս ծածկելոյ և թաքուցանելոյ. վասն զի եթէ առ փոքր մի զարգացեալ իցէ մեր յիմաստասիրութեան, պարտ է մեզ դնել ի մոռի, զի թէ կարող ինչ էաք ծածկել զիրսդ յաչաց ամենայն աստուածոց և ի մարդկանէ, տակաւին չէր արժան առնել ինչ մեզ գործ ազահութեան, անիրաւութեան, անառակութեան և անժուժութեան:

Թ. Աստի յառաջ բերէ (Ա) զատոն զՎիւղէսն զայն, որ յորժամ չուեաց ընդ ցամաք ի պահու սաստիկ տարաւ փոյ, էջ յայն խորափիտ, և զպընձին զայն երիվար՝ ըստ առասպելաց՝ ետես, յորոյ ի կողմանց դրուեք կային. և ի բանալ զայնա՝ ետես զմարմին մարդոյ մեռելոյ անհետ թեթ մեծութեամբ, և մատանի ոսկի ի մատին. զոր հանեալ ագոյց յիւր մատն, և էր ինքն հովիւ արքունի, և այնպէս եկն ի ժողով հովուաց: Անդ յորժամ զակնակապիճ մատանւոյն յափ կոյս շրջէր, ինքն անտես լինէր յայլոց, և ինքն զամենայնն տեսանէր. և դարձեալ երևելի լինէր՝ յորժամ դարձուցանէր զմատանին ի տե-

դին : Լ՝ըդ զայսպիսի ձիրս մատանւոյն գործի իւր առեալ, ՚ի պղծել զթագուհին մտաբերեաց . և ընդ նորա ձեռն զթագաւորն սպան զտէր իւր, և դաւեաց զկեանս՝ զորոց խիթայր հակառակ յառնել անձին իւրում : և յայս ամենայն չարիս ոչ որ կարաց զնա տեսանել : Լ՝սուռ օրինակաւ յեղակարծում ժամու ՚ի շնորհս մատանւոյն թագաւոր ցուցաւ երկրին | Իւդացոց : Լ՝ըդ եթէ և զայս մատանի ՚ի ձեռին ունիցի իմաստունն, իբրեւ եթէ չունէր՝ այնպէս պարտի զգուշանալ դարձեալ ՚ի մեղանչելոյ . զի զհամեստն խնդրէ այր լաւ, և ոչ զճաճուկն :

Յայսմ վայրի իմաստասէրք ոմանք, թէպէտ և ոչ չարք, այլ ոչ կորովամիտք, ստայօդ և մտացածին առաւ պել մեզ տողեաց ասեն՝ Պղատոն, որպէս այն թէ պաշտպան կացեալ իցէ նորա ճմարտութեան իրացդ, կամ հնարաւորութեան լինելոյ : Լ՝յս ինչ զօրութիւն է մատանւոյդ և օրինակիդ . յորժամ առաջի կայցէ քեզ առնել ինչ ՚ի պատճառս մեծութե, իշխանութե, տէրութե և անժողովակալութեան՝ զոր ոչ որ հանդերձեալ իցէ գիտել, և ոչ իսկ որ ՚ի կասկած անկանել, և այն մնալով միշտ անգիտելի յաստուածոց և ՚ի մտրդկանէ, առնիցեն արդեօք զայդ : Տան պատասխանի՝ թէ Լ՝նհար է այդմ լինել : Լ՝յլ էս հարցանեմ, զոր անհար ասեն՝ եթէ լինէր հնարաւոր՝ զինչ առնել էր : Լ՝ըդարեւ շինականազոյնս բերին անդրէն ՚ի պատասխանիս . անհար է ասեն, և ՚ի նմին պնդեալ կան . և ոչ տեսանեն զբանիցս զօրութիւն : Օ ի յորժամ հարցանեմք, զինչ ունէին առնել՝ եթէ ծածկել կարէին, ոչ զայն հարցանեմք՝ թէ միթէ կարիցեն ծածկել . այլ որպէս ՚ի նեղ արկանեմք տանջանաց . զի եթէ տայցեն պատասխանի՝ զի եթէ անպատիժ մնալ ունին իրքդ, առնել որ ինչ օգտակարն թուիցի, ժանտազործս լինել խոստովան լինիցին զանձինս . ապա եթէ ուրասցին, ընկալցին եթէ անպատեհն ըստ ինքեան է խորշելի : Լ՝յլ մեք ՚ի նպատակ անդր դարձցուք :

Ժ . Ստէպ պատահեն յոլով դէպք ամբոխիչք մտաց ընդ կերպարանօք օգտակարութեան, ոչ եթէ ՚ի խորհել անդ թէ արդեօք արժան իցէ թողուլ զհամեստութիւն առ մեծութեան օգտակարութեան . վասն զի այդ

անդգամնութիւն է . այլ թէ հնար իցէ արդեօք զօգտակարն երևեալ գործել առանց անպատեհութեան : (Յորժամ Ռուստոս արտաքս ընկենայր յիշխանութենէ զիշխանակից իւր Վրդապետս, մարթէր երևել անիրաւութեամբ ինչ գործել . զի նիզակակից էր Ռուստոսի 'ի վանել զթագաւորս, և սատարիչ խորհրդոցն : Բայց յորժամ զայս խորհուրդ 'ի մէջ առին իշխանք, թէ պարտ է բնաջինջ առնել զմեքենայս Սուպերբոսի, և զանուն Տարկուինեանց, և զյիշատակ թագաւորութե, և զի այն իսկ էր օգտակարն՝ խնամ տանել հայրենեաց, այնչափ համեստ էր այդ, զի և նմին իսկ Վրդապետսի պարտ էր կամակից լինել . և այնպէս օգտակարութիւնս զօրացաւ առ համեստութեանն . քանզի և առանց պարտանմարթ էր լինել և օգտակարութեան :

Բայց 'ի թագաւոր անդ՝ որ զքաղաքն շինեաց, ոչ այդպէս : Ասան զի տեսիլ օգտակարութեանն զրդեաց զոգի նորա . որում օգտակարապոյն երևեալ առանձինն՝ քան ընդ այլում թագաւորել, սպան զեղբայր իւր՝ : Այլ թող ելլեք սա և զգութ և զմարդասիրութիւն, որպէս զի մարթասցի հասանել այնմ՝ որ օգտակար երևէր, և ոչ էր . այլ զպարսպին պատճառս 'ի դէմն էա՞ծ նմա, որ է կերպարան համեստութեան՝ ոչ հաւանելի և ոչ բաւական : Երդ ասել անպատրուակ, յանցեալ Վուրինոսն կամ Հոմուլոս :

Բայց և ոչ զմերովս օգտիւ արժան է զանց առնել, և յայլոյ ձեռս տալ՝ յորժամ մեք մեղէն կարօտեալ իցեմք . այլ առն իւրաքանչիւր արժան է իւրումն ծառայել օգտի՝ ցորչափ առանց զրկելոյ զայլս լինիցի : Իմաստութեամբ ասաց Վրիւսիպպոս, ըստ բազմացն իւրոց ասացուածոց . (Ար յասպարիզին ընթանայ, պարտի ջանալ և նկրտել ամենայն ճգամբ լինել յաղթող . բայց ոչ իւրք պարտի տապաստ արկանել զնա ընդ որում մըրցի, կամ ձեռամբացի 'ի բաց մղել . այսպէս 'ի կենցաղումն 'ի ինդիր լինել պիտոյից անձին ոչ ինչ է անիրաւ, բայց զընկերին յափշտակել չեն իրաւունք :

Այս առաւել խառնակումն լինի պատշաճից 'ի բաւականութիւնս . որոց կամ չտալ՝ զոր կարես իրաւամբ,

1 Նախահայրն Հոմայեցւոց Հոմուլոս զՀռոմոս զեղբայր իւր :

կամ տալ զոչ արժանն՝ հակառակ է պատշաճից։ Այլ բովանդակ այսր ազգի իրաց՝ համառօտ և ոչ դժուարին է կանոն։ Օ ի որ ինչ միանգամ օգտակար երևին, պատիւ, հարստութիւնք, փափկութիւնք և որ այլ այսպիսիք, զայդոսիկ չէ օրէն նախապատիւ առնել երբեք քան զբարեկամութիւն. բայց սակայն և ոչ ընդդէմ հասարակաց տէրութեան, և ոչ ընդդէմ երդման և հաւատարմութե գործէ երբեք այր բարի ՚ի շնորհս բարեկամի, և ոչ եթէ դատաւոր ևս նստցի բարեկամին իւրում. վասն զի մերկանայ զդէմն բարեկամին իւրոյ ՚ի զգենուլ անդ զդատաւորի։ Այնչափ շնորհս առնէ բարեկամութեան, զի ցանկայ ճշմարտիլ դատի բարեկամին. և որչափ ինչ թողացուցանեն օրէնք՝ յարմարէ զժամանակն ընդ վէճն ատենաբանեալ։

Իսկ յորժամ երդմամբ հանդերձ վճիռ ունիցի տալ, յուշ ածէ թէ զ՛ստուած կոչեմ աւագիկ ՚ի վկայ. այն է ըստ իմումն բանի՝ զմիտս իւր, քան զոր ոչ ինչ առաւել աստուածեղէն ետ մարդոյ ՚ստուած ինքնին։ Այն որոյ զեղեցիկ ընկալաք ՚ի նախնեաց սովորութիւն՝ աղաչել զդատաւորն, միայն թէ զնոյն պինդ ունիցիմք, Օ որ անտխեղծ հաւատով կարասցէ առնել։ Այս աղերս յայն հայի, զոր փոքր մի յառաջ ասացի՝ թէ համեստ օրինգը կարող է դատաւորն զիջանել բարեկամի։ Օ ի եթէ զամենայնն առնիցեն զոր միանգամ կամիցին բարեկամք, ոչ եթէ բարեկամութիւնք՝ այլ համախոհութիւնք համարեսցին։

Իման է զհասարակ բարեկամութեանց. ապա թէ ոչ՝ յարս իմաստունս և կատարեալս ոչ ինչ այնպիսի մարթի լինել։ Պատմի, թէ Պամոն և Պիթիաս՝ պիւթադորացիք այնպէս սրտակից էին իրերաց, մինչ զի յորժամ Պիոնեսսիոս բռնաւոր օր մահու սահմանեաց միում ՚ի նոցանէ, և դատակնքեալն առ ՚ի մահ խնդրեաց աւուրս սակաւ վասն հրաման տալոյ զիւրոցն, ընկեր նորա երաշխաւոր եղև յաղազս դարձի նորա. ապա թէ ոչ՝ ես փոխմանակ նորա ասէ մեռայց։ Այլ իբրև եկն եհաս նա յաւուր անդ ժամադրութե, զարմացեալ բռնաւորին ընդ հաւատարմութիւն նոցա, խնդրեաց և զինքն երրորդ գրել ՚ի բարեկամութեան։

1 Այլ օրինակք Պիւթիաս, Պիւնթիաս և Փիտիաս։

Լ՛րդ յորժամ կարծեալն օգտակար 'ի բարեկամութեան բազդաթի ընդ համեստին, թող 'ի դեպին անկյի կերպարան օգտակարութեան, և զօրացի համեստութիւնն: Իսկ յորժամ անհամեստքն իլք 'ի բարեկամութեան թախանձեցին, կրօն և հաւատարմութի նախապատիւ լիցին քան զբարեկամութիւն: Լ՛յսու օրինակաւ կայցէ խնդրեալն մեր ընտրութիւն սրտաշաճից:

ԺԱ. Լ՛յլ ընդ կերպարանաւ օգտակարութեան ստէպ յոյժ լինի մեղանշել 'ի հասարակաց տէրութեան, որպէս եղև 'ի վրդովել անդ մերոցն զԼորնթոս: Խառն գոյն ևս վարեցան Լ՛թենացիք, որք մտաբերեցին ծայրաքաղ առնել զլոյթս Եզրնացոյ՝ որոց զօրաւոր էին նաւատորմիդք: () օգտակար թուեցաւ բանս. զի մօտալուտ սպառնայր Եզրնա 'ի վերայ Պիլէնի վասն մեր ձաւորութեանն: Լ՛յլ սակայն չեք ինչ անագորոյն՝ որ իցէ օգտակար. վասն զի անգթութիւնն կարի թշնամի է մարդկան բնութե, որում պարտիմք լինել նմանող:

Զար է և զօտարականս արգելուլ 'ի վայելից քաղաքաց և անհետ առնել զնոսա, որպէս արար Պեննոս առ հարբք մերովք, և Պապիոս առ մեօք: Քանզի ուրում ո՞ն է քաղաքացի 'ի համար մտանել քաղաքացոյ յիրաւի չէ օրէն. և զայս օրէնս սահմանեցին խնստունքն 'ի հիւպատոսս Արասոս և Սկեւոդա. բայց 'ի վայելից քաղաքին արգելուլ զօտարականս՝ ամենեւին իսկ ամարդութիւն է: Պանծալի են այն գործք, յորս կերպարանս հասարակաց օգտի արհամարհ գրի առաջի համեստութեան: Ի ի են այսպիսի օրինակք 'ի մերումն տէրութեան, որպէս յայլ նուազս բազում անգամ՝ նոյն պէս և առաւել ևս յերկրորդ պատերազմն սլունիկեանս. զի յետ յանձին կրելոյ զԼաննեայ աղէտս՝ մեծ ևս ոգի զգեցաւ քան զոր 'ի յաջողուածս երբէք. ոչ ինչ նշանակ երևեցոյց երկիւղի, և ոչ մի յիշատակութիւն հաշտութեան: Լ՛յսչափ է զօրութիւն համեստին, մինչև նոեմացուցանել զերևոյթ օգտակարութեան:

Լ՛թենացիք յորժամ տեսին թէ ոչ կարեն իւրք առաջի կալ յարձակմանն Պարսից և ընտրեցին թողուլ զքաղաքն, և եղեալ զկանայս և զօրդիս յամբին Տրեղենայ՝ մտանել 'ի նաւ և սաշտպանել զազատութիւն յունաստանի տորմիլաւ նաւաց, այն ինչ Աիւրսիղոս ոմն

խրատ տայր նոցա կալ մնալ 'ի քաղաքի և 'ի ներքս ընդ-
ոռնել զՎսեբքսէս, քարամբք քարկոծեցին զայրն. ուր
և զօգտակարութեան երևէր զհետ երթալ, բայց ոչ էր
և ոչ մի, զի ընդդէմ ելանէր համեստութեան:

(Թ) Եմիստոկղէս զկնի յաղթութեան պատերազմին ե-
ղելոյ ընդ Վարսից, ասաց հրապարակախօսութեամբ. **Լ**յորհուրդ մի ոռնիմ 'ի սրտի փրկարար հասարակացս
տէրութեան, այլ գիտել զայն պէտք ոչ է ձեզ. և խըն-
դրեաց 'ի ժողովրդենէն տալ ինքեան զայր մի որում մնաւ
նաւորեսցէ զխորհուրդն: **Լ**յ տուաւ Միստիդէս. առ-
որ ասէ. մարթ է 'ի ծածուկ հրձիգ առնել զնաւատոր-
միդ **Լ** ակեղեմոնացւոց՝ որ առ Վիւթեաւ. 'ի լինել այսմ
այսպէս՝ հարկաւ բեկանի զօրութի **Լ** ակեղեմոնացւոց:
Օ այն լուեալ Միստիդէայ՝ եկն 'ի թողովն, ուր ամե-
նեքին մնային նմա ակնկալութեամբ մեծաւ. և ասէ.
Լարի քաջ օգտակար է խորհուրդն երկնեալ 'ի (Թ) Ե-
միստոկղէայ, բայց ոչ այնպէս համեստ: **Յ**այնժամ **Լ**յ
թենացիք զայն ինչ որ ոչն էր համեստ՝ և ոչ օգտակար
անգամ վարկան լինել, և գլխովին հերքեցին զիրան՝ զոր
և չէր իսկ նոցա լուեալ, վկայութեամբ Միստիդէայ:
Լ աւ ևս սորա քան զմեզ՝ որք զհէնս ազատս կացուցա-
նելք, և զնիզակակիցս հարկատուս:

ԺԲ. **Լ**յպ այս կացցէ հաստատուն, թէ որ ինչ ան-
պատեհ է՝ այդ երբէք չէ օգտակար. և ոչ իսկ յայն-
ժամ, յորժամ զոր օգտակար կարծես՝ այն իցէ 'ի շահ:
Օ ի նոյն իսկ օգտակար կարծեն զանպատեհս է փա-
սապարտ:

Լյլ պատահէն, որպէս 'ի վեր անդր ասացի՝ բա-
զում անգամ պատճառք, յորս յերևել օգտակարու-
թեանն հակառակ կալ համեստութեան, յուչ ածել
պէտք են, արդեօք ստուգապէս իցե՞ հակառակ, եթէ
մարթ իցէ միաբանել ընդ համեստութեան: **Լ**յսր աղ-
գի են խնդիրքս. զոր օրինակ՝ եթէ այր դք բարի **Լ**յ
ղեքսանդրիոյ 'ի Հռոդոս ցորեան բազում բարձեալ բե-
րիցէ յաւուրս կարօտութեան և սովու Հռոդացւոց և
'ի յետին չբաւորութեան պարենի. միանգամայն և գի-
տակ լինիցի այրն՝ թէ բազում այլ վաճառականք ար-
ձակեցին զնաւս **Լ**յղեքսանդրիոյ, և տեսցէ իսկ զցորե-
նաբարձ նաւս յընթացօ՝ դիմեալ գալ 'ի Հռոդոս, հարկ

իցէ նման ասել զայդ Հռոդացոց, եթէ օրէն իցէ լուծ-
թեամբ զիւրն վաճառել մեծագնի: Սնանամբ զայր ի-
մաստուն և բարի. և զնորա խորհրդոյ և զմտածութենէ
է խնդիրս՝ որ ոչն ունի ծածկել զիրադ ՚ի Հռոդացոց՝
եթէ անպատեհ համարեսցի զայդ. այլ յերկբայս լի-
նիցի՝ թէ անպատեհ իցէ արդեօք:

Հայսպիսի խնդիրս այլ են կարծիք Վիոգինեայ բա-
բելոնացոյ՝ մեծանուն և զգոն ստոյիկեան իմաստասիրի,
և այլ Վնտիպատրոսի աշակերտի նորա կորովամիտ առն:
Ըստ Վնտիպատրոսի՝ պարտ է զամ ինչ յերևան ածել,
զի ոչ ինչ յորոց գիտէ վաճառողն՝ անգիտացի գնողն:
Իսկ ըստ Վիոգինեայ՝ վաճառողն պարտական է, ըստ
սահմանելոյ քաղաքական օրինաց՝ ասել զթերութիւն-
սին. զայլն ամենայն կարող է աննենդ գործել. և առ ՚ի
վաճառել՝ կամել ըստ կարի վաճառել մեծագնի: Վկադ
ձեալ բերի, ածի ՚ի հրապարակ, և վաճառեմ զիմն ոչ
աւելեօք քան զայլն. գուցէ և դիւրագնի առ առատու-
թեանն. ում ումեք անիրաւութիւն լինիցի յայդմ:

Հայրուստ այլ պատճառ սատար լինի Վնտիպատրոսի:
Օ ինչ խօսիս, դու որ պարտական ես զօգուտն խոր-
հել մարդկան, և արբանեկել մարդկային ընկերու-
թե. ՚ի նմին օրէնս ես ծնեալ և զնոյն ունիս սկզբունս
բնութեան՝ որոց պարտական գտանիս հնազանդել և
զհետ երթալ, զի օգուտն քո լինիցի հասարակաց փո-
խանակաւ, և հասարակացն օգուտ լինիցի քո. ծածկել
կամիս ՚ի մարդկանէ զգիւրութիւնն և զբազմաշահու-
թի որ մերձ առ դուրսն հասեալ կայ: Պատասխանեսցէ
արդեօք Վիոգինէս օրինակ զայս. ՎՍԼ է ծածկել, և
այլ է լուծ. արդ ես ոչ ծածկեմ ՚ի քէն՝ եթէ չասեմ
քեզ զինչ բնութիւն իցէ աստուածոց, զինչ կատարած
իցէ լաւաց. զորս գիտելն առաւել օգուտ էր քեզ քան
զօգուտն ցորենոյ. այլ ոչ եթէ որ ինչ օգտակար է
քեզ գիտել, հարկ է ինձ ասել զայդ: Հարկ իսկ է՝
ասիցէ նա, եթէ յիշեսցես զի մարդիկ յընկերութիւն
զօդեալ են ՚ի բնէ: ՎՅՈ գիտեմ, ասէ և սա. այլ մի-
թէ այնպիսի ինչ իցէ ընկերութիւնդ այդ, զի ոչ ինչ
գուցէ առանձին իւրաքանչիւր սեպհական: Եւ եթէ
այդ այդպէս է, ապա և ոչ վաճառել ինչ օրէն է, այլ
պարգևել:

ԺԳ. Տեսանես 'ի բովանդակ վիճաբանութեան աստ, զի ոչ զայն ասէ՝ եթէ [Թէպէտ և անպատեհ իցէ այդ, այլ զի օգտակար է՝ արարից. այլ [Թէ այնպիսի է օգտակարութիւնն՝ յորում ոչ է անպատեհութիւն : Իսկ 'ի միւս կողմանէն, [Թէ զիրսդ զայդ չէ պարտ առնել վասն զի անպատեհ է :

Եթէ այր բարի վաճառեսցէ զապարանս իւր՝ վասն պակասութեանց իրիք զոր ինքն գիտիցէ և այլք անգիտանայցեն . ժանտիւ շաղախեալ իցէ և առողջարար կարծեսցի . յամենայն սենեակս օձք երևեսցին՝ զորմէ չիցէ որ ծանօթ . փուտ իցեն առաղձքն և վաղափուլ, այլ զայս ոչ որ գիտիցէ՝ բայց միայն տէրն : Եւ չարցանեմ, եթէ զայդ չասիցէ գնողաց վաճառողն, և զապարանսն վաճառեսցէ մեծագնի քան զանկալութիւն իւր, արդեօք անիրաւէր և անգգամութիւն գործէր :

Եւ կարի իսկ քաջ, ասէ Լնտիպատրոս . զի զինչ այլ է մոլորելոյն ոչ ցուցանել զճանապարհ, (որ հանդիսապէս նշովիւք վճռեցաւ յ[Թէնս,) եթէ չիցէ այս [Թողուլ զի գնողն կործանեսցի, և մոլորութեամբ չարաչար դաւաճանեսցի : Եւ առաւել ևս է քան զոչն ցուցանել զճանապարհ . զի է գիտութեամբ մոլորեցուցանել զընկերն : Ինչպէս ընդ հակառակն . Եթէ բոլորնադատեաց զքեզ գնել, որ և ոչ յորդորեաց անգամ : Եւ տարագիր արար ընդ որ ոչն հաճէր . դու գնեցեր ընդ որ հաճեցար : Օ ի [Թէ որք հրատարակագրեն՝ դաստակերտ լաւ և բարեշէն, ոչ համարին խաբել, [Թէպէտ և չիցէ այն ոչ լաւ և ոչ վայելչաշէն, քանի ևս աննենգ իցեն որ զտունն ոչ գովեցին : Օ ի եթէ գնողն ազատ է 'ի քննել, արդ իբր լինիցի նենգ վաճառողին : Եւ եթէ ոչ ամենայն խօսք պահանջեն զկատարումն, և ուր չիցեն խօսք՝ համարիցին եթէ պահանջիցի կատարումն : Եւ զինչ անմտագոյն քան զայն՝ զի վաճառողն 'ի մէջ բերցէ պակասութիւնս զվաճառուցն . զինչ քան զայդ անհեթեթ, զի 'ի տեսուն հրամանն քարոզ կար՝ դայցէ մունետիկն այսպէս . տուն վաճառեմ լի ժանտիւ :

Եւ այսու օրինակաւ յերկբայելի դիպուածս ինչ մի կողմն պաշտպան կանգնի համեստութեան, և միւս կողմն այնպէս խօսի զօգտակարութենէ, որպէս [Թէ ոչ միայն համեստ իցէ առնել զերևեալն զայն օգտակար,

այլ և անպատեհ իցէ չառնել : Բայ է այն երկպառակութիւն երևեալ յաճախ ընդ օգտակարս և ընդ համեստս , զորս պարտ է լուծանել . զի ոչ եթէ առ ի խրնդիր յարուցանել առաջարկեցաք , այլ առ ի պարզել :

Բոր ոչ երեւի թէ պարտ իցէ ծածկել զիրան ի գնողաց ցորենավաճառին , նոյնպէս և տնավաճառին : Այլ եթէ ծածկել իցէ զոր միանգամ լռեսդ , այլ յորժամ զոր դուդ գիտես և կամիցիս առ շահասիրութեանդ զի անգիտանայցեն զայդ նոքա որոց պէտք էին գիտել : Եւ թէ այս ազգ ծածկութեան որպիսի ինչ իցէ , և որպիսւոյ առն , ո՞ր ոչ տեսանէ : Յայտ է թէ ոչ է՝ ոչ անկեղծ , ոչ անխարդախ , ոչ հարազատ , ոչ արդար և ոչ բարի մարդոյ . այլ ընդ հակառակն՝ խաւարածիւրի , խորամանկի , խաբէբայի , չարանենգի , դաւաճանողի , սուտակասպասի և աղուխաբարոյի : Բոր ոչ ապաքէն հակառակ է օգտի՝ յանձն առնուլ զպս ամենայն և զայլ ևս անուանա ախտից :

ԺԴ . Եւ եթէ ընդ մեղադրանք են ոյք լռեցինն , զինչ պարտ է կարծել գնոցանէ՝ ոյք բանս սնոտիս ի վերայ ածիցեն : Եւ Լյանիոս ասպետ հռովմայեցի՝ փոքր ի շատէ գրագէտ և զուարթախօս , յանցանել իւրում ի Սիրակուսա ոչ ի սակս վաճառականութե , որպէս ինքն սովոր էր ասել , այլ հանդարտութեան աղազաւ , զայս բան ունէր ի բերանի՝ թէ Պարտեզ փոքրիկ գնել կամիմ՝ ուր հրաւիրեցից զբարեկամս , և զուարճացայց յանձին առանց թախանձեցուցաց : Երբ և տարածեցաւ այս համբաւ , Պիւթիոս ոմն արծաթագործ ի քաղաքի անդ Սիրակուսացւոց՝ ասաց ցլյանիոս . Եւ առաւել ոչ ունիմ զիմ պարտեզս . բայց թէ կամ իցէ քեզ , վարեսջիր զիմն որպէս գբոյդ . և միանգամայն յընթրիս հրաւիրեաց զայրն առ վաղիւն ի սարտեզ անդր : Եւ իբրեւ խոստացաւ զալ , յայնժամ Պիւթիոս որ ըստ որում արծաթագործ՝ շնորհս ունէր առ ամենայն վիճակի մարդկան , կոչեալ առ ինքն զձկնորոս բազումս , խնդրեաց ի նոցանէ զի ի վաղիւ անդր եկեացեն որսալ առաջի պարտիզաց իւրոց . և ասաց նոցա՝ զինչ կամք էին նորա առնել նոցա : Լյանիոս եկն յընթրիս ի ժամուն . և էր սեղան մեծահաց պատրաստեալ ի Պիւթիոսէ , և բազմութիւն նաւակաց ձկնորոսաց յանդիման

աչաց. և զոր ըմբռնէր այր իւրաքանչիւր՝ անդր բերէր, և արկեալ լինէին ձկունքն առ ոտս Պիւթիոսի :

Յայնժամ Սանիոս . Ղլաչեմ՝ ասէ, ո՛վ Պիւթի, զի՛նչ է այս . այսչափ բազմութիւն ձկանց, այսչափ բազմութիւն մակուկաց : Խակ նա ասէ . զի՛նչ զարմանք իցեն . որչափ ինչ ձուկն 'ի Սիրակուսա կայ՝ են և աստէն . այս է ջրակոյտ, ոչ է մարթ պակասել ձկանց այտի : Ս առեալ Սանիոսի ցանկութեամբ, թախանձէր զՊիւթիոս՝ վաճառել նմա : Եւ զառաջինն ոչ տայր տեղի : () քի ևս յերկարեցից . Եհաս խնդրոյն . գնեաղ այրն զակատեալ և ընչաւէտ այնքանոյ՝ որքանոյ Պիւթիոս կամեցաւ, և գնեաց հանդերձ զարդուք շինուածոյն . մուրհակս կնքէ, և բովանդակէ զգործն : Ի վաղիւ անդր հրաւիրէ Սանիոս զիւր ընտանիս, վաղքաջ յարուցեալ գայ ինքնին, ուր տեսանէ և ոչ մի . հարցանէ ցորացին մերձաւոր՝ եթէ աւուրք ինչ պարսպոյ իցեն ձկնորսաց, զի տեսանեմ ասէ 'ի նոցանէ և ոչ զոր : Եւ նա ասէ . ոչ, որպէս ես գիտեմ . բայց աստ ոչ որ սովոր է ձուկն որսալ . նմին իրի և յերկէ զարմացեալ էի եթէ զի եղև :

Խուլեցաւ Սանիոս . այլ զի՛նչ ունէր առնել : Ս ասն զի չև էր Մուրիդիոսի գործակցին իմոյ՝ և ընտանոյ 'ի լոյս ածեալ զձևս չար դաւաճանութեան . զորոց յորժամ հարցանէր որ գնա՝ զի՛նչ չար դաւաճանութիւնն իցէ, զայս տայր պատասխանի . Յորժամ այն ինչ կեղծաւորի որ ինչ ոչ է : Սովին բանիւ առն գիտնաւորի յայտ յանդիման նշանակի իրացդ սահման : Եւրդ և Պիւթիոս և ամենեքին որ միանգամ այլ ինչ առնեն և այլ ինչ կեղծաւորին, դաւաճանք են, ապիրատք և չարանենքք : Եւպա և ոչ մի գործ նորա մարթի օգտակար լինել՝ յայնչափ պակասութիւնս շաղեալ :

ԺԵ . Եւ եթէ ճշմարիտ իցէ ակուլղեանս այս սահման, պարտ է բառնալ յամենայն ընթացից կենաց զկեղծիս և զկեղծաւորութիւն : Եւ այսպէս ոչ 'ի գնել զլաւագոյնն և ոչ 'ի վաճառել կեղծեացէ կամ կեղծաւորեացի երբէք այր բարի :

Եւրդ դաւաճանութիւն չար և յորինաց անտի ար-

1 Այս քերն Վիկերոնի 'ի պալատան :

գեղեալ էր ընդ պատժովք . որպէս է տեսանել յերկո-
տասան տախտական ինսանկալութեան որոց , և 'ի
| ետորեան օրէնսն չափահասութեան պատանեկաց
նա և առանց օրինաց 'ի դատաստանի , յորս յաւելուն ա-
սել . Ողջնութեամբ : | Եւ յայլ դատաստանս նշանա-
ւորք են յաւէտ այս բանք 'ի դատաստանի օժտից . | ա-
ւս . | Դաւել արդար և հաւատարիմ . | մէջ բարեաց
բարեօք վարիլ : | Բոգ զինչ . 'ի լաւ ևս , և յառաւել
արդարն՝ մարթ ինչ իցէ լինել մասին իմիւր խաբէու-
թեան . և կամ յասել անդ՝ | մէջ բարեաց բարեօք
վարիլ , հնամ իցէ նենգ ինչ կամ չարութիւն մուծա-
նել : | Իսկ չար դաւաճանութիւնն ըստ բանին | Կուի
դեպ բովանդակի 'ի կեղծիս և 'ի կեղծաւորութեան :
| Եւ արդ պարտ է 'ի բաց բառնալ 'ի դաժնադրութեց
զամենայն խաբէութիւն : | Այլ վաճառողն՝ միջնորդ ա-
ւելացուցիչ զոր գնոյն առցէ , և ոչ գնաղն ընդդէմ նորա
նուագիւն : | Եթէ պէտք ինչ իցեն ճարտարախօսել , եր-
կաքանչիւրն խօսեսցի մի անգամ , և ոչ աւելի :

| Կաքէն | Կրկնտոս | Կեւողա՝ Պորդիոսի որդին , կա
մեցեալ գնել արտ'ինդրեաց մի անգամ և եթ ասել զգինն .
և իբրև արար այնպէս վաճառողն , ասէ . ինձ այսպէս
թուի՝ թէ առաւել արժիցէ , և յաւել տալ հարկւր
հազար : | Այլ որ ուրաստ լինի , թէ այս է գործ առն
բարւոյ , բայց ժխտեն լինել իմաստնոյ . որպէս եթէ
դիւրագին քան զոր կարողն էր վաճառէր : | Եւ ահա
յայդմ'իսկ է վնասն , զի զատանեն զբարին յիմաստնոյ :
| Երմէ և | Ենիոս . | Այլ իմաստութեամբ գործէ իմաս-
տունն՝ որ օգն է բաւական օգտել անձին իւրում : | Եւ
ես իսկ ձայնակից լինէի | Ենիոսի , եթէ և այդ օգտել
ինչ էր : Տեսանեմ , զի հեկատուն ոմն հոռոգացի աշա-
կերտ Պանետիոսի՝ 'ի գիրս զոր գրեաց յաղագս պատ-
շաճից առ | . Տուբերոն՝ ասէ . | Իմաստնոյն է՝ առանց
առնելոյ ինչ յեղծումն վարուց , օրինաց և կարգաց ,
հոգալ զառնին իրս : | Ի ոչ անձանց միայն կամիցիմք
զհարստանալն , այլ և զաւակաց , մերձաւորաց , բարե-
կամաց , և ևս առաւել հասարակաց տէրութեան :
| Եւ ան զի գոյք և մեծութիւնք միոյ միոյ՝ ճիսութիւնք
են քաղաքին : | Եւ ոչ իւրիւ մարթի հաճոյ լինել նա-
խաճառեալ յինէն գործն | Կեւողայ . քանզի միայն

զանադժանն և եթ 'ի գործ գրէ լինել անդէպ : Լ՝յսպիսի որ ոչ գովութեան է արժանաւոր , և ոչ չնորհաց :

Լ՝յլ եթէ կեղծիք և կեղծաւորութիւն է նենգ չար , ապա կարի սակաւ իրք են՝ յորս չնոսնիցէ չարդ այդ դաւաճանութիւն . և եթէ այր բարի նա է՝ որ օգտէ ում և կարէ , և փնասէ և ոչ ումեք , արդարեւ ոչ դիւրաւ գտցուք և զայր այդպիսի բարի : Լ՝որդ ոչ երբեք օգտակար է մեղանչել , վասն զի միշտ է անպատեհ . և զի միշտ համեստ է լինել այր բարի , միշտ է ևս օգտակար :

ԺԶ . Բայց արդ յաղաքս իրաւանց կալուածոց վըճռեալ է առ մեզ քաղաքական իրաւամբք , զի 'ի վաճառել զայդոսիկ աստացէ վաճառողն զպակասութիւն գորս գիտէ : Օ՝ ի ուր ըստ երկոտասան տախտակաց շատ էր կատարել զայն՝ որ ինչ ել ընդ բերանն , և որ ժխտէր զայդ՝ կրկին տուգանաց ներքոյ անկանէր . յիրաւաբանից սահմանեցաւ և լուծեան պատիժ : Բանգի կանոնադրեցին , զի որ ինչ պակասութիւն կայցէ 'ի կալուածն եթէ գիտէր վաճառողն՝ և ոչ ասաց յանուանէ , պարտական է վճարել : Օ՝ որ օրինակ , յորժամ յամբին՝ հաւահմայել հանդերձեալ էին հաւադէտք , հրամայեցին Տիտոսի լղաւդիոսի Սենտոմադոսի , որոյ էր տուն 'ի Սեղիոս լերին , փլուզանել զտունն որ խոչընդակն էր հաւահմայութեանց , յայնժամ լղաւդիոս հրաժարեալ 'ի կղզւոյն՝ վաճառեաց զայն . զոր և գնեաց Պ . Սալպուրնիոս Սաւարիոս : Լ՝ը սա ևս նոյն պատուէր հասանէր 'ի հաւահմայից . արդ Սալպուրնիոս իբրեւ քակեաց , ապա իրազեկ լինէր՝ թէ լղաւդիոս յետ առնլոյ 'ի հաւահմայից զպատուէր քակելոյ՝ հրաժարեալ է 'ի տանէն : Ստիպել սկսաւ գնա առ դատաւորին , թէ զոր ետն՝ պարտ էր ողջմտութեամբ առնել : Ս՝ ճոատու եղև Ս՝ . Սատովն՝ հայրն մերոյս Սատովնի . զի որպէս այլք 'ի հարց իւրեանց , սոյնպէս և սա որ զայս լոյս ընծայեցոյց , յորդոյն ունի անուանակոչիլ . արդ դատաւորս այս այսպէս վճռեաց , թէ որովհետեւ 'ի վաճառել անդ գիտակ էր իրացն և ոչ գեկոյց , պարտական է վճարել

1 Բակառն Կապիտուլիոնի 'ի հռոմ :

2 Այս ինքն 'ի կղզիացեալ տեղւոյն ողջոյն :

գնողին զմնասն : Եւ այնպէս յայտնի կացոյց թէ ողջ մնողութեան մասն է այն՝ զի գնողն գիտակ լիցի պակասութեան՝ զոր վաճառողն գիտէ :

Երդ եթէ ուղիղ դատեցաւ, ապա ոչ ուղիղ լուեաց ցորենավաճառն, և ոչ վաճառողն ժանտաբեր տան : Եւ յայսպիսեաց աստի լուութեանց ոչ զամենայնն մարթ է բովանդակել՝ի դատաստանագիրս . իսկ զորս մարթ եղև արձանագրել՝ ճշդիւ պահին : Ս . Սարիոս Վրատիդիանոս մերձաւորն մեր՝ վաճառեաց Կ . Սերգիոսի Սվրատայ զապարանս իւր, զոր՝ի նմանէ իսկ էր գնեալ սուղ ինչ ամօք յառաջագոյն : Ապարանքն այն ծառայէր Սերգիոսի, այլ զայդ՝ի սակարկութեան չէր ասացեալ Սարիոս : Ի դատաստան հանաւ վէճն . Սվրատայ պաշտպան կայր Կրասոս, Վրատիդիանոսի Ննտոնիոս : Կրասոս զիրաւունս յառաջ բերէր, թէ զոր ինչ պակասութի գիտելով չափ չասէ վաճառողն՝ զայդ պարտական է հատուցանել : Ննտոնիոս զհաւասարութիւնն, եթէ այդ պակասութիւն ոչ ինչ թաքուն գտելով՝ի Սերգիոսէ՝ որ գնոյն ապարանս երբեմն վաճառեաց, ասելոյ ինչ պէտք ոչ էր . և ոչ իսկ խաբեալ զտանի նա՝ որ զոր ինչ գնեացն, որպէս և զիարդ էր՝ պահեալ ունէր : Եւ ի՞նչ այս ամենայն . զի իմասցիս՝ թէ նախ նիւր մեր ոչ հաճէին ընդ խորամանկս :

ԺԷ . Բայց այլազգ օրէնք, այլազգ իմաստասէրք մեր ժեն զխորամանկութիւնս . օրէնք՝ յորժամ կարասցեն բերել ի ձեռս . իմաստասէրք՝ի խորհեն բանիւ և հանձարով : Երդ բանն զայս պահանջէ, զի մի լինիցի ինչ նենգութեամբ, մի ինչ կեղծաւորութեամբ, մի ինչ խաբէութեամբ : Երդ իցէ արդեօք նենգութիւն թակարդս ձգել, թէպէտ և դաւ չունիցիս շարժել կամ ցնցել . զի նոքին ինքնին բազում անգամ անկանին ի նոյն առանց հետամուտ լինելոյ . տոյնպէս է եթէ և դու զտունն նշանակեսցես, զտախտակն վաճառման որպէս թակարդ արկանիցես, և զտունն առ պակասութեան ի վաճառ հանիցես՝ զի ըմբռնեսցի ի տրիս մարաց ոք :

Օայս թէպէտ և տեսանեմ առ վատթարութեան սովորութեան ոչ ընդ անպատեհս գրեալ, և ոչ յօրինաց կամ ի քաղաքական իրաւանց սահմանեալ, սա-

կայն բնութեան օրինօք է սահմանեալ : Ս ասն զի ընկերութիւն կայ՝ (զոր թէպէտ և բազում անգամ ասաքցի , այլ ևս բազումն արժան է ասել ,) ընդհանուր մարդկան ընդ միմեանս , և ներքին՝ ի մէջ համագլխաց , և մերձաւորադոյն ի մէջ քաղաքակցաց . սորին վասն նախնիք հաճեցան այլ իրաւունս ասել ազգաց , և այլ քաղաքաց : Վաղաքականն ոչ է միշտ նոյն ընդ ազգացն . այլ ազգացն և քաղաքական պարտի լինել : Ս և մեք զճշմարիտ իրաւանց և զհարազատ արդարութեան զհաստատուն և զկենդանի պատկեր և ոչ մի ունիմք . կամք ի ստուերին և ի նախագիծմն . իցե՛ թէ և զտոցա զհետ երթայաք . զի յառաջ բերին յընտիր օրինակաց բնութեան և ճշմարտութեան :

Օ ի քանի գեղեցիկ են այն բանք . “Երանի՛ եթէ վասն քո և ի քումմէ հաւատարմութէ չիցեմ խաբեալ և կամ փնասեալ , : Վանի ոսկեղէն և այս . “Իբր՝ ի մէջ բարեաց բարիոր վարիլ պարտ է և առանց նենգանաց , : Ս և թէ ոչ բարիքն իցեն , և զինչ այն բարիքն վարիլ , ինչիւր է մեծ : Վպաբէն Ս . Սկեւողա քրմակետն մեծ ասէր՝ թէ գերազոյն զօրութիւն է յայն ամենայն վճիռս յորս լինի յաւելուլ յղջմտութիւն և զայս անուն ողջմտութեան համարէր սփռեալ տարած ի խնամակալութիւնս որբոց , յրնկերութիւնս , ի գրաւականութիւնս , ի յանձնարարութիւնս , ի տուր և յառ , ի վարձմունս , յաւանդս , յորս բովանդակի ընկերութիւն կենցաղոյս . և ի նոսին ասէր մեծի դատաւորի է գործ որոշել , մանաւանդ ուր ի բազում իրս լինին դէմ ընդդէմ դատաստանք , եթէ զինչ ինչ ո՞ր ում ումեք պարտական իցէ հատուցանել :

Ս որին աղաքաւ ի բաց դնել պարտ է զխորամանկութիւնս և զչարութիւնն զայն , որ կամի արդեօք խոհեմութիւն երեւել , այլ հեռի է ի նմանէ և բացական յոյժ : Ս ասն զի խոհեմութիւնն ունի գտեղի յընտրութեան բարեաց և չարեաց . իսկ չարութիւն խորամանկութեան , եթէ արդարեւ ամենայն որ անպատեհն է՝ չար է , զչարն նախապատիւ առնէ քան զչարին : Ե ոչ միայն ի կալուածս՝ քաղաքական իրաւունքն ի բնութեանն առաջնորդեալ՝ վրէժինդիր լինի չարութեան և նենգութեան , այլ և ի վաճառման արծաթագին ծա-

ուայից 'ի բաց զատուցանի ամենայն նենգութիւն վա-
ճառողին : Օ ի որ պարտականն էր գիտել զառողջու-
թենէ նոցա , զփախստականութենէ և զգողութենէ ,
բան հաստատութեան տայ առաջի գործակալացն շի-
նուածոց : Լ՝յլ կարգ է ժառանգաց : Յորմէ արժան
է իմաստասիրել , թէ որովհետեւ աղբիւր իրաւանց
բնութիւնն է , ըստ բնութեան է այս՝ զի ոչ ոք աւա-
րեսցէ ինչ յայլոյ անգիտութենէ : Եւ չէ մարթ գտա-
նել մեծ ևս փնաս կենաց , որպէս կեղծիք դիտակցու-
թեան 'ի չարութե , յորմէ ծնանին այդ ամենայն իրք
անթիւք . զի օգտակարքն դիմամարտ երեւին համես-
տից : Օ ի ո՞րք այնչափ արթուն գտանիցի , որ յանպար-
տականութեան և յանգիտութեան ամենայնի կարող
լիցի անձնապահ լինել 'ի զրկանաց :

ԺԸ . Համարձակիմ ասել , թէ գթեմք և յօրինակս
անդ , յորս թերեւ խառնիճաղանձն ոչ կարծէ մեղս
ինչ լինել . զի ոչ եթէ զսիկարեանց , զդեղատուաց ,
զսուտ կտակագրաց , զգողոց և զհուղկահարաց յայսմ
վայրի ճառիցեմք . զորս ոչ եթէ բանիւք և վիճաբանու-
թեամք փիլիսոփայից պարտ է յաղթահարել , այլ կա-
պանօք և բանտիւք . այլ մեր զննութի լիցի զգործոց նո-
ցա ոյք 'ի համար բարեաց գրին : Օ Մինուկիոսի Ռաս-
լի՝ մեծատան առն զսուտ կտակ բերին ոմանք 'ի Յու-
նաստանէ 'ի Հռովմ . յորում առ դիւրագոյնս յաջողել՝
գրեցին ժառանգակիցս իւրեանց զ]]՝ . Վրասոս և զԼ .
Հորտենսիոս , զարս զօրաւորս յոյժ 'ի ժամանակին . որք
թէպէտ 'ի կասկածի եղեն ընդ ստութիւն իրացն , այլ
զի ինքեանք ոչ ինչ զանձանց մեղս գիտէին , զպարգե-
այլոցն չարագործութեանց ոչ յանձանց 'ի բաց մերժե-
ցին . իսկ արդ զիմոր . եթէ շատ իցէ այդ առ չերեւ-
լոյ նոցա յանցաւոր . ինձ ոչ այդպէս թուի բնաւին ,
թէպէտ և մին սիրելին իմ էր 'ի կենդանութեան , և
միւսն ոչ ասելի յետ մահուան : Լ՝յլ յորժամ Ռասիլ
կամեցաւ , զի Լ՝ . Սատրիոս քեռորդի իւր լիցի յաջորդ-
անուան իւրոյ , և զնա կացոյց ժառանգ բանիւս , Օ սա
անուանեմ տէր պիկենեան և սաբինեան ագարակի ,
բաբէ անարգանաց աւուրցն այնոցիկ . միթէ իրաւացի
էր , զի գլխաւորք 'ի քաղաքացոց տիրեսցեն իրացդ , և
Սատրիոսի ոչ ինչ անկցի բաց յանուանէ : Օ ի եթէ

այն՝ որ ոչն պաշտպան կանգնի ընդդէմ զըրանաց, և ոչ 'ի բաց վարէ յիւրոցն յորժամ կարէ, անիրաւս գործէ, որպէս յառաջին գիրս ասացի, որպիսի ինչ համարեսցի նա՝ որ ոչ միայն ոչ մերժէ 'ի բաց զգրկանս, այլ և ձեռն տու լինի: Եւ և ոչ զճնարիտ ժառանգութիւնս ասեմ համեստ՝ եթէ ստացեալ իցեն չարարուեստ հա մոզանօք մարդելուզութեանց, ոչ ճնարտութեամբ՝ այլ կեղծեօք:

Եւ յայդպիսի անցս այլ թուի երբեմն օգտակարն, և այլ համեստն: Սուտ է. զի նոյն կանոն է օգտակարութեան և համեստութեան: Որ միանգամ ոչ 'ի միտ առնու զայս, յայնպիսւոյն ոչ հեռի գտանի ամենայն նենգութիւն և ամենայն չարագործութիւն: Օր 'ի խորհելն այսպէս ընդ սիրտն՝ թէ թէպէտ և այս ինչ համեստ է, այլ այն ինչ օգտէ, զի բնէ զօղեալսն յաւակնի քակտել մոլորութեամբ. որ է աղբիւր խորդախութեանց, չարագործութեանց և ասլիրատութեանց ամենայնի:

ԺԹ. Եւս ուրեմն այր բարի թէ և զայնպիսի ունիցի զօրութիւն, մինչ զի 'ի զընդել զմատուռն կարող իցէ մոծանել զանուն իւր 'ի կտակ փարթամաց, ոչ պարտի 'ի կիր արկանել զայդ զօրութիւն. և այն թէպէտ և իրագէտ լինիցի՝ թէ ոչ որ ունի առնու ինչ կասկած զիրացդ: Եւս թէ 'ի ձեռս տայիր զզօրութիւնդ զայդ Ս. Արատոսի, զի բաբախմամբ մատանց կարող լինիցի զրիլ 'ի ժառանգ, մինչ դեռ ոչն էր ստուգութեամբ ժառանգ, հաւատա ինձ, 'ի հրապարակի կաքուէր: Եւս այր արդար, և զոր իմանամքս այր բարի, ոչ ինչ յայլմէ յինքն յանկուցանէ:

Որ միանգամ զարմանայ ընդ այդ, այնպիսին խոտովան լինի չգիտել թէ զինչ իցէ մարդ բարի: Եւ ուր միանգամ կամիցի զանձին իւրոյ զկնճռեալ ճանաչումն քակել և լուծանել, այնուհետև անձամբ զանձն ուսուցանէ՝ թէ նա է մարդ բարի՝ որ օգտէ ում կարէ. և ոչ ստնանէ ումեք, եթէ ոչ հարստահարեալ անիրաւութեամբ: Եւ զիմարդ. ոչ ստնանէ դա, որ որպէս կախարդանօք իմն տայ 'ի բաց հանել զճնարիտ ժառանգս, և ինքն փոխանակաւ մոռնէ 'ի նոցա տէրին: Եւս ասիցէ որ. ապա ուրեմն ոչ արասցէ որ զոր

օգուտ պետանէ, զոր լաւն է անձին : Ս'անաւանդ 'ի միտ առցէ՝ թէ ոչ ինչ է լաւ ինքեան, և ոչ ինչ օգտակար՝ որ ինչ անիրաւն է : Որ դը զայդ չուանի, մարդ բարի լինել ոչ ունի :

Ի ուեալ է իմ'ի հօրէ մերմէ 'ի մանկութեանս, թէ Փիմբրիաս այր հիւպատոսական՝ կարգեցաւ դատաւոր ինդրոյ Ս' : Ուտատիոսի Վինթիայ, հոռմնայեցւոյ առ պետի՝ համեստ առն, ուր սա խոստումն էր արարեալ դրամոց՝ եթէ ինքն չիցէ այր բարի : Ի՞րդ ասաց առ նա Փիմբրիաս . ես ոչ երբէք դատաստան արարից 'ի վերայ բանիդ այդորիկ . զի մի կամ համբաւագերծ արաւ ցէ զայրն գովելի՝ եթէ ընդ հակառակն դատեսցի, և կամ երեւեսցի վճռել՝ թէ գոյ դը այր բարի, և զի այս յինքն բովանդակէ զանհամար լաւութիւնս և զգովութիւնս : Ի՞րդ այսպիսում բարի առն, զոր և Փիմբրիաս ինքն 'ի միտ՝ և ոչ եթէ Սոկրատ միայն էր ինքն ինքի մարթի երեւել իմիք օգտակար՝ որ անհաւատ : Վասն որոյ այր այդպիսի ոչ միայն առնէր ինքն 'ի միտ ածել համարձակեսցի ինչ՝ զոր ոչ համարձակեսցի քարոզել : Ոչ ապաքէն անպատեհ է տաքաւորութիւն փիլիսոփայից ընդ այսոսիկ, ընդ որ և ոչ գեղջուկք տարակուսին, յորոց ել բանն այն՝ որ առ հնութեան յառակս եղև . զի յորժամ գովել կամին զհաւատարմութիւն և զլաւութիւն ուրուք, ասեն . Ի՞րժանի է՝ ընդ որում և 'ի մթան խաղայցես զխաղն միտանց : Եւ զինչ բանիս զօրութիւն . այն՝ թէ ոչ է յօգուտ՝ որ ոչն վայելէ . թէպէտ և կարող իցես զբաւմբ ածել զայն առանց կշտամբելոյ յումբք : Տեսանէս, զի ըստ առակիդ՝ և ոչ Վիւգեսայ լինի հրաման տալ, և ոչ այնմ՝ զոր փոքր մի յառաջ կեղծէի, կարող գոլ բաբախմամբ մատանց խլել զժառանգութիւնս ամենեցուն : Վճանգի զոր օրինակ որ ինչ անպատեհն է՝ թէպէտ և թաքուցանիցի, այլ ոչ ինք մարթի համեստ լինել, սոյնպէս և որ ոչն է համեստ՝ չկարէ լինել օգտակար . զի բնութիւն հակառակ է այդմ և դիմամարտ : Ի . Բայց ասիցես . ուր մեծամեծ են վարձք, գոյ առիթ մեղանչելոյ : Եւ Ս'արիոս՝ որ հեռի էր յոյժ յակրնկալութենէ հիւպատոսութեան, և եօթներորդ ևս ամ էր յետ դատաւորութեանն՝ զի կայր ընկեցիկ, և

Թուէր եթէ ոչ երբէք այլ ունի զհետ լինել հիւպատոսութեան, զ[] . Ստեղծո՞ւ զայրն ականաւոր և քաղաքացի, որոյ էր ինքն դեսպան, զըպարտեաց առաջի ժողովրդեանն Հռովմայ 'ի ժամանակին՝ յորում առաքեցաւ 'ի նմանէ 'ի սպարապետէ անտի իւրմէ 'ի Հռովմ, որպէս թէ կամաւ երկարիցէ զպատերազմն զայն : Եւ եթէ զիս հիւպատոս առնիցէք ասէ, եթէ կենդանւոյն և եթէ մեռեալ՝ ընդ ձեռամբ ածից Հռովմայեցւոց ըզ[] Յուդութ : Եւ այնպէս եղև և ինքն հիւպատոս, այլ օտարացաւ 'ի հաւատարմութենէ և յարդարութենէ, ընդ մահանօք արկեալ սուտ բանսարկութեամբ զայրն զկարի լաւ և զարգոյ քաղաքացին՝ որոյ էր պատգամաւոր և առ 'ի նմանէ առաքեալ :

Եւ ոչ իսկ մերս Վրատիդիանոս զառն բարւոյ զգործ յանձին եցոյց 'ի ժամանակին՝ յորում պոետոր՝ էր, և տրիբունք՝ ժողովրդեան եկին խորհուրդ հարցանել 'ի պոետորաց, զի զինք դրամոց հասարակաց հաւանութիւն սահմանեցին : Ս ասն զի զայնու ժամանակաւ ընդ փոփոխութեամբ էր դրամն, մինչև ոչ ումեք կարող լինել գիտել թէ որչափ ինչ ունիցի : Վրեցին միաբան հրովարտակ ընդ պատժով և ընդ դատաստանաւ, և սահմանեցին՝ զի ամենեքեան միահամուռ զինի միջօրէի 'ի բեմն ելցեն : Եւ իւրաքանչիւր որ յիւր կողմն գնացին . իսկ Սարիոս 'ի բազմականէն դէպ ուղիղ 'ի բեմն, և զոր կարգեալ էին 'ի միասին՝ միայնակ հրատարակեաց : Եւ այս, եթէ հարցանես, 'ի մեծ պատիւ եղև նմա . յամենայն ճանապարհս արձանք կանգնեալք, և որոց յանդիման խոնկէք և մոմեղէնք : () Ի ևս յերկարեցից . ոչ որ այնպէս սիրելի գտաւ յաչս բազմութեան :

Եւ յաղբիկ ահա ամբոխեն զմիտս մարդկան երբեմն յընարութեանն . զի ոչ մեծ համարի այն՝ յորում առ ոտն արդարութիւնն հարկանի, այլ որ զհետն գայ այնր՝ յոյժ մեծ այն գրի : Եւ յայտն Սարիոսի ոչ այնչափ անպատեհ երևեցաւ յանձն իւր կորզել յաթուակցաց և 'ի հաղարապետաց ժողովրդեան զճորհ ամբոխին . այլ այնու ելանել 'ի հիւպատոսութեան բարձ, որում յայնժամ զհետ էր, օգտակար յոյժ : Եւ մի

1 Դատաւոր :

2 Հաղարապետ :

կանոն է ամենայնի, զոր կամիմք քեզ քաջ գիտել. այս է՝ կամ որ օգտակարն երևի՝ չիցէ անպատեհ, և կամ էթէ անպատեհ իցէ, մի երևեսցի օգտակար : Իսկ արդ զիարդ. միթէ հնար է ինձ կամ զ]] արիոսն զայն այր բարի համարել, և կամ զսա : Վհնեա և զնեա զմիտս քո, զի տեսցես՝ թէ որպիսի է՝ ի միտս անդ քո կերպարան և տեսիլ և ծանօթութիւն առն բարւոյ : Իւրդ միթէ անկ է բարի առն ստել առ շահասիրութե, զրպարտել, յափշտակել և խաբել : Եյայտ է թէ և ոչ բնաւ երբէք :

Պայ արդեօք այնպիսի ինչ յարգի, կամ դիւրութի այնչափ ցանկալի, զի առ նովաւ կորուսանիցես զանուն և զպայծառութիւն առն բարւոյ : () Ինչ կարիցէ բերել քեզ անուանեալդ այդ օգուտ՝ փոխանակ այնոցիկ զորս կարէ բառնալ ի քէն, եթէ ի բաց հանցէ զհաւատարմութիւն քո և զարդարութիւն, և մերկացուցէ ի քէն զանուն առն բարւոյ : Վանգի զինչ խտիր կայցէ, եթէ ոք ի մարդկութենէ ի զաղանութիւն փոխեսցի, և կամ թէ ի մարդայ կերպարանա բարձեալ բերիցէ զանգթութիւն զազանի :

ԻԱ. () Ինչ այլ. որ միանգամ ապախտ առնեն զամենայն ուղղութեամբ և զհամեստութեամբ, միայն թէ մեծութեան հասանիցեն, ոչ ապաքէն ոչ ինչ ընդհատ ի նմանէ գործեն, որ և աներ կամեցաւ ստանալ ինքեան այնպիսի, զի նորա յանդգնութեամբն մեծասցի : () Գտակար թուէր նմա մեծագոր լինել օտարին մախաւ նօք : Եւ ոչ տեսանէր՝ թէ քանի անիրաւութիւն է այդ ընդդէմ հայրենեաց, քանի անդահ, և քանի անպատեհ : Իսկ ինքն փեսայն հանապազ ի բերան ունէր զյուշական տաղաչափութիւնա զ() ինեայց. զորս երկրորդեցից՝ որպէս և զիարդ մարթ է ի մեր բարբառ՝ թերեւս անալի, այլ սակայն առ ի մարթելոյ զիրմն առաջի առնել :

Ի իցի երբէք թոյլ իւիք կալ ոտընհար իրաւանց :

Եյո միայն առ իշխել իսկ յայն ողջոյն յօրէնա կաց :

Պիտապարտ է Ետեոկդէս, կամ մանաւանդ Երիպիդէս՝ որ զայս մի միայն որ ամբարշտագոյնն էր քան զամենայն՝ ի բաց զատոյց :

() Ի է մեզ այսուհետե մանունց լինել ի ինդիր .

ժառանգութեց ասեմ, վաճառականութեանց և վաճառմանց խարդախելոց: Լ՛անիկ քեզ. որ դը ցանկանայցէ թագաւոր լինել ժողովրդեան Հոռվմայ և իշխան ամենայն ազգաց, 'ի գլուխ հանցէ: Լթէ դը համեստ ասէ լինել զցանկութիւնդ զայդ, անմիտ է. քանզի հաւան գտանի ընդ կորուստ օրինաց և ազատութեան. և զոտնակոխն լինել նոցուն անօրէնութեամբ և գարշութեամբ՝ 'ի փառս գրէ: Եւ որ լինի խոստովան, թէ չէ համեստ թագաւորել 'ի քաղաքի անդ՝ որ ազատն էր և պարտէր լինել, այլ ասէ՝ որ կարողն իցէ զայդ առնել՝ նմա է օգտակար, զայնպիսին որով կշտամբութիւն, մանաւանդ թէ որով թշնամանօք գուն եղից հանել յահագին մոլորութենէ անտի: Եւ հնար լինել ումեք օգտակար, ո՛ր անմահ դիք, քան զհայրասպանսն ամենապիղծ և ամենազարն հայրենեաց սպանող. թէպէտ և նա ինքն որ 'ի սոյն մտաբերեաց՝ 'ի քաղաքացոյց անտի նկուն եղելոց հայր անուանեսցի: Եւ պա 'ի համեստութենէ պարտ է չափել զօգտակարութիւն. և այն այնպէս, զի երկոքին սղբա երեւեսցին 'ի ձայնսն և եթ զանազանիլ 'ի միմեանց, բայց իրօք զմիինչ նշանակել:

Եւ գիտեմ եթէ առ կարծիս ռամկին՝ իցէ ինչ այլ քան զթագաւորեն օգտակարագոյն. այլ յորժամ սկսայ երանել ճշմարտութեան 'ի խնդիր, տեսանեմ զհակառակն. չգտանել այլ ինչ այնպէս անօգուտ այնմ՝ որ յան իրաւի հասեալ իցէ 'ի նոյն: Եւ ամն զի միթէ կարիցեն օգտակար լինել ումեք նեղութիւնք, հոգք, արհաւիրք տուրնջնային և զիշերային, և կեանք դաւաճանութիւն և վտանգօք լի:

Եւ յորովք անօրէնք ուանհաւատարիմք

Թագաւորութեան, սակաւք են բարիք.

Եւ Լ՛կկիոս քերթող: Եւ որպիսով թագաւորութեան. այնմ՝ որ 'ի հանտաղոսէ և 'ի Պեղոպայ փոխանցեալ իրաւամբք իշխէր: Եւ դը որչափ ևս առաւել բազումն կարծիցես զթագաւորին այնորիկ որ 'ի ձեռն զօրաց ժողովրդեանն Հոռվմայ գնա ինքն զՀոռվմայ ժողովուրդն նուաճեսցէ, և զքաղաքն՝ ոչ ազատ միայն, այլ և ազգաց իշխեցող, ստիպեսցէ յիւր ծառայութի: Բանի արատ խղճի մտաց յանձին ունիցի այնպի.

սին՝ կարծիցես, որչափ վերս: Եւ զոր կեանք յօգուտ կարիցէ լինել նմա, ուր յայնպիսի իցէ վիճակի կեանք նորա, զի որ բառնայ զայն՝ հանդերձեալ է հասանել մեծի շնորհի և փառաց: Եւ արդ եթէ այսոքիկ՝ որ մեծապէս օգտակարը կարծեալ լինէին և չեն, զի լի են անշքութեամբ և անպատեհութեամբ, կարի քաջ հաւատարիմ պարտի լինել՝ թէ չիք ինչ օգտակար առանց լինելոյ համեստ:

ԻԲ. Եւ այս որպէս յաճախ յայլ նուազո, նոյնպէս և ՚ի պատերազմն Պիւռոսի՝ այսպէս դատեալ եղև ՚ի Լ. Փաբրիկիոսէ յերկրորդ նուագի հիւպատոսութեան, և ՚ի ծերակուտէ մերմէ: Ը ի յորժամ Պիւռոս արքայ կամակար պատերազմ յարոյց ընդդէմ ժողովողեանա Հուլմայ, և կոհն էր ՚ի պաշտպանութիւն տէրութե ընդ այնպիսում քաջ և հզօր թագաւորի, փախստական ոք առ ՚ի նմանէ եկն ՚ի բանակ Փաբրիկիոսի և բան ետ նմա, զի թէ վարձս խոստանայցէ ինքեան, ինքն յանձն առնու՝ որպէս զանխուլ էր եկեալ, նոյնպէս զանխուլ ՚ի բանակ անդր Պիւռոսի դառնալ և դեղամահ գնա կորուսանել: Եւ Լ. Փաբրիկիոս փոյթ կալաւ մատնել զայրն ՚ի ձեռս Պիւռոսի. և այս գործ նորա գովեցաւ ՚ի ծերակուտէն: Բայց արդ եթէ զկերպարանս և զկարծիս օգտակարութեան խնդրեմք, զմեծ զայն պատերազմ և զմեծ թշնամին տէրութեան բառնայր ՚ի միջոյ մի միայն փախստեայ այր. այլ մեծ անշքութիւն և ապիրատութիւն լինէր, եթէ պատերազմն գովելի՝ ոչ քաջութեամբ՝ այլ անօրէնութեամբ ՚ի գլուխ ելանէր:

Եւ արդ եթէ Փաբրիկիոսի՝ որ այնպիսի գտաւ ՚ի քաղաքիս՝ որպէս Լ. Երիստիդէս Եթէնս, և եթէ ծերակուտիս մերում՝ որ ոչ երբէք որոշեաց զօգուտ ՚ի վայելչութենէ, որ յերկուց այտի առաւել օգտակար եղև. զի նոք արդեօք մարտնչել ընդ թշնամոյն, եթէ թուհիւք: Եւ թէ փառաց վասն ցանկալի է իշխանութիւն, հեռի լիցի ապիրատութի, յորում ոչ կարէ լինել փառք: Եթէ հարստութիւնը գլխովին ցանկալի թուին զինչ և է օրինակաւ, չկարեն օգտակար լինել վատանունութե հանդերձ: Եւ պա չէր օգտակար խորհուրդն այն Լ. Փիլիպպոսի՝ որդւոյ Լ. զի որչափ ինչ քաղաքս ազատեալ էր Լ. Արդլա՝ դրամս ՚ի նոցանէ առեալ, վճռով ծե-

րսկուտին, նոքին վերստին հարկատու ընդիցին. և մի ի նոսա անդրէն դարձուցուք, ասէր, զդրամն՝ զոր տուեալ էր նոցա վասն ազատութե իւրեանց: Հաւանեցաւ նմա ծերակոյտն՝ յամօթ տէրութեան. զի լաւս են հաւատք հինից ծովու՝ քան այնպիսի ծերակուտի: Բայց աճեաց ասէն հարկատուութիւնն. ասպօգտակար ինչ եղև: Սինչև ցերբ Ժպրհին օգտակար կուչել զայն ինչ՝ որ ոչ համեստ իցէ:

Եւ միթէ կարէ օգտակար լինել ատելութիւն և վատ անունութիւն տէրութեան իմիք, որ պարտի ամրանալ փառք և յօժարակամութեամբ դաշնակցաց: Եւ իսկ գլխովին ընդ իմումս Կատովնի յաճախ տարաձայն երևեցայ: Վանգի թուէր ինձ եթէ կարի իցէ նախան ձայնոյ ի պաշտպանել զանձուն և հարկաց՝ զանալով զամենայն ինչ մաքսաւորաց, և բազում ինչ նիգակակցաց. ուր պարտ էր մեզ առ նոսա բարերար երևել, և ընդ սոսա վարիլ որպէս ընդ գաղթականս մեր. և այնչափ առաւել, որչափ զի այդ զուգաւորութիւն կարգաց ի պահպանութիւն էր տէրութեան հասարակաց: Զաւրաջար էր և Կուրիովնին գործ, յորժամ արդարացուցանէր զգատ Տրանսպարեայց՝ որ միշտ զայն երկրորդէր, () գումն լիցի յաղթական: Սանաւանդ պարտ էր նմա ասել. չէ իրաւացի, ոչ լինիցի և յօգուտ հասարակաց տէրութեան. քան եթէ օգուտ ասելով գո՛ւ խոստովանել զանիրաւն լինել:

Ի Գ. Ի էն վեցերորդ գիրք Հեկատովնի յաղագս պատշաճից՝ այսպիսի խնդրովք. Սիթէ առն բարոյ իցէ գործ ի յետին պակասութեան պարենի ոչ կերակրել զիւր տուն: Երկաքանչիւր կողմն պայքարի. այլ ի վախճանի համարի, եթէ առաւել օգտակարութե քան մարդասիրութեամբ պարտ է կանոնաւորել զպատշաճն: Եւսդիր ի մէջ առնու, զի թէ՛ ի ծովու հարկ լինիցի կորուստ ինչ առնել, արդեօք զազնուագին երիւ վարն արժանի իցէ կորուսանել առաւել՝ եթէ զցածագին որ ծառայ անպիտան: Եւսրանօր այլուր հայեցուցանեն ինչքն, և այլուր մարդկութիւն: Եթէ տախտակ ի նաւարկութեան ի ձեռս բերեալ իցէ խելագարն,

օրէն իցէ իմաստոյն կորզել զայն՝ ի ձեռաց նորա՝ եթէ կարիցէ : (Ը՝ ասէ , վասն զի անիրաւութիւն լինի : () Բնչ ապա . տէր նաւուն կարող իցէ յափշտակել զայն իբրեւ զիւր . և ոչ բնաւ . ոչ ինչ ընդհատ՝ որպէս եթէ զոք ՚ի նաւողաց ՚ի խորս անդ կամիցի ընկենուլ ՚ի նաւէ անտի , պատճառելով իւր գոլ զնաւն : () Ի վարձեալ նաւուն՝ ոչ ևս տեառն իւրոյ է , այլ նաւելոցն :

Իսկ զԲնչ . եթէ ՚ի մի տախտակ գտցին երկու նաւա բեկք , երկոքեանն իմաստունք , յափշտակեսցէ զայն յինքն սա և նա , եթէ մին միւսումն թողցէ : (Թողուլ թողցէ , այլ այնմ՝ որոյ կեանքն առաւել պիտանի իցէ կամ վասն իւր կամ ՚ի պէտս հասարակաց : Իչ զԲնչ եթէ զուգահաւասար իցեն յայսմ մասին : Ե) ՚ի հակառակեսցին . այլ իբրեւ վիճակաւ կամ խաղիւ մատանց յաղթեալ՝ տեղի տացէ այր ընկերին :

Իթէ հայրն զմեհեանս կողոպտիցէ կամ ական հատանիցէ ՚ի գանձն , զԲնչ . որդին զեկուացէ զայդ դատուորաց : Չէ օրէն . մանաւանդ հովանի լիցի հօրն՝ եթէ ՚ի վեր ելլէ բանն : Իպա հայրենիքն ոչ է նախապատիւ քան զայլ ամենայն գործս : Իարի իսկ քաջ . այլ օգուտ է հայրենեաց գլխովին քաղաքացիս ունել հայրասէրս կամ բարեպարիշտս առ ծնողս : Իսկ զԲնչ , եթէ հայրն գուն գործիցէ բռնակալել , կամ մատնիչ լինել հայրենեաց . միթէ լռել ունի որդին : Պարտ է նմա աղաչել թախանձանօք զհայրն չառնել զայն . եթէ ինչ ոչ օգտի՝ ամբաստան լինել , և սպառնալ ևս : Իչ պարզաբար՝ եթէ ՚ի փնաս հայրենեաց իրքն բերիցին՝ արդոյ համարեսցի զկեանս հայրենեաց քան զհօրն :

Իարձեալ խնդիր ՚ի մէջ առնու . եթէ իմաստունն յանգէտս առեալ իցէ կեղծ դրամն իբրու լաւ , յետ իրագէտ լինելոյ կարող իցէ վճարել զայնոսիկ՝ եթէ ումեք պարտական իցէ , իբրու լաւ : Դիողինէս՝ այո ասէ : Ինտիպատրոս , ոչ . որում առաւել լինիմ ձայնակից : Ըր դք գիտութիւն վաճառէ զգինի կիսախանդար , պարտակա՞ն իցէ ասել : Ը հարկաւոր դատի Դիողինէս . Ինտիպատրոս առն բարւոյ յանկաւոր համարի : Ըյս են գողցես իրաւունք արկեալք ընդ խնդրով առ Ստոյիկեանս : Ըրդեօք ՚ի վաճառել զարծաթագին ծառայս՝ պարտ իցէ ասել զպակասութիւնն . ոչ զայնս

ասեմ, զորս եթէ չասիցես՝ յետո դարձունցի ծառայն ըստ քաղաքական իրաւանց, այլ զայսոսիկ թէ է ստախոս, վիզախաղաց, գողաբարոյ և արբեցող: Ոմանք ասեն այո, և ոմանք ոչ:

Եթէ որ ոսկի հանցէ՝ ի վաճառ՝ կարծելով ոսկեպղինձ վաճառել, յայտնեսցէ՝ արդեօք նմա այր բարի՝ թէ է այն ոսկի, եթէ գնեսցէ դէնարի միոջ զայն որ է հազար դէնարի: Վաճառյալ իսկ է զայսցանէ եթէ իմ կարծիք՝ և եթէ ընդդիմակ կարծիքն եղեալ՝ ի մէջ փրկիսփայլիցդ զորս անուանեցի:

Ի՛. Եթէ և խոստմունք որ ոչ բռնութեամբ և ոչ չար նենգանօք (այլ ըստ պոետորաց) եղեալք, պահելի իցեն արդեօք միշտ: Եթէ որ դեղ ումեք տայցէ վասն ջրգողութեան այսու դաշամբ՝ զի թէ առողջասցի նովաւ, ոչ այլ երբէք ի կիր առնուցու զայն դեղ. և յետ ամաց ինչ անկցի ի նոյն հիւանդութիւն, և ոչ կարասցէ առնուլ հրաման ի նմանէ ընդ որում դաշն եղ առ միւսանգամ ի կիր առնուլ զայն, զի՞նչ առնել արժան իցէ: Վասնզի անմարդի է որ չտայցէ հրաման, և զի ոչ իսկ լինի նմա անիրաւութիւն ինչ, արժան է զլաւն կենաց և փրկութեան անձին ընտրել:

Իսկ զի՞նչ, եթէ որ իմաստուն թախանձեալ յառնէ որ զնա ժառանգ կացուցանիցէ, թողլով կտակաւ սեստերտս երեքհարիւր բիւր, զի յառաջ քան զմոռնելն ի ժառանգութիւն՝ ի լոյս տունջեան ի հրապարակի կաքաւիցէ. և նա խոստասցի առնել, քանզի այլազգ ոչ կամիցի գրել զնա ի ժառանգութիւն, լցուցէ՞ զխոստումն՝ եթէ ոչ: Ի աւ ևս էր չխոստանալ. և զայդ համարիմ պատճառ դժուարութեն: Եւ քանզի խոստալաւ, եթէ անպատեհ վարկանի կաքաւել՝ ի հրապարակի, սակաւամեղ ստախոս գտանի եթէ ոչ ինչ առցէ ի ժառանգութենէ՝ քան եթէ առցէ. եթէ ոչ գուցէ զայն դրամ ի կարեւոր ինչ պէտս հասարակաց վարեալցէ. զի և կաքաւելն ի կամել անդ օգտել հայրենեաց չիցէ անպատեհ:

Ի՛. Եթէ և ոչ զայն խոստմունս պահել արժան է՝ որ չիցեն օգտակար որոց խոստացարն: Երեգակն, առցուք օրինակ և յառասպելեաց, ասաց որդւոյ իւրում Վայելթնի՝ թէ արարից զի՞նչ և ցանկայ անձն քո.

և նա ցանկացաւ ելանել 'ի կառս հօր իւրոյ . և իբրեւ ել, ճհ անմիտ, մինչ չեւ էր բազմեալ՝ կայծակնաճար բռցակիզեցաւ : Ո՛րչափ առաւել լաւ ևս էր յայսմ եթէ հօրն չէր պահեալ զխոստումն : Օ՛րնչ ասացից զ(Թ)եւսեանսէ որ պահանջեաց զկատարումն խոստմանն 'ի Պոսիդոնէ . որում իբրեւ առաջի եղ Պոսիդոն երիս ըղձութիւնս, իղձ եղև նա ընդ կորուստ որդւոյ իւրոյ չի պողիտայ, զի 'ի կասկածի էր հայրն ընդ նա զխորթմօրէն . իբրեւ կատարեցաւ ըղձութիւնն, (Թ)եւսեանս 'ի սուգ մեծ համակեցաւ :

Օ՛րնչ զ(Թ)եւսեանսէ, որ ուխտեալ (Բ)րտեմեայ զառաւել գեղեցիկ ծնեալն յայնմ ամի 'ի Թագաւորութե իւրում, զօհեաց զ(Կ)իրիզենիա . զի ոչ գոյր այլ գեղեցիկ քան զնա ծնեալ յայնմ տարւոյ : Եւ ևս էր ոչ կատարել զուխտն քան եթէ զայնպիսի անհեթեթ ու ճիրս գործել : (Բ)րդ և զուխտիւք երբեմն պարտ է զանց առնել, որպէս և ոչ զաւանդն միշտ դարձուցանել : (Ե)թէ որ առողջ մտօք սուսեր դիցէ առ քեզ յաւանդ, և 'ի ցնորին 'ի մտաց խնդրիցէ, մեղք են տալ, չտալն պատշաճ : Օ՛րնչ այլ . եթէ նա որ զարծաթ եթող քեզ յաւանդ՝ պատերազմ՝ յարուցանիցէ 'ի վերայ հայրենեաց, միթէ տան նմա անդրէն զաւանդն . կարծեմ ոչ . ապա թէ ոչ՝ զընդդէմն գործես հասարակաց տերութե՛ն՝ որ պարտի լինել քեզ սիրելի քան զամենայն : (Ե)սպէս բազում ինչ իւր բնութեամբ համեստ երևեալք՝ յանցանել ժամանակի լինին անհամեստք : Եւ տարումն խոստմանց, կալն 'ի դաշինս, դարձուցանել զաւանդն, 'ի փոփոխել օգտակարութեան լինին անհամեստ : (Ե)լ և զայնցանէ որ երևին լինել օգտակարութիւնք ընդդէմ արդարութեան ընդ պատրուակաւ խոհեմութեան, որպէս կարծեմ՝ փոքր 'ի շատէ ասացաւ :

Բայց քանզի 'ի չորից աղբերաց համեստութեան յառաջ բերաք յառաջին գիրս անդ զպատշաճս, 'ի նոսին դեգերեսցուք, զի ուսուցուք՝ թէ այն ամենայն որք երևին օգտակար գոյ, և չեն՝ եթէ իցեն թշնամիք առաքինութեան . արդ և զխոհեմութենէ, որում նմանող լինել կամի խորամանկութիւնն, որպէս և զարդարութենէ որ միշտ է օգտակար, ճառեցաք : Ո՛րնչ երկու այլ մասունք համեստութե՛ն, յորոց մին նշմարի 'ի

մեծութեան և 'ի գերապանծութեան վսեմողոյ, և միւսն 'ի վայելչութեան և 'ի բարեկարգութեան ժուժկալութեան և բարեխառնութեան :

ԻԶ. () Գտակար երևէր Ողիւսեայ, որպէս ոմանք 'ի թատրերգակ բերթողաց աւանդեցին, զի չիք առ Հռմբոսի քաջ մատենագրի այնպիսի ինչ կասկած զՈղիւսեայ, այլ կեղծէն զայն ողբերգակք, որպէս այն թէ յիմարութիւն կեղծեալ խոյս տալ 'ի զինուորութենէ իցէ կամեցեալ : Եւ չէր խորհուրդ համեստ : Բայց ասիցէ որ թերեւ . օգտակար էր թագաւորել, և յ' թակէ կեալ 'ի հանդարտութեան ընդ ծնողաց, կնաւ և որդու : Իսկ արդ մի թէ համարիցիս դու եթէ պանծանքն որ 'ի հանապազորդեան վշտաց վտանդի և վաւտակոց՝ դայցէ 'ի համեմատութիւն ընդ հանգարտութեանդ ընդ այդմիկ : Եւ ես արհամարհ և անարժան համարիմ զայդ հանդարտութիւն . զի զանհամեստն՝ և ոչ օգտակար լինել վարկանիմ : Եւ զինչ կարծես եթէ լսէր Ողիւսեա, եթէ յայն կեղծիս կայր մնայր . ուր յետ մեծամեծ գործս քաջութեան կատարելոյ 'ի պատերազմի՝ տակաւին զայս լսէր յ' յասայ .

Որ պարագլուխ երդմնաւորացն եկաց,
 Որպէս գիտէք՝ նա ինքն ուխտիցն դրոժեաց .
 Օ յիմարութիւն կեղծեալ՝ ետ խոյս 'ի չուոյն .
 Եւ թէ չազդէր Պաղամեղեայն արթնութիւն
 Հասու լինել յանդրգնութեան վատչուէր,
 'Լըւիրական ուխտն 'ի գետին անկանէր :

Ի աւերման ոչ միայն ընդ թշնամիս, այլ և ընդ ալիս մրցել, զոր և արար իսկ, քան թողուլ լքանել զմիաբաւնութիւն Յունաստանի 'ի տալ պատերազմ ընդդէմ բարբարոսաց :

Եւ թողցուք և զառասպելս և զարտաքիննս, եկեսցուք 'ի գործս եղեալս և առ մերմն : Եւ 'Ետտիղիոս Հռեգուլոս, յորժամ 'ի կրկին հիւպատոսութե դաւաճանութեամբ ձերբակալ եղև յ' փրիկէ, 'ի զօրավարութեան 'Եսանթիպպոսի լակեղեմնացոյ և 'ի սպարապետութեան 'Եմիդկարայ՝ հօրն 'Ենիբաղայ, երդումն տուեալ արձակեցաւ առ ծերակոյտն, զի թէ ոչ

դարձուցեն առ Պլենացիս զաղնուականս 'ի գերեաց , դարձցի ինքն անդրէն 'ի Վարբեդոն : Սա իբրև եկն 'ի Հոռվմ, զօգտակարութեան իմն տեսանէր զկերպարան . այլ զայն , որպէս յայտ եղև յեղի իրացն , սուտ վարկաւ . այս է մնալ 'ի հայրենիս , լինել 'ի տան իւրում ընդ կնոջն և ընդ զաւակաց . զվիշտս զոր 'ի պատերազմին կրեաց՝ հասարակ համարելով պատերազմական բախտի , կալ ունել զաշտիձան հիւպատոսական իշխանութեան : Եւ ուրաստ լինիցի զօգտակարութիւն իրացս . զոր կարծես՝ ժխտէ մեծասրտութիւնն և արիւութիւն :

ԻԷ . () օրինակս խնդրիցես ազգողականս . զի սեպհական է այդց առաքինութեանց ոչ զանգիտել ուստեք բնաւ . զամենայն ինչ զմարդկային արհամարհել , ոչ անբերելի համարել որ ինչ միանգամ մարթի պատահել մարդոյ : () Ինչ արար սա : Եկն առ ծերակոյտն , զպատգամն ծանոց , հրաժարեաց ասել զիւր կարծիս . ցորչափ կապեալ էր ընդ երդմամբ թշնամեաց , ոչ 'ի սինկղիտիկոս համարէր զանձն : Եւ որ մեծն է , (թերևս ասիցէ որ , ո՛վ անմտութեան առն հակառակողի անձին օգտի ,) պնդեաց՝ թէ չէ օգտակար յետս տալ զգերեալն . զի նորա , ասէ , երիտասարդք են , և քաջ զօրավարք , այլ ես ալեորեալ անձամբ : Եւ իբրև զօրացաւ բան նորա , կալան առ իւրեանս զգերեալն . ինքն դարձ արար 'ի Վարբեդոն . և ոչ կարաց նահանջել զնա ոչ հայրենեացն սէր և ոչ իւրոցն : Եւ ոչ զայն անգիտանայր 'ի ժամուն՝ թէ դիմեալ երթայ առ անազուրոյն թշնամի անդր , առ նորանոր տանջանս . այլ զերդումն պարտ վարկանէր պահել : Եւ այնպէս 'ի ժամանակին՝ յորում անբուն լլկանօք խոշոշեալ լինէր՝ 'ի լաւագոյն էր վիճակի՝ քան եթէ 'ի տան կայր մնայր ծերունի , գերի և ուխտադրուժ հիւպատոս :

Իայց ասես , անմտութեամբ գործեաց , զի ոչ միայն ոչ բարւոք դատեցաւ արձակել զգերիս , այլ և զայլ քեցեաց 'ի խորհրդոյ անտի : Եւ իբր անմիտ . միթէ և 'ի խորհրէն զօգուտ հասարակաց տերութեան : Իսկ արդ մարթ ինչ իցէ զի որ անօգուտն է հասարակաց , ումեք 'ի քաղաքացոց օգտակար լինիցի :

ԻԸ . () Հիմունս տապալեն զընութեան մարդիկ՝ 'ի զատանել անդ զօգտակարն 'ի համեստութենէ : Ի՛նչ

զի ամենեքին օգտակարութեան եմք ցանկացողք, և 'ի նոյն անդր յափշտակիմք, և չեմք կարող այլ ազգ ինչ առնել երբէք : Օ ի ո՛ր խորշիցի յօգտակարաց . կամ ո՛ր այն , որ ոչ ամենայն փութով պնդութեան զհետ նորա վարեսցի : Եւ քանզի ոչ ուրեք կարեմք , բայց միայն 'ի գովութեան , 'ի վայելչութեան և 'ի համեստութեան գտանել զօգտակարան , վասն այն զսոսա համարիմք առաջինս և ծայրագոյնս . և զանուն օգտակարութեան ոչ այնչափ պանծալի որչափ կարեւոր վարկանիմք :

Եւ զինչ իցէ՝ ասիցէ որ , յերդման անդ . միթէ 'ի ցասմանէ երկնչիմք Բրամազդայ . ուր հասարակ կարծիք են փիլիսոփայից ամենեցուն , ոչ նոցա միայն՝ որք ընտուած անգործ դնեն , և ոչ ինչ ազդող ումք , այլ նոցա ևս՝ որք հաւաստեն եթէ Եստուած գործէ միշտ և ներգործէ , բայց ոչ երբէք բարկանայ քսեն Եստուած և ոչ փնասէ : Եւ զինչ աւելի փնասել կարող էր Երամազդ . ցասուցեալ , որչափ անձամբ անձին փնասեաց Հռեգուղոս : Եւ ոչ հասանէր զօրութիւն կրօնի՝ մինչև ընդոտնել զայնչափ օգտակարութիւն : Եւ միթէ առ 'ի ո՛չ գործել զանպատեհս ինչ : — Եւ նախ զի են ընտրելի փորձներն 'ի չարեաց . և միթէ այնչափ չար էր անպատեհութիւնդ այդ , որչափ տանջանքն այն : Եւ կրորդ՝ և այն առ Եկեղիոսի .

Եւ նոյն գովաւոր , ոչ յուխտ մըտի ես .

Եւ չեկից ընդ քեզ յուխտ զի ժխտես .

Ի՞նչպէտեւ յամպարիշտ Թագաւորէ ասացեալ , բայց ասի ճահողակի :

Եւ արձեալ ասեն , որպէս դուք ասէք՝ Թէ ինչ ինչ օգտակար երևին՝ որ ոչն են , նոյնպէս և մեք՝ Թէ ինչ ինչ համեստ երևին , բայց չեն . զոր օրինակ այդ ձեզ համեստ երևի , վասն երդմնապահ լինելոյ դարձ առնել 'ի չարարանս . բայց ոչ համեստ գտանի , զի զեղեալն բռնութեամբ Թշնամեաց՝ չէր պարտ դատել օրինաւոր : Եւ ևս յաւելուն ասել . որ ինչ կարի օգտակար է , այդ համեստ գտանի , Թէպէտեւ յառաջագոյն չերևեսցի : Եւ յսոքիկ ահա ընդդէմ Հռեգուղոսի . այլ տեսցուք ըստ կարգի :

Ի Թ . Եւ պարտ երկնչել , ասէք , Եւ Բրամազդայ , ընդ

այն զի մի գուցէ բարկացեալ մնասիցէ. այն որ ոչ գիտէ բարկանալ և ոչ մնասել : Եւ այդ պատճառաբանութիւն ոչ ինչ ընդհատ՝ի Հռեգուղոսէ՝ ընդդէմ ամենայն երդմանս Կրեցի : Եւ յերդման անդ՝ ոչ պարտ է ի մաստատարել զերկիւղն , այլ զգորութիւնն : Այս ան զի երդումն է հաստատութիւն սրբազան . արդ զոր հաստատութեամբ խոստացար՝ որպէս վկայ կուէրով զԱստուած , զայդ պարտ է պահել : Օ՛ի այնուհետեւ ոչ ՚ի բարկութիւն աստուածոց յառել զակն պէտք ինչ են , որ ոչ ինչ իսկ է , այլ յարդարութիւն և ՚ի հաւատարմութիւն : Վանգի գեղեցիկ ասաց Եմիոս

Հաւատք դու վեհ սրացեալք ՚ի Թեւ ,

Երամագղայ ճահ երդմանց ես :

Եւս ուրեմն որ ստէ երդման , ստէ հաւատոց , զոր նախնիք մեր ընտրեցին զի կացցէ՝ ըստ գրեցելումն ՚ի Ճառն Աստուծոյ , ՚ի Ապիստոլիոն յանդիման մեծին՝ Երամագղայ :

Բայց ասեք . և ոչ Երամագղ ցասուցեալ աւելի ինչ մնասել ունէր Հռեգուղայ , որպէս նա ինքն Հռեգուղոս անձամբ անձին մնասեաց : Երդարեւ եթէ ոչ ինչ այլ չար գտանէր բաց ՚ի կրելոյ զցաւ . իսկ զայդ ոչ եթէ միայն ոչ ծայրագոյն գրեն չար , այլ և ոչ չար լինել հաստատեն արժանահաւատ վկայութեամբ իմաստասէրք . և զի Հռեգուղոս վկայ եղև բանից նոցա ոչ փոքր , այլ մեծ յոյժ՝ որպէս կարծեմ , մի բերիցիք աղաչեմ ՚ի Թնամանել զայրն : Օ՛ի զո՛ այլ խնդրեմք առաւել արժանահաւատ քան զիշխանն հռովմէական Ժողովըրդեան որ առ ուխտաբահութեան կամաւ մատնեցաւ ՚ի չարչարանս : Իսկ զոր ասենն , Փոքունք ՚ի չարեաց ընտրելիք , այս ինքն առաւել անպատեհն քան զԹշուառութիւն . միթէ կայցէ՞ չար ինչ մեծ ևս քան զանպատեհութիւն . եթէ ՚ի մարմնոյ տգեղութեայդ է խրտեցուցիչ , քանիպատիկ առաւել պարտի երևել խանգառումն և գարշութիւն տխեղծ հոգւոյ :

Այս օրոյ որ միանգամ ճշգրտոյնս ճառեն զիրացս , միայն զայն ինչ իշխեն չար ասել՝ որ ինչ անպատեհն է . և որք մեղմագոյնս խօսին , տակաւին նոքա ևս ոչ ինչ յերկուանան ծայրագոյն չար ասել զնոյն : Վանգի և քերթողին այն ասացուած , Այս յուխտ մտի ես , և չե-

կից ընդ քեզ յուխտ զի ժխտես, յայն սակս արդարացեալ է. զի՝ ի վարել ընդ Մտրեսի՝ ըստ առն ասել պէտք եղեն: Մպա եթէ զայդ գործի առնուն ՚ի ձեռս, որպէս թէ ոչ ինչ իցէ հաւատարմութիւնն զոր խոստանայ որ անհաւատարիմ անձին, զգոյշ լիցին՝ մի գուցէ խորշ թաքստի խնդրիցեն երդմնազանցութեան:

Վայ և իրաւունք պատերազմական, և հաւատք երդման՝ զոր բազում անգամ պարտ է պահել ընդ թշնամւոյն. զի որ ինչ երդմամբ հաստատեցաւ այնպէս, մինչև մտաց ըմբռնել՝ եթէ պարտի կատարիլ, զայդ պարտ է պահել: Իսկ եթէ այլ ազգ ինչ իցէ և չառնիցես զայն, չիք ինչ երդմնազանցութիւն: Օ որ օրինակ եթէ աւարհարուաց ոչ վճարեսցես զպայմանեալն ըստ գլխոյ զգին՝ չիք ինչ խաբէութիւն, թէպէտ և յետ երդմանն չառնիցես զայդ: Վանգի հուղկահարն կամ հէնն ոչ է ՚ի համարի դէմ ընդդէմ պատերազմողաց, այլ հասարակաց թշնամի: Ինդ այնպիսումն ոչ հաւատ և ոչ հաստատութիւն երդման է:

Օ ի ոչ եթէ սուտ երդնուն է երդմնազանցութիւն, այլ չառնելն զայն՝ զոր կամակար մտօք երդուեալ իցէ որ, որպէս առ մեզս սահմանեալ ձեռով բանից՝ երդմնազանցութիւն է: Վանգի գիտութեամբ ասաց լարի պիղէս:

Երդուայ լեզուաւ ես, միտքս է աներդումն՝:

Իսկ հռեգուղեայ չէր օրէն վեր՝ ի վայր առնել երդմնազանցութիւն զուխտ և զդաշն պատերազմական և թշնամական. զի ընդ արդար և ընդ օրինաւոր թշնամւոյ եր, որում հակառակ կային և բովանդակ օրէնք հրեշտակութեանց և այլ բազում իրաւունք հասարակայ: Եթէ չէր այդպէս, ոչ երբէք ծերակոյտն ՚ի ձեռս տայր թըշնամեաց կապեալս զարս երեւիս:

Եւ Քայց Տ. Ս. Ետուրիոս, և Սպ. Պոստումիոս ՚ի կրկին հիւպատոսութեան իւրեանց, քանզի ՚ի պարտութիւն մատնեցան առ Կաւտիոնիոս, և լեզէոնք մեր ընդ լծով անցին յորժամ խաղաղութիւն հաստատեցին ընդ Սամիւիացիս, մատնեցան ՚ի ձեռս նոցա. զի անանց հրեմանի ժողովրդեան և ծերակուտին արարեալ էին: Եւ

1 Վրիպակ իմաստասիրութիւն հեթանոսական:

'ի նմին ժամանակի Տիբերիոս՝ լուսնիկիոս , և Կ . Սե-
 թուս , որ հաղարապետը էին յայնժամ ժողովրդեան ,
 որովհետև նոցա բանին լեալ էր հաշտութիւն , մատ-
 նեալ եղէն , զի ցրեսցի խաղաղութիւնն՝ որ ընդ Սամնիա-
 ցիս : Եւ այսր մատնութեան յորդորիչ և հեղինակ
 գտաւ նա ինքն Պոստումիոս՝ որ մատնեցաւ : Օչոյն
 արար բազում ամօք զկնի Կ . Սանկիւտոս . զի որոյ ուխտ
 խաղաղութեան հաստատեալ էր ընդ լուսնատացիս
 առանց հրամանի ծերակուտին , աղերս արկ յորդորա-
 կան՝ զի մատնեսցի 'ի ձեռս նորա , որպէս և Դ . Փու-
 րիոս , և Սեբաստիոս . Ստիզիոս 'ի խորհրդարանի ծերա-
 կուտին վճռեալ էին . և առեալ զինչդիրն՝ անձնատուր
 եղև 'ի թշնամիս անդր : Համեստագոյն գտաւ սա քան
 զԿ . Պոմպէոս , որ 'ի նմին գտեալ վիճակի՝ աղերս մա-
 տոյց , և այնպէս զանց առին զօրինօքն : Եւ զայնօր ե-
 րևեալն օգտակար՝ զօրացաւ քան զհամեստութիւն . իսկ
 յառաջինս սուտ երևայթ օգտակարութեան յաղթա-
 հարեցաւ յերեսաց համեստութեան :

Իայց չէր պարտ , ասեն , օրինաւոր զրիւ , զի էր գործ
 բռնութեան՝ որպէս թէ մարթ ինչ իցէ առն քաջի ընդ
 բռնութիւն անկանել : Եւ առ իմէ 'ի ծերակոյտ անդր եր-
 թայր , երբ հանդերձեալ էր առաւել անհաւանելի ցու-
 ցանել նոցա զգերեացն արձակուող : Եւ առաւել
 պանծալին է 'ի նմա , զայդ ստգտանէք : Օ ի ոչ եթէ յիւր
 կարծիք յամուռեցաւ , այլ յանձն էառ զդատ՝ զի լիցի
 կամք ծերակուտին . որում եթէ ինքն չլինէր յորդոր ,
 ապաքէն գերեալն տուեալ լինէին անդրէն 'ի Պենա-
 ցիս . և այնպէս հռեգուղոս ողջանդամ կայր մնայր 'ի
 հայրենիսն : Եւ զի զայդ ոչ օգտակար վարկաւ հայ-
 րենեաց , վասն որոյ համեստ համարեցաւ ինքեան զայն
 ամենայն անցս կրել և զարգարանս : Իսկ զոր ասենն ,
 թէ որ ինչ կարի օգտակար իցէ՝ այդ լինի և համեստ ,
 պարտ էր մանաւանդ ասել . արդէն իսկ է , և ոչ եթէ
 լինիցի : Եւ ամեն զի չիք ինչ օգտակար՝ որ ոչ համեստ
 իցէ . և ոչ եթէ վասն զի է օգտակար՝ համեստ գտա-
 նի , այլ զի է համեստ՝ գտանի և օգտակար :

Եւ . Ս . Եւ ամեն որոյ բազմապատիկ օրինակս անդ դը-
 ժուարաւ որ գտցէ և գովելի և գերապանծ քան զայս
 օրինակ : Եւ ի կարգի անդ բովանդակ գովութեան

Հոգեզուղեաց այս մի ինչ է զարմանալոյ արժանի, զի լաւ
համարեցաւ պահել զգերեալսն : Բանգի այն զի ինքն
յետս դարձաւ՝ զարդիս մեզ զարմանալի երևի . այլ
զայնու ժամանակաւ չկարէր այլ ազգ ինչ առնել . վասն
որոյ այս զովութիւն ոչ մարդոյն է՝ այլ ժամանակին :
Օ ի ոչ զայլ կապ անխզելի՝ ի հաստատութիւն հաւա-
տարմութեան կամեցան ունել նախնիք մեր քան զեր-
դումն : Օ այս յայտ առնեն օրէնք ժԲ տախտակաց . ըզ-
նոյն և նուիրական անուանեալքն . զնոյն և դաշինք ուի-
տից՝ որովք և ընդ Թշնամին պահի հաւատարմութիւն .
զնոյն յանդիման առնեն ծանօթութիւնք և զննութիւնք
համարակալաց, որք ի վեր քան զամենայն իննամով առ-
նէին զդատաստանս երդանն :

Օ Զ. Մանլիոս զորդի Լէդոսի ի ժամանակին յո-
րում՝ էր դիկտատոր ի դատ կոչեաց Մ. Պոմպոնիոս
տրիրոն ժողովրդեան . զի յաւելեալ էր նորա սպանել
անձին առուրս սակաւ ի վարել զգեկապութիւն .
մեղադիր ևս լինէր նմա, զի զորդին իւր զնորա տա-
տոյ Տորկուատոս կոչեցաւ, տարագրեալ ի նորա տուն,
պատուիրեալ էր զիւղաբնակ լինել : Լէդոս իւր ևս
որդին երիտասարդ եթէ ամբաստանեալ է հօգի իւր,
փութացաւ եհաս ի հռովմ՝ որպէս ասեն, և ընդ այգն
եկն ի տուն Պոմպոնիոսի . որում իբրեւ ազդեղեւ, քան
զի համարեցաւ՝ Թէ նա առ զայրոյթ սրտին ընդդէմ
հօրն չարախօսութիւն ունի մատուցանել, յարեալ ի
մահձացն և միայն ընդ միտն հրամայեաց զալ սպանել
նոյն առ ինքն : Իսկ նա իսկ և իսկ ընդ մտանեւն մեր-
կացեալ զսուսեր՝ երդուաւ անդէն սպանանել զնա ե-
թէ ոչ երդումն տայցէ ինքեան զանց առնել զհարբ իւ-
րով : Երդուաւ Պոմպոնիոս՝ առ ահին բռնադատեալ :
Իպա զիրոն առ ժողովուրդն եհան, և յայտ արար Թէ
զիարդ հարկ է ինքեան յետս կալ ի դատէն . և արձա-
կեաց զՄանլիոս : Եւսչափ հօգի էր երդումն զայնու
ժամանակաւ : Եւս այն Տիտոս Մանլիոս է, որ առ Լե-
նիենաւ կորզեալ զմանեակ Վաղդիացոյն՝ զոր սպան
հրաւիրեալ ի նմանէ՝ ի մարտ, և զանուն ընկալաւ Տոր-
կուատոս, այս է մանեկաւոր : Ի սորա երրորդ հիւպա-
տոսութեան Լատինք խորտակեցան և հալածական ե-
ղեն առ Սեսերաւ : Եւս մեծ ընդ առաջինս . որ որչափ

անյիշաչար գտաւ առ հայրն, նոյնչափ և խստիւ անաչառ առ որդին :

ԼԲ. Ե՛ւ զոր օրինակ Հռեգուղոս գովելի գտաւ 'ի պահել զերգումն, սոյնպէս տաճնէքին նոքա, զորս յետ կաննեան պատերազմի երդուեալս արձակեաց Լ'նիբաղ առ ծերակոյտն, զի թէ ոչ կարասցեն հաւանեցուցանել զծերակոյտն վասն դարձուցանելոյ զգերիս՝ ինքեանք դարձցին 'ի բանակ անդր՝ որում Պենացիք էին տիրեալ, ստգտանաց են արժանի՝ եթէ ոչ դարձան. զորոց ոչ ամենեքին միօրինակ պատմեն : Վ'անդի Պողիբիոս քաջ պատմադիր գրէ՝ թէ 'ի տասանց ազնուական արանց որք յայնժամ առաքեցան, ինունքն դարձան՝ չեղեալ զամագիւտ խնդրոյ իւրեանց առ 'ի ծերակուտէն. իսկ մին 'ի տասանց յետ սակաւ պահու ելիցն 'ի բանակէ՝ յետս դարձեալ որպէս թէ մոռացեալ իցէ ինչ, եկաց մնաց 'ի Հռովմ : Եւ ամս զի դարձին 'ի բանակ անդր՝ ազատեալ յերդմանէ զանձն ասէր լինել. այլ թէ ուղղութեամբ. քանզի խաբէութիւնն ոչ լուծանէ, այլ պնդէ զերդմնազանցութիւն : Եւ պայտէր անմիտ խորամանկութիւն՝ խեղաթիւր կերպարանեալ զխոհեմութիւն : Յաղաքս որոյ վճռեաց ծերակոյտն, զի ուխտադրութն այն խաբեբայ՝ կապանօք տարցի առ Լ'նիբաղ :

Ե՛ւ այն է պրանչելի՝ զի ութ հազար արանց ունէր Լ'նիբաղ առ իւր, ոչ 'ի ճակատու ձերբակալեալս, և ոչ 'ի մահուն վտանգէ խուսափեալս, այլ թողեալս 'ի բանակի 'ի Պաւղոսէ և 'ի Սարդոնէ հիւպատոսաց :

Օսոսա ոչ պարտ վարկաւ ծերակոյտն ազատել փրկանօք, մինչ դիւրաւ կարող էր զայդ առնել սակաւ դրամովք. որպէս զի տպաւորեսցի 'ի միտս զօրաց մերոց կամ յաղթել կամ մեռանել : Օայն լուեալ՝ բեկաւ լուծաւ սիրտ Լ'նիբաղայ, ասէ մատենագիրն, զի ծերակոյտն և ժողովուրդն Հռովմայ 'ի վիշտս անդ ձախողակս այնպէս վեհանձն երեւցաւ : Եւ յայնժամ յաղթին առաջի համեստութեան երեւալքն օգտակարք :

Իսկ Լ'կիզիոս՝ որ յունարէն գրեաց զպատմութիւնն, բազումս ասէ լինել զդարձեալսն 'ի բանակն նովին խաբէութեամբ ազատանալոյ յերդմանէն, զորս դատաւորքներոյ արկին ամենայն վատանունութեան : Եւ ախ

Ճան տացուք այսք բանից . քանզի քաջարայտ է թէ չեն
օգտակար . զի գործեալքն ամենայն վատ , նուաւստ , մեղկ
և սրտաբեկ ոգւով են ապիրատ , զտրշ և անպատեհ ,
որպէս լինէր և Հռեգուղին գործ , եթէ կամեցեալ էր
նորա 'ի տան մնալ , կամ դատաւտան արարեալ զգե-
րեաց յօգուտ անձին և ոչ հասարակաց տէրութեան :

140. Ս'նայ մեզ մասն չորրորդ , որ հայի 'ի վայելչու-
թիւն , 'ի չափաւորութիւն , 'ի պարկեշտութի , 'ի ժուժ-
կալութիւն և 'ի բարեխառնութիւն : Ս'ըդ միթէ մար-
թի լինել օգտակար այնմ՝ որ հակառակ իցէ պարու
այդպիսեաց և այսքանեաց առաքինութեանց : Ս'պաքէն
Ս'ըիստիպպոսէ Լիւրենեանք և Ս'նիկերեանք ա-
նուանեալքն փիլիսոփայք՝ զամենայն բարի 'ի հեշտու-
թեան համարէին , և զառաքինութիւնն յայն սակս գո-
վելի համարեցան՝ որպէս թէ իցէ հեշտացուցիչ սրտի :
Ս'սոցա շիջանէն յառնէ Եպիկուրոս՝ նորին գողցես վար-
դապետութեան սատար և յառաջեցուցիչ : Ս'նդ սոսա
ամենայն ճգամք պարտ է մրցիլ՝ եթէ կամք իցեն պա-
հել և պահպանել զհամեստութիւն :

Օ ի եթէ ոչ միայն օգտակարութիւն , այլ ողջոյն
իսկ կեանք երանութեան հաստատեալ է՝ որպէս Ս'ե-
տրիդորոս գրեաց , 'ի հաստատուն բարեկեցութե մար-
մնոյ և 'ի յոյս աւիակալութեան այդր բարեկեցութե ,
այդ օգտակարութիւն , և այն ծայրագոյն՝ որպէս ին-
քեանք վարկանին , դիմամարտ գտանի համեստութե :
Ս'անզի առ ինչ զառաջին տեղին տացուք խոհեմու-
թեան . միթէ առ 'ի խնդիր չըլել քաղցրութեանց յա-
մենայն կողմանց : Ս'հ քանի թշուառ ծառայութիւն է
առաքինութե՝ սպասաւորել հեշտութեան : Ս'ս զինչ
պաշտօն խոհեմութե . միթէ քաղել իմաստութեամբ
զհեշտութիւն : Համարեաց եթէ չիցէ այլ քան զայդ
ախորժական . այլ զինչ քան զայդ անպատեհ մարթ է
զմտաւ ածել : Ս'թէ ծայրագոյն չար զգաւն գրեցէ ,
զինչ տեղի ունիցի առ նմա արիութիւնն , որ է արհա-
մարհութիւն ցաւոց և աշխատութեանց : Օ ի թէպէտ
և 'ի բազում տեղիս՝ որպէս և աստանօր , արիաբար իմն
գողցես խօսի Եպիկուրոս զցաւոյ , բայց չէ պարտ խն-
դրել թէ զինչ ասիցէ , այլ թէ զինչ 'ի ճահ է նմա ա-
սել , որ հրաբին 'ի հեշտութեան սահմանեաց , և զգարն

'ի ցաւս : () որ օրինակ եթէ ունին եղից նմա 'ի ճառել անդ նորա զժուժկայութենէ և զբարեխառնութէ, բազում ինչ 'ի բազում տեղիս ասէնա . այլ ըստ առակին՝ ջրով ամրացուցանէ : () ամա զի զիմորդ կարող է գովել զբարեխառնութիւն՝ նա որ զճայրագոյն բարին դնէ 'ի հեշտութեան . քանզի բարեխառնութիւն թրշնամի է անառակութեանց . իսկ անառակութիւնք՝ արբանեակք հեշտութեան :

() ակայն և այնպէս յերիս յայտոսիկ ազգս՝ որպէս և զիարդ մարթին, խորամանկութեամբ թիկունս աստանդէն : () խոհեմութիւնն 'ի ներքս մուծանեն՝ իբրև գիտութիւն մատակարար հեշտութեանց և վանիչ ցաւոց :

() արիութիւնն անգամ իւիք օրինակաւ ծառայեցուցանեն՝ սահմանելով զայն լինել գործի անփոյթ առնելոյ զմահուամբ և կրելոյ զցաւս : () զբարեխառնութիւնն գլխովին 'ի մէջ առնուն, թէպէտ և ոչ դիւրաւ յաջողէ նոցա, բայց որպէս և զիարդ կարողասցին . զի ասեն՝ թէ գերազանցութիւն հեշտութեան բացբարձմամբ ցաւոյ սահմանի : () ըդարութիւնն մնայ յերերի, մանաւանդ թէ անկեալ դնի . նոյնպէս և ամենայն առաքիւնութիւնք երևեալք 'ի միաբանութեան և յրնկերութեան ազգի մարդկան : () ի ոչ բարութիւն, ոչ ազատականութիւն, ոչ առատաձեռնութի, ոչ ինչ ընդհատ 'ի բարեկամութենէ մարթին լինել՝ եթէ ոչ ըստ ինքեան ըղձալի իցեն այսոքիկ, այլ առ հեշտութիւն և յօգտակարութիւն պարտ է պատշաճել :

ԼԴ. Ի սուղ բանիս ամփոփեսցուք որպէս ուսուցաք, եթէ չիք ինչ օգտակարութիւն որ հակառակ կայցէ համեստութեան, սոյնպէս զամենայն հեշտութիւն հակառակ զոլ ասեմք համեստութեան : () այնչափ առաւել կշտամբութեան արժանի դատիմ զՎախիփոն և զՎինոմարոս, որչափ զի սոքա լուծանել զկնձիւն կարծեցին՝ ընդ համեստութեան զօղեալ զհեշտութիւն, որպէս թէ ընդ մարդոյ զանասունն : () ընդունի զայդ պիսի շողկապ համեստութիւն, այլ գարշի և 'ի բաց վանէ : () չէ մարթ վախճանի բարեաց և չարեաց, որ պարտի պարզ լինել, յանմանեաց խառնել բարեխառնի :

() Եւ զայսմանէ, քանզի ոչ փոքր ինչ է, ապաք բազ-

մօք . այժմ 'ի նպատակ անդր ակնարկեսցուք : Արդ թէ որով օրինակաւ արժան իցէ ընտրութիւն առնել ի ըսացդ , ուր ուրեք օգտակար երևեալն հակառակ գտանիցի համեստութեան , ըստ բաւականին ճառեցաւ վերագոյնդ : Ապա եթէ և զկերպարան օգտակարութեան ունել կարծեսցի հեշտութիւն , չմարթի լինել ինչ զօգաւորութիւն ընդ նա և ընդ համեստութիւն : () Ի առ շնորհել ինչ մի հեշտութեան՝ զոգ իբրև համեմ ինչ , այլ օգտակարութիւն անշուշտ ունի և ոչ մի :

Ապա զիկ քեզ , Սարկոս որդեակ , առ 'ի հօրէ ընծայ , և այն ըստ իմումն բանի՝ մեծ . այլ այնպիսի իցէ զի ընդունելի քեզ լիցի : (Ժ) Կէտ և երեք այս գիրք 'ի կարգի դասուց Արատիպակայ՝ իբրև հիւրք արժանիք հիւրընկալութեան գտանին , այլ զոր օրինակ եթէ իմ անձամբ եկեալ էր յԱթէնս , զոր և առնէի իսկ՝ եթէ ոչ 'ի կէս ճանապարհէ բարձրաբարբառ զիս յետս կոչէին հայրենիքս , առ ժամանակ մի և ինձ լսէիր , դարձեալ և այսպէս քանզի մատենիւքս առ քեզ մատեալ իմ ձայն , ծախեա և 'ի սոսին զժամանակ ինչ ըստ կարի . և կարողասցիս՝ որչափ և կամեսցիս : Այլ յորժամ ծանեայց եթէ ուրախ լինիս դու ընդ այս ազգ գիտութեան , յայնժամ և բերան 'ի բերան խօսեցայց ընդ քեզ հուպ ընդ հուպ , որպէս յուսամ , և 'ի հեռաստանէ՝ յորժամ մերձ ոչ իցես : Այլ արդ կեցցես ինկերոնդ իմ , և կալ 'ի մոտի՝ թէ սիրելի ես ինձ յոյժ յոյժ . այլ ևս քան զևս սիրելի լիցիս , եթէ խրախամիտ գտանիցիս ընդ այսպիսի արձանագրութիւնս և պատուիրանագրութիւնս :